



Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտերծագործական համայնքներ ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial 3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material




18578

18579

18580

291.00

5-14



# ԱՐԱՔՍԻԱ

Կ Ո Մ

Վ Ա Ր Ժ Ո Ւ Յ Ի Ն

Գ Ր Ե Ց

ՍՐՔՈՒՀԻ ՏԻՒՍԱՔ

.....

Հ Ր Ա Տ Ա Ր Ա Կ Ո Ղ,


ԲԻԻԶԱՆԴԵԱՆ ԳՐԱՏՈՒՆ

معارف عمومیہ نظارت جلیلہ سنک رخصتیہ طبع اولمصدر

Կ ՊՈԼԻՍ

Ի Տպարանի «Արեւելք» Օրագրոյ

—1887—



391.99

այ

# ԱՐԱՔՍԻԱ

Կ Ա Մ

## ՎԱՐԺՈՒՅԻՆ



Գ Ր Ե Ց

### ՍՐՔՈՒՀԻ ՏՔԻՍԱՔ

.....

ՀՐԱՏԱՐԱԿՈՂ

### ՔԻՒՋԱՆԴԵԱՆ ԳՐԱՏՈՒՆ



معارف عومية نظارت جلیه سنک رخصتیه طبع اولتشددر



Կ. ՊՈԼԻՍ

—

ի Տպարանի «Արեւելք» Օրագրոյ

—1887—

2985

U. S. G. O. U. S. G. O.

U. S. G. O. U. S. G. O.

U. S. G. O. U. S. G. O.

7522.57



Հեղինակին ստորագրութիւնը չ'կրող օրինակ-  
ներն անվաւեր են •


*Արմենիա Մ. Բ. Կ.*



Ան սիրեցեալդ իմ Տօռին .

Դո՛ւստր իմ , քեզ կը նուիրեմ այս երրորդ եւ  
 գուցէ վերջին երկս . Տղայ հասակէդ սկսէ սի-  
 րել զաշխատութիւն՝ իբրեւ զԱրաքսիա . լու-  
 սաւորէ՛ միտքդ միշտ , կոխէ՛ աներկիւղ ընկե-  
 րական նախապաշարմանց վրայ , լե՛ր արդար  
 սկզբանց պաշտպան , բարեկամ տկարին , թըշ-  
 նամի գողոզին . Լե՛ր դու , քեզմով եւ սեռիդ  
 արժանապատուութեամբը . բարոյապէս գոյն  
 մ՛ունեցիր , ու այդ գոյնով ապրէ՛ մինչ ցվերջ  
 կենացդ . Յայնժամ պիտի գտնեմ ի քեզ փո-  
 խարինութիւնն այն անբաւ մայրենի սիրոյն զոր  
 ձօնած եմ քեզ , զաւակդ իմ սիրելի :

ՍՐՔՈՒՀԻ ՏԻՒՍԱՐ



# ԱՐԱՔՍԻԱ

Կ Ա Մ

Վ Ա Ր Ժ Ո Ւ Ն Է Ի Ն

Գ Լ Ո Ւ Ն Ս Ա

188 . . . տարուան Բարեկենդանի օր մ'էր :  
Բերայի փողոցաց մէջ տարօրինակ շարժում կար :  
Անհամար դիմակներ խումբ խումբ կ'անցնէին  
զիրար ընդհարկանելով, իրարու գրգռիչ խօս-  
քեր ուղղելով, խնդալով, գլորելով, երգելով,  
ճիչեր արձակելով :

Բարեկենդանը կարծես մասնաւորապէս կար-  
գադրուած է ի տիտիանո ընկերային խոնարհա-  
գոյն դասուց , որպէս զի իրենց աննպաստ վի-  
ճակը ճանաչելով անոնք ջանագիր լինին ուրա-  
նալու զայն , պահուելով վայրիկ մի այլ և այլ  
զգեստուց ներքեւ , և առժամանակեայ տարբեր  
վիճակ մի փոխ առնելով՝ ուրիշ անձնաւորութիւն  
մի ձեւանան , և այսպէս իրենց ազբատութիւնն  
ու գժբազդութիւնը մոռնան կեղծ երանութեան  
դիմակին ներքեւ : Ուստի Բարեկենդանի նիւթա-  
կան կատակերգութեան մէջ բարոյականի կա-  
տակերգութիւն մ'ալ կը գոյանայ , այնչա՛փ մար-  
դիկ իրենց եղածէն այլ և այլ տարբեր երեւոյթ-  
ներ կը ներկայեն :

Եթէ նոյն պահուն և սահմանեալ ժամանակի համար միայն աղքատն իւր տխուր վայրկեանները կը մտնայ կենդանութեան և խրախճանաց հոսանքէն մղեալ, հարուստը կենաց ճոխ միօրինակութիւնը կը ճգնի ընդհատել, իւր ձանձրոյթը փարատել, և պարապոյ նեղանալի ժամերը գոնէ ձայնիւ, աղմկով, նուագարանով, հացկերոյթով, պարով, շարժմամբ և տարօրինակ կենդանութեամբ զբաղեցնել:

Մինչ փոխ առնուած անշուք զգեստուց ներքեւ աղքատը իւր չքաւորութիւնը կը ծածկէ, ինչպէս և դէմքը կ'սքողէ կեղտոտ դիմակի ներքեւ, նոյն միջոցին գեղեցիկ տիկնայք, փայլատակող աչօք, գոհ իմն կերպարանօր զօր կ'ազդէ իրենց դիմական շնորհաց գիտակցութիւնը, և հանդերձեալ զուարճութեան մօտալուտ յուսով, այլ և այլ խանութներ կը խոնին. մին ծաղիկ մի կը դնէ, միւսը մետաքսեայ կերպասներ, երրորդ մի՝ ծպտուելու զարդեր, և չորրորդ մի՝ դիմական աղքատութիւնը ծածկելու և կամ շքեղութիւններն աւելցնելու արուեստական միջոցներ որոնելու համար, երեկոյթի և կա՛մ այլ և այլ ազգային ու տարազգային պարահանդէսից մէջ փայլելու ու զոհեր ընելու տրամադրութեամբ:

Հո՛ւ՝ որմին վրայ կպած Ազդ մի՛ նոր հան-, դէս մի, նոր զուարճութեան աղբիւր մի կ'աւետէ յագեցած հարուստին: Հո՛ն, նոր թատերական ներկայացում մի կը խոստանայ գրգիռ տալ հիւժեալ ու մաշած կրից և զգացմանց: Երրորդ Ազդ մի՛ վիճակահանութիւն մի կ'իմացնէ ճակա-

տագրին զորից ի նպատ : Այդ հանդէսին մէջ  
բազմաթիւ չքնաղ և շնորհալի տիկնայք իրենց  
սրտին գանձուց վսեմ թելադրութեանց անսա-  
լով՝ ժպտով , քաղցր բառով , ազնուական և քըն-  
քոյ ձեւով ի պայքար կը մտնեն զիրար գերա-  
զանցելու յօժարութեամբ , ի պէտս թշուառաց  
ստուարացնելու համար այն լուսաներն որք հա-  
րուստին գրպանէն պիտի ելնին , և կամ զթոտ  
սրտերէ պիտի բղխին :

Երկնային է արդարեւ կնոջ նազանքը՝ երբ  
այն կը ծառայէ աչքէն լեզի արտօսք մի ջնջելու ,  
անօթութենէ ծնած հառաչք խափանելու , և  
կամ մայրենի սիրտը կրծող վիշտը թեթեւցնե-  
լու : Յայնժամ զթութիւնը գեղեցկութեան ու  
շնորհաց ներքեւ անձնաորեալ կ'ապաստանի :  
Գթութիւնն անթառամ ծաղիկ մ'է որ կը ծլի  
մարդկային՝ մանաւանդ կնոջ սրտին արտին մէջ :

Մինչ ուրեմն ամեն կողմ գոհունակութեան  
աղմկալից ձայներ , շաշուէն կառաց , շարժում  
և երթեւեկութիւն կային , ընդ հակառակն Բե-  
րայի առանձնացեալ ու անշուք փողոցի մէջ ե-  
րեք փողրիկ սենեակներէ բաղկացեալ կիսաւեր  
տան մի մէջ՝ արտասուաց ու հառաչանաց բա-  
րեկենդանը կը տօնուէր :

Ո՞վ սրտածմլիկ հակապատկեր կենաց . մերձ  
այնչա՛փ խնդութեան ու խրախճանաց՝ այնչա՛փ  
սուգ և յուսահատութիւն :

Այդ տնակին մէջ կը բնակէր տարաբաղդ  
Վարսամեան ընտանիքը՝ երեք անձերէ բաղկա-  
ցեալ : Հայր մի կաթուածահար՝ ոչ այնչափ ամաց  
բեռէն ճնշուած , որքան բաղդին հալածանքէն :

Այդ մարդը բարեխիտ , զգայուն և քաղցրասրտայ էր , բայց մտաւորական կարողութեամբ սովորական կարգի անձերէն շատ վեր չէր բարձրանար : Փառք գործունէութեան ու խնայողութեան՝ յաջողած էր գոհացուցիչ հարստութիւն մի հաւաքելու : Բայց զայն կրկնասպառնակելու տենչն զրդեց զՊ. Վարսամեան՝ Պորսայի խաղերուն զիմել : Մեծամեծ յոյսերով մտաւ նա յայդ գրամական վայր անիծից՝ ուր մէկ վայրկեանի մէջ ահագին հարստութիւնը կը քայքային , և ուսկից ընչաւէտը դուրս կ'ելնէ կատարելապէս աղքատ՝ հոգւոյն մէջ մահը կրելով . և յայնժամ նա իւր անգորրաւէտ ընտանիքը ճոխութեան և առատութեան մէջէն հանելով՝ յանկարծ կը գահավիժէ զայն զրկանաց և անօթութեան գոգը :

Նոյն տխուր բախտին վիճակուեցաւ և Պ. Վարսամեան , յոյսերը վշրուած , քսակը սպարպուած , սպարտաւորեցաւ ունեցածները վաճառել սպարաքերը գոցելու համար . և այսպէս զիւր ընտանիք մատնեց կատարեալ աղքատութեան , ինչպէս և զիւր անձ անգործութեան՝ կաթուածահար լինելով յուսահատութեանն սաստկութենէն :

Բայց ինչ որ Պ. Վարսամեանի վիշտը կը զայրացնէր՝ այն գաղափարն էր որ կնոջը մերձաւոր ազգականաց մին , ի մահիճ մահու , իրեն յանձնած էր իւր որբ որդւոյն նիւթական շահուց վրայ հսկելու նուիրական պաշտօնն . և ահա պատանեկին հարստութեան մէկ մասը կ'ոչնչանար Պորսային մէջ երբ ինքն ի կորուստ կը դիմէր : Սակայն գումարին մեծագոյն մասը ազատելու



յաջողելով, Պ. Վարսամեան փութացած էր յանձնել զայն Սիսակ երիտասարդին որ ի Փարիզ կը գտնուէր նոյն պահուն՝ ուսմունք առնելու համար, և որ հարկ եղած տարիքն ունէր իւր շահուց վրայ ինքն անձամբ հսկելու համար վերջապէս :

Իսոյց այդ տառապելոյն կիւնը թէեւ ազբատութեան զուակ էր այլ մեծ ամիտ և ամբարտաւան բնութիւն մ'ունէր : Աւստի յուսահատութեամբ կը մաշէր առանց համակերպիլ ուղեւորայն տխուր վիճակին որ դէպքերը պատրաստած էին իրեն : Ոչ ամուսնոյն դժնդակ դիրքը, և ոչ ալ աղջկանը տառապելի կացութիւնը կարող կը լինէին յաղթել իւր գոռոզութեան, և զրդել զինքը աշխատութեան մէջ ապրուստի միջոց մ'որոնելու :

Իսկ այս երկու ամուլից դուստրն՝ Արաքսիա, կարծես շնաշխարհիկ ծաղիկ մ'էր որ օդէ և լոյսէ զրկուած տեղւոյ մի մէջ կը բողբոջէր գեղանազ և կը բուրէր անոյշ :

Բնութեան հրաշալեաց մէջ ընտրեւագոյնն է կոյսն որ գեղով ու պարկեշտութեամբ կը փայլի : Արք Արաքսիա կը նայէր՝ աչերէն արեւ կը ցօլար . իսկ երբ կը ժպտէր՝ կարծես թէ շրթունքը կսկոն մ'էր որ ի լոյս կը բացուէր : Իսկ զըլուխը ծռած սեւ երկայն մազերն երբ կուրծքէն վար կը կախուէին, կարծես թէ սգոյ արձան մ'էր տխուր ուսնեօք սքողեալ, ա՛յնքան իւր ճերմակ կանոնաւոր գծագրութիւնը այդ մութ շրջանակէն առուել պայծառ դուրս կը ցայտէր : Արք կոյսն կը բայէր՝ թուէր թագուհի մի որ կ'ընթանար ի գահակալութիւն սրտերու, այնչափ

իւր բարձր հասակը յինքն ունէր վսեմ պարզութիւն :

Արանչելի ինչ է ըստ ինքեան գեղեցկութիւնը . բայց կրկին յարգ կ'ստանայ այն՝ երբ կինը կ'անդիտանայ իւր առաւելութիւնը և կը ներկայանայ զուտ պարզութեանը մէջ , առանց արուեստական սեթեւեթի խօսքերու , շարժմանց և նայուածոց , ինչպէս որ էր մեր օրիորդը : Բայց որպէս զի նա բնութեան կատարեալ հրաշալիք լինէր , օժտուած էր խելքով և սրտով նաեւ , ինչպէս և զօրաւոր կամքով . իրեն համար ուզելը՝ կարենալ էր :

Իականեր կան որք դաստիարակուած կը ծնանին կարծես . հետեւաբար մտաւորական կամ բարոյական որ և է խնամք այնպիսի զարմանալի արդիւնք կ'արտադրեն այնպիսեաց վրայ որ անհամեմատ կերպիւ կը դերազանցեն չափն իրենց մատակարարուած խնամոց :

Արարսիայի ծնողքն՝ երբ տակաւին իրենց նիւթական կարողութիւնը կը ներէր , ջանադիր եղած էին տալ իրենց դստեր այն դաստիարակութիւնը որ սովորական ինչ եղած է արդի ժամանակ , այսինքն ոչ թէ միտքը ստուգապէս ճոխացնելու նպատակաւ , այլ ըսկ արտաքին զարդմի տալու համար : Հայերէն դրել և կարդալ չափաւորապէս , նոյնպէս և դաղձիկերէն՝ այդ բաւական համարուած է ի մեզ պանծալու համար թէ օրինաւոր դաստիարակութիւն մի շնորհուած է օրիորդի մի :

Բայց ոչ այնպէս մտածեց Արարսիա , զի անոր խոհուն միտքը անյադ էր ուսման մասին :

Գիտութիւնը հանք մ'էր իրեն համար որ հետըզ-  
հետէ անոր խաւերը պեղելով եւս բան զեւս  
կ'ուզէր խորն իջնել . ու որչափ խորը թափան-  
ցէր՝ նոյնչափ կը ճգնէր յառաջ երթալ, մերձե-  
նալ գիտութեան անյատակ յատակին որ շարու-  
նակ խոյս կուտար իրմէ :

Յետ աւարտման մայրենի լեզուին հետեւե-  
ցաւ դաղզիւրէնին, օգնութեամբ գիտուն դա-  
սատուի մի որ ուսման ովկիանը կը ծաւալէր ա-  
նոր հետաքրքիր մտաց առջեւ : Սրիորդն ուսում-  
նասիրեց մանաւանդ հին և նոր փիլիսոփայու-  
թիւնը . բաղդատեց, քննեց, մտածեց, և վեր-  
ջապէս այդ ընթերցումն նպաստեց իրեն, փո-  
խանակ բոլոր հաստատուած սովորութեանց, կար-  
ծեաց և նախապաշարմանց կուրօքէն հետեւե-  
լու, ինքնիրեն ազդու կամք մը գոյացնելու և  
այլոց վրայ ներգործելու : Գծեց անձին շաւիղն  
ուր պիտի ընթանար . մտածելու և գործելու ա-  
զատութիւնն ուզեց ունենալ, և նոյն ազատու-  
թեան մէջ սակայն արժանապատուութեամբ վեր  
կանգնիլ իրր կին առաքինի, և անգոսնել ընկե-  
րային դաճաճներն որք յօրիորդս կը պարսաւեն՝  
մտածելու, խօսելու և սրբութեամբ սիրելու ա-  
զատութիւնն, բանի որ մարդս ազատութիւն  
և սէր վայելելու համար ծնած է :

Արարսիա կ'ուզէր բնութենէն շնորհուած ի-  
րաւունքն պահել անձին . կ'ուզէր օգտակար ան-  
հատ մ'ըլլալ՝ առանց իրր լոկ ընկերային զարդ-  
հանդիսանալու . թէեւ մօրը հետ հակապատ-  
կեր մի կը ձեւացնէր կարծեաց և զգացմանց մա-  
սին, սակայն առանց բնաւ վհատելու կը մրցէր

մօրն ընդդէմ և անդեդեւուն քայլիւք կը յարա-  
տեւէր նոյն շաւղին մէջ որ գծած էր ինք-  
զինքին:

---

ԳԼՈՒԽ Բ.

Ոչինչ այնչափ մարգա կը ճմլէ որչափ ուրա-  
խութեան ձայները յուսահատութեան մէջ: Հո-  
գին կ'զգայ տարբերութիւնն այն որ կը տիրէ  
գոհ էակաց և իւր նսեհ վիճակին մէջ, և այդ  
բազդատութիւնն առաւել եւս ցաւոց բեռը կը  
ծանրացնէ:

Բարեկենդանի երկարածիզ վանկերը երբ  
Վարսամեան ընտանեաց ականջը կը հասնէր՝ ի-  
րենց հոգւոյն վէրքն առաւել եւս կ'արիւնէր: Մէն  
մի հառաչ սրտի՝ փոխանակ յազատօրէն  
դուրս ելնելու դոյզն սփոփանք պատճառելով,  
ընդհակառակն իւր ընթացքին մէջ կ'իստատ մնա-  
լով յետս կ'ընկրկէր, և այն հառաչը՝ իբր շիթ  
տառապանաց, սրտին վրայ սառելով անոր շար-  
ժումը կը դանդաղեցնէր:

Զգայուն հայրը կը լսէր այդ խրախճանաց  
հնչիւններն, և ցաւալից ակնարկ մի կը նետէր  
իւր սիրելի դստեր վրայ, որուն ոչ միայն ու-  
րախութիւն չէր կրնար պատճառել այդպիսի ու-  
րախառիթ տօներու միջոցին, այլ և նոյն իսկ  
սեղանի պարզ խնջոյք մի անկարող էր մատակա-  
րարել անգամ: Գորովագուրթ հայր մի առ ոչինչ  
կը համարի իւր ցաւերը, ամեն բանի կարող է  
համբերել, միայն թէ իւր սիրոյն ծնունդը զերծ  
մնայ վշտերէ և զրկմանէ:

Պ. Վարսամեան իբր յանցաւոր կը նայէր կընոջը , և իբր թէ ինքն կամաւոր պատճառ լինէր իրենց թշուառ կացութեան , ոչինչ կը համարձակէր ըսել և ոչ իսկ ողբալ բացարձակապէս : Ինքն իրեն կը հիւժէր , և դատերը սիրոյ նայուածքին և գուրգուրալից խնամոց մէջ կը գըտնէր մխիթարութիւն , մանաւանդ այն դառն պարագայից մէջ որք հետեւանք էին կնոջը կծու յանդիմանութեանց :

Կան այնպիսի կանայք որք գողցես կ'ուզեն բազդակից լինել իրենց ամուսնոյն բարեբաւտ աւուրց , և չեն ներեր որ և է գժբազդութիւն ուսկից իրենք բաժին պիտի ունենան : Իբր ընտանեաց սատան սրտմտութիւն և դառնութիւն կը շնչեն , և գժգոհութեան թոյն կ'արձակեն իրենց շուրջը :

Այդ կարգի կանանց կը վերաբերէր և Տիկին Վարսամեան : Հակակրութեամբ կը նայէր ամուսնոյն առանց ի նկատ առնելու այդ հէքին թշուառ կացութիւնը : Նա մանաւանդ այդ հակակրութիւնն առաւել եւս կ'արժարժէր հաստատելով իւր անկարողութիւնը զաւելին մատակարարելու կենաց անդորրն ու շքեղութիւնը : Տիկինը եթէ անսիրտ ամուսին էր , ընդհակառակն մայր էր գորովագութ :

Կինը շատ հակառակորդներ , թնամիներ , զրպարտիչներ ունեցաւ . բայց ո՞վ արդեօք համարձակած է մօր սուրբ անունը սրբապղծելու : Կինը ամբողջ իւր սիրտն ու հոգին մայրենի զգացման մէջ բովանդակած է , այսինքն իւր էութիւնը ուրիշ փափուկ էութեան մէջ անփոփած

է, և անով վսեմ անձնուրացութեան պատկերը հանդիսացուցած է: Անոնք որ չար մայրեր են պարզապէս մայրութեան ճիւղներն են, անարժան ծեր սրբազան անունը կրելու. հրէշներ են սոսկ որք կը յղանան և ծնունդ կուտան:

Տիկին Վարսամեան կը լսէր ցնծութեան ազազակները փողոցին մէջ, և անոնք նոյնչափ խայթոցներ էին իւր մայրենի սրտին, և նոյնչափ սլաքներ իւր սրտամտութեան: Աննպատակ կերթար կուգար մէկ սենեկէն միւսը յուզեալ կերպարանօք և բայլիւք: Վերջապէս իբր թէ ընկճեալ ցաւոց սաստկութենէն, նստաւ աթոռակի մը վրայ իրենց գրեթէ կիսամերկ սենեկին մէջ ուր բազմած էին այրն ու դուստրն, և աչերը յառելով ազքատիկ սեղանի մը վրայ որ մաքուր բայց հին ճերմակ կտաւով ծածկուած էր, յուսարեկ ըսաւ.

— Արաքսիա՛, ահա՛ և քու Բարեկենդանդ. ահա՛ քեզ մեր արտունջներն և արտասուքը իբր զուարճութիւն և խնջոյք. . . կանգ առաւ, կլէց հեծկլտանք մի, և ապա յարեց. ահա՛ քեզ, դո՛ւստր իմ բիշ մը հաց ու սլանիր, սեղանը ցոյց տալով:

Արաքսիա հօրը բովէն ելնելով ի հապճեալ դէպ ի մօրն ընթացաւ, և ձեռքը բռնելով ու համբուրելով զայն, ըսաւ.

— Մայր, բաւ է ինձ որ դուք ողջ առողջ լինիք և լաւագոյն Բարեկենդան չեմ խնդրեր: Ես երիտասարդ եմ, քսան տարի ապրած եմ տակաւին, կեանքն ինձ համար է, ժամանակ ունիմ վայելելու զայն: Բայց դո՛ւք, մայր իմ, դո՛ւք պէտք ունիք կենաց վայելմանց:

— Զայդ հօրդ ըսէ, որդեա՛կս :

— Մա՛յր, մի՛ ընդ վայր յանդիմաներ հայրս .  
ինքը չեղա՞ւ արդեօք առաջին զոհն իւր տարա-  
պայման վիճակին :

— Թո՛ղ առաւել ւրջամիտ լինէր, և իւր դը-  
րամներն ընդ վայր վտանգի չենթարկեր :

— Բայց, մայրի՛կ, այնչա՛փ գործունեայ և  
կարող անձինք նոյն զժբաղդութեան չհանդի-  
պեցա՞ն արդեօք :

— Թող աւելի դգոյշ լինէր, և խաղի երազոց  
չմատներ իւր հարստութիւնը : Պարզամիտ մար-  
դուն վերջն անշուշտ այս կը լինի : Անոնք որ ան-  
կարող են իրենց ընտանեաց յաջող տպագայ մի  
պատրաստելու զոնէ չամուսնանան և շատ մը ան-  
մեղներ զժբաղդութեան թող չդատապարտեն :

— Սակայն, մա՛յր, փառք հօրս՝ բազմաթիւ  
տարիներ երջանիկ ապրեցանք : Եթէ ինքն ան-  
կարող է արդ մեր ապրուստը հողալու, իմ  
պարտքս է աշխատիլ՝ և ըստ կարողութեանս,  
հանգիստ կացութիւն մ'ապահովել ձեզ :

— Դարձեա՞լ աշխատութեան խնդիրն յա-  
ռաջ կը բերես, Արաքսի՛ա :

— Մի՛ նեղանար, մա՛յր, բայց այս պիտի  
լինի հանապազօրեայ խօսակցութեան նիւթս  
մինչեւ որ թոյլ տաս ինձ մեր առօրեայ ապրուս-  
տը հողալու :

— Յաւօք կը նկատեմ մինչեւ այդ աս-  
տիճանի նուաստանալու յօժարութիւնդ, Արաք-  
սիա :

— Արբ՝ որք երկրային իշխաններ են, կը  
նուաստանա՞ն արդեօք գործելով, մա՛յր :

— Բայց այդ տարբեր խնդիր է, զի արք  
ծնած են իշխելու համար :

— Ուրեմն աշխատութիւնը ոյժ մ'է քանի որ  
անո՞վ գորաւոր եղած է հակառակ սեռը :

— Բայց անոնք մեծ պաշտօններու կիրառու-  
թեամբն է որ մեծ հանդիսացած են, ազջի'կս :

— Աթէ արանց ամենքն ալ բարձր դիրքե-  
րու ձկտէին, որո՞նց արդեօք սահմանեալ պիտի  
լինէին անշուք պաշտօնները, մա'յր : Մարդկու-  
թիւնը սանդուղ մ'է որ ամենէն ստորին աս-  
տիճանէն կ'սկսի մինչեւ ցբարձրագոյնն հասնե-  
լու համար . առաջին աստիճանը արհամարհելի չէ  
քանի որ միւսներուն ներդաշնակութեան կը ծա-  
ռայէ :

— Դո՛ւստր իմ, դո՞ւ կ'ուզես լինիլ ուրեմն այդ  
առաջին աստիճանը ուսկից մարդիկ արհամարհուտ  
բայլիւ անցնին երթան բարձրագոյն կէտի մ'ել-  
նելու համար : Դու ուրեմն կը կամի՞ս անգոս-  
նելի լինիլ, եպերելի լինել, այլոց հրամաններն  
ընդունիլ և անոնց քմահաճոյից խաղալիք լինել :

— Աթէ մտաւորական կարողութիւնքս կամ  
գիտութեանս չափաւորութիւնը զիս համեստ աշ-  
խատութեան կը հրաւիրեն, ինչո՞ւ իմ բուն ար-  
ժէքս ճանաչելով արժանաւորագունից գերազան-  
ցութիւնը չընդունիմ : Ինչո՞ւ կ'ուզես որ նուաս-  
տանամ այլոց հրամանատարութեան ներքեւ լի-  
նելով :

— Չայդ, չգիտեմ, դո՛ւստր իմ :

— Դի՛տէ մա'յր, ամեն աստիճանի պաշտօն-  
ներն պատասխանատուութեան մ'ենթարկուած  
են, նա մանաւանդ գործին կարելորութեան



աստիճանին կը համապատասխանեն մարդկանց ստանձնած պատասխանատուութիւնը : Քաղաքներէն անգամ համար կը պահանջուի . կը տեսնես ուրեմն որ ոչ ուրեք կայ կատարեալ անկասութիւն դիրքի :

— Բայց դու ինչպէ՞ս կը խորհիս . չե՞ս զգար որ եթէ ընտանեաց մէջ դասատուութեան երթաս , ազատնոյ մ'աստիճանին պիտի իջնաս :

— Նախ , մայր , ուսեալ միտք մի որ ուսմունք կը սովորեցնէ , ոչ երբէք կը նուաստանայ :

— Եւ սակայն քանինե՛րն կ'արհամարհեն զայն տրուած թոշակն ի նկատի առնելով :

— Ինչ որ արինաւոր վարձատրութիւն մ'է խղճամիտ աշխատութեան , պատուաւոր է ամեն ժամանակ յաշտ իմաստուն և լրջամիտ անձանց : Իսկ բթամտաց դատողութիւնը կ'անդունեմ , մայր :

— Եւ սակայն ամենքը իմաստուն չեն , և տկարամիտք կը կազմեն մարդկութեան ստուարագոյն մասը :

— Ինչ որ խելացի անձանց հաւանութեան և ծափահարութեան արժանի է , անմտաց հակակրութեան և թշնամանաց առարկայ է ընդ հանրապէս : Քանի որ կա'մ առաջին կա'մ երկրորդ տեսակ մարդկանց ջատագովութեան կամ պարսաւանաց պէտք է վերջապէս ենթարկուիլ , անտարակոյս որ նախապատիւ կը համարիմ գովուիլ յառաջիններէ և չհաւնուիլ երկրորդներէն :

— Բայց չե՞ս մտածեր որ տունէդ դուրս այլուր բնակելովդ ընկերային վիճակդ կը խոնարհի , հետեւապէս՝ եթէ հարկ է որ ազատ-

րէն խօսիմք քեզ, անշուք ամուսնութիւն մի կըրնաս երազել միայն :

— Մայր, չեմ փափաքիր ամուսնանալ ինձ ապագայ մի ապահովելու համար միայն . ես կարող եմ աշխատութեամբս թէ՛ գրեզ և թէ՛ զիս ապրեցնել : Այլ թոյլ տուր ինձ յայտնել քեզ թէ ոչ երբէք բազդակից կը լինիմ անձի մի որ փոխանակ յարգելու զիս, գործելու և աշխատելու տրամադրութեանցս համար ընդ հակառակն կ'արհամարհէ զիս : Այդ պիտի գաղափարաց տէրերն ես կ'այպանեմ, որով անհնարին է ինձ ամուսնանալ այնպիսեաց հետ, մայր :

— Ինչ որ կ'ուզես ըսէ, ես չեմ ներեր որ մեր ընտանեաց անունն իրր վարձկան ստանձնելով՝ տնէ տուն շրջիս :

— Անթուրթենէ կ'ուզե՞ս որ մի մեռնիլ ուրեմն, մայր :

— Մինչեւ ցարդ չմեռանք փառք այն գոյզըն օգնութեան որ մեր բարեկամուհին կը հասցընէ մեզ :

— Նախ, մայր, այդ տիկինը բաւական հարուստ չէ, հետեւաբար անհնար է անոր օգնութեան վրայ փտահիլ միշտ : Երկրորդ՝ մի՛ մտնար թէ ճշմարիտ մուրացկանի դեր կը խաղանք քանի որ դրամ կ'ընդունինք առանց որ և է ծառայութիւն մատուցանելու ի փոխարէն :

— Բայց ո՞վ պիտի իմանայ թէ մենք այլոց օգնութեամբ կ'ապրինք քանի որ այդ տիկինը չի յայտներ զայդ մէկու մի :

— Մայր, ի՞նչ հարկ որ ուրիշները գիտնան երբ մենք գիտենք թէ ապօրինաւոր օգնութեան

առարկայ ենք . մեր խիղճը , մեր արժանապատուութիւնը բողոք չի՞ բառնար արդեօք : Բաժին կ'ունենանք ուրիշ գոյքէն , առանց արգարացի իրաւունք մ'ունենալու , այդ գոյքին վրայ : Պարզեւատու տիկնոջ առջեւ մեր դիրքը նուաստ չէ՞ արդեօք երբ կարող ենք գործելու և կը վարուինք իբր թէ անկար լինէինք : Գու ինքդ դատէ և վճռէ : Յիշէ՛ , որպիսի՛ խոնարհ ձեւ մի կ'առնուս մէն մի անգամ որ մեր բարերարուհին իւր լուման ձեռացդ մէջ կը սպրդէ : Պարզեւատուին փափուկ և ազնուական ընթացքը արդեօք մեր խոնարհիլը կրնա՞յ բողարկել նոյն միջոցին :

---

ԳԼՈՒԽ Գ.

Մինչ այս խօսակցութիւնը տեղի կ'ունենար , ահա ստուար խումբ մի դիմակաւոր մարդկանց որք փողոցէն կ'անցնէին զուարթ աղաղակներով օդը թնդացնելով :

Օրիորդն բնազդ մամբ պատուհանէն դուրս հայելով տեսաւ յանկարծ թէ իւր ընկերուհին ենրէն մին դէպ՛ իրենց տունը կ'ուզուէր , և զայդ փութաց մօրն իմացնելու : Տիկինը յուզուելով ընթացաւ ի հասցնելու դէպ ի սեղանն ուր դրուած էր հացն ու պանիրը , և զանոնք մէջտեղէն վերցնելով ընդ փոյթ՛ զուարթ դիմօք ընդունեցաւ զ՛իւր իւր դատեր :

Սա՛ պարզ ու սիրուն երիտասարդուհի մ'էր , խարտեաչ և թարմ , խօսքերուն և զգացմանց մէջ

անկեղծ : Բաղդն այնչափ իրեն ժպտած էր մանկութենէն ի վեր որ կարծես թէ պէտք չէր ունեցած երբէք ստել կենաց ու մարդկանց : Գոհ կոյսն էր որ լիաթօք կը վայելէ գարունը իւր բուրմունքով և կը հրճուի նորա երգերով ու գոյներով . ինչպէ՞ս և կը վայելէ կեանքն իւր հանդարտ զուարթութեամբ : Միակ զուակ հարուստ ծնողաց՝ նոցա յոյսն էր և յոյսը : Անդորր կենաց և գոհունակութիւն , չափաւոր ձիրքեր մտաց և տաւտ գանձեր սրտի , միշտ զուարթ կերպարանք մի , ահա պատկերացած կը լինիմա սամբ մեր աչաց՝ օրիորդ Վարդանոյշ Երանեան :

Մանկութեան ընկեր Արաքսիայի՝ բարեկամութիւնն աճած էր իրենց հետ : Երբ Վարդանոյշ բացառիկ զուարթ օր մ'ունէր տօնելու առաջին հրաիրեալն Արաքսիան էր : Եւ երբ ստախուր էր , բարեսիրտ կուսին աշխոյժ կերպարանքին վրայ վայրկենական մութ բոզ մի կ'անցնէր :

Հոգի մի որ չէ տառաւած չ'ըմբռներ ըստ բաւականի այլոց ցաւը քանի որ հազիւ անոր մակերեւութին կը հասնի : Մեր գուշակէ նա թէ մէն մի ծալք սրտի վշտով ձեւացած է , թէ փոխանակ լուսատու և հարթ յատակի՝ սիրտը խաւար և խորունկ խոռոչներ կը պարունակէ , քարանձաւներու նման ուսկից բանտարկեալ հողմը սաստիկ սուլելով դուրս կը ցայտէ , նոյնպէ՞ս և բանտարկեալ հառաչը սեւ խորշերէն վիժելով , մանչելով շուրջ կը ժայթքէ :

Թէեւ Տիկին Վարսամեան ամեն ճգամք կը ջանար ծածկել իրենց չքաորութիւնը օտար աչ-

քերէ, սակայն խիստ անկատար կերպիւ կը յա-  
ջողէր . զի աղքատութիւնն հրէշ մ'է որ իւր սոս-  
կալի գլուխը կը ցցուէ ակռաները կրճտելով ,  
այնչափ զրկանքն և նօթութիւնը կը զրգուէ զայն :

Բայց եթէ նշմարելի էր ամենուն սոյն ըն-  
տանեաց նեղ վիճակը , ոչ որ կը գուշակէր սա-  
կայն թէ յետին աղքատութեան հասած էր այն ,  
այնչափ Տիկինը մեծամեծ խօսքերով ջանադիր  
էր իւր բուն վիճակը ծածկել :

Աւտի Օրիորդ Վարդանոյշ ընդոտա քայլով  
սենեկէն ներս մտնելով , և Տիկինը ու իր ամու-  
սինը բարեւելէ վերջը , մօտեցաւ իւր ընկերուհի-  
ւոյն անհամբեր լինելով անոր հաղորդելու ու-  
րախօսութիւնն որ լիապէս գրաւած էր իւր սիրտը :

— Գիտե՞ս , սիրելիս , ինչու եկած եմ , ըսաւ .

— Ոչ , պատասխանեց Արաքսիան :

— Աւրեմն կ'իմացնեմ քեզ թէ այս գիշեր մը-  
տերմական երեկոյթ մ'ունինք ուր երեսուն կամ  
քառասուն անձինք ներկայ պիտի գտնուին , և  
եկայ այժմէն զքեզ տուն տանելու , եթէ Տիկին  
մայրդ չ'ընդդիմանայ :

— Մանաւանդ որ սիրով կ'ընդունիմ հրա-  
ւէրդ , աղջիկս , ըսաւ Տիկինը : Արաքսիան ոչինչ  
ունի ընելիք հոս , ազատ է նա . թո՛ղ երթայ  
զուարճանայ , զի մենք իւր հօրը հիւանդոտ վի-  
ճակին պատճառաւ ոչ հացկերոյթ տալու և ոչ  
երեկոյթ մ'ունենալու կարող ենք :

— Արշա՛փ ուրախ եմ , գոչեց Վարդանոյշ ,  
ուրեմն պիտի ընկերանա՞ս ինձ արդ , Արաքսիա :

— Գիտես , սիրելիս , յարեց խեղճ կոյսն ,  
որշա՛փ հաճելի է ինձ հետդ գտնուիլ ոչ թէ այ-

լոց ընկերութիւնը վայելելու համար, այլ պար-  
զապէս բուկինդ, բայց անհնար է ինձ սիրուն  
հրաւէրդ ընդունիլ այսօր, բանի որ հայրս  
անկարող է տեղէն շարժիլ, և մայրս ինձ ըն-  
կերանալ: Այսպիսի խորհրդաւոր գիշեր մի  
անպատշաճ է որ աղջիկ մի իւր ծնողքը թո-  
ղու առանձին՝ այլուր գրօսանք որոնելու հա-  
մար:

Հայրն ու մայրն միաբերան բողոքեցին, Վար-  
դանոյշ բիւրիցս կրկնեց իւր աղերսանքը, բայց  
Արաքսիա հաստատ մնաց իւր որոշման մէջ:

Վերջապէս երբ Վարդանոյշ տեսաւ թէ ան-  
հնար է իւր բարեկամուհւոյն միտքը փոխել՝  
տխուր դիմօք ելաւ տեղէն մեկնելու դիտաւո-  
րութեամբ: Կը հիանար անոր ծնողասէր զգաց-  
մանց վրայ իրօք, բայց կը ցաւէր զայն մասնա-  
կից չընելուն իւր ուրախութեան:

Մինչ հրաժեշտի ողջոյնը կուտար երիտասար-  
դուհին, Տիկին Վարսամեան ըսաւ անոր.

— Եթէ հրաւիրեալներ չունենայիք այս գի-  
շեր պքեզ վար կը դնէի մեզ հետ Բարեկենդան  
ընելու:

Օրիորդն շնորհակալ եղաւ այդ բաղաբա-  
վարական բառերուն համար առանց մտքէն  
անցընելու թէ իւր սիրելի ընկերուհին հան-  
դերձ ընտանեօքն միայն պանիրով ու հացով  
պիտի հանդիսադրէին Բարեկենդանի վերջին գի-  
շերը:

Երբ առանձին մնացին, հայրն քաղցր կշտամբանօք մեղադրեց զիւր դուստր զբօսանաց գընացած չլինելուն համար, և յայտնեց թէ իւր տխուր հոգին պիտի ցնծար գիտնալով թէ իւր սիրելի զաւակը գոնէ նոյն գիշերն ուրախ ժամեր կ'անցընէր :

Յայնժամ տառապելոյն կինը ոտք ելնելով և իրր վազրուհի անոր առջեւ կանգնելով ըսաւ անդուժ եղանակաւ .

— Եթէ կ'ուզէիր զաւակդ գոհ ու երջանիկ տեսնել, թո՛ղ ջանայիր այսպիսի աղքատութեան շմատնել զմեզ : Ի՛նչպէ՞ս կուզէիր որ մեր աղջիկըն երեկոյթի երթար երբ այլոց զգեստուց շքեղութեան շէր կրնար հաւասարիլ իրենները :

Երկու լուռ արտասուք սահեցան խեղճ մարդուն աչերէն, և գլուխը խոնարհեցնելով կուրծքին վրայ անխօս մնաց, ինչպէս սովորութիւն ունէր ընելու . զի մէն մի անգամ որ կնոջն առջեւ խօսելու փորձ կ'ընէր, նա կը պապանձեցընէր զիւր բերան խիտ յանդիմանութեամբ :

Արաքսիա դէպ' իւր հօրն ընթանալով անոր գլուխը բազկացը մէջ առաւ ըսելով .

— Հայր, վստահ եղիր որ զգեստուցս պատճառաւ չէ որ շընդունեցայ ընկերուհւոյս հրաւէրը . զի իմ զարդուցս պարզութիւնը ինձ ամօթ չբերեր, ընդհակառակն կը պարծիմ անով . այլ եթէ մերժեցի՝ պատճառն այն է որ շուզեցի ձեզմէ հեռու անցընել այսպիսի գիշեր մի :

— Այսպիսի՛ գիշեր մի, պանիր հա՞ց ուտե-

լու համար, աղջիկս, գոչեց մայրը դառնութեամբ, մինչ աչերն տարօրինակ կերպիւ կը փայլէին, և այտերն կարմիր էին իբր գէուր:

— Մայր, մեր համեստ սեղանը նախապատիւ կը համարիմ քան այլոց մեծահաց կոչունքները: Սնունդն որ ձեզ կը բաւէ՝ եւս առաւել կը բաւէ ինձ:

Այս խօսքերն արտասանելէն վերջը կոյսը գրուխը կաթնցուց հօրը ուսին վրայ ուսկից վերուցած էր խօսելու համար, և զգաց թէ լուռ արտօսը մի՛ իբր շիթ լուռ ցաւի, իւր դէմքին վրայ կը գլորէր լուին:

— Հայր, հայր. ո՛հ մի՛ լար, հոգիս կը ճըմլես, գոչեց յուսահատօրէն աղջիկն, նորա պարանոցին վրայ խնալով:

Իսկ տիկինը քթին տակէն քանի մի խօսքեր մըմտալով հեռացաւ, և ուրիշ սենեկի մէջ առանձնանալով անկողնոյն վրայ տարածուեցաւ:

Արաքսիա քիչ մի ետքը մօրը ետեւէն գնաց տեսնելու համար թէ ի՛նչ կ'ընէր նա: Բայց սենեկին դուռը կիսաբաց լինելով տեսաւ զիւր մայր տարածուած, և կարծելով թէ կը ննջէր, առանց բնաւ ձայն հանելու հօրը քով վերադարձաւ:

Տառապեալ մարդը նօթութենէ նեղուելով սակաւ ինչ ուտեստ խնդրեց: Արաքսիա փութաց անմիջապէս բերելու պանիրն և հացը զորս իւր մայրը մէջտեղէն վերուցած էր օտար աղջըկան այցելութիւնն իմանալով: Եւ մինչ այդ համեստ ճաշը հօրն առջեւ կը զետեղէր, կոյսն կարեւորէր հոգւով, բունի իմն զուարթութեամբ



գոչեց . « Հայրի՛կ , փոյթ չէ եթէ մենք եւս այլոց նման մեծափարթամ սեղան չունինք այսօր . բաւ է որ ողջ լինինք և ամեն ինչ լաւ է ու գոհացուցիչ : Բայց վստահ եղիր որ հետեւեալ տարին՝ եթէ ապրիմ , լաւագոյն Բարեկենդանի գիշեր մի կ'անցընեն » :

Խեղճ մարդն ոչինչ պատասխանեց , այլ անխօս և անհառաչ , իրեն ներկայացուածը կերաւ , մինչ իւր դուստրն ամեն ճիգ կը թափէր զուարթագէժ երեւալու , ու կատակներովն ջնջելու նոյն պարագային տխուր ազդեցութիւնը :

Տիկին Արսամեանի բացակայութիւնն երկարելով՝ օրիորդն վերստին գնաց ակնարկ մը նետելու մօրը սենեկին , ամենայն զգուշաւորութեամբ սակայն զինքը չ'արթնցնելու համար եթէ ի քուն էր : Բայց մեծ եղաւ իւր զարմանքըն երբ ականջին հասան խեղդուած կոծեր ու ձայներ : Սիրտ ի թունդ խեղճ աղջիկը մօրը քով ընթացաւ և յուզեալ եղանակաւ « Մա՛յր , գոչեց , դու կը տառապի՞ս առանց զիս կոչելու » :

— Բաւական չէ՞ դատապարտութիւնդ այդ ծերը խնամելու , և հարկ է քեզ ուրի՞շ ծանրութիւն մ'ալ արդ :

— Ա՛հ , մա՛յր , պարտքս չէ՞ արդեօք հոգալ զձեզ . դուք ինձ համար որչա՛փ զոհեր կատարեցիր . ամեն ծառայութիւն և ամեն սէր փոխարինութիւն չի՞ պահանջեր արդեօք :

Տիկինը սաստիկ մարմնական ցաւերովն ու գալարմամբը, խօսակցութիւնն ընդհատեց : Խեղճ Արաքսիա ամեն խնամք կը մատակարարէր հիւանդին, զինքը կը շփէր, կը ծածկէր, կանացի դեղեր կը պատրաստէր : Բայց ի՞նչ են այդ պիսի տկար միջոցներ անտի մ'առջեւ, որ զօրաւոր և էական գարմաններու կը կարօտէր :

Բժշկի ստիպողական պէտքը զգալի կը լինէր. բայց զնա վարձատրելու միջոցը կը պակսէր : Արաքսիա անմիջապէս իրենց բարերարուհին յիշեց, և երկտող մ'ու զղերով անոր իրենց անհնարին վիճակն իմացուց : Բայց նամակն ապարդիւն մնաց, զի այդ տիկինը բացակայ էր, և ազգականի մը տան մէջ կը տառապէր այնպիսի հիւանդութեամբ իմն որ զինքն մէկ շաբթուան մէջ ի մահ տարաւ, բոլորովին անպաշտպան թողլով Վարսամեան ընտանիքն՝ անոնց յուսոյ վերջին նշոյն ևս չիջուցանելով :

Սակայն տառապելոյն վիճակը կը ծանրանար. տենդ, զառանցանք, ոչինչ կը պակսէր ողորմելի Արաքսիան սարսափեցնելու համար : Վերջապէս երիտասարդուհին դիմեց իւր սիրելի բարեկամուհւոյն, և Վարդանոյշ մօրն ի միասին սուրաց յօգնութիւն ահաբեկ կուսին :

Այս վերջինը առանց իրենց աղքատութիւնը ծայրայեղ լինելն յայտնելու՝ իմացուց թէ նեղը կը գտնուին : Եւ եթէ այդպիսի զգուշաւորութեան կը դիմէր՝ ոչ թէ մեծամիտ խորհուրդներէ դրդեալ էր առ այդ, ոչ թէ աղքատութեւն

նէն ամաչելուն համար էր , այլ մօրը գոռոզ  
խորհրդոց հպատակելու մտօք էր պարզապէս ,  
թէ եւ ներքնապէս պարսաւելով՝ կը յարգէր զա-  
նոնք :

Բաւական օրեր տեւեց հիւանդին ծանր կա-  
ցութիւնը : Բայց փառք Վարդանուշի անձնուէր  
օգնութեան , Արաքսիային ծառայութեան բեռը  
կը թեթեւնար , զի նա հիւանդ տիկնոջ մօտ գի-  
շերները կը տքնէր , և ցերեկները ամեն խնամք  
թէ՛ Տիկնոջ և թէ՛ անոր կաթուած ահար ամուս-  
նոյն կը մատակարարէր :

Եթէ կայ ինչ վտեմ աշխարհիս վրայ՝ ճշմա-  
րիտ բարեկամութեան պատկերն է , յորում երկու  
ազնիւ հոգիներ հանդարտ և միօրինակ հուրով  
կը վառին առանց փայլատակաց , առանց շօքն-  
դիւնի և առանց ցոյցի : Բարեկամութեան տե-  
ւողութիւնն հնարաւոր է նոյն իսկ չափաւորու-  
թեանը պատճառաւ , զի ինչ որ անչափ է և տա-  
րօրինակ՝ կ'սպառի իւր սաստկութեամբն իսկ ,  
ինչպէս է զոր օրինակ բուռն և այլանդակ սէրը :

Բարեկամ մի կը նուիրէ զիւր զգացում ան-  
ձի մի մասնակցելով նորա ուրախութեան ինչպէս  
և վշտին : Իսկ սիրահարեալ սիրտը կը միանայ  
պաշտած անձին հետ , անոր հետ կը ձուլուի ,  
այնպէս որ իւր պաշտելոյն համար գործելովն՝  
անձին համար կը գործէ դարձեալ : Բարեկա-  
մութեան մէջ կատարեալ անձնուիրութիւն կայ ,  
իսկ սիրոյ մէջ վտեմ անձնասիրութիւն :

Վարդանուշի մօր թափանցող աչքը շուտ վե-  
րահասու եղաւ այն աղքատութեան սոսկալի աս-  
տիճանին , որուն քօղին ներքեւ կը մաշէր տա-

բարադդ ընտանիքն Վարսամեան : Տիկին Երանեան առանց զգացնել տալու հոգաց ամեն պիտոյքը սոյն շքաւոր անձանց՝ իբր թէ իւր հասուցած դրամական օգնութիւնը պարզապէս փոխատուութիւն լինէր և ոչ թէ ողորմութիւն :

Եթէ մեծ է ողորմած սիրտը, եւս առաւել մեծ է իւր նուէրը մատուցանելու ազնիւ եղանակաւը, երբ կը Զանայ չվիրաւորել այն դիւրագգած հոգին որ նուաստանալը կ'իմանայ չընորհապարտ մնալու ժամանակ :

Արաքսիա ոչ եւս կարենալով ծածկել ընտանեկան գաղտնիքը զոր Տիկին Երանեանի փափուկ ընթացքն անգիտանալ կը ձեւացնէր, խոստովանեցաւ վերջապէս իրենց գտնուած թշուառ կացութիւնը յայտարարելով իւր հաստատ գիտաւորութիւնն ընտանեացն ապրուստը հոգալու, քանի որ բնաւ յուսոյ նշոյլ չկար իրենց համար ոչ ուրեք :

— Ո՛հ, գոչեց Վարդանոյշ, ինչո՞ւ գանձեր չունիմք ու վրադ թափելու համար, Արաքսի'ա :

— Սիրելի՛դ իմ, պատասխանեց երիտասարդուհին, կրնա՞ս հաւատալ թէ ես այդ գանձերը կ'ընդունէի քեզմէ առանց փոխարինութեան : Արդէն սրտիդ գոհարներն առատապէս կը վայելեմ, բայց ստոյգ է որ ի մասին դորովոյ կատարելապէս վարձատրուած ես ինձմէ :

— Արաքսիա՛. ի՞նչ է իմ ըրածս երբ դու այդչափ դիւցազնութեամբ կը հանդուրժես անտանելի վիճակիդ : Երբէք գանդատ մի չեմ լըսած քու բերնէդ, և հակառակ այն մտերմութեան որ կը տիրէ մեր մէջ, դու ծածկեցիր ինձ-

մէ մինչեւ ցարդ քու բոլոր տառապանքդ և զըրկու մեներդ : Աստահու թեանդ արժանի չի համարեցի՞ր զիս արդեօք :

— Արդանո՞յչ, մի՛ այդպիսի ծանր մեղադրանօք հոգիս վիրաւորեր : Եթէ լուս կեցայ մինչեւ ցարդ մեր ներքին գառն վիճակին վրայօք՝ պատճառն այն է որ ընտանեկան գաղտնիքն ինձ չվերաբերիր : Հետեւապէս իրաւունք չունիմ երեւան հանելու ինչ որ խն չէ :

— Բայց, յարեց Տիկին Երանեան, գաղտնիքըդ հաղորդելով մեզ մատնութիւն մ'ըրած չէիր լինէր, քանի որ լաւ կը ճանաչես մեր բարեկամական տրամադրութիւնքն ձեզ նկատմամբ :

— Տիկին, ոչ երբէք կասկած մ'ունեցած ենք այդ մասին, և ձեր արդի ընթացքը շատ խել յայտարարեց ձեր խօսքերուն ճշմարտութիւթիւնը : Եթէ մայրս իւր վիճակը ծածկելու ջանադիր եղած է, զուցէ իւր բարեկամաց տաղնապ չսպառճառելու համար լինէր, ըստ, եղանակաւ մի՛ որ իւր համոզման հակառակ խօսիլը կը մատնէր : Բայց ներելի էր այդ ընթացքը, զի խեղճ աղջիկն իւր մօրը վարմունքն արդ արացնելու կ'աշխատէր :

Տիկին Երանեան այդ փշտ նիւթին վրայ ընդփոյթ սահելով քաջալերեց զօրինորդն ապագայ բարելաւութեան յոյսը փայլեցնելով աշացը :

— Տիկին, պատասխանեց Արաբօիա, լաւ կ'ըմբռնեմ թէ մայրենի սրտի մ'ամեն փափկութեամբ կ'աշխատիք զիս յուսադրելու : Բայց ես բնաւ վհատեալ չեմ քանի որ առջեւս կը պարզի աշխատութեան ասպարէզը : Աստի հարկ է որ

գործունէութեամբս փրկեմ ծնողքս անպատճառ :

— Հիանալի աղջիկ, մրմնջեց Տիկինը յուզուելով, և վայրկի մի լռելէ վերջը հարցուց գորովանօք :

— Բայց ի՞նչ կը խորհիս ընել. խօսէ՛ անկեղծապէս, որպէս զի գոնէ ջանամ քեզ օգտակար լինելու :

— Դժբաղդաբար, Տիկին, որոշում մի տալու համար հարկ չկայ միտքս յօգնեցնել, զի սպարէզն աշխատութեան խիստ սահմանափակ է կանանց մասին :

— Իրաւացի է ըսածդ, պատասխանեց Տիկինը :

— Տոմարակալութեան մէջ բուական յաջողակ եմ, յարեց Օրիորդը. և եթէ ընկերային պայմանները ներէին՝ հաշուակալութեան կը հետեւէի, քանի որ մասնաւոր ձկտումն ունեցած եմ այդ ճիւղին համար : Բայց իմ սեռս կը խափանէ ամեն երազ այնպիսի ասպարէզի մէջ մըտնելու ուր յառաջադիմութիւնը չէ արդարացի վարձատրութիւն խղճմտաւոր և կանոնաւոր աշխատութեան, այլ պարզապէս խնդիր մ'է սեռի :

— Ո՞վ շղիտեր քու յաջողակութիւնդ ոչ միայն հաշուակալութեան այլ և գիտութեանց մէջ, յարեց Վարդանոյշ : Ար յիշեմ որ դասատուդ որ իմս էր նաեւ, իբր նախանձելի օրինակ իմն ջոյց կուտար զքեզ, ու կը հաստատէր թէ լաւ ապագայ մի կարող էիր ունենալ եթէ հակառակ սեռին վերաբերէիր : Մինչ ես . . . աւելորդ է խօսիլ այդ մասին, ըսաւ խնդալով :

— Դու, սիրելիս, պատասխանեց Արաք-

սիա, դրական էակ չես. դու բանաստեղծ ես, համայն սէր ես, անձնութիւններն և վսեմ երազ: Հո՛ն թիւերը ու հաշիւը գործ չունին:

— Այսինքն բանաստեղծ եմ զգացմամբ ու խանդիւ բայց ոչ տաղանդիւ:

— Բանաստեղծ հոգի ունենալը գեղեցկին և ճշմարտին հարազատ պաշտելը լինելը կը հաստատէ. այսինքն կը յայտնէ ունենալն այնպիսի նուրբ և աղնիւ թելեր որք շատ առաւել ընդունակ են թրթռալու լաւին ու վսեմին ցնցմամբ՝ քան թէ հասարակ հոգիները:

— Ուրեմն եթէ կ'ուզես որ այնպէս լինի, ընդունէ և դու այն առաւելութիւնն որ ունիս իմ գրաս բանաստեղծ հոգւոյ մի դրական միտք մը միացնելու: Դու գեղեցկին իրականութեանը մէջ կ'ամփոփիս առանց անոր երեւակայական ձեւեր տալու և անոր փայլն աւելցնելու ջանադիր լինելու սին երազներով:

— Բայց չգիտե՞ս, սիրելիս, թէ դադարաբականն երիտասարդ հոգւոյ սնունդն է և թէ սակեղօծ երազներով կը սնանի ու կ'ածի:

— Մի՞թէ դու երիտասարդ չե՞ս Արարսիա:

— Դժբաղդութիւնը ծերացուց զիս արդէն. զի դժբաղդութիւնը ծանր դպրոց մ'է ուր ժամանակ չկայ երազելու, և ուր իրականութեան դասը կը տրուի միայն: Հո՛ն կեանքը կը ներկայանայ մեզ զուրկ իւր բոլոր զարդերէն սոսկալի մերկութեամբ կմախքի կերպարանաց ներքեւ: Այդ կմախքն երկրայութեան տեղի չտար, զի մեր աշաց առջեւ կը պարզէ իւր ծալքերը, խոռոչ-

ներք ու սեւութիւնները : Հո՛ն աչքը կը վարժի այդ խիստ ու դժնդակ տեսարանին , հոգին կ'արիանայ , և իբր քաջ գինուոր՝ կենաց ճակատամարտին մէջ կը յառաջանայ :

Տիկին Երանեան ըմբռնելով այդ արի բայց կարեւիւր աղջկան հոգւոյն դառնութիւնը , խօսակցութեան տարբեր ուղղութիւն մի տուաւ հարցնելով անոր թէ աշխատութեան ո՞ր ճիւղն կ'ընտրէր վերջապէս անձին :

— Տիկին , յարեց պատանուհին , կ'ընտրեմ ա՛յն միակն որ կը ներկայանայ ինձ արդ . այսինքն պատուաւոր ընտանեաց մի քով դասատուութիւն ընելը :

— Երանի՛ թէ փոքրիկ մի բոյր ունենայի , գոչեց Վարդանոյշ , որպէս զի անոր դաստիարակութեան հոգը քեզ յանձնուէր :

— Առանց այդ պայմանին՝ Արաքսիա մեզի հետ կրնայ բնակիլ իբր դուակո , յարեց Տիկին Երանեան , ու կերպով մի օգնել իւր ծնողաց իսկ :

— Գուք երկու թանկագին հոգիներ էք պատասխանեց Արաքսիա , լիովին յուզեալ երաստագիտական զգացումներէ : Բայց ներեցէք որ մերժեմ ձեր աղնիւ առաջարկն զի կը փափաքիմ արժանաւորապէս վարձատրուիլ իմ ծառայութեանցս համար , և ոչ թէ մարդասէր սրտի ուրբմութեան լուսան ընդունիլ :

— Արշափ խիստ ես քեզ նկատմամբ , Արաքսիա , ըսաւ Վարդանոյշ վշտացած իմն կերպարանօք :

— Խիստ շեմ , այլ արդար , բարեկամուհի՛ս , զի ով որ կարող է գործել և ընդհակառակն



ուրիշի ձրի օգնութեան կը դիմէ՝ ա՛յն , կը յա-  
փըշտակէ անկարող աղքատաց իրաւունքը , ըն-  
կերային գողութիւն մի կը գործէ :

Վարդանոյշ լռեց զի համոզուեցաւ թէ ան-  
հնարին էր անոր խորհուրդներն այլայլել :

Իսկ Տիկին Երանեան յարեց .

— Լսեցի թէ հարուստ ազգային ընտանիք  
մի՛ որուն հետ բնաւ յարաբերութիւն չունիմ  
սակայն , ուսեալ վարժուհւոյ մի կը կարօտի ,  
խոստանալով ըստ արժանւոյն վարձատրութիւն  
հատուցանել :

— Տիկին՛ն , խնդրեմ առանց ժամանակ կոր-  
սընցնելու առաջարկել տուէր զիս , թախանձեց  
Արաքսիա :

— Բայց մօրդ հաւանութիւնն ստացա՞ծ ես ,  
աղջիկս , հարցուց Տիկինը :

— Պարագայ կայ , Տիկին՛ն , որ ընդվզիլն ա-  
ռաքինութիւն է , և հնազանդութիւնը վատու-  
թիւնն : Որոշած եմ առաքինի լինել :

— Ուրեմն անհոգ եղիր . ըսաւ բարեօրրտ  
Տիկինը , և այս խօսակցութիւնն որ տեղի կու-  
նենար հիւանդին բունին միջոցին՝ ընդհատուե-  
ցաւ բժշկին այցելութեամբը :

Բժիշկը զՏիկին Վարսամեան լաւ քննելէ և  
ամեն սովորական հարց ու փորձերը կատարե-  
լէ վերջը , յայտնեց թէ հիւանդին վիճակը բա-  
ւական ծանր էր , առանց սակայն վարանմունք  
ցոյց տալու անոր բժշկուելուն վրայօր :

Արաքսիայի վախերը փարատուելով մօրը նը-  
կատմամբ սիոփարար շունչ մ՛առաւ , եւ փառք  
Երանեան Տիկնոջ դրամական օգնութեան , հի-

ւանդն ամեն նիւթական և բարոյական սփոփանք վայելեց :

Երկու շաբաթ վերջը Տիկին Վարսամեան ապաքինութեան վիճակի մէջ մտնելով՝ Վարդանոյշ յանձն առաւ վերջապէս վերադառնալ իւր տունը, հետը տանելով բարեկամութեան անկեղծ երախտագիտական արտայայտութիւնքն՝ զոր առաւել արտասուօքը կը յայտնէր քան թէ խօսքերովը :

---

ԳԼՈՒԽ Զ.

Տիկին Վարսամեան անգիտանալով զմահ իւր բարեկամութեան՝ անոր վերադարձ էր այն առատութիւնն որ շուրջը կը տեսնէր :

Արաքսիա կը պատրաստէր աստիճանաբար զիւր մայր՝ ընդունելու այն հարուածն որ իւր ամեն յոյսերուն վերջ կը դնէր : Եւ երբ այդ տխուր լուրը գուժեց անոր ականջին,

— Ո՛հ, գոչեց Տիկինը յուսահատօրէն, երբ մեր վերջին ապաստանը կը լքանէ զմեզ, ոչ այլ ինչ կը մնայ բայց մեռնիլ :

— Այնպէս չէ՞, մայր, յետին նեցուկ մ'ունիս ցորչափ ես ողջ եմ և առողջ, ըսաւ կոյսն :

— Դո՛ւ, որդեա՛կ :

— Ե՛ս, մայր :

— Դարձեալ աշխատելու առաջարկդ մէջ տեղ պիտի դնե՞ս արդեօք :

— Այսինքն պիտի գործադրեմ՝ զայն վերջնական կերպիւ այս անգամ :

— Ենորհիւ հօրդ , ա՛նա որպիսի՛ դիրք մ՛ե-  
րազելու կը դատապարտուիս :

— Մա՛յր , կը թախանձեմ քեզ , մի՛ յարձա-  
կիր հօրս վրայ , ինքը բաւական թշուառ է ար-  
դէն , որով աւելորդ է իւր վիճակը առաւել ծան-  
րացնել կշտամբանօքդ : Յիչէ՛ , սի՛րելի մայրս , որ  
բազում տարիներ գո՛հ և հանգիստ ապրեցանք  
անոր շնորհիւ . եւ եթէ դժբաղդութեան մէջ  
անկանք անդարմանելի չէ այդ վիճակն . ընտան-  
եաց անդամոց մէջ համերաշխութիւն կայ , զի  
կարողը միշտ անկարողին յաջորդելու է ապ-  
րուստի միջոց հոգալու համար :

— Արնա՞ս հաւատալ թէ ես ճակատիդ բեր-  
տամբը քաղած հացն ուտեմ առանց խղճի խայթ  
զգալու , աղջիկս :

— Եւ սակայն այդպէ՞ս պիտի լինի . արդէն  
ամեն ինչ պատրաստ է , եւ աշխատութեանս  
օրն ընդ փոյթ կը հասնի :

— Ի՞նչ կ'ըսես , հաստատապէ՞ս կը խօսիս :

— Այո՛ , մայր :

— Չեմ հասկնար թէ ինչ կ'ուզես ըսել :

— Բացատրեմ ուրեմն : Հարուստ տան մի  
մէջ , գոհացուցիչ սլայմաններով իբր վարժուհի  
պիտի երթամ երկու փոքրիկ աղջկանք դաս-  
տիարակելու համար :

— Ո՛հ , ի՞նչ ըրիր , որո՞ւ հաղորդեցիր մեր  
գաղտնիքը , որպիսի՛ յիմարութիւն ըրիր , գոչեց  
սրտմտեալ մայրը :

— Մի՛ նեղանար խնդրեմ այլ անսա՛ խօս-  
քերուս , մա՛յր :

— Ըսելիքդ գիտեմ :

— Երբ դու հիւանդանալով վիճակդ օր աւուր ծանրացաւ եւ սպառնացող կերպարանք մ'առաւ, դիմեցի մեր սովորական օգնութեան աղբիւրին: Բայց բարեպաշտ Տիկինը մերձ ի մահ լինելով յոյսերս փշուեցան. հետեւապէս պարտաւորեցայ դիմել Երանեան ընտանեաց որ փոխատուութեան եղանակաւ մեր պիտոյքն հոգաց:

— Վա՛յ ինձ, անոնք մեր գաղտնի՛քն իմացան. ուրեմն անոնք մեզ ողորմութի՞ւն տուին:

— Հանգիստ եղիր, մայր, ընդունածս պիտի հատուցանեմ օր մի:

— Ի՛նչ դժբաղդութիւն է այդ ինձ համար այսպէս խայտառակութեան առարկայ լինելը:

— Ամաչելու պատճառ մի չունինք, մայր, զի աղբատութիւնը անպատուութիւն չէ:

— Ըստ քեզ գուցէ:

— Այո՛, մայր, ըստ իս աղքատութիւնը փշոտ ճանապարհ մ'է ուր արիաբար մարտնչելու է ընդդէմ խոջնդոտից որք մէն մի քայլի կը ներկայանան:

— Զքեզ լսողը պիտի կարծէ թէ չբաւորութիւնը կը պաշտես:

— Ոչ, մայր. չեմ պաշտեր զայն քանի որ զրկանաց կը դատապարտէ զձեզ, այլ կը պատրաստուիմ դիմագրել անոր՝ վիճակ մ'ապահովելով մեզ:

— Վստահ եմ որ այդ մասին եւս Երանեանց դիմեցիր դարձեալ:

— Անշուշտ, մայր:

— Ո՛վ գիտէ որչափ արհամարհեցին զքեզ:

— Ընդհակառակն Տիկինը հիացաւ:

— Կը փափաքէի ուրեմն որ անոնք եւս մեր վիճակն ունենային որ մի բացարձակապէս յայտնելու համար բեզ որ քու քաջութիւնդ չպիտի ունենային ընկերական սանդուղներէն վար իջնելու համար :

— Մայր, երբ անոնք այնչափ հիանալի իմն անձնութեամբ մեզ օգնելու փութացին, դու անէ՞ծք կը կարդաս իբր փոխարինութիւն :

— Այո՛, նպաստեցին՝ զմեզ խոնարհեցնելու մտօր :

— Ո՛հ, ինչ կ'ըսես, մայր, խնդրեմ լռէ՛ :

— Դու պարզ ազջիկ մ'ես, և չգիտես տակաւին որչափ չարութիւն կայ մարդկանց սքրտին մէջ :

— Մայր, կը հայցեմ զքեզ, դադրէ՛ այդ պէս խօսելէ զի հոգւոյս մէջ անոնց նկատմամբ իրաւացի երախտագիտութիւն մի կայ որ ընդդէմ խիստ խօսքերուդ կը բողոքէ :

— Կը տեսնեմ որ դու ինձ դէմ ըմբոստ կերպարանք մի կ'առնուս :

— Ե՞ս, մայր :

— Այո՛, դու : Զոր օրինակ առանց իմ հրամանիս կը պատրաստուիս տունէս հեռանալու : Ուսկի՞ց յառաջ կուզայ այդ բաղձանքդ անկախ դիրք մ'առնելու արդեօք :

— Մայրի՛կ, նոյն իսկ յորդիական սիրոյս յառաջ կուզայ . զի զգացի թէ քաջութիւն ունենալու եմ ընդ վզելու ընդդէմ բեզ՝ սիրելի ծնողքըս փրկելու և զոյզն ինչ հանգիստ մատակարարելու համար անոնց :

Եւ զայս ըսելով կոյսը մօրը գիրկն անկաւ և լալով գոչեց .

— Մայր , մի՛ մեղադրեր զիս և հաւատա՛ որ զքեզ պատուելով կը սիրեմ :

Մայրն իւր արտասուքը աղջկան արտասուաց խառնեց , սեղմեց զայն հոգւոյն վրայ և ապա յարեց .

— Ո՛հ , դո՛ւստր իմ , ամենքն զմեզ պիտի արհամարհեն այսուհետեւ :

— Մայր , կը կրկնեմ քեզ թէ խեղացի և զգօն անձինք առաւել եւս պիտի յարգեն զմեզ , զի աշխատութիւնը մղիչն է ընկերութեան և յառաջագիմութեան :

---

### ՔԼՈՒԽ Է.

Հասաւ վերջապէս օրն յորում Արաքսիա պարտաւորեցաւ ընտանիքէն բաժնուելու : Իւր խեղճ հայրն այդ բաժանման դառնութիւնը սաստկապէս կ'զգար , զի կնոջը խիստ վարմունքը աղջկանը գորովագութ խնամօքը կը մեղմանար դոյզն ինչ : Ամեն ծանր խօսք , ամեն անիրաւ կշտամբանք զրգիւ մ'էր միշտ կուսին սրտին գանձերէն նոր սիրոյ ապացոյց մի երեւան հանելու : Ուստի դիւրին է երեւակայել թէ թշուառ մարդուն համար որքա՛ն տառապեցուցիչ էր առանձին մնալու հարկն ամուսնոյ մի հետ , որուն համար ինքն անհանդուրժելի բեռ մ'էր :

Զայդ լաւ կ'ըմտնէր Արաքսիա , կը ցաւէր հօրը վրայ , արգահատանք կ'զգար , և կը ջանար

նոյնն զգացնելու և իւր մօր, բայց ի զ՛ւր : Այ՛ս՝ կը մեկնէր, և իւր հոգին կ'արիւնէր ոչ այնչափ զիւր մայրն թողլուն համար՝ որչափ իւր տառապեալ հայրն, որուն գծրազդ կացութիւնը յօդ մ'աւելի էր զիւր սիրտ առաւել եւս գորովով կաշկանդելու : Բայց չկար ուրիշ միջոց ապրուստի և հարկ էր մեկնիլ անպատճառ :

Քառական շէր հէք հօր համար տեսնել զիւր որդին որ կը թողուր հայրենի յարկն՝ այլ դատաւ պարտուած էր անսալ և իւր կնոջ որ անընդհատ զինքը կը յանդիմանէր իբր իրենց գծրազդութեան պատճառ :

— Այր մարդուն պարտքն է, կ'ըսէր կինը, դրամ վաստկիլ և ընտանիքը խնամել : Իսկ դու ոչ միայն զայդ անկարող ես գործելու այլ և կը պարտաւորես իմ միակ զաւակս տունէն դուրս ելնելու : Քեզ նման այրեր լաւագոյն է որ չի ծնանին, զի պարզապէս բեռ մ'են անխարհիս վրայ :

Ողորմելի զոհը կը լռէր ընդհանրապէս : Բայց օր մի ոչ եւս կարողանալով տոկալ այդ հանապազօրեայ յանդիմանութեանց, յիշեցուց կնոջ թէ անցեալ դիւրակեցիկ օրերն իրեն կը պարտէր, և թէ ինքն ճոխութեանց վարժ չէր իւր հայրենի յարկին ներքեւ մինչ աղջիկ էր տակաւին :

Յայնժամ գոռոզ կինը մարդուն վրայ յարձակեցաւ բոցավառ աչերով, փրփրալից բերնով, որոտացող ձայնիւ, ու պատասխանեց թէ իւր գեղեցիկութեամբն իրաւունք ունէր ամենէն շքեղ բազդերու ակնկալել, և թէ նա պատճառ

եղած էր հետն ամուսնանալով որ ամեն պեր-  
ճանքէ ու մեծութենէ զուրկ մնայ, և այժմեան  
տխուր կացութեան մէջ ինքն զաւակովը տա-  
ռապի :

Երբ որ արդարութենէ շեղի ի՞նչ կշտամբա-  
նաց կարող չէ : Ա՛յ անոր որ տկարութեամբը  
կամ պարագայից բռնի զօրութեամբը սահման-  
ուած է անիրաւ մեղադրանաց հպատակ լինե-  
լու :

Երկու ամուսնոց խաւարապատ աշխարհին  
մէջ լուսաւոր թել մ'էր Արաքսիա, որ կը ջանար  
յօդ միութեան լինելու նոցա մէջ : Գնաց կոյսն,  
բեկաւ թելը, շիջաւ լոյսն : Այդ կնոջ սիրտը  
կ'ամոքէր միայն մայրենի ցնցման ներքեւ : Արա-  
քածն այն որ կարծես ամեն արգահատական  
զգացումէ զուրկ էր երբ ամուսնոյն կը վերաբե-  
րէր խնդիրը, ընդհակառակն գորով էր և անձ-  
նութիւն իւր որդւոյն նկատմամբ :

Աւստի նոյն օրն յորում Արաքսիա մեկնեցաւ  
սաստիկ հարուած մի կրեց Աարսամեանի կնոջ  
հողին ու անձնասիրութիւնը : Տիկին Երանեան  
ու աղջիկը ներկայ էին ողջերթի վայրկենին :

Տիկին Աարսամեան մասամբ յաջողած էր ցոր-  
չափ աղջիկն իւր մօտն էր, տեսակ մ'անվրդով  
կերպարանք մի պահելու՝ շնորհիւ իւր գոռոզու-  
թեան : Բայց երբ կոյսն՝ դիւցազնուհւոյ մ'ան-  
խըռով դիմօք, հօրն և մօրը ձեռքերը անհուն  
գորովանօք համբուրելէ յետոյ, և ակնածու ձե-  
ւով զՏիկին Երանեան ողջունելէ ու զիւր բարե-  
կամուհին սրտին վրայ սեղմելէ վերջը տունէն  
դուրս ելաւ, յայնժամ անմխիթար մայրը յոր-



դասատ արտասուօք սկսաւ լալ դասնայէս :

Նոյն վայրկենին ո՛րչափ զժուարին էր Տիկինն Երանեանի զիրքը, որ կ'զգուշանար զգայուն կամ սփոփարար բառով իմն այդ կնոջ գոռոզութեանն ընդհարկանելու : Ի՞նչ ըսեր, երբ նա կը կրկնէր անդադար թէ զաւկէն կը բաժնուէր ամուսնոյն մերձաւորութենէն հեռացընելու համար զայն միայն :

Անմիտ գլուխներ կան որք կը կարծեն խաբել զուրիշներն երբ իրաց բուն վիճակին տեղեակ են անոնք : Գուցէ մարդս իւր անձը խաբելուն մէջ վայելչութիւն մի կ'զգայ :

Նոյն միջոցին հայրն՝ ըստ իւր սովորականին, անխօս կը գալարէր իւր անկեան մէջ, և երախտագիտութեամբ կը հանդիպէր համակրալից նայուածոց Տիկինն Երանեանի՝ որ առաւել աչերոյն քան թէ բերնովը կը համարձակէր մխիթարել թշուառ մարդը ի ներկայութեան իւր կնոջ :

Իսկ Արաքսիա՝ մտնալով բոլոր իւր զիւցադնական արիութիւնը, կը կարծէր թէ ճամբուն վրայ պիտի նուազէր : Սիրաբ իւր բաժինը կը պահանջէ միշտ . և եթէ վայրիկ մի կ'ընկճի խոնարհելով քաջութեան առջեւ, ընդ հուպ յաղթահարելով իւր վսեմ տկարութեամբը կը ներկայանայ դարձեալ :

---

### ԳԼՈՒԽ Ը.

Պ. Արգարեան հարուստ վաճառական մ'էր : Իւր մատաղ տիոց մէջ գաւառէն Պօլիս եկած էր, ու հայրենակցի մօտ ապրելով վաճառակա-

նութեան արուեստին հետամտած էր, վարժութեամբ զայն ուսումնասիրած, յառաջացած սոյն ասպարէզին մէջ, և տիրոջն օժանդակութենէն ու պաշտպանութենէն օգտուելով՝ յաջողած էր անկախ և յաջող դիրք մ'ապահովելու անձին:

Մարդուս առաջին մտածութիւնը՝ երբ բարբերը խանդարեալ չեն, ամուսնութեան մէջ հանգիստ վիճակ մի վայելել է: Մարդս կարծես ընկերոջ մի կը կարօտի թէ՛ երանութեան և թէ՛ թշուառութեան մէջ: Երանութենէն երբ ուրիշ մի եւս բաժին ունենայ՝ թուի թէ կը կրկնապատկուի այն, կ'ընդլայնի, կը զարգանայ և կ'ուսճի: Իսկ թշուառութիւնը կը թեթեւնայ ուրիշի վրայ յենելով, և իւր ընկճող ծանրութիւնմասամբ կը կորսնցնէ:

Պ. Արգարեան համեստ և պատուակիր ընտանեաց միածին դուստրն առած էր ի հարսնութիւն: Սա անձ մ'էր առանց նշանաւոր գեղեցկութեան, բայց բնութեամբ ազնիւ էր, պարկեշտ, և լրջամիտ: Նա կը վայելէր անձայն և անշուկ ամուսնոյն վիճակն՝ որ օր աւուր զարմանալի կերպիւ կը զարգանար, և ընկերակցին երջանկութիւնը կ'ապահովէր իւր հանդարտաբարոյ ընթացքովն ու անընդհատ ջանիւքը զինքը գոհացնելու: Ողորմած էր հոգւով, ձեռքը միշտ պատրաստ ընկերային վէրք մի բուժելու, արտօսք մի սրբելու, կարեւէր սրտի մի օգնելու: Զայս ամենայն կը գործէր ոչ թէ իւր անունը ամենուրեք հնչեցնելու համար, այլ պարզապէս, վասն զի բարեգործութիւնը իւր հոգւոյն սնունդըն էր:

Կան այնպիսի շնաշխարհիկ արարածներ որք իրենց անձը կը մոռնան որպէս զի այլոց համար ապրին : Իրենց գործած բարեաց բնաւ կարեւորութիւն չեն ընծայեր զանոնք անբաւական համարելով , բայց կը յիշեն ամեն ծառայութիւն՝ նոյն իսկ աննշանը , զոր ընդունած են իրենք : Մատուցած բարեաց փոխարէն ապերախտութեան կը հանդիպին , և զայն իսկ կը ներեն առարկելով թէ բարեգործութիւնն նպատակ ունենալու է լոկ մարդկութեան ծառայելու յօժարութիւնը , առանց վարձատրութեան բաղձանքը տածելու :

Ուստի Տիկին Արգարեան ոսկիներն առատապէս կը բաղէր իւր ամուսինէն ի պէտս թշուառաց , ու կ'ապրէր գոհ ընդ մէջ իւր բարեգործութեանց ու ընտանեկան անդորրաւէտ կենաց , երբ ահա արու դաւկի մի ծնունդը ամբողջացուց իւր երանութիւնը :

Մանկիկ Կերսէսը ծնողացն յոյսն էր և երջանկութիւնը : Գեղեցկազէմ , առոյգ , աշխոյժ , համայն կեանք էր և շնորհք : Ո՞րն է արդեօք մայրն այն՝ որ երբ այդպիսի արարած մի սրտին վրայ կը սեղմէ , սքանչելի բացառիկ երազներ շտեմներ անոր նկատմամբ : Մեծագործութիւն , փառք , հռչակ , այս ամենայն կ'ուրուագրուի շրայուցիչ կերպիւ մայրենի աչաց առջեւ : Եւ մայրը կը ժպտի ապագային , մինչ մանուկը կը ժպտի իւր մօր : Մայրն ու զաւակը մէկ հոգի կը կազմեն և կ'ամբողջանան երկրորդ անձով մի որ ամուսինն է միայն , ու՞հայրն երկրորդին :

Տարիները դիւրասահ կ'անցնէին և յանգագաստս՝

իրբ բարեբաստ տարիներն . կ'աճէր Ներսէս գեղեցկութեամբ , առողջութեամբ և իմաստութեամբ , ու կը յառաջանար խելացի և գորովագութ մօր մ'առաջնորդութեամբ : Մայրը զուկին սիրաբ կը կրթէր հաստատուն սկզբանց հիմունքը դնելով , իսկ ընտիր դասատուաց կը թողուր անոր միտքը մշակելու հոգը :

Երբ Ներսէս տասն և ութ տարեկան եղաւ , կը ներկայանար իբր հրաշագեղ պատանեակ , ծանրաբարոյ , ազնուասիրտ , լրջամիտ , և ուսմանց մէջ յառաջացած : Կը սիրէր զիւր հայր , կը պաշտէր զիւր մայր , կը հիանար լաւին ու բարւոյն վրայ :

Մայրը կը նայէր անոր իրաւացի հպարտութեամբ իմն , մտածելով թէ այդ շնաշխարհիկ արարարածն իւր սեփականութիւնն էր :

Մեծ գոհունակութիւնը կարծես ճակատագրական օրինաց հակառակ է : Արգարեան կենաց հորիզոնը խիստ պայծառ էր երկարատեւ շարունակութիւն մ'ունենալու համար , հետեւապէս մթազնեցաւ : Ահարկու սեւ ամպ մ'անցաւ այդ ընտանեաց վրայէն , որոտաց , փայլատակեց , ու շանթահարեց վերջապէս զՏիկին Արգարեան :

Ազնուասիրտ կիներն ութ օրուան միջոցին մէջ հիւանդացաւ ու մեռաւ բժշկական ամենայն ազդու միջոցաց դէմ ըմբոստ մնալով : Մեռնելու ժամանակ Տիկինն իւր գորովալից երախտագիտութիւնն ամուսնոյն նուիրեց , իսկ զհամայն հոգին՝ իւր որդւոյն : Այդ սիրոյ փարօսը նուազեցաւ հանդարտօրէն ինչպէս փայլած էր երբեմն մեղմիկ և անշուկ :

Մեռաւ Տիկին Արգարեան մինչ երեսուն երեք տարեկան էր, տակաւին իւր ամուսինն անմխիթար կ'երեւար, և մէն մի անգամ որ կնոջը բարեմասնութեանց յիշատակութիւնը կը լինէր ցաւը կը սաստկանար ու շարաշար կը յուսահատէր:

Իսկ Ներսէս՝ որ նոյն միջոցին տասն և ութերորդ տարին լրացուցած էր, առանց հոգւոյ մարմին մի դարձաւ: Իւր մօրն աչքերէն ու հոգիէն կը քաղէր եռանդն աշխատութեան ու բարեգործութեան: Երբ նա մեռաւ՝ ինքը ջուրտեցաւ, վհատեցաւ, գոգցեւ զիակնացաւ: Զախմախուած էր ելեքարական թելն որուն մէկ ծայրը մօրը սրտին կապուած էր և միւսն իւր սրտին, և ուսկից սիրոյ և խրախուսանաց յորձանք մի կ'անցնէր անդադար: Պարսպ մի կը նկատէր տան մէջ, պարսպ մի սրտին մէջ՝ որ մէն մի օր կ'ընդլայնէր:

Քանիտն դառն է սիրամաշ հոգւոյ համար շտեմնել ու չիտայտայել գանձն այն որ համայն գութ էր իրեն համար, որ սէր էր, ներշնչումն և անձնուիրութիւն: Ոչինչ կայ իւր տեսութեան համար, ոչինչ՝ իւր լսողութեան համար: Եւ սակայն նայուածքն է որ զմեզ կ'ողբերէ, ձայնն է որ սնանաւն կը գոչէ:

Յիշատակ մի կար միայն Ներսէսի համար, և այդ յիշատակն իւր վրայ կը ներգործէր իրր սըրբանուէր թանկագին պատկեր մի որ մութ գոյներով նկարուած է, և որ առաւել տխուր բան թէ սփոխարար ազդեցութիւն մ'ունի:

Աշխարհ անապատ մի դարձած էր մեր երիտասարդին համար, օրն ի բուն գրեթէ առան-

ձին կ'անցնէր իւր գրեանց մէջ նստած , մեծ մարդկանց օրինակաւն ջանալով յաղթել իւր վըշտին : Բայց դիւրի՞ն է արդեօք յաղթահարել թշնամոյ մի՛ հանգոյն վշտի՛ որ մինչ ընկճեալ կը թուի , վեր կը կանգնի յանկարծ ու զհոգին վերստին գալարելով կը վիրաւորէ : Համակերպիլ բաղդին հարուածոց բժշկուիլ չի նշանակեր , այլ սարգասէս սգոյ հեա եղբայրանալ է՝ և լուսթեան մէջ շոյել՝ ինչ որ զհոգին կը մաշեցնէ անընդհատ և անձայն : Այդ վիճակին մէջ կը գտնուէր Ներսէս :

### ԳԼՈՒԽ Թ.

Պ Արգարեան , հայր էր գորովալից , պատրաստ ամեն ինչ կատարելու զաւակը գոհացնելու համար : Կը տառապէր երիտասարդին արխուր կերպարանքը նկատելով , կը փափարէր մըխիթարել զնա , բայց անկարող էր հաստատել այն սքանչելի յարաբերութիւնքն որք ընդ մէջ երկու հոգիներու տիրած էին երբեմն՝ այսինքն մօր ու իւր զակին , և կամ լաւ եւս է ըսել , ընդ մէջ երկու հոգիներու ի մի ձուլած :

Սիրելու զգացումն նոյնչափ նրբութիւններ կը պարունակէ որչափ երաժշտական ներգաշնակութիւնը : Գորովոյ մէն մի բարբախում մաս մ'է սիրոյ , ինչպէս մէն մի գեղեցիկ մեղեդիք մաս մ'է ընդհանուր ներգաշնակութեան . և սակայն ամենքն իրարմէ կը տարբերին , կը զանազանին , նոր ձեւերու , նոր գոյներու , նոր նրբութեանց

ներքեւ հանդիսանալով : Չայներն երբ իրարու հետ համաձայնին ներդաշնակութիւն մի կը կազմեն . նոյն է և զգացմանց մասին :

Պ. Արգարեան կը սիրէր բոլոր սրտովն զիւր որդին , առատապէս փոխարինուած լինելով անկէ : Բայց բանի որ զգալու , մտածելու և դատելու ահագին տարբերութիւն կար երկուքին միջեւ՝ անհնարին էր հաստատել հոգիներու և մտաց կատարեալ համաձայնութիւն : Երկու մեղեդիք էին որուն մին կարգաւորեալ էր և ըստ կանոնի յօրինեալ , իսկ միւսն աւելի թարմ էր , աւելի խորունկ , աւելի վե՛մ նրբութիւններ կը պարունակէր : Մին էր սովորականը , միւսն՝ անսովորը : Ինչ որ միոյն համար բաւական էր , միւսին համար անբաւական էր : Ինչ որ էր հօրն համար կանոնաւոր աշխատութիւնը , որդւոյն համար էր օգտակարը , լաւը և սէրը :

Պ. Արգարեան կը հայթհայթէր որդւոյն ամեն խնամք , ամեն արգահատանք և ցոյց սիրոյ : Չայդ ամենայն կ'ընդունէր Ներսէս երախտագիտութեամբ , բայց կ'զգար միշտ պարսպ միշուրջը որ իրեն անհնար էր լեցնել . առանձին կ'զգար իւր անձն երկրիս վրայ , և յինքն ամփոփուելով , ուսման մէջ կ'ուզէր գտնել սիտփանք իւր սրտին՝ ու մտացը ճարակ :

Պ. Արգարեան դառնապէս զգաց նախ կնոջը կորուստը , բայց վերջապէս մտածեց թէ մեռեալը ետ չէր կարող բերել վշտովն , հետեւապէս ջանաց մխիթարուիլ և ստուգապէս մխիթարուեցաւ : Աւստի հազիւ երկու տարիներ անցած էին իւր այրի կացութեան վրայ , և ահա մտադիր

էր յաջորդ մի տալ իւր հանգուցեալ կողակցին :

Բնական օրէնք դարձած է գոգցես , որ այրի մարդիկ կրկին ամուսնութեան ձեռնարկեն : Եթէ բարերաստ էին առաջին ամուսնութեամբ , կը կրկնեն զայն վերստին երջանիկ լինելու տըրամադրութեամբ : Իսկ եթէ դժբաղդ՝ լաւագոյն ամուսնութեան յուսով երկրորդ պսակագրութեան կը դիմեն :

Պ. Արգարեան որուն ամուսնական երանութեան վրայ տարակոյս չունէինք , երբ սգոյ պատշաճողական ժամանակը լրացաւ , և օրինաւորապէս ու ամենայն խղճմտութեամբ ողբաց զիւր հանգուցեալ ընկերուհին , երկրորդ անձ մ'որոշեց իբր տիրուհի իւր բաղդին :

Յոյս ունէր թէ բաղդը նոյնչափ նպաստաւոր պիտի լինէր իրեն երկրորդ անգամ որչափ առաջինն : Հետեւապէս հաւանեցաւ առնուլ ի կնութիւն չքնաղ որբ երիտասարդուհի մի որ անչուք ընտանեաց կը վերաբերէր , առանց որ և է խուզարկութիւն մ'ընելու անոր բնաւորութեան վրայօք :

Երբ իմացաւ Ներսէս հօրն ամուսնանալու ըրած որոշումն կարծես թէ յիմարեցաւ : Չէր բաւեր իրեն զմայրն իւր կորսնցնել , և ահա օտարական մի կուգար անոր տեղը գրաւել : Սաստիկ սրտմտութիւն զգաց հօրն ընդդէմ , և իւր անձը հիւանդ դաւանելով առանձնացաւ խուցին մէջ յայտնելով հարկաւորութիւնը զոր կ'ըզգար բնաւ մարդ չընդունելու : Հայրը հպատակեցաւ որդւոյն կամացը զի լաւ կ'ըմբռնէր այդ հակառակութեան պատճառը :



Երբ ամուսնութեան օրը մօտեցաւ, Ներսէս իրր թէ օգտաւորութեան մտօք տունէն հեռացաւ, բնաւ ակնարկութիւն չընելով հօրն ամուսնական խորհրդոց:

Պ. Արգարեան իրօք կը ցաւէր յոյժ որդւոյն յայտնած հակառակութեան վրայ առանց սակայն իւր գիտաւորութիւնն այլայլելու: Նա մանաւանդ կը մտածէր թէ ամեն ինչ ժամ յառաջ կատարելու էր որպէս զի նոր տիրուհին տան մէջ իւր տեղը գրաւելով հարկադրէ զերթտասարդն հպատակելու ըմբօցած իրողութեան մ'առջեւ: Ուստի մեր յիսնամեայ փեսան փութացուց ամուսնութեան խորհուրդը բան և հինգ տարեկան հարսին հետ, և ի սպասի հանգուցեալ կողակցին և որդւոյն՝ անշուք կերպիւ կատարեց զայն՝ հակառակ կամացն իւր հարսընցունին:

---

ԳԼՈՒԽ Ժ.

✓ Նոր Տիկին Արգարեան շքեղապէս գեղեցիկ անձ մ'էր: Մորթին փափկութիւնն ու սպիտակութիւնը, դիմական գծերուն կանոնաւորութիւնն և հասակին վայելչութիւնը զինքը նշանաւոր կը հանդիսացնէին: Իւր սեւաթոյր վայրենի աչերն առաւել կամք և յանդընութիւն կը յայտնէին բան թէ քաղցրութիւն: Ուսմամբ գրեթէ ոչինչ էր, և զուրկ ամեն նուրբ ու ազնուական զգացումէ: Հնարամիտ էր, ճարպիկ և հեշտասէր:

Նոյն վայրկեանէն որ ամուսնացաւ՝ տիրող դիրք մ'ստացաւ իւր հեղափոխոյ ամուսնոյն վերայ . և սա խոնարհելով այդ իշխող ձեւերուն առջեւ՝ հպատակի կերպարանք մ'առաւ իսկոյն :

Այինչ զկին այնչափ յանդուգն կ'ընէ՝ որչափ ամուսնոյ մի բնութեան տկարութիւնը : Յայնժամ մէն մի օր նոր քմահաճութեան ծնունդ կուտայ . և անոր գործադրութիւնն ապահովելու համար կինը մերթ հրամայական ձեւերու կը դիմէ և մերթ փաղաքշանաց :

Այր մարդն որ վայրիկ մի քաջութիւն ունեցած էր կնոջը դիմադրելու՝ զամեն ինչ կը մոռնայ հանդէպ նազելանաց գեղանւոյն , կը թուլանայ կատարելապէս , և կինն օգուտ քաղելով այդ տկարութեան վայրկեաններէն՝ իւր իշխանութիւնն եւս քան զեւս կը հաստատէ : Մարդս նոյն դիւրութեամբ կը վարժի բանութեան ինչպէս հպատակութեան . առաջին պարագային մէջ գոհունակութիւն կայ , իսկ երկրորդին մէջ կամաւոր համակերպութիւն :

Տիկին Աբգարեան իւր ունեցած իշխանութենէն օգուտ քաղեց ստանալու համար գեղեցկագոյն զարդերը , ադամանդները և կարասիները : Բերայի բնակութեանն այնպիսի շքեղ կերպարանք մի տուաւ որ ճոխութեամբը կրնար մրցիլ ընտրելագոյն տանց հետ : Սպասաւորաց բազմութիւնն և մանաւանդ կառաց շքեղութիւնը զինքը նշանակելի կ'ընէին ամենուրեք :

Չարալեզու վերջին ծայր՝ այդ կինը կը մեղադրէր այլոց վրայ ինչ որ անձին առատօրէն կը ներէր , ու արուեստաւորեալ պարկեշտու-

Թեան քողին ներքեւ ջանադիր կը լինէր ծածկել բոլոր թեթեւութիւնները : Պիսաուր հաճոյքներէն մին էր զարդարուիլ, զարմացողացն թիւը ստուարացնել, ու սրտի զոհեր կատարել :

Իւր խօսակցութեան հաճոյական նիւթն էր նորաձեւութիւնն : Երբ տիկնոջ մի հանդիպէր, գլխէն մինչեւ ոտքն աչքէ կ'անցնէր զայն, նոր քննադատութեան նիւթ հայթհայթելով անձին . զգեստուց խնդիրն էական պայման մ'էր իրեն համար, ու կնոջ մի արժանապատուութեան աստիճանը հազաձներէն կը դատէր ինչպէս և ունեցած ընկերական վիճակէն :

Իսկ Ներսէսի գալով՝ երբ հօրը թախանձանքէն շարժեալ հաճեցաւ վերստին հայրենի յարկը վերադառնալ, անզուսպ հակակրօթիւն մ'զգաց մօրուին դէմ, և այդ աննպաստ զգացումն եւս քան զեւս սաստկացաւ, թէեւ երբէք քաղաքավարական պահանջմանց դէմ չգործեց : Ստոյգ է որ դժգոհ լուծեամբ իմն կը դատապարտէր հօրը ականութիւնը կնոջը նկատմամբ :

Երիտասարդին ծանր և վայելուչ վարմունքն առաջի օրէն պատկառանք ազդեց Տիկին Արգարեանի, և տարիներ բոլորելով Ներսէսին ազդեցութիւնն եւս քան զեւս սաստկացաւ անոր վրայ :

Պ. Արգարեան երկու էգ գաւակներ ունեցաւ երկրորդ կնոջմէն, որոց երիցագոյնը տասն երկու տարեկան էր, և կրտսերը՝ ինն՝ նոյն ժամանակին որ Արաքսիա կոչուած էր անոնց հետ ծանօթանալու :

ԳԼՈՒԽ ԺԱ.

Արաքսիա՛ յազթելով հետզհետէ այն յուզման որ գրաւած էր զինքն ընտանիքէն բաժնուելէն յետոյ , մինչ կը քայլէր փողոցին մէջ ջանաց մըտացը տարբեր ուղղութիւն մի տալ , ու պատրաստուիլ իւր նոր կացութեան :

ՁՏիկին Արգարեան բնաւ չէր ճանաչեր , նոյնպէս և անոր շուրջը գտնուած անձինքը : Թէեւ արի էր նա բնութեամբ , հանդերձ այսու սիրտը թունդ ելած էր և սաստիկ բարասում մ'զգաց երբ տան դրան մօտեցաւ զայն բախելու համար : Կանկ առաւ վայրիկ մի հոն , ձեռքը սրտին տարաւ իբր թէ անոր թրթռալն արգիլելու մտօք , ճիգ մ'ըրաւ հանդարտ կերպարանք մ'առնելու , զանգակը քաշեց , և երբ դուռը բացուեցաւ՝ տեսաւ հանդէպ իրեն լաւ հագուած սպասաւոր մի որուն գոռոյ ձեւերը շատ իսկ կը յայտարարէին թէ նա կ'արհամարհէր իւր զգեստուց անշքութիւնը :

X — Տիկին Արգարեանի տունը ա՛յս է արդեօք հօրցուց , օրիորդը :

— Այո՛ , պատասխանեց սպասաւորը սէգ կերպիւ :

— Տիկինը կրնա՞ ընդունիլ զիս արդեօք :

— Ո՛վ գիտէ :

Իմացուցէք իրեն թէ Օրիորդ Արաքսիա իւր տրամադրութեան ներքեւ է : *Բարի*

— Սպասուած վարժուհին գու՞ր էք :

— Այո՛ :

— Իմ ետեւէս եկէք :

Սպասաւորին առաջնորդութեամբ անցաւ օրիորդն մարմարիոնէ ընդարձակ բակէ մը որ լի էր ծաղկօք զարմանազան և երփնեքանգ . վեր ելաւ լայն շքեղ սանդուղէ մի նոյնպէս մարմարեայ . հիասքանչ սրահի մի մէջ մտաւ ահագին հայելիներով և ոսկեզօծ կարասեօք զարդարեալ, և որուն որմերէն վար կախուած էին երեւելի հեղինակաց նկարներն, ու ձեղունին մէջտեղ կը ցոլար ճանճանչալից փառաւոր ջահ մի :

Արաքսիա գոհունակութեամբ նայեցաւ բոլոր այդ ճոխութեանց, զի կը գնահատէր ինչ որ արդիւնք էր յաւ ճաշակի, և մանաւանդ ինչ որ երեւելի հանճարի մտաց արտադրութիւն էր :

Փորրիկ վայելուչ սենեկի մ'առջեւ հասան . սպասաւորն հրաւիրեց զինքը ներս մտնելու և սպասելու մինչեւ որ, կ'ըսէր, Տիկինը հրամանները տայ իրեն, և ապա մօրդն անյայտ եղաւ :

Տիկինն Արգարեան երջանիկ էր մէն մի անգամ որ կրնար իրր թագուհի ներկայանալ խոնարհագունից աչաց, շլացնել զանոնք իւր հարըստութեամբն, ու պատկառանք ազդել ձեւերուն գոռոպութեամբը :

Նետեւապէս երբ սպասաւորն ներկայացաւ Տիկնոջ իմացնելու համար վարժուհւոյն գալուստը, նա սէգ եղանակաւ պատասխանեց .

✓ — Թո՛ղ սպասէ :

Գրեթէ կէս ժամ անցաւ և ապա Տիկինն ոսկեզօծ արեւելեան կերպասէ առաւօտեան զգեստ մի հազած տարածուեցաւ սրկապանին (boudoir) մէջ գտնուած բազմոցներէն միոյն վրայ՝ որ նոյնպէս արեւելեան ճաշակին համեմատ կարմիր ու

դեղին մետաքսեայ կերպասով շինուած էր : Որմերն զարդարուած էին թանկագին գորգերով որոնց վրայ սփռուած էին կլորաձեւ փոքրիկ արծաթապատ հայելիներ, նոյնպէս և դետինը ծանրագին գորգ մի տարածուած էր : Աստ և անդ փոքր սեղաններ՝ արուսեակով զարդարուած՝ հնութեան վերաբերող այլ և այլ նիւթերով բեռնաւորուած էին . միոյն վրայ արծաթեայ խընկաման մի կար որ անուշարոյր հոտեր կը ծաւալէր շուրջ, հեշտութեան զարմանալի ազդեցութիւն մը ներգործելով :

Սենեկին մէկ անկիւնը չափաւոր մարմարիովէ աւազան մի կը շողշողար . հո՛ն կը լուացուէր Տիկինը, երեսը սրբելով բարակ կտաւներով սուկեզօծ ջուրքերով բանուած :

Բայց այս արեւելեան ոճով սենեկին գեղեցկագոյն զարդն՝ բնական մեծութեամբ Տիկնօջ կենդանագիրն էր որ անմիջապէս սենեկին դէրան հանդէպ կախուած էր : Անդ Տիկինը ներկայացուած էր տաճկական կապոյտ գգեստով մի, վիզն ադամանդեայ մանեակ, և գլուխը նոյնպէս ծանրադիւն ադամանդեայ պսակ մի կրելով : Յոտն կեցած էր որպէս զի հասակին գեղեցկութիւնն ի հանդէս բերէ : Նկարին մութ յատակը ի լոյս կը բերէր ամբողջ գեղեցկութիւնը կնոջ դիմաց ու զարդուց :

Անդ բնաւ հետք չկար որ և է գրեանց . կարծես թէ խորան մ'էր Աստղկան նուիրեալ, այնչափ ամեն ինչ աչքերը շրջանելու և գգայարանքը գրգռելու կը նպաստէր :

Սրբ Արաքսիա սրսկապանին գրան առջեւ

հասաւ, բոլոր ուշադրութիւնը գրաւուեցաւ այդ շքեղ կենդանագրէն :

Տիկին Աբգարեան գոհունակութեամբ նկատելով զայդ հիացում մինչդեռ երիտասարդուհին կը նայէր սքանչացմամբ պատկերին առանց ներկայացնող անձը տեսնելու, պատրաստուեցաւ թագուհւոյ ձեւեր առնուլ այն փնձին նկատմամբ զոր արդէն իբր իւր հպատակը կը նկատէր :

Բայց երբ օրիորդը նշմարեց յանկարծ զՏիկին, նկարին նմանութենէն անմիջապէս հասկըցաւ թէ կենդանագիրն զնա կը ներկայացնէր : Յայնժամ երիտասարդուհին աղնուական ձեւովը մտեցաւ Տիկնոջ ու բարեւեց զայն ամենայն արժանապատուութեամբ առանց որ եւ է խոնարհութեան նշան տալու :

Տիկին Աբգարեան որ գոհունակութիւն զգացած էր նախ աղջկան յայտնած զմայլմանէն ի տես իւր կենդանագրին, յանչափս դժգոհ եղաւ հաստատելով անոր անտարբեր ձեւերն այնաչափ ճոխութեան առջեւ, ինչպէս և անոր մեծանձն գիրքն հանգէս իրեն :

Անշուշտ այդ անտարբերութեան եղանակը կը նեղացնէր զՏիկին քանի որ անկար էր նախանձու զգացում մի զարթուցանել, և հետեւապէս իբր ստրուկ խոնարհեցնել զօրիորդն իւր առջեւ : Բայց այդ կնոջ գոռոզ հոգին փութաց յայտնել այն մեծ ընկերական անջրպետն որ կար իրեն և ազքատ աղջկան միջեւ, ուստի արհամարհոտ եղանակաւ մ'ըսաւ .

— Դուն յանձնարարուած ես ինձ արժանա-

հաւատ անձէ մի . ջանա՛ դիս գոհ ընել զաւակացս պէտք եղած խնամքը տալով : Աւելորդ է ըսել թէ քեզ համար մեծ բաղդ մ'է այսպիսի հարուստ տան մի ծառայելով :

Եւ ադա դառնալով սպասարկու կնոջ մի՛ յարեց ,

— Այս աղջիկը առաջնորդ է տղայոց սենեակը :

Ողորմելի Արաքսիան սաստիկ հարուած մ'ըզգաց ի լուր այդ գոռոզ խօսքերուն , և անմիջապէս վերահասու եղաւ որպիսի անձի հետ գործ ունենալուն : Բայց ի՞նչ կրնար ընել . իւր ծնողքը նպաստի պէտք ունէին որով պարտական էր համակերպիլ իւր նոր վիճակին , մանաւանդ երբ խիստ գոհացուցիչ նիւթական վարձատրութիւն մի խոստացուած էր իրեն :

Տարին զինքն ընդարձակ սենեակ մի ուր կարասիք պարզ էին , մաքուր և վայելուչ , և ուր երեք անկողին կային՝ որոց երկու փոքրիկներն մակարբերեց թէ ներկայ գտնուող երկու տղայոց կը վերաբերէին . իսկ երրորդ մեծը՝ իրեն յատկացեալ էր անշուշտ : Երկու աղջկանց համակրելի դէմքերը լաւ տպաւորութիւն մ'ըրին վրան , ջնջելով մասամբ իրենց մօրն ըրած աննպաստ ազդեցութիւնը :

Իրեն առաջնորդող կինն երկու տղայքը ցոյց տալով ըսաւ .

— Օրի՛որդ , ահա աշակերտու հիներդ , նայէ որ ազէկ հոգ տանիս անոնց : Այս մեծ տուն մ'է , մեզի պէս<sup>ք</sup> գուն ալ բաղդ ունեցար հոս մանելու :



Ի՞նչ զգաց խեղճ Արաքսիա երբ տեսաւ զան-  
ձըն իւր դատապարտուած աղախնոյ մ'ատափ-  
ճանին հաւասարելու երբ այնչափ եղական դաս-  
տիարակութիւն մ'ստացած էր : Բայց ինքը որ-  
դիական սիրոյ զօհն էր, հետեւապէս ամեն ինչ  
յօժարութեամբ պիտի տանէր :

ԳԼՈՒԽ ԺԲ.

Երկու տղայոց քաղցր և անմեղ կերպարան-  
քը վարժուհւոյն վրայ ախորժելի տպաւորութիւն  
մ'ըրաւ : Մին էր խարտեաչ ոսկեթեւ մազերով,  
ճերմակ մորթով, ու կապոյտ երազուն աչերով :  
Կարծես երկինք կը ցոլային այդ երկու վճիտ  
աղբիւրներուն մէջ : Այդ մանկան ձայնն երա-  
ժըշտութիւն մ'էր, շարժումը նազելանք, և նայ-  
ուածքը՝ փայփայանք : Խաչական այն երեւոյթ-  
ներէն մին էր որ ծնած էր կարծես սիրելու,  
սիրուելու, տառապելու և մեռնելու համար :  
Այդպիսի բնութիւնք խիստ ազնիւ են այս աշ-  
խարհիս վրայ ապրելու համար, զի դառնու-  
թեանց թեթեւ ընդհարումը կը բաւէ զանոնք  
տառապեցնելու, ճնշելու և հալածելու համար ի  
սպառ : Այդ գողտրիկ էակին անունն էր Աղաւնի :

Իսկ երկրորդն՝ Արմինէն, հակառակն էր ըստ  
ամենայնի իւր երիցագոյն քրոջ : Թուխ էր կեր-  
պարանքը, աչերն հրափառ, բնութեամբ աշ-  
խոյժ, անհանդարտ, շարանճիկ, զուարթ, շա-  
տախօս իբր զթռչուն գարնանային, բարի և սի-  
րուն : Կարծես սա ծնած էր ընդհակառակն

բազդին հարուածոց դիմադրելու և նոյն իսկ  
յաղթելու անոնց :

Յրկու ներհակ տեսակներ կը ներկայէին այդ  
երկու փափուկ և համակրելի արարածներն որք  
աղախիններու ձեռաց էին մատնուած՝ զուրկ  
մայրենի ամեն հողատարութենէ : Ճշշի ժամա-  
նակ միայն տղայք սեղանակից կը լինէին իրենց  
մօր, և ի ներկայութեան անոր բոլորովին եր-  
կիւզիւ համակուելով, մին իւր նայուածքին  
քաղցրութիւնը կը կորսնցնէր, և միւսը իւր աշ-  
խոյժը : Կարծես թէ երկու յանցաւորք էին որ  
լռին կ'աշխատէին մայրենի դատապարտութեան  
վճռոյն խստութիւնը մեղմացնելու :

Հայրն՝ թէեւ լի էր գորովով տղայոց նկատ-  
մամբ՝ սակայն կնոջմէ վախնալով, չէր համար-  
ձակեր զանոնք իւր սիրոյն բացարձակ առարկան  
ընել : Անմիջապէս որ երկու քոյրերն իրենց ճաշն  
աւարտած էին կը փութային իրենց խուցը քաշ-  
ուիլ ընկերակցութեամբ խնամակալ կնոջ մի,  
փոխանակ ծնողաց շուրջը կենդանութիւն, շար-  
ժում և նուագ տարածելու :

Այ՛ այն կնոջ որուն հոգին զուրկ է մայրե-  
րենի բանաստեղծութենէ, և որ անկարող է  
կարդալ որդեկացը սրտին մատենանին մէջ, հո՛ն՝  
ուր մէն մի օր՝ նոր տառ մի կը գծադրուի ժա-  
մանակին, սրբազայից և դատտիրակութեան  
ազդեցութեամբը : Այդ տառը մերթ պայծառ  
է, մերթ սեւ, մերթ յտակ, մերթ ծածկուած,  
բայց կաթոգի մօր մի համար միշտ իմանալի :

Սակայն ուրիշ անկախ ազդեցութիւն մի կը  
տարածուէր այդ մանկանց վրայ, այն էր ազդե-

ցութիւնն Ներսէսի որ կը ջանար իւր քջութեամբն այդ երկու մատաղ տունկերուն ուղղութիւն մի տալ : Շատ անգամ տղայոց սենեակն երթալով անոնց կ'ընկերակցէր , ու խօսքերովն կ'ախտէր այդ թարմ մտաց մէջ զարթուցանել նշոյլ մի բանականութեան , և անոնց սըրտին մէջ արծարծել սիրոյ կայծն : Երկու քոյրերն կը ներկայանային հանդէպ իրենց եղբօր ինչպէս էին իրօք , այսինքն իբր զոյգ մի հրեշտակ :

Զրկել տղայն ազատ դիրքովն հանդիսանալու իրաւունքէն , զրկել է գարունը իւր ծաղիկներէն , առուակը իւր մրմունջէն , եր'իներ իւր լոյսէն : Եւ երբ երկու մանկունք կը տեսնէին իրենց եղբայրը , մին կը վարձատրէր զայն երկարատեւ անոյշ նայուածքովը , և միւսն օրոտախօս ճիշովը :

Բայց Ներսէս նկատելով թէ ինքն առանձին անկարող էր ստանձնել հոգը կրթելու իւր երկու նազելի պաշտպանեալներն , առաջարկեց մօրուն արժանաւոր վարժուհւոյ մի յանձնել անոնց դաստիարակութեան փափուկ պաշտօնը , ազատելով այդ դողարիկ էակներն անկիրթ ազախիններու թունաւոր ազդեցութենէն :

Տիկիներն՝ որ սովոր էր անսալ Ներսէսի խրատուց , հաւանութիւնը տուաւ , որով վարժուհի մը փնտռուելով իբր այդ ներկայացաւ մեր Օրիորդ Արաքսիան :

Աստի նոյն միջոցին որ երիտասարդուհին տեսաւ իւր երկու աշակերտուհիներն , ինչպէս ըսինք արդէն մխիթարիչ ազդեցութիւն մ'ու-

նենալով, մտեցաւ անոնց, գգուեց զանոնք, անոյչ ձայնիւն ու ժպտուն աչովք խօսեցաւ, այնպէս որ կարծես յանկարծական լուռ դաշնադրութիւն մի համակրանաց գոյացաւ անոնց միջեւ :

Հազիւ հազ երկու օրեր անցած էին, և արդէն սիրոյ երրորդութիւն մի կը ներկայէին մանուկներն իրենց վարժուհւոյն հետ : Երկու քոյրերը՝ զուրկ ի գործոյ մայրենի, գաան յանկարծ ինչ որ կը պակսէր իրենցմէ, տկար պատկերը մայրենի սիրոյ :

Պիթոյ կարօտ մանկան համար կնոջ սէրը անհրաժեշտ է : Արանց անձնուիրութիւնը կը կորուսի մանկան սրտի նրբութեանց մէջ զորս կանացի հոգին կ'ըմբռնէ ամբողջովին, և զգուշաւորութեամբ ուղեւորելով այդ նրբութեանց մէջ առանց ոչինչ աւրելու և քանդելու, կը հասնի մինչ ցհոգին մանկան զայն սնուցանելու համար կազդուրիչ սիրով :

Տիկին Արգարեան և ոչ իսկ կ'ուզէր իմանալ թէ որոնք էին յարաբերութիւնքն զաւակացն իրենց վարժուհւոյն հետ : Տղայոց դաստիարակ մի պէտք էր, զայն շնորհեց անոնց, ուստի առաւելն հոգալու հարկ չէր համարեր :

Մայրեր կան որք կը կարծեն իրենց պարտականութիւնը կատարած լինել երբ որդւոցն նիւթական պէտքերը հոգացած են : Տիկին Արգարեանի աղջիկները միշտ լաւ զարդարուած էին, արժանաւոր շքով շրջագայութեան կ'երթային, ահա դաստիարակ մ'ալ իրենց, ինչ կրնար գործուիլ առաւել քան զայս՝ ըստ Տիկին

Արգարեանի : Բայց եթէ հարկ լինէր այն տիկ-  
նոջ սրտին խորը թափանցել գուցէ հաստատ-  
ուէր թէ բոլոր այդ նիւթական խնամքը ցուցա-  
մոլութեան հետեւանք էին՝ և ոչ թէ մայրենի  
սիրոյ :

Բայց Ներսէսի հետազոտող նայուածքը շուտ  
թափանցեց օրիորդին բարոյական հանգամանաց,  
որով ապահովուեցաւ թէ իւր սիրած քնքոյշ էակ-  
ներն արժանաւոր ձեռաց յանձնուած էին : Մեծ  
էր շնորհաց ներգործութիւնն Արաքսիայի մեր ե-  
րիտասարդին վրայ, նա մանաւանդ կը սաստ-  
կանար այն օր քան զօր անոր բարոյական և մը-  
տաւորական ձրիցն առաւելութեամբը :

Թէեւ երիտասարդն ոչ այնչափ յաճախ կ'եր-  
թար մանկանց սենեակն որպէս յանցելումն այլ և  
այլ անխորժ ենթադրութեանց տեղի շտալու  
համար, սակայն ամեն առթիւ օգուտ կը բաղէր  
վարժուհւոյն հետ տեսնուելու, և անոր թէ՛ ի-  
մաստալից խօսակցութեամբն և թէ՛ պարկեշտ  
ներկայութեամբը կենդանանալու : Թուէր Ներ-  
սէսի թէ զիւր մայր կը գտնէր վերստին, և թէ  
օրիորդին մօտենալ փափաքելով իւր անցեալ օ-  
րերուն յիշատակը կը նորոգէր :

Միթէ որ կրնա՞յ միշտ ուսումնասիրել ծա-  
գումն իւր զգացմանց : Ինչ որ Ներսէսի համար  
սրբազան յիշատակի կենդանութիւնը կը թուէր,  
ոչ այլ ինչ էր բայց պարզապէս նորածիլ սիրոյ  
սկզբնաւորութիւնը :

ԳԼՈՒԽ ԺԳ.

Շարաթները բաւական դիւրասահ կ'անցնէին մեր վարժուհւոյն համար: Եթէ իւր ծնողացը հեռաւորութեան դառնութիւնը, կամ անոնց երկուքին յարաբերութեանց մասին զգացած երկիւզը, ինչպէս և հօրն համար ունեցած արգահատանքը չլինէր, կրնար ըսուիլ թէ նա բաւական գոհացուցիչ կացութիւն մի ապահոված էր անձին, նա մանաւանդ որ ընդունած թոշակաւն կրնար շափաւոր հանգստութիւն մի վայելել տալ ընտանեացը, և այդ էր իրեն համար գլխաւոր կէտն իւր բաղձանաց: Աշխատութիւնն այն զոր կ'երազէր՝ թոյլ կուտար վերջապէս իրեն իրակացնել գործելու սկզբունքը, և այնչափ գոհացուցիչ կերպիւ վայելել անոր արդիւնքը ի նպաստ իւր սիրելեաց: Թուէր իրեն թէ ինքն նոր անձնաւորութիւն մ'էր, թէ օգտակար անհատ մ'էր ընկերութեան, թէ վերջապէս կարող էր ըսել անձին Վես կես ի հաշիւ կրնամ մտնել ես ինձմով, զի կամեցայ, կարողացայ, աշխատեցայ:»

Իայց եթէ այդպիսի գոհունակութիւն իմն կ'զգար օրիորդն, ոչ այնպէս էր անոր մօրն նրկատմամբ: Տիկինն անկարող էր համակերպելու այն հարկին որ կ'ստիպէր զիւր դուստր օտար իշխանութեան հպատակելու, նա մանաւանդ կ'անդիտանար գոռոզ և արհամարհոտ ձեւերը Տիկին Արգարեանի իւր դստեր նկատմամբ, զի Արաքսիա՝ ի մխիթարութիւն ծնողացն, իւր վիճակը նկարագրած էր միշտ իբր մին ի լաւագունից:

Բայց եթէ օրիորդն գրեթէ սեղանի ժամանակ տեսնելով զիւր տիրուհին կ'ենթարկուէր անոր արհամարհանաց, ունէր ի փոխարէն ամեն վայրկեանի գողտրիկ սէրը իւր աշակերտուհեաց՝ որոնց համար ստիպողական պէտք մի դարձած էր ինքն։

Իսկ Պ. Արզարեանի վարմունքը քաղցր էր վարժուհւոյն նկատմամբ բայց խիստ զգուշաւոր․ զի եթէ սովորականէն աւելի քաղաքավարութիւն մ'ընէր՝ Տիկնոջ խոժոռ նայուածքը կը հրահանայէր շուտով վերջ տալ այդ ընթացքին։

Իսկ Ներսէս պատկառ համակրութեամբ կը շարունակէր իւր վարմունքը երիտասարդուհւոյն հետ, նոյն համակրութեամբ փոխարինուելով անոր կողմանէ։

Թուէր Արաքսիայի թէ Ներսէսի վայելուչ ձեւերն ու իմաստալից խօսակցութիւններն էին պատճառ իւր զգացած գոհունակութեան ի ներկայութեան անոր, ու կ'անգիտանար թէ սէրն իւր հիմունքը հաստատօրէն կը ձգէր իւր անարատ սրտին մէջ։ Երբեմն երիտասարդին հետ խօսած ժամանակը յանկարծական ջերմութենէ դէմքին ողողուիլը կ'զգար, ինչպէս և թեթեւ շփոթութիւն մի։

Ներսէս կը նշմարէր զայդ, և ինքն իւր կողմանէ կը յուզուէր։ Երբէք երկուքն առանձին չէին գտնուած ազատօրէն խօսելու համար, և գուցէ յանգէտս փոփոխակի իրենց սրտերուն վիճակն իրարու յայտնելու։ Երկու հրեշտակներըն որք միշտ իրենց վարժուհւոյն անբաժանելիներն էին, կարծես պատուարն էին որք երկու

հոգիներու սիրոյ ընդհարումը կ'արգիլէին : Բայց պիտի հասնէր վերջապէս օրն՝ ուր երկու երիտասարդներն փոփոխակի իրենց գիրքն պիտի զգային :

---

ԳԼՈՒԽ ԺԴ.

Տիկին Արգարեան ընդունելութեան մասնաւոր օրեր ու երեկոյթներ ունէր, ուր ինքը կը գահակալէր իբր թագուհի զինքը պաշտող անձանց ու խնկարկուաց մէջ : Իւր գլխաւոր հաճոյքն էր երիտասարդաց սիրտը վրդովել, անոնց մէջ նախանձու սերմեր սփռել, և մերթ միոյն և մերթ միւսին շնորհել քաջալերիչ ժպիտներն ու նայուածքներն : Ասոնց մէջէն ոմանք կը խոնարհէին անոր քմահաճութեանց առջեւ, և իբր ստրուկ կը վարուէին, այնպէս որ Տիկինն իբր խաղալիք դործածելով զանոնք անխիղճ կերպիւ կը նկատէր անոնց սրտին արիւնիլը : Գեղեցկութեան այդ երկրպագուաց մէջ կային սակայն այնպիսի ճարպիկ անձինք որ արուեստաւորեալ անտարբերութեամբ կը պատասխանէին Տիկինոջ փոփոխամիտ ձկամանց, և ամեն առթէ օգուտ կը քաղէին անոր սրամտութիւնը շարժելու և նախանձը բոցոքելու՝ ի վրէժխնդրութիւն այն կանացի մեքենայութեանց որոնց ենթարկուած էին իրենք :

Աննան եղանակն էր, Արգարեան ընտանիքը վերադարձած էր գիւղէն ուր անցուցած էր ամառուան եղանակը : Տիկինը հացկերոյթ մ'առա-



ջարկեց երիտասարդաց խումբի մի, որոնց թը-  
ւոյն աւելցուց քանի մի տիկնայք բանբասանաց  
առիթները խափանելու մտօք: Այդ տիկնայք  
ոչ միայն իրեն հետ ի պայքար մտնելու անկա-  
րող էին գեղեցկութեան մասին, այլ ընդհակա-  
ռակն առաւել եւս զայն ի լոյս բերելու կը նը-  
պաստէին: Մութ յատակն էին մանաւանդ ուս-  
կից Տիկին Արգարեանի գիմական առաւելու-  
թիւնքն դուրս պիտի ցայտէին յաղթական կեր-  
պի:

Տան Տիկնոջ հաշտոյն մէջ չկար ոչ իւր ամու-  
սինն և ոչ իւր զաւակները մասնակից ընել այդ  
դաշտային խնջոյքին: Բայց Ներսէս այլօրինակ մը-  
տածեց, որով անտարբեր մայրը պարտաւորեցաւ  
միտակ դառնուլ երկու աղջիկներն իրենց վար-  
ժուհւոյն հետ ի միասին: Իսկ Պ. Արգարեան  
ընդդիմացաւ տղուն թախանձանաց, գուցէ կնոջ  
լուս հրամանացն հպատակելու համար:

Թէեւ շացուցիչ էր Արաքսիայի գեղեցկու-  
թիւնն, այսու հանդերձ Տիկինը կ'արհամարհէր  
զայդ. զի կը մտածէր թէ ի՛նչ էր վարժուհի մի  
որպէս զի անձն ի նկատի առնուի, մանաւանդ  
ի ներկայութեան իւր, երբ այնչափ չքով և  
զարդով կը փայլէր ինքն: Հետեւապէս և ոչ իսկ  
ուշադրութիւն ըրաւ անոր՝ ըստ իւր սովորակա-  
նին:

Զուարճութեան իբր վայր ընտրուեցաւ Ֆը-  
լօրիան՝ Սան-Սթէֆանօի գրօսալայրը, որ Մար-  
մարայ ծովուն վրայ կը տարածուի: Այդ սիրուն  
դաշտը հովանաւորեալ է ալեւոր ծառերէ, և ա-  
նոնց մրմունջը յարատեւ պատմութիւնն է գոգ-

ցես այն նշանաւոր պատմական արկածից որոնց  
ականատեսս եղան իրենք : Մառոց շքոյն ներքեւ  
ընդարձակ աւազաններ իրենց խաղաղ ջուրերը  
կը տարածեն , և հօն ի խաղ կը մտնեն թափա-  
ռական անհամար տերեւներ՝ երիտասարդ և փա-  
խըստական սերունդ ալեւոր ծառաստանին շոյք  
թռչնոց կ'ապաստանին այդ տերեւազարդ շար-  
ժուն շէնքերուն մէջ , ծառոց խորհրդաւոր բար-  
բառին միացնելով իրենց քաղցրալուր վանկերն  
ու յօրինելով սիրոյ ներդաշնակութիւնը . Նուազ  
և թռիչ թռչնոց յարատեւ կենդանութիւն կը  
կազմեն այդ ծառաստանին մէջ որ նախասահ-  
մանեալ է լինելու քոյն անմեղ գրօսանաց :

Մինչ խառնեցաւ բազմութիւն մի մարդ-  
կանց , կանանց և տղայոց կը խանին դալարեաց  
վրայ իրենց խնջոյքը կատարելու , երգելու և  
պարելու համար , յանկարծ կը լսուի մտակայ  
պայթիւնը հրացանի մի որ կ'ուղղուի ընդդէմ ան-  
մեղ թռչնոց՝ երկիւղ ազդելով խաղաղասէր հան-  
դիսականաց :

Արեղակն ամառն ի բուն պայծառ ճառա-  
գայթնեցող վայելէ յետոյ , և բնութեան վրայ  
տարած յաղթանակէն յոգնած , թանձր ամպե-  
րով կը վարագուէր իւր փայլուն երեսը : Մա-  
ռերը՝ դալկահար ու կորագլուխ իրենց անցեալ  
երիտասարդութիւնը կ'ողբային , մինչ իրենց ո-  
տիցն առջեւ դօս տերեւները՝ որք երբեմն լու-  
սով և կեանքով թրթռացած էին , հովուն խա-  
ղալիք եղած կը հալածուէին իրենց բնիկ ոսպէն  
հեռու , ի սպառ անհետանալու համար զերթ  
օրհասական պանդուխտք :

Սրբ դաշտն Ծլօրիայի՝ աշնանային տխրութեամբ համակուած, կ'ողբայ իւր կորուսեալ թարմ դալարեաց և զարմանազան ծաղկանց վերայ, յայնժամ խուռներամ զինեալ բազմութիւն մ'որսորդաց սոյն վայրէն անցնելով որոտացող կենդանութիւն մի կուտան իրենց շուներուն հաջիւններովն ու հրացաններուն պայթմամբը :

Գերուկ լորսմարդը մինչ օգին մէջ իւր ճարտար և օձապտոյտ թռիչք կը փորձէ յաղթանակի ճիշեր արձակելով շուրջ, ահա զօրնուած անգութ որսորդին գնդակէն՝ իւր երգն կ'ընդմիջէ ու բարձրէն գլորելով դաշտին չորցած խոտերուն մէջ կ'իյնայ : Շուները զուարթ ազազակներով թռչնոյն մահը կ'աւետեն իրենց սէգ տիրոջն որ խրոխտալով գետնէն կը վերցնէ իւր աւարը, ու նոյնչափ կը փառաւորուի որչափ մեծ յաղթութեան մի վրայ :

Ուրեմն կիրակի աշնանային գեղեցիկ բայց մեղամտազային առաւօտ մի իբր քսան հրաւիրեալք մասնաւոր կառքերով մեկնեցան Բերայէն Պօլիս երթալու համար, ուսկից շոգեկառք մըտնելով հասան ի Ծլօրիա :

Ամենքն առաւել կամ նուազ զուարթութեամբ դաշտին այլ և այլ մասանց մէջ շրջագայեցին, վայրիկ մի իրարմէ հեռացան զանազան ճամբաներէ իրարու միանալու համար դարձեալ խնդալով և խօսելով : Տիկին Արգարեան աղու կամ խիտ նայուածքով կամ գրգռիչ բառով յոյս մի կ'աղեւորէր կամ կը փարատէր : Տիկնոջ այդ ընթացքը նախանձորդներու մէջ եղած հակառակութիւնը կամ նախանձը վառ

պահելու գիտաւորութեամբ էր պարզապէս :

Արաքսիա ծառի մի ներքեւ նստած էր երկու աշակերտուհեացն հետ առանց այդ ընդհանուր շարժման մասնակցելու , մտածելով թէ գուցէ տհաճոյ լինէր տիրուհւոյն իւր հրաւիրելոց ընթացքին հետեւելովն :

Երիտասարդներէն ոմանք նկատելով հրաշագեղ գեղեցկութիւնը ազջկան ինչպէս և համեստ ու վայելուչ վարմունքը , մտեցան աստիճանաբար անոր ու սկսան հետը խօսակցիլ : Վարժուհին՝ առանց զանոնք քաջալերելու և սակայն առանց անքաղաքավարութիւն մի գործելու , աղնիւ բայց համառօտ կերպիւ պատասխանեց , և օգուտ քաղելով վառվառն Արմինէի խաղերուն յարուցած աղմուկէն , թողուց երիտասարդներն ու ոչ եւս անոնց մօտեցաւ , իբր թէ աշակերտաց վրայ մօտէն հսկելու գիտաւորութեամբ :

Ներսէս առանց օրիորդին քովն երթալու կը գիտէր զայն ի հեռուստ : Երբ երիտասարդներըն շրջապատեցին զվարժուհին՝ նախանձու խայթուածք մ'զգաց , ինչպէս և սիտփում անոր հեռանալը նշմարելով , ու ինքնիրենն զարմացաւ ✓ այդ տարօրինակ զգացմանց վրայ :

Իսկ երիտասարդներէն մին՝ ի վրէժխնդրութիւն տիկնոջ բռնաւոր ընթացից իւր նկատմամբ , յարմար առիթ դատեց արտաստվոր հիացում մի յայտնելու օրիորդին շնորհաց ինչպէս և անոր խօսակցութեան եղանակին վրայօք , և այսպէս յաջողեցան սէզ կնոջ նախանձը շարժելու :

Ի խոր խայթուելով այդ գովասանութիւնքն

լսելով՝ այլագ ունեցաւ, ակռաներովը չրթունքը  
չարչարեց և ապա արհամարհութեամբ եղանակաւ  
մ'ըսաւ Տիկինը .

— Ար զարմանամ որ կը խոնարհիք վարժուհւ-  
ւոյ մի վրայ աչք դարձնելու :

— Ար կարծէ՞ք, պատասխանեց երիտասար-  
դը, թէ կին մի շնորհալից ու ասորժելի չէ վար-  
ժուհի լինելուն պատճառաւ : Ընդհակառակն  
աղջիկն այն որ իւր աշխատութեամբը կ'ապրի  
նոր փայլ մի կ'աւելցնէ անձին :

— Գուցէ, ըսաւ որտմտեալ կինը, ձեզ նման  
անձանց համար վարձկանի վիճակը հրապոյր  
մ'ունենայ, իսկ իմ'մասիս կը խոտտովանիմ որ  
մեծութեանց և ճոխութեանց մէջ ապրելու վարժ  
անձինք պարզապէս կարեկցութիւն կրնան զգալ,  
և պատառ մի հաց հայթհայթել անոնց՝ որպէս  
զի անօթութենէ շի մեռնին :

Երիտասարդը սաստիկ բարկանալով այդ ուղ-  
ղակի ակնարկութենէն իւր համեստ-ընկերական  
վիճակին, ըսաւ բորբոքելով .

— Տիկին, խոտտովանեցէք սակայն որ ձեր  
շնորհած հացի պատառը ոչ թէ արգահատական  
փափուկ զգացումէ յառաջ եկած է, այլ պար-  
զապէս վարձատրութիւն է այ՛. թանկագին խը-  
նամոց համար որ օր/որդը կը մատուցանէ ձեր  
զուակաց :

— Սպասաւորուհիներէս առաւել ի՞նչ կը  
գործէ նա արդեօք :

— Զարմանալի՛ նմանութիւն : Ի՞նչպէս կ'ու-  
ղէք, Տիկին, որ անուս գլուխ մի նոյնչափ օգ-  
տակար լինի որչափ մշակուած միտք մի և սիրտ

մի որք տղայոց թէ՛ մտաց և թէ՛ սրտին ուղ-  
ղութիւն կուտան :

— Եթէ, յարեց Տիկին Արգարեան, եւս ա-  
ռաւել բորբոքելով, եթէ դաստիարակութիւնն  
այդչափ օգտակար ինչ լինէր՝ պէտք չէր որ այդ  
աղջիկը հրամանատարութեանս ենթարկուէր իր-  
բեւ աղախին :

— Տիկին, ուսմունքը հարստութեան դուռ  
չի բանար միշտ . այլ զմարդ կ'ազնուացնէ, անոր  
սիրտը կը կրթէ, միտքը կը բարձրացնէ, և զգօն  
ու խելացի անձանց համարման արժանի կ'ընէ :

Տիկինն այդ խօսքերուն մէջ իւր ուսման շա-  
փաւորութեան ուղղակի ակնարկութիւն մի նըշ-  
մարելով կը պատրաստուէր դառնապէս պա-  
տասխանելու՝ երբ դիտելով թէ վարժուհին քա-  
նի մի քայլ հեռու նստած՝ երիտասարդի մը հետ  
կը խօսակցէր, բոլոր իւր սրտմտութիւնը անմեղ  
աղջկան վրայ թափելով ըսաւ .

— Օրիորդ, զքեզ հոս բերած եմ որպէս զի  
զաւակացս ծառայես և ոչ թէ երիտասարդաց  
հետ խօսակցիս :

Աղջիկը շանթահար եղած այդպիսի անակըն-  
կալ ու անիրաւ կշտամբանքէ որ զիւր արժանա-  
պատութիւնը կը քարկոծէր, ոտք ելաւ և մեծան-  
ձըն եղանակաւ մ'ըսաւ .

— Տիկին, կարծեմ թէ տղայոց նկատմամբ  
պարտազանց չեմ գտնուած քանի որ անոնք իմ  
ըովս են . իսկ եթէ այս պարոնին քանի մի խօս-  
քերուն կը պատասխանէի՝ բնական հետեւանք է  
այն ակնածութեան զոր հարկ է ինձ զգալ նկատ-  
մամբ այն ընտանեաց որուն հետ կը բնակիմ :

— Մի՛ մոռնար սակայն, ըսաւ գոռոզ կիներ, որ քու պաշտօնդ տանս մէջ սպասաւորել է և ոչ թէ հիւրերս մեծարել. այդ վերջին հոգը ինձ կը պատկանի միայն :

Ներսէս՝ ի լուր այդ արհամարհոտ բառերուն իւր մօրուին, զգաց որ արիւնը գլուխը կ'ելնէր, նկատելով մանաւանդ յուզեալ վիճակը վարժուհւոյն՝ առաւել եւս բորբոքեցաւ և Տիկնոջ մօտենալով ըսաւ դառնութեամբ .

— Տիկի՛ն, իրաւունք չունիք այդպիսի անարգանօք վարուիլ օրիորդին հետ : Նա ձեր տունը եկած է իբր դաստիարակ և ոչ իբր ազախին . ապացոյցն ալ այն է որ ձեզ ընկերակից և սեղանակից է . հետեւապէս իրաւունք ունի ձեր հիւրերուն հետ խօսակցիլ ցորչափ վայելչութեան կանոնները կը ներեն : Իսկ այս մասին կրնամ ապահովել զձեզ թէ օրիորդն ամենայն արժանապատուութեամբ վարուեցաւ մինչեւ ցարդ :

Տիկնոջ արիւնը սկսաւ եռալ երակացը մէջ նկատելով թէ Ներսէս այդչափ եռանդեամբ կը պաշտպանէր զվարժուհին : Անկարող լինելով անոր վրայ արձակելու գոռոզութեան ու դժգոհութեան հարուածները, կռնակը դարձնելով հեռացաւ մրմնալով հետեւեալ խօսքերը .

— Չգիտէի թէ այս անամօթ վարժուհին այսչափ լաւ սորված էր երիտասարդները շահելու արուեստը :

Այդ նախատական բառերն ամենուն իմանալի եղան : Արաքսիայի գէմքը կարմիր ներկուեցաւ : Իսկ Ներսէս արձակեց իւր մօրուին արհամար-

հանաց ակնարկ մի զոր շտետաւ նա սակայն . և ապա օրիորդին դառնալով նայեցաւ անոր այնպիսի գորովով որ կարծես թէ փոխարինեց զկոյսն նոյն պահուն կրած բոլոր հալածանացն համար :

---

ՔԼՈՒԽ ԺԵ .

Բարեբաղդ արար սպասաւորին գալուստը նախաճաշը պատրաստ լինելն իմացնելու համար տարբեր ուղղութիւն մի տուաւ շփոթ մտաց : Ամենքը ստամոքսին անհրաժեշտ տուրքը մատուցանելու պէտքն զգալով՝ զիմեցին զէպի ընդարձակ սեղանն որ դալարեաց վրայ կը տարածուէր , և որ արեգական ջերմութեւնէն հոփանաւորուած էր թաւաւ ծառոց շուքէն :

Տիկին Արդարեան այդ գիւղային կոշտներին ճոխ կերպարանք մի տուած էր արծաթէ ամաններ ու այլ և այլ սեղանի թանկագին սպասներ քաղքէն հետք փոխադրել տալով : Բազմաթիւ ընտիր խորտիկեր հետզհետէ իրարու կը յաջորդէին , ու սպասաւորաց կարգաւորեալ ծառայութիւնը կը յայտարարէր թէ Տիկինը ստէպ հացկերոյթներ տալու սովորութիւնն ունէր :

Յայդ վայր գտնուող օտարականք որք նոյնպէս եկած էին զքօսանաց օր մ'անցնելու մտօք , զարմացմամբ կը նայէին այդ շափ ճոխութեանց վրայ . և այդ զարմացումը գոհունակութիւն կ'ազդէր Տիկինոջ փառասիրութեան , որով մասամբ կը ջնջուէին ի նա քիչ յառաջ զգացած ցամաման հետքերը :



Կերակուրներն, գինին և աշխոյժ խօսակցութիւնք հետզհետէ ընդհանուր կենդանութիւն ազդեցին ամենուն, այնպէս որ իւրաքանչիւր որ զուարթ բառի զուարթագոյնը յաջորդել տալու կը ճգնէր: Տիկին Արգարեան սքանչելի էր իւր սիրուն ձեւերով, նայուածքներով և խօսքերով. վագրուհին անգի տուած էր նազելի կնոջ որ կը ջանար ուրիշ գեղանւոյ մ'ըրած ազդեցութիւնը ջնջել ի սպառ:

Մանաւանդ Տիկնոջ մանաւոր ուշադրութեան և քաղաքաժարութեան առարկան էր երիտասարդն այն զոր գոռոզ խօսքերովը գիրաւորած էր բիշ յառաջ: Բայց նա շատ ի խոր խոցուած էր այնչափ շուտ մտնալու համար արհամարհանաց այդ ցոյցերը: Եւ որչափ իւր անտարբերութեամբը կը պատժէր Տիկնոջ քաղցր ու ազդու ձեւերը, նոյնչափ այդ քմահաճ արարածը եւս առաւել կը սրէր դէնքերն՝ երիտասարդին սրտին զօրաւոր սլաք մ'արձակելու համար:

Երկուքին միջեւ լռին մրցում մի կար: Արիտասարդը կը պաշտէր այդ կինն, ու մինչեւ նոյն վայրկենին շատ անիրաւութեանցն հանդուրժած էր, գանգատած էր, վշտացած էր, վայրկի մի հեռացած՝ բայց միշտ վերագործած էր առ նա իբր հաւատարիմ ստրուկ: Նոյն օրն այդ վիրաւորեալ հոգին մտադիր էր վերջնական կերպիւ հեռանալ այդ հարստահարիչ զօրութենէն, բայց հեռանալ այդ գոռոզ և անխիղճ էակին սիրտը նախանձով շարշարեւէն վերջը Արաքսիայի շնորհիւ:

Երիտասարդը թէեւ չէր համարձակեր սեղա-

նի վրայ վարժուհւոյն խօսք մ'ուզլել՝ անխորժ պատահարի մի տեղի շտալու համար դարձեալ, սակայն խիստ ստէպ ակնարկներն դէպ անոր ուզլեց սքանչացման եղանակաւ մի : Զայդ ա մենայն լաւ նշմարեց Տիկինն :

Այդ վիրաւորեալ երիտասարդին անտարբեր ձեւերը այնպէս սիրելի ըրին զինքն յանկարծ բռնաւոր գեղանւոյն, որ ուզեց անպատճառ իւր լուծին ներքեւ պահել դայն : Եւ յաջողելու համար ոչինչ խնայեց : բոլոր իւր զէնքերը շարժեց, ամբողջ գրաւելու զօրութիւնն ի մի կէտ ամփոփեց, լեզուին նոր անուշութիւն, խօսքերուն նոր հրատարակ տուաւ, աչերուն կրկին անդխմազրելի հուր, շարժմանցը տարբեր նազելանք . վերջապէս այնպէս դիւթեց, կաշկանդեց զխեղճ երիտասարդն որ սա անհնարին տրիփով այրիւն զգաց վերստին, իրր թէ առաջին անգամի համար սիրած լինէր այդ կինն :

Երբ Տիկին Արզարեանի սիրտն այդ կողմանէ վերջապէս հանգստացաւ, սկսաւ ուրիշ երիտասարդաց եւս մաս մի շնորհել իւր ժպիտներէն, նայուածքներէն և հառաչանքներէն : Այդ արուեստաւորեալ արարածին համար բնաւ դժուարութիւն չկար՝ ըստ քմաց և կամ ըստ բերմանց պարագայից, փափուկ թէ խիստ, տըխուր թէ ժպտուն երեւալու : Ուստի օրուան մը նացորդ մասն անցաւ ծառոց ներքեւ հանգչելով, աստ և անդ չրջելով, խօսելով, երգելով, մինչեւ որ հասաւ վերջապէս ժամն վերադարձի պատրաստութիւններն ընելու համար :

Արաքսիա ճնշող ծանրութիւն մի կ'զգար սրբ-

տին վրայ նոյն վայրկենէն որ հրապարակաւ տիրուհիէն անդոսնեցաւ : Իւր արժանապատուութիւնն ոտից կոխան եղած էր, և սակայն ինքն ոչ այլ ինչ կարող էր ընել եթէ ոչ լռել, համբերել, և գուցէ հանգիսականաց արգահատութեան առարկայ լինել իբր անձ ողորմելի : Իւր արիւնը կ'եռար, գլուխը կ'այրէր, արժանապատուութիւնը բոլոր կը բառնար . կ'ուզէր նոյն պահուն թողուլ զամեն ինչ, հեռանալ, վերադառնալ ընտանեացը գողը : Բայց յանկարծ անոնց թշուառ վիճակն աչացն առջեւ ներկայանալով՝ կը տեսնէր անոնց զրկումներն, անոնց յուսահատեցուցիչ վիճակը, կը յիշէր մօրն հակառակութիւնն աշխատելու սկզբան դէմ, կը մտածէր թէ նոր ոյժ սիտի տար այդ հակառակութեան, կը խորհէր իւր ստանձնած փրկարար պաշտօնին վրայ, ու ձեռնթափ կը լինէր, կը մաչէր ընդ մէջ իւր սրտմտութեան և որդիական պօրտականութեանց :

Օրիորդն գրեթէ ուտելիքներէն բան չճաշակեց . և եթէ բիշ մի բան կերած էր բռնագրօսիկ կերպիւ՝ անձին ձեւ մի տալու և այլոց աչերէն ծածկելու նպատակաւ էր՝ զգացած ներքին պատերազմը :

Վարժուհին ընդ մէջ երկու տղայոց նստած էր : Իրմէ բիշ հեռու էր Ներսէս որ սաստիկ կը տառապէր օրիորդին տաքնապները նշմարելով, զի սիրահարաց յատուկ նուրբ տեսութեամբը իրեն սիրելի եղած անձին սրտին խորը կը թափանցէր արդէն :

Թէեւ երիտասարդն ամենայն զգուշութեամբ

կը վարուէր Արաքսիայի հետ սեղանի ժամանակ, խորթ մօրը կասկածները չգրգռելու համար, այսու հանդերձ իւր գաղտագողի նայուածքներովը վշտացելոյն կարեւիչէր հոգին կ'աշխատէր մը խիթարել յայտնելով իրեն թէ յինքն ունէր բարեկամ մի : Իսկ Արաքսիա երախտագլխութեամբ կը նայէր անոր յիշելով մանաւանդ թէ քիչ յառաջ որպիսի քաջութեամբ զինքն պաշտպանած էր :

Տիկին Արգարեան եւս զայդ շէր մոռցած, ու թէեւ կը լրտեսէր զՆերսէս, սակայն բաւական ազատ վայրկեաններ շունենալով նշմարելու համար անոր զգուշաւոր նայուածքները, ու մասնաւոր կասկածանաց բան չտեսնելով, մակարեքեց թէ Ներսէս զարմանալի անձ մ'էր, և թէ գուցէ ինքնաբերաբար հնազանդած էր իւր սփորական տրամադրութեան աղբատները ջերմաբար պաշտպանելու :

### ԳԼՈՒԽ ԺԶ.

Յետ աւարտման նախաճաշի մեկուսացաւ վարժուհին աշակերտուհեացն հետ, և ոչ եւս կարողանալով համբերել, ազատութիւն տուաւ արտասուացն հօսելու : Երկու տղայք իրենց սիրեցեալ օրիորդին ցաւը նկատելով գիրկը նետուեցան ու երկուքը լալով միաբերան ջանացին զինքը մխիթարել, իւրաքանչիւրն զգալու եղանակին համեմատ :

Ի տես այդ արգահատական ու համակրա-

լից զգացման Արաքսիայու գլուխով, զանոնք ուժ-  
գին սրտին վրայ սեղմեց, ու արիանալով և ա-  
չերը սրելով ըսաւ .

— Օ՛ն, սիրուն և սիրեցեալ էակներս, չեմ  
ուզեր որ լաք . այսօր պէտք է ուրախ լինիլ,  
զուարճանալ և նոր ոյժ առնուլ ձեր դասերը  
լաւ եւս շարունակելու համար : Կո ոչինչ ու-  
նիմ, նայեցէ՛ք ես եւս ուրախ եմ : Ոտք ելաւ,  
առաւ երկու մանկունքը ու սկսաւ շրջագայիլ  
դէմքին շինծու զուարթութիւն մի տալով :

Մտռի մի ներքեւ առանձնացած էր Ներսէս  
իրր թէ քնանալու համար, և այսպէս ամեն ըն-  
կերութենէ հեռու էր : Իւր սիրտն եւս կ'արիւ-  
նէր Արաքսիայի կրած նախատանաց համար, ու  
կը բազձար մօտենալ անոր ըսելու համար,

— Օրիորդ, ես քու պաշտպանդ եմ, բնաւ  
երկիւղ մ'ունենար :

Բայց այդ վարմունքը խոհեմութիւն չհամա-  
րելով, հոգին վրայ ընկողմանեալ մնաց, ու կը  
տեսնէր զվարժուհին ինքն անտես մնալով : Աւս-  
տի նշմարելով սրտաշարժ տեսարանը զոր կը  
ներկայէին տղայք հանդերձ օրիորդան, բնագդ-  
մամբ ստք ելաւ յանկարծ ու սուրաց դէպ այն  
կողմն ուր կը գտնուէին մեր երեք անձինքն :

Անմիջապէս որ երկու քոյրերն տեսան իրենց  
եղբայրն, անոր ընդ առաջ երթալով անհամբեր  
Արմինէն ըսաւ .

— Գիտե՞ս, եղբայր, մեր սիրելի օրիորդը  
կ'արտասուէր քիչ յառաջ . մեր սիրտն այնպէս  
ցաւեցաւ որ մենք եւս սկսանք լալ իրեն հետ :

Իսկ Աղաւնի անխօս ու աչերը գետինը յա-

աած՝ այդ գրոյց հաստատեց արտասուքի շիթով մի որ իւր աչերէն վար գլորեցաւ :

Արաքսիա նկատելով թէ իւր տկարութիւնը կը մատնուէր այդ երկու անմեղ մատնիչներէն , այլագունելով ըսաւ .

— Իրօք յանցաւոր եմ երկու հրեշտակացս ուրախութիւնը խափանած լինելուս պատճառաւ : Բայց պիտի ջանամ քաւել լիովին իմ յանցանքս :

Նկատելով թէ իրենց սիրելի վարժուհին առանձին չէր , և յորդ որանօրն Ներսէսի՝ տղայքը քանի մը քայլ հեռացան դաշտային ծաղկանց փունջ մի կազմելու դիտաւորութեամբ : Աղաւնին ծած էր դաշտրեաց վրայ , բայց հոգին այլուր էր . աչերն խոնաւ էին , դէմքին վրայ տխրութեան հետք մի կար : Արաքսիայի ցաւոց մանկական հոգի մի երկարածիգ արձագանգ կուտար :

Իսկ Արմինէ ցնցուեցաւ , զգածուեցաւ , լացաւ իրօք , բայց մէկ վայրկեանի մէջ տխրութեան ամեն հետք ջնջուած էր : Ինքը դարնան ծաղիկըն էր որ աշնանային ծաղիկը կը քաղէր : Առանդեամբ կը խօսէր իւր բրոջ , ցոյց կուտար թիթեռնիկը՝ որ իրեն նման ընդոստ պարով կ'երթար կուգար մէկ ծաղկէն միւսը , իւր յեղձուկ յօժարութիւնները մէկ բոյսէն միւսին տանելով : Յոյց կուտար փաղուկ ջուրերն ուր թըռչունը՝ հանգոյն իրեն , կ'երթար զանոնք գրգռուելու իւր թեւերովը : Յոյց կուտար ծառերը , երկինքը , մարդիկը , կենդանիները . վերջապէս լեզուն , աչերը , մարմինը , ամեն ինչ կը շարժէր :

Աղաւնի կը լսէր բրոջը ձայնը , կը նայէր

ծաղկանց բայց սեւ էր իւր հոգին , միտքն այլ-  
ուր էր : Ար յիչէր անընդհատ արտասուքը իւր  
պաշտելի վարժուհւոյն , և եթէ կարող լինէր սի-  
տի զայրանար մօրն ընդդէմ նոյն իսկ որ պատ-  
ճառած էր զայդ վիշտ :

Տղայք մտաց զարմանալի նրբութիւն ունին .  
կ'ըմբռնեն ակնթարթով , կը հասկնան ինչ որ ի-  
րենց չէ բացատրուած : Թէեւ Աղաւնին կ'իմո-  
նար թէ իւր մայրն վիրաւորած էր զօրիորդն ,  
բայց համայն սէր և քաղցրութիւն լինելով ան-  
կարող էր սրտմտելու :

Երբ Ներսէս առանձին մնաց երկտասար-  
դուհւոյն հետ կարծես լեզուն պապանձեցաւ :  
Եկած էր հոն , տղայքը հեռացուցած էր խօսե-  
լու նպատակաւ , և ահա բառ մ'անգամ արտա-  
սանելու անկարող էր :

Արաքսիա՝ ոչ նուազ շուարեալ քան զերկտա-  
սարդն , ինքն եւս լուռ կը կենար : Բայց այդ նե-  
ղացուցիչ վիճակին վերջ տալու՝ և մանաւանդ  
երախտապարտ սրտի մի պարտքը լրացնելու հա-  
մար ըսաւ .

— Պարո՛ն , թոյլ տուէք ինձ հաղորդել ձեզ  
բոլոր իմ շնորհակալիքս ձեր դիւցազնական  
պաշտպանութեան համար ինձ նկատմամբ , երբ  
դժբաղդարար տիրուհւոյս հարուածոց ենթար-  
կուեցայ : Գիտեմ որ աղքատը բարեկամ չունի ,  
ու արդարեւ մեծ հոգի մի միայն հրապարակաւ  
կրնայ պաշտպան կանգնիլ անոր :

Այդ խօսքերն ուժգին ցնցեցին զՆերսէս ,  
գտաւ վերստին բոլոր իւր կորովը , և արժանա-  
ւոր կերպիւ ու ծանր եղանակաւ պատասխանեց .

— Օրիորդ , այս պարագային մէջ ըրածս ոչինչ բան մ'է ըստ ինքեան : Կը խնդրեմ ձեզմէ չի խնայել զիս մէն մի անգամ որ ինձ պէտք կ'ունենաք , ինձ համար աղքատ կամ հարուստ չկայ , մարդ կայ միայն . չարը կ'արհամարհեմ , ազնիւը կը յարգեմ պաշտելով : Դո՛ւք , օրիորդ , ազնիւն էք , որով պաշտամանցս իրաւունք ունիր :

Վարժուհին կարմրեցաւ , ու առաւել աչերովը քան թէ խօսքերովն յայտնեց իւր շնորհապարտ սրտին զգացումները :

Նոյն միջոցին երկու տղայք իրենց կը մտանային : Արմինէ կ'ընթանար ձեռքերն լի ծաղկօք և զանոնք երկու մասի բաժնելով՝ մին եղբորը տուաւ , իսկ մււսը՝ օրիորդին : Բայց Աղաւնի ծանրաբայլ կը յառաջանար միայն փոքրիկ ծաղկի փունջ մի հետը բերելով , և զայն մատոյց իւր վարժուհւոյն տխուր աչօք նայելով անոր :

— Ինձ ոչի՞նչ կը բերես , ըսաւ երիտասարդըն , ժպտելով :

— Դո՛ւ թշուառ շես , պատասխանեց տղան , ու Արաքսիայի նայելով աչէն արտասուք մի գըլրեցաւ դարձեալ փափուկ այտիցը վրայ :

Օրիորդն զինքը բազկացը մէջ տանելով ըսաւ .

— Ո՛վ իմ հրեշտակս , զուարթացիր , ես ապերջանիկ չեմ :

Ներսէս այնպէս ի գուժ շարժեցաւ , այնպէս յուզուեցաւ որ ինքզինքը մոռնալով գոչեց .

— Ո՛վ իմ կրկին անգամ սիրելի Աղաւնիս , այո՛ իրաւունք ունիս պաշտելու այս օրիորդը :



— Հապա ե՛ս, բողոքեց միւս գողորիկ էա-  
կը, մի՞թէ ես չեմ պաշտեր զին՞րը :

— Այո՛, դու եւս անշուշտ կը սիրես զնա,  
սիրուն քուրիկս, ըսաւ երիտասարդն : Սիրե-  
ցէ՛ք զինքն և ես զձեզ կրկին սիրովս պիտի փո-  
խարինեմ :

Ներսէս զզջաց արդէն այդ շափ եռանդեամբ  
խօսած լինելուն համար, ու հեռացաւ ի հապ-  
ճեպ թէ՛ իւր յուզմունքը ծածկելու և թէ՛ իւր  
մօրունն ու շաղբութիւնն իւր վրայ չզբաւելու  
մտօք : զի նոյն միջոցին Տիկին Արգարեան հիւ-  
րերովը կը շրջագայէր, և յառաջ քան անոր վե-  
րադ արձին հարկ կը համարէր երիտասարդն իւր  
նախնի վայրն դառնալու՝ իբր թէ հանգստեան  
պէտքն արդարացնելու դիտաւորութեամբ :

Արտքսիա այնչափ յափշտակուած էր լսածէն  
ու տեսածէն որ անկարող էր խորհելու և զգաց-  
մանցը շփոթութիւնն իմանալու : Բայց հետզհետէ  
ուշաբերելով՝ Ներսէսի մէն մի բառերը կրկին ու  
կրկին անգամ յիշեց, երկրորդեց ինքնին, ամեն  
խօսքին ճիշդ նշանակութիւնն սոսումնասիրեց,  
և ամեն մէկը սրտին խօրը կարգաւ և անջնջե-  
լի կերպիւ գրոշմեց : Իւր կրած արհամարհանքը,  
ցաւը, թափած արտասուքը, վերջապէս զամեն  
դառն յիշատակ կորոյս այդ վայրկենին անբա-  
ցատրելի քաղցրութեան մէջ : Իւր սիրտը կը  
գոչէր իրեն թէ սիրուած էր այդ ազնիւ, գե-  
ղեցիկ և խելացի երիտասարդէն : Տարակուսա-  
նաց տեղ կը մնա՞ր արդեօք երբ նա այնչափ ազ-  
նուութեամբ զինքը պաշտպանած էր, ու նոյն  
միջոցին դեռ այնչափ քաջալերած էր զտղայս :

գինքը սիրելու : Յայտնի կը լինէր թէ մանկանց միջոցաւ իւր զգացումներն ուղած էր յայտնել :

Մինչդեռ այդ հեշտալի տպաւորութեան ներքեւ էր , ահա սեւ կասկածը իւր երանութեան լոյսը մթագնեց : Ո՞ գիտէ , մտածեց վարժուհին , թէ այդ երիտասարդին գեղեցիկ վարմունքն արգահատութեան զգացում չէ պարզապէս : Քէ՛չ յառաջ ինքն համայն երանութիւն էր , և նոյն պահուն կարծես ջղերը քարացան , սրտին բարախումները դադրեցան , ու ինքն ալ արձանացաւ սրտին սառոյցներուն մէջ : Բայց մեծ ճիգ մ'ընելով այդ մահացուցիչ վիճակէն դուրս ելաւ և գոչեց .

— Ո՛հ , կուզեմ վայելել այս հեշտագին վայրկեանը , կուզեմ հաւատալ որ սիրուած եմ , կուզեմ ապրիլ աննման կեանքով բոպէ մի յաւիտենական ցաւեր կրելու համար յետոյ : Այո , կուզեմ հաւատալ հալածելով ամեն տարակոյս :

Ապա յափշտակութեան մի քանի վայրկեաններէ վերջը մտտեցաւ տղայոց որք քանի մի քայլ իրմէ հեռու կը գտնուէին , բունն եռանդեամբ առաւ բազկացը մէջ զՍղաւնին՝ որուն համակրական արտայայտութեանց կը պարտէր գլխաւորապէս Ներսէսի գորովանաց ցոյցերը :

---

### ԳԼՈՒԽ ԺԷ

Օրն կը յառաջանար և Տիկին Արգարեան բընաւ յօժարութիւն չէր յայտներ վերադարձի նշան տալու , այնչափ ինքն գոհ կ'երեւար ծա-

ոոց , բնութեան և երիտասարդաց ընկերու-  
թենէն : Մերթ միոյն թեւն ասնելով պտոյտ մի  
կ'ընէր և մերթ միւսինը : Այ կը ձանձրանար և ոչ  
ալ կ'ուզէր վերջ տուլ իւր զուարճութեանց . եթէ  
կարելի լինէր արեգակն իսկ սլիախ կասեցնէր :

Բայց վերջապէս հասաւ ժամն վերողարձին ,  
զի Ներսէս բռնաբարեց կերպով իւրք Տիկնոջ  
կամքն , յիշեցնելով անոր թէ խոհեմութիւնը  
ձեռքէ թողլու չէ աշնան եղանակի մէջ , և թէ  
հարկ է ճամբայ ելնել յառաջ քան արեւուն մայ-  
րը մտնելը : Տիրուհին ակամայ հնազանդեցաւ ,  
որով քիչ մի ետքը ամենքը հանգստօրէն նստած  
էին ընդարձակ նուակին մէջ զոր չորս սառց  
նաւավարք յառաջ կը վարէին ի ձայն երգոց ա-  
րանց և ախիւնանց :

Այդ ընդհանուր ուրախութեան ցոյցերուն  
մէջ Արաքսիա և Ներսէս լուռ կը կենային մի-  
այն : Կոյսն խոսիւոյոյ՞ կը ջանար ցորչափ պար-  
կեշտութիւնը կը ներէր իրեն , կարգալ ըստ կա-  
րելոյն , երիտասարդին աչաց մէջ իւր կեանքը  
կամ մահը : Եւ մէն մի անգամ որ երկիւղած ա-  
շերն կ'ուղղէր դէպ անոր որ իրեն հանդէպ նըս-  
տած էր , կը հանդիպէր նայուածօցն որք ան-  
բացատրելի պերճախօսութիւն մ'ունէին , ու կը  
հաստատէին սիրուած լինիլն անկէ : Արաքսիա  
այնպիսի անբացատրելի վայելք մի կ'զգար որ  
թուէր իրեն թէ իւր գլխոյն վրայ տարածուած  
կապոյտ անձիրք , ինչպէս և իւր գոգին մէջ զին-  
քըն որորոյ հեղուկ անսահմանութիւնն անբա-  
ւական էին իւր հոգւոյն խանդը բովանդակե-  
լու :

Արեգակն իբր հսկայ բոցավառ, ջրոց մէջ կ'իջնար հանգչելու համար և ծովն թուէր իբր սակեփայլ մեծատարած անկողին յարդարուած ի պէտս ցերեկուան իշխանին որ հետզհետէ ամփոփուելով իւր փայլուն մեծութեան մէջ, նընջեց յետոյ ջրոցն ի գոգ ինքզինքը ծածկելով:

Լուսինն երեւցաւ երկիւղալից, մերթ թեթեւ և մերթ թանձր ամպերէ քողարկուած, իբր թէ ապահովուելու համար թէ զինքը նըսեմացնու իշխանն ոչ եւս յերկինս կը տիրապետէր, և թէ ազատ էր ինքն եւս զերթ աստեղաց թագուհի, արշաւել երկնից գիշերամած անջրպետաց մէջ:

Կը սուրայր նաւը միշտ արագընթաց իբր նեա մի ալեաց մակերեւութին վրայէն: Բայց ծովն որ հարթայստակ էր, սկսաւ հետզհետէ ելնէջներ ունենալ, ու աստեղադարդ երկնից երեսը սլզտորեցաւ:

Նաւավարաց աչերն դէպ ի վեր կ'ուզզուէին անդադար, իրենց նայումոց մէջ անհանդըստութիւն մի կար զոր ի զուր կը ջանային ծածկել: Իրենց թիւափարութիւնն այնպիսի արագութիւն մ'ստացաւ որ յայտնի էր թէ կ'ուզէին քաղաք հասնիլ յառաջ քան փոթորկին պայթումն:

Ամպերն աստիճանաբար իրարու մտանալով սեւ պատնէշ մի յօրինեցին ըննդէմ աստեղաց, ու այդ պատնէշներն հետզհետէ թանձրանալով սպառնացող մութ զօրութիւն մի կազմեցին: Հողմն որ մինչ նոյն պահուն բաւական սանձուած էր, իւր ուղղութիւնը փոխելով յանկարծ հիւսիսային կողմանէ սրարշաւ եկաւ, և իբր թէ

իւր հանգոյցները ջախջախելով՝ գազանի նման սկսաւ սուլել, վազել, ջուրերը տակն ու վրայ ընել, ու խնդալ ահարկու կերպիւ ի տես իւր շարագործութեանց :

Երկինք կ'երկնէր որոտալով, ու գալարելով աղիքներն ահագին ճայթճամբ ծնունդ կուտար շանթին՝ որ իբր հրային հրէշ նորածին, ծովուն կատաղի կոհակաց մէջ կը վիժէր խորասոյզ անհետանալով: Ալեկոծութիւն մ'էր բոլոր իւր սաստկութեամբը :

Նաւակն՝ իբր փրփրաղէզ խաղալիք մանչող կոհակաց, կարծես մերթ ծովուն խորը կ'իջնէր, և մերթ ջրոց ահարկու բարձրութեան վրայ ելնելով՝ վերստին ծովուն անդունդը թուէր թաղուիլ :

Նաւավարաց ճիշերը, յուսահատական բացագանչութիւնները, մթութիւնը, անապուէն վիճակ մի, մահուան տեսարանը, վերջապէս ամենինչ սարսափ կ'ազդէր նաւուն մէջ գտնուող անձանց: Ոմանք յուսահատօրէն ճիշեր կ'արձակէին, ոմանք կուլային, ոմանք կ'աղօթէին, և ամենքն իրենց վերջին վայրկեանը հասած կը համարէին: Երկու աղայք մանաւանդ իրենց սիրելի օրիորդին կը պլլուէին լալով և իրմէ օգնութիւն խընդրելով: Աղջիկն շունէր բառ մտիթարութեան դիմքն նոյն բանի կը կարօտէր :

Բայց ահագին կոհակ մի այնպէս գահավիժեց զնաւակ ծովուն մէջ որ ամենքը միաբերան աղիողորմ ճիշ մ'արձակեցին իբր մնաս բարեաւ կենաց: Սակայն նաւը վերստին ջրոց գագաթն ելաւ իբր թէ հրաշխք:

Յայնժամ Արաքսիա բռնելով աղերսագին Ներսէսի ձեռքերը, լալեօք խնդրեց իրմէ, որ եթէ այդ փոթորկէն կարողանար ազատել շընորհիւ լողալու կարողութեանն, երթայ իւր ծընողաց և յայտնէ անոնց թէ Արաքսիա իրենց նուիրեց իւր վերջին մտածութիւնները :

Նոյն պահուն կրկին անգամ նաւակն թուեցաւ ծովուն ալեաց մէջ իջնալ . դարձեալ աղիտղորմ ճիշ մ'ելաւ, և դարձեալ նաւն վեր բարձրացաւ :

Ներսէս որ օրիորդին ձեռքը բռնած էր այդ վտանգի վայրկեաններու մէջ, զայն սեղմելով սրտին վրայ ըսաւ .

— Կամ միատեղ փրկուէինք և կամ միատեղ մեռնինք :

Ահաւոր էր սիրոյ այդ դաշնագրութիւնը մահուան վտանգին մէջ :

Հուսկ յետոյ վերջացաւ մահու և կենաց զարհուրելի խաղը գրեթէ կէս ժամ տեւելէ վերջը : Հողմն՝ յոգնած էր ծովուն ալիքները խառնակելէն և գալարելէն, ու բաւականացած՝ ազդած սոսկմանէն ու սրտայուզութենէն, հանդարտեցաւ վերջապէս : Մովն որ վայրագօրէն կը մռնչէր ու փրփուր կը ժայթքէր, նոյն վայրկեանին հեղահամբոյր կը մրմնջէր նաւուն կողերը փայփայելով, իբր թէ ի նշան զղջման իւր գործած անօրէնութեանց համար : Իսկ երկինք յետ որոտմանցն և պայթմանց կը հանդչէր լուսթեամբ : Մինչ լուսինն որ դէմքը ծածկեր էր կարծես շուգելով իւր վճիտ նշոյլիւքն աւերման ու կործանման տեսարանաց գործակից լինել,

փայլեցաւ ամենայն գեղեցկութեամբ ամպերն իրմէ արտաբսելով :

Երբ ամեն ինչ հանդարտեցաւ և սրտերը հանգչեցան ամենքը միատեղ փառաբանութեան ձայներ արձակեցին : Ոչինչ այնքան հոգիները կը միացնէ որչափ մեծ վտանգը . և երբէք կեանքըն այնչափ հելտագին չ'երեւար որչափ մահը խիստ մօտէն տեսնելէն վերջը :

Յորժամ Տիկին Արգարեան հանդերձ ընտանեօքն հասաւ իւր տունն արդէն գիշերը յառաջացած էր և Պ. Արգարեան անտանելի մտատանջութեանց ենթարկուած : Փոթորիկը, խաւարը, բոլոր սիրելեացը վտանգի մատնուած լինելուն զաղափարը զինքը մահուան դուռը հասուցին : Բայց երբ տեսաւ իւր կիներն հանդերձ զաւակօքն, սիրտն անհնարին տագնապէ ազատեցաւ :

Հանդարտելէն անմիջապէս վերջը՝ մարդս բընական բերմամբ կը փափաքի կշտամբանօքն առ հեղինակն իւր շարչարանաց կրած տառապանացը վրէժն առնուլ : Բայց այդ մխիթարութիւնն ներելի չէր Պ. Արգարեանի, թէեւ մտադիր եղած էր մանաւանդ զկիներն յանդիմանել : Անմիջապէս որ տեսաւ զնա՝ կորոյս իւր քաջութիւնն և շատացաւ իւր գոհունակութիւնն յայտնելու իրենց յաջող վերադարձին համար :

---

### ԳԼՈՒԽ ԺԸ.

Նոյն գիշերն Ներսէսի համար անհնարին եղած էր ննջելը, զի Արաբսիայի պատկերն աչացը ներկայ էր անընդհատ : Վերահասու եղաւ

վերջապէս իւր սրտին բուն վիճակին , և զգաց  
թէ բուն սիրով կը սիրէր զկոյսն շնորհալի : Բայց  
ինչ որ կը տագնապեցնէր զինքն իւր անորոշ վի-  
ճակն էր որուն կուզէր ընդ փոյթ վերջ գնել :  
Օրիորդին սիրտն ազատ էր արդեօք , և եթէ  
ազատ՝ փոխադարձ զգացմամբ պիտի փոխարի-  
նէր իւր սիրտը : Այս այլ և այլ մտածութիւնքն  
գիշերուան մեծ մասը տառապեցուցին զինքը :  
Եւ երբ վերջապէս միտքն ու սիրտը յոգնած՝  
թմրեցաւ ու բնոյ մէջ թիշ մի հանդարտեցաւ  
մէկ կամ երկու ժամ , յանկարծ սրտի բարախ-  
մամբ արթնցաւ և նկատելով թէ արեւն ար-  
դէն իւր չըջանն սկսած էր , անկողնէն ելաւ ,  
հագուեցաւ փութով ու անմիջապէս պարտէզ  
իջաւ ուր վստահ էր գտնել զվարժուհին :

Տիկին Արզարեան մասնաւոր խնամօք զար-  
դարել տուած էր իւր Բերայի տան պարտէզը :  
Թէեւ ընդարձակութեամբն զարմանալի չէր սյն ,  
սակայն ծառաստաններովը , կանաչ թանձր հո-  
վանին նրովը ու մասնաւոր ճաշակաւն , սքանչե-  
լի էր ու ամեն հիացման արժանի :

Ամեն առաւօտ վարժուհին պարտէզ կը տա-  
նէր տղայքը մաքուր օդ ծծել տալու և սակաւ  
ինչ մարմնամարզութիւն ընել տալու համար :

Նոյն գիշերն Արաքսիա եւս երկար ժամա-  
նակ անքուն մնացած էր մտացն ու սրտին մէջ  
յերիւրելով օրուան և գիշերուան պարագայնե-  
րը , և բիւրիցս երկրորդելով Ներսէսի խօսքե-  
րը : Կը մտածէր թէ տարակուսանաց պատճառ  
չկար այլ եւս , քանի որ վտանգի ժամանակ նոյն  
իսկ երիտասարդն իրեն խոստացած էր ապրիլ



և մեռնիլ իրեն հետ : Թող թէ Ներսէս ազնուա-  
սիրտ անձ մ'էր , այլ անհնար էր կեղծել վտան-  
գի ատեն երբ մահն այնչափ մերձ էր : Այդ ա-  
պահովութիւնը կը բաւէր զԱրաքսիան աղջկանց  
երջանկագոյնն ընելու համար : Ի՛նչ երջանկու-  
թիւն , կենակից լինել այգ պիտի անզոյգ երի-  
տասարգի մի որուն սրտին ու մտաց գանձերն  
գնահատելու համար վեց ամսուան միջոց ունե-  
ցած էր անոր հետ նոյն տան մէջ բնակելով : Ար-  
խորհէր թէ հոգի մի որ այնչափ հաւատարիմ  
մնացած էր մօր մի յիշատակին , որպիսի՞ հաւա-  
տարմութեամբ ուրեմն և հաստատամտութեամբ  
պիտի սիրէր կենացն ընկերը :

Ասկէ ի զատ վարժուհին ցնծութեամբ կը  
մտածէր թէ իւր ծնողացը կենաց բարելաւու-  
թիւնը պիտի հաստատէր , թէ հայրն ոչ եւս իւր  
մօր մեղադրանաց առարկայ պիտի լինէր երբ  
ինքն գեղեցիկ վիճակի մի հասնէր , և այս վեր-  
ջին պարագայն մանաւանդ զինքն անհուն գո-  
հունակութեամբ կը համակէր :

Արաքսիա կը բաղձար արթուն մնալ իւր ե-  
րանութեան ամեն մէկ մասը հանգարտօրէն վա-  
յելելու մտօք գիշերային առանձնութեան և լը-  
ռութեան մէջ : Բայց վիշտն ինչպէս երջանկու-  
թիւնը զմարդ թմրեցնելով կը յոգնեցնէ , որով  
վերջապէս քնոյ մէջ ի յնալով կը հանգչի և կը  
վերականգնի :

---

Առաւօտեան զարթուին Արաքսիայի բոլորովին տարբեր եղած էր Ներսէսինէն, զի կոյսն արթնցաւ գեղեցիկ յոյսին ծպտելով: Արչափ հեշտագին է սիրոյ առաջին մաքուր շողը որ կը լուսաւորէ կոյս սիրտը, ուր ամեն ինչ վճիտ է, հաւատք է և վստահութիւն: ուր պատրանքն իւր սեւ դրոշմը չէ թողած, և ուր զգացման անարատ յատակը սիրոյ ակօսը կ'ընդունի առաջին անգամի համար:

Երբէք արեգակն այնչափ զուարթագեղ չէր փայլած աչացն կուսին: Երբէք կեանքն այնչափ տենչալի չէր թուած և երբէք այնչափ եռանդ չէր զգացած ծնողացը համար աշխատելու և զանոնք գոհ ու երջանիկ տեսնելու: Արաքսիա կ'զգար թէ դործելու և սիրելու բոլոր հանգամանքն առաւել եւս զօրացած էին, բայց ոչ այնպէս էին սակայն և իւր խորհելու կարողութիւնքն, զի մտացը մէջ անհնարին շփոթութիւն մի կը տիրէր, ու խորհուրդք խառն ի խառն իրարու կը յաջորդէին: Երբ սիրտը կը տիրապետէ՝ մտքը երկրորդական դեր մի խաղալու կը դատապարտուի:

Նոյն իսկ տղայոց նկատմամբ կրկին աշխուժիւ համակուած էր վարժուհին, մանաւանդ Աղանիի մասին որ առաջի օրէն ի վեր առաւել եւս սիրելի էր իրեն քան զիւր քոյր:

Ուստի անմիջապէս որ արթնցաւ նա՝ քիչ մի ժամանակ աչքէ անցուց վերստին նախընթաց օրուան սիրային պարագայները, և երբ ոսկե-

զօժ երազներու ընդ երկար գերի լինելն հաստատեց՝ ճիգ մ'ըրաւ ու ելաւ տեղէն :

Կարծես բնագդմամբ առաջին գործն եղաւ Աղաւնիի անկողնոյն մերձենալ, և նորա այտից կարմրութիւնը նշմարելով ինչպէս և շքնառութեան սակաւ ինչ դժուարութիւնն՝ և բիտասարդուհին յուզեալ՝ ձեռքը մանկան ճակտին տարաւ և զգաց թէ սակաւ ինչ ջերմութիւն կար հոն :

Նոյն միջոցին գողտրիկ արարածն աչերը բաւալով տեսաւ որ վարժուհին իւր բոլն էր ու կը նայէր իրեն անհանգիստ գորովով մի : Փոքրիկը ժպտեցաւ անոր յայտնելով թէ ունեցածն ոչ այլ ինչ էր բայց զլխու ծանրութիւն և թեթեացաւ մի :

Արաքսիա սակաւ ինչ սիրովեցաւ տղուն այդ յայտարարութենէն և խնդրեց որ օրն ի բուն անկողնոյ մէջ մնայ իրր խոհեմութեան միջոց : Սիրով հնազանդեցաւ սիրուն էակն, և ահա վարժուհին որ քիչ մի ետքը նստաւ հիւանդին սնարին մօտ հսկողութեան պաշտօնը վարելու համար, հետեւապէս նոյն առաւօտ Արմինէն աղախնոյ մի խնամոց յանձնուեցաւ պարտէզ իջնալու համար :

Ուտի երբ Ներսէս սրտայուզութեամբ կը դիմէր յայդ վայր վերջնական կերպիւ իւր բաղդը վճռելու համար, մեծ եղաւ զարմանքն երբ փոխանակ երիտասարդուհւոյն աղախին մի նըշմարեց : Իսկ Արմինէ ընդ առաջ երթալով եղբորն, փութաց խմացնել բրոջն անհանգստութիւնն իւր սովորական անհամբերութեամբը :

Ներսէս սուրաց զէսլ ի սենեակն հիւանդին , բացաւ դուռը սակաւիկ՝ առանց բնաւ ձայն հանելու , և տեսաւ զօրիորդն որ գորովանօք կը հսկէր աշակերտուհւոյն քունին վրայ : Ներս մտտաւ ամենայն զգուշութեամբ , և սենեկին մէջ տեղ կեցած սքանչացմամբ կը նայէր այն անձնուէր էակին որ մօր պաշտօնը կը վարէր այնքան անկեղծութեամբ :

Իայց թեթեւ ձայն մի լսելով վարժուհին գլուխը դարձուց և տեսաւ զերիտասարդն որ հիացմամբ իրեն կը նայէր՝ թեւերը կուրծքին վրայ խաչածեւ :

Այլալեցաւ , այլադուենեցաւ կոյսն , մինչ սիրտը պայթելու աստիճան սաստիկ կը տրոփէր :

Ներսէս անոր շիտթութիւնն նշմարելով ըսաւ .

— Ներեցէ՛ք , օրիորդ , յանկարծական գալըստեանս և այս դիրքիս : Զձեզ բրոջս անկողնոյն ըով տեսած ժամանակս՝ յիշեցի մանկութեանս այն պարագայներն ուր մայրս քունիս վրայ կը հսկէր այնչափ խանդաղատանօք , և սքանչացած կեցայ անշարժ , զի ի ձեզ զմայրս թուեցաւ ինձ պաշտել :

— Պարո՛ն , պատասխանեց Արաքսիա , իւր հանդարտ կերպարանքն առնելով , խիստ հաճելի է ինձ յիշեցնել ձեզ պարագայ մի որ ձեր օրդիական սրտին համար կարեւորութիւն ունի . զի զիտեմարդէն թէ ո՛րչափ սրբանուէր է մայրենի յիշատակը ձեզ համար :

— Եւ արդեօք թոյլ կուտա՞ք ինձ որ նուիրական մեռեալի մի յիշատակը ձեզ նման ազնիւ անձի մի գազափարին հետ խառնելով , և եր-

կուքն ի մի ձուլելով պաշտամանցս հանապա-  
գորեաց առարկան ընեմ :

Արաքսիա յուզման սաստկութենէն լուռ կը  
կենար :

— Ո՛հ , գոչեց Ներսէս ցաւելով , ձեր սիրտը  
տէ՛ր մ'ունի արդեօք :

Վարժուհին նկատելով անոր վրդովմունքն ,  
և ինքն նոյն չափ վրդովելով պատասխանեց .

— Պարո՛ն , սիրտս ազատ է բոլորովին :

— Ներելի՞ է ինձ յուսալ արդեօք թէ ես պի-  
տի լինիմ անոր բացարձակ տէրը :

Ազնկան սիրտն այնչափ ուժգին կը բարա-  
խէր որ բերնէն բառ չէր ելներ :

— Պատասխանեցէք շուտ , աղերսեց Ներսէս ,  
գի այսչափ անձկութիւն բաւ է ինձ արդէն .  
խօսեցէ՛ք ազատօրէն առանց խնայելու ինձ :

Վարժուհին աչերը վեր առնելով ու քաղց-  
րութեամբ նայելով անոր ըսաւ .

— Պարո՛ն , խիտ մեծ է պատիւն որ կու-  
զէք ընել ինձ : Խնդրեմ նկատեցէ՛ք ո՞րչափ ան-  
համեմատ կերպիւ կը տարբերին մեր ընկերային  
վիճակները :

— Սէրն , օրիո՛րդ , կը քանդէ ամեն ընկե-  
րային խտրոց , թո՛ղ թէ ձեր դաստիարակու-  
թեամբ արժանի էք ամենէն փայլուն վիճակաց :  
Նա մանաւանդ այն ընկերային խտրոցը պար-  
զապէս նախապաշարմունք են և ոչ այլ ինչ :

— Քաջութիւն ունի՞ք ոտնակոխ ընելու ըն-  
կերային նախապաշարմունքն որ մտքերու վրայ  
այնչափ կը բռնանան , դո՛ւք , հարուստ երիտա-  
սարդ , անչուք վարժուհւոյ մի բազդակից լինելով :

— Օրիորդ , նախապաշարման խօսք կ'ընէք  
երբ ձեր վարմունքն ամեն համարման և հիաց-  
ման արժանի է : Դո՛ւք փոխանակ չքաւոր ծը-  
նողաց բեռ լինելու՝ ընդ հակառակն անոնց դա-  
ռըն վիճակը կ'ամորէք ձեր աշխատութեամբ ու  
ծնողաց գուրգուրանաց հրաժեշտ տալով ան-  
սիրտ օտարականաց քամահանաց կ'ենթարկէք  
ձեր փափուկ անձը : Դո՛ւք կենաց սեթեւեթից  
ու ճոխութեանց չէք ակնակառօյց , զի փոխան  
զարդուց մէջ երանութիւն փնտռելու՝ ձեր պար-  
զութեամբը կը փայլիք և գոհ կը լինիք ձեր  
ծնողաց հանգստութիւնն ապահովելով : Արհա-  
մարհանաց խօսք կ'ընէք դուք երբ ձեր անձնու-  
րաց վարմունքով պաշտուելու արժանի էք :

Արաքսիա այնպիսի երախտագիտական ու  
պերճախօս աչօք նայեցաւ անոր առանց բնաւ  
խօսելու , որ երիտասարդը քաջալերուելով այդ  
լուռ բարբառէն՝ մօտեցաւ անոր , ու ձեռքը ձե-  
ռացը մէջ առնելով ըսաւ .

— Ո՛հ , Արաքսիա՛ , բերնովդ հաստատէ ինչ  
որ աչերդ կը յայտնեն ինձ արդէն : Ըսէ՛ թէ հա-  
մայն սիրտդ ինձ կը նուիրես յաւէտ .

— Արշափ հեշտին է սրտիս համար այդպի-  
սի խոստում մ'ընելը :

— Ո՛վ հրեշտակային արարած , ո՛վ կենացս  
լոյսը , ապրինք ուրեմն միատեղ , գոչեց Ներսէս  
խանդալաւ :

Եւ կուրծքէն մանրանկար կենդանագիր մի  
հաննելով ու զայն ցոյց տալով աղջկան ըսաւ .

— Կ'երդնում առաջի մօրս որ ոչ որ՝ բաց ի  
բեղմէ , ինձ ընկերակից պիտի լինի , Արիաքսիա :

Եւ սեղմելով սրտին վրայ ճերմակ և փափուկ ձեռքն աղջկան զոր բռնած էր տակաւին, շարթանցը տարաւ զայն ըսելով.

— Այս վայրկենէս սկսեալ՝ ես կենացդ անբաժանելին եմ:

Ո՛վ Աստուած իմ, մրմնջեց աղջիկն աչերը գոցելով. մարդկային սիրտը բաւական զօրաւոր չէ այսչափ երանութեան տոկալու համար: Ներսէ՛ս, ընկճիլս կ'զգամ երջանկութեան բեռին ներքեւ:

Նոյն միջոցին Աղանին փոքրիկ շարժում մ'ըրաւ:

Երկու սիրահարներն իրարու ձեռք թողուցին, ու վարժուհին ընթացաւ մերձ անուան յայնչափ: Բայց առանց արթննալու իւր քունը շարունակեց գողտրիկ պատանուհին:

— Տե՛ս, ըսաւ Ներսէս, անմեղութեան հրեշտակը մեր սիրոյն վկայն է:

— Կը պաշտեմ այս սիրուն արարածը, Ներսէ՛ս, զի անոր պատճառաւ հնչեցիր ինձ երէկ առաջին խօսքերն որք զհոգիս այնչափ հրճուեցուցին:

Մեր երկու երիտասարդներն իրենց սիրային խօսակցութիւնն բաւական ժամանակ շարունակելէն վերջը՝ Ներսէս մասնաւորապէս խնդրեց որ իրենց խոստումն բոլորովին գաղտնի մնայ, և մանաւանդ Տիկին Արգարեանի կասկածները չյարուցանելու համար ամեն ճիգ թափուի. փասն զի համոզուած էր որ այդ շար կի՛նն ամեն միջոց ի գործ պիտի դնէր իւր ամուսնութիւնն արգիլելու համար:

Ներսէս մէկ տարի պայմանաժամ տուաւ Արաքսիայի որպէս զի կարողանայ ամեն ինչ կարգի դնել և ըստ արժանւոյն իրենց բնակութեան համար վայելուչ տուն մի եւս պատրաստել :

Երիտասարդը թէեւ հօրը հետ գործուլութիւն կ'ընէր, սակայն իւր հաշւոյն համար եւս զատ առեւտրական գրադմունքներ ունէր, որով անկախ գիճակ մի հաստատած էր, անձին :

Բայց ինչ որ զվարժուէին անբացատրելի երախտագիտութեամբ համակեց՝ Ներսէսի խոստումն էր զՊ. և զՏիկին Վարսամեան իրենց տան մէջ բնակել տալու իրենց հետ միասին : Զգիտէր կոյսն ի՛նչ բաւերով շնորհակալ լինիլ այդ ազնիւ հոգւոյն որ իւր ներքին իզձերն այնչափ լաւ կը գուշակէր : Ինքն արդարեւ կը պաշտէր զՆերսէս, սակայն եթէ հարկ լինէր զո՛հել իւր սէր ի պէտս ծնողացն՝ զայդ ապահովուպէս կը կատարէր ալջիկն առանց վայրկեան մ'իսկ դեղեւելու :

Արաքսիա հաճութիւն խնդրեց իրենց փոխադարձ խոստումն իւր ծնողացը միայն յայտնելու և անոնց օրհնութիւնն ստանալու, զի վրտաւոր էր անոնց հաճելի ինչ գործած լինիլ : Առ այդ հաւանեցաւ երիտասարդն :

Նոյն իսկ Պ. Արգարեան պիտի անդիտանար իրենց սիրային դաշնադրութիւնը : Թէեւ հարց լաւագոյնն էր նա, հանդերձ այսու Ներսէս կը ճանաչէր անոր տկար կողմը կնոջը նկատմամբ, որով կը վախճար թէ յակամայս այդ գաղանխքը կը մտանէր իւր ամուսնոյն :

Նոյն միջոցին սենեկէն ներս վիժեց որտաւից Արմինէն, և յարուցած աղմուկէն արթնցաւ



քնքոյն Աղաւնին տեսնելով առ սնարուն զիւր եղբայր և զիւր վարժուհին : Ժպտեցաւ երկուքին անոյշ ժպտով ու հաստատեց լաւագոյն վիճակ մ'ունենալը :

Քիչ մի ժամանակ երիտասարդը քրոջը մօտ կեցաւ , խօսեցաւ անօր , խնդաց , կատակներ րրաւ , և մեկնելու ատեն յորդօրեց զինքն հանդարտ կենալու օրն ի բուն , և խոստացաւ երեկոյեան վերադարձին ընծայներ բերել իրեն եթէ օրիորդին ամեն կամոց հնազանդէր առանց զինքը նեղելու :

— Միթէ՞ հարկ է այդ վարձատրութեան ինձ նուիրական եղած անձին հնազանդելու համար , պատասխանեց սիրուն արարածը :

Արաքսիա ձեռքը դնելով մանկան ճակտին վրայ անօր ջերմութեան աստիճանը հաստատելու մտօք , և երիտասարդն եւս այդ օրինակին հետեւելով , իրենց ձեռքերը միացան սրբութեան այդ յատակին վրայ՝ իբրեւ ուխտ յաւիտենական միութեան : Իսկ Արմինէ երգերովն ու զուարթութեամբը կարծես երկու սիրահարաց սրտին տօնը կը խմբէր :

---

### ԳԼՈՒԽ Ի.

Սիսակ որուն վայրիկ մի հանդիպեցանք Պ. Վարսամեանի հարստութեան կործանման առթիւ , Արաքսիայի հետ երկու եղբօր թոռուք էին մօր կողմանէ , և ինչպէս զիտենք արդէն Փարիզ գնացած էր փաստաբանութիւն ուսա-

նելու դիտաւորութեամբ : Բայց փոխանակ այդ ճիւղին նկրտելու հեշտագոյն գտաւ զբօսանաց հոսանքի մէջ անկանիլ, ու այդ մեծ մայրաքաղաքին հրապուրանաց զոհ լինիլ : Թատրոններու կողմանոցներէ (coulisse) կ'անցնէր համայն սրբակապանները (boudoir) ու այդ զեղխութեանց մէջ կը մտնէր ոսկին և կը կորսնցնէր ժամանակը, ուսման նուիրելով այն ժամերն միայն զորս կը յաջողէր գողնալ վայելից վայրկեաններէն :

Այդ սխիսի շոյլ կենաց համար երկար ժամանակ չէր կրնար տեւել անշուշտ շափաւոր հարըստութիւն մի . ուստի մեր հեշտասէր երիտասարդը վաղ ընդ փոյթ մտնեց գրեթէ բոլոր գոյքը, որով փաստաբանութեան շրջանն ընդմիջելով վերագարձաւ ի Պօլիս հետն բերելով փճացած ժառանգութեան մի մնացորդները, անկատար ուսմունք մի ու շատ յաւակնութիւններ :

Նոյն պահուն Սիսակ հազիւ քսան և վեց տարեկան էր . թուխ էր, ազդու և համակրական դէմք մ'ունէր, աչերը հրավառ, գծագրութիւնը կանոնաւոր, հասակը բարձր և վայելուչ :

Սրտովն ու մտքովն օտարացած էր հայութենէն . ազգային զգացումը բառ մ'էր իրեն համար, հայ անունը նախատինք մի և հայ բարբառք բարբարոսական լեզու մի վերջապէս կ'արհամարհէր ինչ որ հայ էր : Արանչացմամբ կը խօսէր ընդհակառակն ամեն նիւթերու վրայ որ օտարազգեաց կը վերաբերէր . կը գովէր անոնց մեծագործութիւնքն, անոնց յատկութիւնքն, ինչպէս և անոնց թերութիւնքն ու մոլութիւն-

քրն : Չայնն էր ներդաշնակ , և խօսելու եղանակը փայլուն , պերճ և ազդու :

Ամեն նիւթի վրայ կը ճառէր , մատենագրութեան վրայ յախուռն դատաստան կ'ընէր ինչպէս գեղարուեստից և գիտութեանց : Պօլսոյ իրաւագէտք , բժիշկք , պաշտօնակալք , մասնագէտք , ամենքն ալ ոչինչ էին իրեն համար : Ինքն Փարիզ գնացած էր և այդ կը բաւէր զամենքն արհամարհելու համար : Նոյն իսկ արեւելեան գեղեցկութիւնը խստիւ կը քննադատէր , ինչպէս կանանց ձեւերը , խօսելու , զարդարուելու և վարուելու եղանակը :

Տեսակ մի թեթեւ և շողջողուն խելք մ'ունէր նա , այսինքն մասնաւոր ճարտարութիւն մ'ամեն բառի երկդ իմի նշանակութիւն տալու , զամեն ինչ հեզնելու , խելք բանեցնելու մտօք , ծանր թէ աննշան իրերը կամ առարկայները անխտրաբար իրեն նիւթ ընտրելով ու այլոց ծաղրը գրգռելով :

Կարգ մ'անմիտ անձանց համար Սիսակ հանձար մ'էր խելքի և ուսման մասին , զի տիեզերական կը նկատուէին իւր հմտութիւնք քանի որ ամեն նիւթի վրայ կը խօսէր գիտութեամբ թէ անգիտութեամբ :

Զտիկնայս շլացնելու համար եւս մասնաւոր տաղանդ մ'ունէր : Այնպիսի վստահ կերպիւ կը խօսէր Փարիզու ազնուական դասուն վերաբերող գեղեցիկ սեռին վրայ , որ թուէր թէ բոլոր օրերն անոնց հետ անցուցած էր , երբ փողոցաց մէջ հանդիպած էր անոնց միոյն :

Իսկ տիկնայք նկատելով իրենց նկատմամբ

գործածած ծանր բայց քաղաքաւարական ձե-  
ւերը , ինչպէս և մեծարարառ խօսքերը , իրեն  
հմտութիւնը ճաշակի և հագուստի մասին , վառ-  
վրձուն ու հեզնոզ խօսակցութիւնը , տիկնայք  
ուրեմն գողցես մագնիսական ազդեցութեամբ  
երիտասարդէն կը գրաւուէին :

Նրբ Սիսակ ընկերութեան մի մէջ կը գըտ-  
նուէր՝ կանացի իլձերն առ նա կը ձկտէին : Գե-  
ղանիք գաղտագողի ջանիւք կը ճգնէին անոր  
ուշը գրաւել և կերպով իւրիք կը հպարտանա-  
լին անոր նոյն իսկ շափաւոր ուշադրութեան  
առարկայ լինելով :

Ինչ որ նոր է և փայլուն՝ մտաց վրայ անդի-  
մադրելի հրապոյր մ'ունի : Բայց այդ շողողուն  
երեւութին ներքեւ ծածկուած սեւ կէտերն  
հետզհետէ երեւան ելնելով՝ այդ շացուցիչ ա-  
ռարկային ազդեցութիւնը կը տկարանայ ժամա-  
նակին օգնութեամբ , ինչպէս և խելացի ան-  
ձանց լուրջ դատողութեամբն և անոնց դատա-  
պարտութեամբը :

Սիսակ յետ իւր վերադարձին Փարիզէն ար-  
դարեւ կատարեալ յաջողութիւն մ'ունեցաւ ըն-  
կերութեանց մէջ , թէեւ զգօն մասը շուտով վե-  
րահասու եղաւ անոր ունեցած արժանեաց :

Սրաքսիա կը ճանաչէր զՍիսակ տղայ տիոցն  
ի վեր , ու իրենց միջեւ եղբայրական ընտանու-  
թիւն մի գոյացած էր ի վաղուց անտի : Նրբ  
վերադարձաւ երիտասարդն Ներսիսայէն՝ աղջիկն  
շուտ իսկ հասկցաւ ազգականին կարողութիւնը՝  
փառք իւր մտաց կորովին ու ստացած հաստա-  
տուն ուսման : Շատ անգամ մանաւանդ լմաս-

տալից կատակներ կ'ընէր որոնց ներքեւ կ'ու  
դասեր կային իւր ազգականին նկատմամբ :  
Բայց եթէ Սիսակ կը նեղանար երբեմն ազնկան  
կատակներէն՝ այդ դատապարտող լեզուն չէր  
կարող սակայն իրենց փոխադարձ մտերմական  
յարաբերութիւնքն այլայլելու :

Հանդերձ բոլոր թերութիւններովն՝ Սիսակ  
սիրելի էր Արաքսիայի, նա մանաւանդ որ սա  
կը զուարճանար անոր ծայրող և գրգռիչ խօ-  
սակցութեան ունկն դնելով : Իսկ երիտասարդն  
պատկառանք կ'զգար օրիորդին համար ու նոյն  
չափ համակրանք, թող թէ անոր ազդեցութիւ-  
նը կը կրէր շատ պարագայից մէջ : Երբեմն Սիսակ  
կ'ըսէր Արաքսիայի .

— Եթէ ամուսնանայի քեզ նման անձ մի  
կ'ընարէի :

Իսկ կոյսն խնդալով կը պատասխանէր .

— Ենորհակալ եմ ըրած պատուոյդ համար .  
բայց վստահ եղիր որ ինձ նման մտածող անձը  
հետզ ամուսնանալու յանձն չէր առներ երբէք :

Այդ խօսքերը լսելով Սիսակ կը բողոքէր,  
թէ եւ Արաքսիա ըսածին վրայ հաստատ կը կե-  
նար դարձեալ :

Շատ անգամ երիտասարդը կը պատմէր ազ-  
գականին իւր տարած յազթութիւնները կանա-  
ցի աշխարհին մէջ, և ազջիկը կ'ափսոսար այն  
գեղանիներուն վրայ որք թեթեւաբար իրենց  
սիրտը կը ձօնէին իրեն :

Սակայն երբ Արաքսիա նշմարեց թէ իւր սի-  
րելի Վարդանոյն եւս կը կախարդուէր իւր ազ-  
գականէն՝ սարսափեցաւ ու ամէն ջանք ըրաւ

անմեղ կուսին սիրտն սպառագինելու մտօք անոր դէմ: Բայց Սիսակի հրապոյրներն յաչս Վարդանուշի վեր էին քան զամեն իմաստութիւն և զգուշութիւն:

Օրիորդը բազմիցս առիթ ունեցած էր հանդիպիլ երիտասարդին այլ և այլ տեղեր, հետը պարել ու խօսակցիլ: Ի բաց առեալ անոր դիմական շնորհքներն և փայլուն խօսակցութեան ազդեցութիւնն ու սլարելու մասնաւոր յաջողակութիւնը, կոյսն գրաւուած էր մանաւանդ երիտասարդին ծանր և անտարբեր ձեւերէն:

Վանայք կը սիրեն ընդհանրապէս ով որ անփոյթ կը ձեւացնէ զանձն իրենց նկատմամբ . և որչափ անտարբերութիւնը մեծ լինի՝ նոյնչափ կ'աճի և իրենց եռանդն այդ անձէն սիրուելու համար:

Ի զուր Արաքսիա կը յորդորէր զիւր մտերմուհին խոյս տալու այն վտանգաւոր անձէն: Ի զուր կը խնդրէր Սիսակէն որ խնայէ բարեկամուհւոյն իւր անձնասէր թեթեւութեանց այլուր յագուրդ տալով: Յորչափ ինքը ներկայ էր՝ այդ սիրային յարաբերութեանց յառաջ երթալուն արգելք կանգնեցաւ: Բայց Վարդանուշի սիրոյ զգացմանց արգելք չի մնաց երբ Արաքսիա իւր տունէն հեռացաւ:

Նոյն ժամանակ որ մեր վարժուհին Արգարեան ընտանեաց քով գնաց, Սիսակ առժամանակեայ կերպիւ բացակայ էր Պոլսէն, որով ինքն յուսաց թէ չորս ամսուան բացակայութիւն մի գուցէ կարող լինի ջնջելու նորածին սիրոյ հետքերը . բայց այնպէս չէր: Այն ինչ վերադարձաւ

Սրտակ ի Պոլիս՝ Վարդանոյչ բեկանելով սանձա-  
հար զգացմանը լուծը յախուռն ընթացաւ սիրոյ  
ասպարէզին մէջ :

### ԳԼՈՒԽ ԻԱ.

Արաքսիա փութաց հաղորդել ծնողացն լուրն  
իւր ասպազայ յոյսերուն : Երբ Պ. ու Տիկինն Վար-  
սամեան իմացան խնամութեան մի ապահովու-  
թիւնը փայլուն ընտանեաց մի հետ՝ ինչպէս էր X  
Արգարեան ընտանիքը, կարծես պիտի յիմարէին  
իրենց չափազանց գոհունակութենէն :

Անկար հայրը քիչ մնաց որ ուրախութեանը  
զոհ երթար : Նա կը մտածէր թէ դուստրն այն  
որ իւր անկարողութեան պատճառաւ արտորուած  
էր հայրենի յարկէն պիտի վերադառնար առ  
ինքն լի մեծութեամբ և պատուով :

Իսկ Տիկինն Վարսամեանի դառնութիւնն ընդ-  
դէմ ամուսնոյն ոչ միայն ամօքեցաւ, այլ խեղճ  
մարդը տեսակ մ'արգահատութեան իսկ առար-  
կայ եղաւ :

— Կը տեսնե՞ս, մայր, կ'ըսէր Արաքսիա,  
թէ աշխատութիւնը փոխանակ զիս նուաստա-  
ցընելու պիտի բարձրացնէ ընդհակառակն :

— Ազջի'կս, կը պատասխանէ ախատու-  
թեան թշնամի կիներ, Աստուած վարձատրեց քու  
անձնուէր հոգիդ :

— Ի՞նչ գործեցի արդեօք այդպիսի մեծ  
վարձատրութեան արժանի լինելու համար :

— Ի՞նչ կ'ըսես Արաքսիա՛ս :

— Անշուշտ, մա՛յր :

— Բայց տեսնենք թէ քու բարեկամներդ պիտի ուրախանա՞ն, երբ զքեզ իբր նուազս պատիարակ յանձնարարելէն վերջը, դու պիտի ներկայանաս անոնց աչաց ընկերական դիրքով մի որ իրենցը պիտի գերազանցէ անհամեմատ կերպիւ :

— Մա՛յր, մա՛յր, մի՛ այդպէս անիրաւարար խորհիր անոնց նկատմամբ զի անոնք մեր բարեկամներն են :

Տիկինը չէր համոզուեր՝ թէեւ վարժուհւոյ պաշտօնը մեծ բազդի դուռ բացած էր իրենց, ու կը յամառէր պնդելու թէ Երանեանք զիրենք խոնարհեցնելու մտադիր եղած են միշտ, թէեւ ոչ մէկ փաստ մ'ունէր առ այդ :

Տիկին Վարսամեան կ'ատէր Երանեանները զի թուէր իրեն թէ անոնց հանգիստ կացութիւնը կ'անգոսնէր իւր ազգատ վիճակը : Ուստի դիւրին է երեւակայել թէ որպիսի՞ խորխտմամբ կը ցնծար նոյն պահուն զանոնք իւր փեսայովը խոնարհեցնելու ակնկալութեամբ :

Իսկ խեղճ հայրը շարունակ զերկինս կը փառաբանէր ըսելով .

— Փա՛նք քեզ Աստուած, ողորմեցար դու իմ զաւկիս, այսուհետեւ կրնամ հանգիստ սրտով մեռնիլ :

Երբ Արաքսիա հետեւեալ այցելութիւնն ըրաւ հօրը տան, ներկայացուց զիւր խօսնայր ծնողացըն՝ որք լիովին գրաւուեցան անոր վայելուչ ու համակիր ձեւերէն և ցոյց տուած ընտանութենէն :

Ներսէս կրկին և կրկին անգամ կատարեալ



լուծիւն խնդրեց իրենց ամուսնական խորհրդոյն նկատմամբ . և զայդ խոստացան Պ. ու Տիկին Վարսամեան, թէ եւ սա վերջինն անհամբեր էր այդ բարձր խնամութեան լուրը տարածել ամենուրեք, նա մանաւանդ Նրանեանց հասցնել զայն : Բայց պարտաւոր էր զգոյշ լինիլ բանի որ իւր թոյլբերանութիւնը կրնար չար հետեւանք ունենալ, թէ եւ ստոյգ է որ լուելու դատապարտութիւնը զինքը չարաչար կը նեղէր :

Արդէն հպարտանալով կը մտածէր թէ իւր ընկերական յարաբերութիւնքն բուրբովին պիտի փոխուէին, և թէ զինքն արհամարհող անձինքն իւր առջեւ պիտի խոնարհէին : Ինքը կանխաւ իւր վրէժխնդրութիւնը կը պատրաստէր, խոստանալով անձին խոնարհեցնել ձեւերովն զանոնք որք իւր նկատմամբ անտարբեր կամ սէգ գիրք մ'առած կը համարէր :

Սիրան սերախութեամբ կը տրոփէր մանաւանդ մտածելով թէ Նրանեանք՝ հանդերձ իրենց հարստութեամբ, չէին յաջողած տակաւին այդպիսի շքեղ խնամութիւն մի ձեռք ձգել :

Սակայն խիղճ կ'ընէր Արաքսիա պարտաւորուած լինելուն իւր Վարդանոյշ մտերմէն գաղտնի պահելն իրենց ամուսնութեան որոշումը : Գիտէր թէ նա ո՛ր աստիճան պիտի սերախանար զայդ լուր օտնելով . բայց ի՛նչ կարող էր ընել երբ Ներսէս բացօրոյ կերպիւ խնդրած էր իրմէ որ ոչ ումեք իրենց գաղտնիքը հաղորդէ :

ԳԼՈՒԽ ԻԲ.

Արաքսիա երջանիկ էր որչափ հնարաւոր էր լինել մահկանացուի մի: Անհունապէս կը սիրէր ու սիրուած էր. ընտանիքն երջանիկ էր. երկու տղայքն իւր աւուրց թռչուններն էին որք իրենց սրտագին և ուրախ գայլայլիկներով Ներսէսին անունը ըրբիցս կը հնչեցնէին իւր ականջին օրուան շրջանին մէջ: Առաւօտուն և երեկոյեան զիւր սիրելին կը տեսնէր՝ ու փոխադարձաբար իրենց սրտին կարօտն ու սէրը կը հաղորդէին իրարու:

Տիկին Արգարեանի գոռոզ ձեւերը միայն զվարժուհին կը նեղացնէին, բայց այնչափ լուսաւոր երջանկութեան յատակի վրայ քանի մի մութ կէտեր շուտով կ'անհետանան:

Մեր երկու սիրահարներն ունէին այն վըստահութիւնն որով կ'ապրին սիրահարներն, այսինքն կարծելով թէ իրենց սիրային յարաբերութիւնքն ոչ մէկէ մի նշմարուած են: Եւ երբ իրարու մերձենալու առիթ մի կը կորսնցնեն՝ թուի իրենց գերագոյն կարգի զգուշաւորութիւն մ'ըրած լինիլ:

Եօթն ամիսներ անցած էին արդէն նոյն օրէն ի վեր յորում Ներսէս հաւատարմութիւն ուխտած էր Արաքսիայի: Չմեռն անցած էր, և ահա գարուն կը ներկայանար իւր գալարներով, ծաղկըներով, թռչնոց երգով ու քաղցրաշունչ սիւգով:

Երբ վարժուհին առաւօտուն սարաէլ կ'իջնար երկու աշակերտուհիներովը, ի տես բնու-

Թեան գեղեցկութեանց իւր հոգին կը գրգռուէր, սէրը կը զայրանար, ու կը փափաքէր զգացման սաստկութիւնը մեղմացնել իւր սիրահարին ներկայութեամբը: Շուրջը կը նայէր տեսնելու համար եթէ կուգար իւր Ներսէս, բայց այդ խուզարկութիւնն երկար չէր տևեր զի երիտասարդը կը հետամտէր իսկոյն աղջկան՝ երբ նորա պարտէզ իջնալը կը նշմարէր:

Մինչ երկու քոյրերը կը վազու ընտէին և կամ կը շրջէին՝ մեր երկու սիրահարները թաւուտ ծառերէ վարագուրեալ ու իրարու մօտ նըստելով, կ'ըսէին ինչ որ երկու մաքուր ու զգայուն հոգիներ կը խօսին ի սիրոյ և ի բնութենէ ներշնչուելով:

Կը կարծէին մեր երկու երիտասարդներն ազատ լինել բոլորովին Տիկին Արգարեանի նայուածքներէ, զի նա կէս օրուան մօտ կ'եղնէր անկողնէն: Եւ արդարասէր լինելու համար՝ խօստովանելու է թէ չունէր նա այն նողկալի սովորութիւնը շատ մի կանանց՝ որք սպասուհիները լրտեսի կը վերածեն իմանալու համար այլոց զազտնիքը: Գուցէ իւր գոռոզութիւնն միակ պատճառն լինէր ազախնայց հետ մտերմական ձեւեր շառնելու: Բայց փոյթ չէ գիտնալ թէ ինչ էր անոր շարժառիթը: Սա ստոյգ է որ զերծ էր ամենայն հետաքրքրութենէ իւր ասան մէջ անցած գացածն իմանալու:

Առաւօտ մի Տիկին Արգարեան անձնական անհանգստութեան պատճառաւ պարտաւորեցաւ միջոց մի անկողնէն ելնելու: Պատահամբ աչե-

րըն ուղղութեցան դէպ ի պարտէզ, և հոն տեսաւ զՆերսէս որուն ընդ առաջ կուգար վարժուհին զգուշաւոր միջոցներ ձեռք առնելով սակայն: Այդ բաւեց իւր կասկածները զարթուցանելու համար. փոխանակ երթալ տեղն հանգչելու ինչպէս մտադիր էր ընելու, նստաւ պատուհանին առջեւ, ու ի շնորհս փեղկերուն՝ վկայ եղաւ անոնց տեսակցութեան որչափ որ ծառոց խիտ տերեւները կը ներէին: Ի վերջոյ Ներսէսին հեռանալը տեսաւ, և բիշ մի վերջը հաստատեց վարժուհւոյն իրեն յատկացեալ խուցը բաշտիլը հանգերձ աշակերտքն:

Տիկին Արգարեանի կատաղութիւնը չափ չունէր: Ախալած չէ՛ր ուրեմն Ծլօրիայի զբօսանաց օրը. իրօք Ներսէս զվարժուհին կը սիրէր, և երկուքը յաջողած էին զինքը խաբելու: Աւստի խորհեցաւ թէ անպատճառ վրէժն պէտք էր առնուլ անոնցմէ:

Ձէր ներեր Արաքսիայի աշերն բարձրացնել մինչեւ այն անուան որ ինքը կը կրէր: Այդ բոկոտն արարածը, իւր վարձկանը, Տիկին Արգարեան կոչուի. ոչ երբէք, զայդ յանձն չէր առնուր:

Իւր առաջին մտածութիւնն աղջիկը տունէն փանելն եղաւ: Բայց յետոյ միտքն փոխեց մըտածելով թէ նախ Ներսէս իրեն թշնամի պիտի դառնար. և երկրորդ որ նախանձու զգացումը երեւան պիտի ելնէր: Ինքը շատ հպարտ էր յայանելու համար թէ որ և է անձ իւր նախանձուն առարկայ կրնար լինել՝ մանաւանդ վարժուհի մի: Իսկ երրորդ պատճառ մ'ալ ունէր,

ու այն զօրաւորագոյնն էր : Հաշուեց որ եթէ  
 զԱրաքսիան տունէն հեռացնէր՝ երիտասարդին  
 ունեցած յարաբերութեանց ազջկան հետ ան-  
 տեղեակ պիտի մնար, ու անոնց սիրային ըն-  
 թացքը հաստատելու անկարող : Աւտի խորհե-  
 ցաւ թէ յարմարագոյն միջոցն էր վարժուհին տան  
 մէջ պահել, կատարելապէս անգիտանալ ձեւա-  
 ցընել ամեն ինչ, հսկել երկու քին վրայ, ու ամ-  
 մեն միջոց գործածել զերիտասարդն ազջկէն  
 բաժնելու :

Բայց հասցնելու շտործելու համար և ու-  
 զելով կատարելապէս ապահովուիլ երկու երի-  
 տասարդաց մտերմութեան աստիճանին վրայօր,  
 քանի մ'որ առաւօտուն կանուխ ելաւ քունը զտ-  
 հելով, և մէն մի օր առաւել եւս հաստատուե-  
 ցաւ թէ երկու երիտասարդները զիրար կը սի-  
 րէին բուն կերպիւ :

— Այս բոկոտն, կոչեց դարձեալ Տիկինը  
 սրտմտութեամբ, իմ կրած անունս կրէ, եր-  
 բէք, երբէք, ես եմ ապահովողը զայդ : Սինչ  
 քանի մ'որ միտքը կը տանջէր շար հնարք մի ըս-  
 տեղծելու Արաքսիայի երջանկութեան չէնքը  
 տապալելու համար, ահա բազդր ճամբուն վրայ  
 դրաւ Սիւակ երիտասարդը : Այդ նոր ծանօթը  
 զոր ընկերութեան մի մէջ ճանաչեց, առանց  
 վրէժխնդիր ձկտումներն այլայլելու, Տիկինը քը-  
 մահած սրտին բուն սնունդ մատակարարեց :

Պ. Նրանեանի դատեր զգացումներն որ աւուր սաստկանալով, բոլոր երազներն, յոյսերն ու բաղձանքները Սիսակի բազդակից լինելու գաղափարին մէջ բովանդակեց : Սիրակէզ կը տանջուէր, և զգացման սաստկութիւնն յինքն կը ջանար ամփոփել մինչեւ որ փոխադարձաբար սիրուելուն ապահովութիւնն ունենալով թոյլ տար երիտասարդին կատարելապէս իմանալու իւր սրտին գաղտնիքը :

Սիսակ բաջաւերուելով Վարդանուշի քաղցր և համակրելի ձեւերէն՝ մտերմութեան աստիճանը հետզհետէ բարձրացուց. և որ մի՛ երեկոյթի մ'առթիւ, երբ իւրաքանչիւր ոք զբաղեալ էր մասնաւորապէս զուարճանալու, փայլելու և յաջողելու, մեր երիտասարդն եւս օգուտ քաղեց այդ առթէն բացարձակապէս յայանելու համար Վարդանուշին թէ ինքն եղած է իւր սիրոյն առարկայն : Սիրահարեալ օրիորդն նախ թոթոփեց, կարմրեցաւ, շփոթեցաւ, բայց հուսկ յետոյ թէ՛ լուսթեամբն և թէ՛ քանի մի բառերովը մատնեց այն բուռն զգացումն որով համակուած էր :

Նթէ կը փափաքէր Սիսակ Պ. Նրանեանի դատեր հետ ամուսնանալ՝ զրդեալ էր առ այդ պարզապէս շահախնդիր ակնկալութենէ. զի Վարդանուշ միակ զաւակ էր հարուստ ծնողաց : Հետեւապէս անոր հետ ամուսնանալով զիւրակեցիկ վիճակի կը հասնէր, թող թէ օր մ'ալ ժառանգ կը կանգնէր Պ. Նրանեանի : Ահա գեղե-

ցիկ ու դիւրամատչելի ապագայ մի որ կը ներկայանար իրեն այնպիսի դիւրութեամբ, ինքն կը մտածէր սքանչելի առեւտուր մ'ընել. միթէ ամուսնութիւն՝ առեւտուրի խնդիր չէ՞ դարձած այսօր։ Ահա ինքն պիտի կատարէր ուրեմն մէկ հարուածով ինչ որ այլք ճակտի բրտամբ ձեռք ձգելու հազիւ կը յաջողին՝ այսինքն գեղեցիկ հարստութիւն մի։

Բայց դժուարութիւն մի կար որուն յաղթելու էր, այն էր անձին կարեւոր կերպարանք մի տալ ընկերային դիրք մը ստանալով, որպէս զի Երանեանց մերժման շենթարկուի։

Ստոյգ է որ Փարիզէն վերադարձի միջոցին Սիսակ աղմուկ յարուցած էր իբր անձ բազմահումուս. սակայն փորձը չուտով յայտնեց թէ ոչ էին իւր կատարելութիւնները։ Ակաւ նախ որոտալից յօդուածներ շարադրել լրագրաց համար ընդդէմ իրաւագիտաց։ Բայց տկար և անիմաստ քննադատութեամբը իւր կարողութեան չափն յայտնեց, ու տեղի տուաւ այլոց արդարացի և արժանաւոր դատաքննութեան իրեն նկատմամբ։

Թէեւ ինքզինքն ուզեց ծանօթացնել իբր մեծ փաստարան, անչուչտ յաճախորդաց բաղմութիւնը չէր որ զինք անհանգիստ կ'ընէր. զի մերթընդ մերթ միայն փոքրիկ դատերու համար իրեն կը դիմէին։ Դատերուն զումանս կորոյս, ու զումանս յաջողեցաւ շահելու, որով իւր յաղթանակն ի ձայն թմբուկի հռչակեց՝ սրարդամտաց վրայ տպաւորութիւն ընելով սակայն։

Առանձին սենեկի մէջ կ'ապրէր Սիսակ ընտանիք շունեկնալուն սպանճառաւ, ու իր ժա-

ուանգութեան փշրանքներն հազիւ կը բաւէին անձնական պիտոյիցը : Միշտ լաւ ճաշակաւ զարգարուած էր , և ջանադիր էր փայլիլ առատաձեռնութեամբ այն պարագայից մէջ որոնցմէ անկարող էր խոյս տալու :

Պ. Երանեան դրական մարդ էր , խարուսիկ յոյսերէ չէր շլանար , զայդ լաւ գիտէր Վարդանոյշ , ուստի յորդորեց զիւր սիրահար համբերելու մինչեւ որ յաջողութեամբը փառահուստիւն ազգէր իւր հօր :

Այդ հարկը լաւ կ'ըմբռնէր մեր երիտասարդը , որով աղջկան տուած խորհրդոյն կատարելապէս հաւանիլն յայտնելով՝ մտադիր եղաւ սակայն կուսին զգացման աստիճանն այնպիսի սաստիկութեան հասցնել՝ պարտաւորելու շափաւոր ծնողքը զինքը փեսայ ընտրելու առանց ի նկատի առնելու իւր դրամական սահմանին անձկութիւնը :

Եթէ հմտութեան մասին հրաշալիք մի չէր Սիսակ , կանացի սրտերն որսալու կէտին հանձար մ'էր սակայն : Ուստի նոյն օրէն յորում Վարդանոյշ հաւատարմութիւն խոստացաւ երիտասարդին՝ իւր սիրահարական զգացումն ծայրայեղ արխիի կէրպարանքն առաւ : Ոչ ուրուք իրենց գաղտնիքն հաղորդելու դաշինք ըրած էին մեր երկու երիտասարդները , միայն թէ Արաքսիայի նկատմամբ բացառութիւն մի կար :

Խորհրդապահ վարժուհին երդմամբ խոստացաւ պահել զիւր մտերմին գաղտնիքն , որ և է ստիպողական առթի մէջ անգամ լռութիւն պահելու պայմանաւ :



Արարսիայի խիստ անհաճոյ էին յօգերն որք գոյացած էին երկու երիտասարդաց միջեւ . բայց ինչ կարող էր գործել, նա մանաւանդ երբ թիչ ժամանակ վերջը ինքը եւս լաւ ճանչցաւ սիրահարութեան անբուն արարելի իշխանութիւնը :

Հազիւ հազ քանի մի շարաթներ անցած էին մեր վարժուհւոյն բերանացի նշանուութենէն ի վեր, երբ օր մի՝ ի մեծ իւր զարմանս, հետուէն նշմարեց Սիսակի գալուստն Սրգարեան ընտանեաց տան մէջ : Անբացատրելի դժգոհութիւն մ'ունեցաւ առանց կարենալ բացորոշ կերպիւ անոր պատճառը մեկնելու : Գուցէ կը կասկածէր Տիկն...ջ ազդեցութենէն կամ իւր ազգականին թեթեւամտութենէն . կամ թերեւս նախազգմամբ վտանգ մի կ'ընդ նշմարէր ի վնաս իւր սիրելի բարեկամուհւոյն :

### ԳԼՈՒԽ ԻԳ.

Սիսակի շնորհալի կերպարանքը, քաղաքավոր ծանրութիւնն, իւր սոփորական ճարտար և արուեստաւորեալ անտարբերութիւնը գեղեցիկ սեռին շնորհաց արժանանալու, ինչպէս և անոր փայլուն խօսակցութիւնը զարմանալի տալուորութիւն մ'ըրին Տիկին Արգարեանի վրայ : Սա մտքը դրաւ որսալ զերիտասարդն, ու նոյն իսկ անոր հանդիպած առաջին գիշերն երեկոյթի մէջ հրաւիրեց զնա այցելել իւր տունը :

Սիսակի թեթեւ փառասիրութիւնը կը գոհանար նկատելով թէ մեծափարթամ անձ մի

Հանգոյն Տիկին Արգարեանի, կը փափարէր իւր ընկերու թիւնը վայելել: Աւտի առաջին և երկրորդ պաշտօնական այցելութիւններէն վերջը Տիկինն առաւել մտերմական ձեւ մ'առնելով խնդրեց երիտասարդէն որ յաճախ այցելէ իւր տունը: Մեր երիտասարդը խօսքով հաւանեցաւ այլ ոչ գործով, զի չափաւոր կերպիւ շարունակեց իւր յարարերութիւնները: Տիկին Արգարեան շուտով հասկցաւ թէ ճարտար հակառակօրդի հետ էր իւր սրտին կոխը, որով սկսաւ ինքն եւս՝ իրր կարող ռազմագէտ, բոլոր կանացի սիջոցներն ի գործ դնել լուրջայն: Այդ պաշտնի կռուոյն մէջ երկուքն ալ կը յառաջանային հետզհետէ իրենց ճարտարութիւնը կորսնցնելով սիրոյ լուծին ներքեւ. երկուքն ալ ընկճեցան վերջապէս ծայրայեղ կերպիւ՝ ինքզինքնին կատարելապէս մոռնալով:

Տիկին Արգարեան մեկուսի թողլով բոլոր միւս սիրահարները, իրրեւ անձ արբեալ տրփանաց մօլեգնութենէն, ոչինչ կը տեսնէր շուրջը, ու ոչինչ կ'ուզէր իմանալ, մէկ անշորժ գաղափարով համակուած էր լիովին:

Պ. Արգարեան կատարելապէս անտեղեակ էր կնոջը ամօթալից ընթացից: Առաւօտուն խիստ կանուխ գործին կերթար, ու ժամանակ տուն կը վերադառնար, առանց համարձակելու ամուսնոյն հարցնել իւր ժամանակին գործածութիւնը: Եթէ Տիկին Արգարեան հաճէր ժրպտուն դիմօք ներկայանալ իրեն՝ նա երջանկագոյնն էր արանց: Եւ զայդ սիրուն կերպարանք կ'առնուր խորամանկ կինը մէն մի անգամ որ

պէտք ունէր ամուսնէն ծածկելու ՚ենացն ան-  
վայել ընթացքը :

Թէեւ տկար էր բնութեամբ Պ. Արզարեան ,  
սակայն իւր պատուոյն խիստ նախանձախնդիր  
էր , ու զայդ լաւ գիտէր իւր կի՛նն , որով սա  
ամենայն զգուշութեամբ կը գործէր ամուսնոյն  
նկատմամբ :

Խեղճ մարդը կը նկատէր զիւր կողակից իրր  
կանանց պատուաւորագոյնն , ու անոր կը ներէր  
զարդուց և զուարճութեանց սէրը , երիտասար-  
դութեանը զերագրելով զայդ ճաշակ :

Հասակաւոր ամուսիններն շափազանց բա-  
րեփրութեամբ կը ջանան մոտցնել տալ իրենց  
տարիքոտ լինելը , սրով իրենց կանանց քմահաճ  
ձկտումներն կը բաջալերեն , և ի վերջոյ անոնց  
հպատակները կը դառնան : Նոյնը հանդիպած  
էր Պ. Արզարեանի : Բայց սա հոգւով շափ կը  
սիրէր զիւր կի՛ն , ու շափազանց հպատակու-  
թեամբն իսկ գո՛հ կ'ապրէր :

Սակայն ոչ այնչափ զիւրին էր խաբել բոլո-  
րովին նաեւ զՆերսէս , թէեւ Տիկիինն ամեն զգու-  
շութիւն կ'ընէր անոր կասկածները չյարուցա-  
նելու : Երիտասարդը գործողութեան գնացած  
ժամանակ բնաւ տեղեկութիւն չունէր տան յա-  
ճախորդաց ու տիկնոջ վարմունքի մասին : Սա-  
կայն լաւ իմացած էր անոր սնադարձ ու թե-  
թեւսօլիկ լինելը : Բայց բանի որ ապացոյց մի  
չունէր հօրը պատուոյն արատաւորած լինելուն  
վրայ՝ անպատշաճ կը դատէր մահացնել ծնողքը  
անոր կասկածներն արթնցնելով կնոջ մի վրայ  
զոր կը պաշտէր :

Արաքսիա թէեւ Տիկին Արգարեանի հետ նոյն յարկին ներքեւ կը բնակէր, ոչ իրաւէք հետաքրքրութիւն ունեցած էր գիտնալու թէ ո՞րք էին արկնոց մասնաւոր բարեկամներն ու բարեկամուհիները. ստոյգ է որ այս վերջիններն ստուար թիւ մը չէին ներկայացներ: Պչրանոյշ<sup>(1)</sup> կրնը կ'զգուշանայ ընդհանրապէս կանացի պարիսպ մ'ուեննալէ շուրջը. մէն մի կրն' յաշո իւր, թշնամի մ'է որ իւր վարմունքը կը քննադատէ ու խորհուրդները կը խտրանէ շատ անգամ տանելու յաղթանակացն ընդդէմ արգելք կանգնելով:

Արաքսիա որ միշտ անփոյթ եղած էր Տիկնոջ կեանքն ուսումնասիրելու՝ սկսաւ ոչ այնչափ անտարբերութեամբ նկատել Սիսակի խիստ յաճախ այցելութիւնները:

Տիկինը գիտէր թէ իւր սիրահարն ազգական էր վարժուհւոյն. և ի պատիւ անոր ոչ միայն չբամահեց զօրիորդն ի ներկայութեան անոր, այլ տեսակ մի քաղաքավարութիւն մ'ալ ունեցաւ նկատելով մանաւանդ պատկառելի վարմունքն երիտասարդին աղջկան նկատմամբ:

Արաքսիա կը մահանար հաստատելով Սիսակի այցելութեանց բազմանալն օր աւուր, մինչեւ գրեթէ հանապազօրեայ դառնալու աստիճան:

Ներսէս ոչինչ գիտէր այդ յարաբերութեանց մասին, և ոչինչ՝ երիտասարդին ունեցած կպերուն վրայօք Վարդանոյշի հետ:

Մէն մի անգամ որ վարժուհին կը հանդի-

(1) Coquette.

պէր իւր ազգականին՝ կ'ուզէր նմա ակնարկ մի լի դառն ու պերճախօս յանդիմանութեամբ : Երիտասարդը կ'զգուշանար ենթարկուելէ այդ լուս կշտամբանաց , զի թէեւ տնտանձ սիրոյ յորձանաց մէջ էր ալեծուփ , հանդերձ այսու ներքին տկար ձայն մի կը բողոքէր մերթ ընդ մերթ Վարդանոյշի նկատմամբ ըրած անհաւատարմութեանը դէմ , և զնա կերպով մի լքման դատաւարտած լինելուն համար : Իսկ Արաքսիա կը ներկայանար իւր աչաց իբր անձնաւորութիւնն իսկ դատաւարտութեան :

Վարժուհին հոգւովն կը փափաքէր առանձին տեսութիւն մ'ունենալ Սիսակի հետ . բայց ի՛նչ եղանակաւ կրնար յաջողիլ առանց Տիկինոջ կասկածներն զարթուցանելու , նա մանաւանդ երբ յանցաւոր երիտասարդը խոյս պիտի տար անշուշտ այդ տեսութեան առթէն :

---

### ԳԼՈՒԽ ԻԵ.

Անակնկալ պարագայի մի բերմամբ Տիկինը պարտաւորեցաւ օր մի դուրս ելնել տունէն , և իւր վերադարձին իմացաւ թէ իւր սիրահարն եկած էր , և թէ նոյն միջոցին պարտէզն էր՝ օրիորդին հետ միատեղ :

Տիկինը դժգոհութիւն զգաց այդ տեսակցութեան մասին , թէեւ ոչինչ ուզեց յայտնել իւր տարփածուին : Մօտեցաւ անձայն դէպ յայն վայր ուր երկուքը միատեղ նստած էին ծառի մի ներքեւ՝ հեռու երկու տղաքներէ : Նսանդոտ

ու յուզեալ կերպիւ կը խօսէր աղջիկը , մինչ երիտասարդն ակնկոյր լուռ կը կենար :

Արաքսիա իւր սրտին համայն պերճախօսութեամբը սիրոյ դատը կը պաշտօցանէր , ազգականին խղճին կը խօսէր , անյոյս զգացման մ'անհաստատութիւնն երեւան կը հանէր , ու կը մեղադրէր զինքն հաւատարիմ և սուրբ զգացման դէմ ըրած անհեթեթ ոճրոյն համար :

Երիտասարդն ի խոր խոցուած էր , մտայոյզ էր , և երերածուի երկու տարբեր զգացմանց մէջ : Մին էր սէրն իւր սաստկութեամբն և ալեկոծութեամբն . իսկ միւսն էր պարզ համակրութիւն մի փայլուն և ապահով ապացայտով մի :

Վարժուհին կը յուսար վերջնական պատասխան մ'առնելով հեռացնել գուցէ զերիտասարդըն այն վհէն որուն եղերաց վրայ արեւալ կը տարուբերէր : Մտադիր էր վերջապէս կամ զինքը վերադարձնել Վարդանուշի , և կամ հեռացնել բոլորովին իւր բարեկամուհիէն :

Տիկին Արգարեան ծառէ մի ծածկուած , անոնց շարժումները կը տեսնէր , աղջկան այլայլութիւնը կը նշմարէր ինչպէս և իւր տարփածունն ճնշեալ դիրքն , առանց անոնց ամբողջ խօսակցութիւնը ճշդիւ իմանալու : Այս շափը գուշակեց լսած խօսքերէն միայն՝ թէ իւր վարժուհին ուրիշ աղջկան մի դատը վարելով ջանադիր էր զերիտասարդն հեռացնել իրմէ :

Իբր վագրուհի որուն ձեռքէն կ'ուզեն յափըշտակել իւր աւարը , այդ կինը մանչեց ներքնապէս երդում ընելով կրկին վրէժ առնուլ այն աղջկէն , որ դառնութեան ու դժգոհութեան

պատճառներ հայթայթած էր իրեն : Չուզելով առաւել երկար ժամանակ ենթարկել զիւր սիրահար ազգականին ազդեցութեան , ու որամտութիւնը ծածկելով իբր թէ ոչինչ լած լինէր , մտեցաւ անոնց ու ժպտուն դիմօք բարեւեց զՍիսակ :

Վարժուհւոյն սիրտն արիւնեցաւ նկատելով իւր ջանից և յորդորանաց ասարդիւն մնալը : Հեռացաւ վշտաբեկ , ու տղայոց խաղացած տեղին մտենալով նշմարեց զՆերսէս ի մեծ զարմանս իւր :

Ստիպողական պատճառաւ մի Արաքսիայի խօսնայրը տուն վերադարձած լինելով ուզած էր օգտիլ այդ առթէն զիւր սիրելին բարեւելու համար : Ուստի պարտէզ երթալով օրիորդն հոն գտնելու մտադրութեամբ՝ հանդիպած էր տղայոց ու անոնցմէ իմացած իրենց վարժուհւոյն Սիսակին հետ գտնուիլը :

Ներսէս՝ կարծես օձէն խայթուած , փոխանակ յառաջ կամ ետ երթալու , արձանացաւ կեցաւ , ու ի վերջոյ ծառի մի ներքեւ նստելով՝ նախանձալից անձկութեամբ Արաքսիայի գալըստեան սպասեց :

Սիրահարաց համար ոչ ազգականութիւն կայ և ոչ ալ բարեկամութիւն : Ամեն որ թշնամի մ'է որ իրենց պաշտած անձին սիրաւ գողնալու կը յառաջադրէ :

Ի զուր Ներսէս կը մտածէր թէ Արաքսիայի նման սուրբ և զսեմ հոգի մի անկարող էր զիւր ուխտ դրժելու : Ի զուր կ'արդարացնէր հարկն զՍիսակ ընդունելու քանի որ իւր մերձակայ ազ-

գակիցն էր : Միւս կողմանէ կը մտածէր , թէ տղայքն ինչո՞ւ այնչափ հեռու էին անոնցմէ : Անշուշտ իրենց խօսակցութեան վկայներ չունենալու մտօր էր . ինչո՞ւ ուրեմն առանձնանալու այդ պէտքն : Այս տարրեր մտածութեանց մէջ կը տարութերէր մեր երիտասարդն երբ նշմարեց Արաքսիայի գալուստն :

Եթէ քիչ յառաջ նեղացաւ աղջիկը Տիկին Արգարեանի վրայ հասնելուն համար , նոյն միջոցին շանթահար եղաւ Ներսէսի դժգոհ կերպարանքը դիտելով : Բայց մաքուր խղճի քաջութեամբ վարժուհին մօտենալով իւր խօսնայրին հարցուց .

— Ինչո՞ւ չ'աւետեցիր ինձ այս առաւօտ թէ սովորականէն յառաջ պիտի վերադառնայիր այսօր :

— Եթէ զայդ գիտնայիր , պատասխանեց Ներսէս սակաւ ինչ դառնութեամբ , գուցէ ուրիշները հիւրընկալելու չէիր փութար :

— Ներսէ՛ս , ըսաւ աղջիկը յուզուելով , եթէ ճանաչէիր խօսակցութեանս նպատակը՝ գուցէ զիս պաշտէիր :

Այդ խօսքերն արտասանելու պարզ ու անկեղծ եղանակն ապահովութիւն ազդելով երիտասարդին , ու անոր սրտին բեռը թեթեւցունելով , ըսաւ սիրայորդ ականարկով .

— Եւ մի գուցէ զքեզ յանչափս չե՞մ պաշտեր արդէն . առաւելի՞ն կը փափաքիս արդեօք : Ինչո՞ւ չես գանգատիր ուրեմն արեւուն լոյսին անբաւականութենէն , և անծիրին սահմանափակ լինելէն : Մէն մի բարախում սրտիս՝ զսէրն իմ



ունի իբր շարժառիթ , ամեն մտածութիւնս առ քեզ ուղղեալ է , ամեն բաղձանացս առարկայն դու ես , Արաքսի'աս , և տակաւին չե՞ս բաւականանար :

— Այդ մասին անհոգ եմ , Ներսէ՛ս : Սէ՛ր , սէ՛ր , սէ՛ր . այդ բառին մէջ ամփոփուած է բոլոր էութիւնս :

— Եւ դու կը կարծես թէ ես տարբե՞ր կերպիւ կ'զգամ արդեօք . և կ'ուզես որ առաւել եւս սպաշտեմ զքեզ : Լաւ ուրեմն պատմէ՛ ինձ խօսակցութեանդ նիւթն , և եթէ ստուգապէս այնչափ հիացման արժանի ես , ինչպէս որ քիչ յառաջ հաստատեցիր , ամեն ճիգ կը թափեմ , ըսաւ կատակով , զքեզ քիչ մ'ալ աւելի սպաշտելու :

— Լուր ինձ , Ներսէ՛ս , քեզ նկատմամբ անձնական գաղտնիք մ'ունենալս ոճիր կը համարիմ . բայց ինչ որ այլոց կը վերաբերի թոյլ տուր ինձ որ գիտնամ յարգել զայն խորհրդասլահութեամբըս :

Ներսէսի դէմքը կասկածանաց ամպովք մը թաքնեցաւ դարձեալ . բնաւ բառ չ'արտասանեց , այլ լռութեամբն իւր դժգոհութեան սաստկութիւնն յայտնեց :

Վարժուհին իւր նշանածին ձեռքը բռնեց ու արտասուեալ որ աչօք ըսաւ .

— Զիս մեռցուր՝ բայց մի՛ կասկածիր ինձմէ , մի՛ նուաստացնէր զիս անվայել ընթացք մի վերագրելով ինձ : Աերդնում քեզ առաջի՛ երկնից թէ կը սիրեմ զքեզ ծայրայեղ սիրով և հաւատարմութեամբ , ու կը հաստատեմ թէ անկարող եմ որ և է սարագայի մէջ քեզ ուխտածս

դրժել, Բայց յարգէ՛, Ներսէ՛ս, կը հայցեմ  
բեզմէ, գաղտնիք մի որ իմն չէ, և զոր ուխտած  
եմ և ոչ մէկու մի հաղորդել:

— Ինչո՞ւ ուրեմն ինձ նկատմամբ բացառու-  
թիւն չ'ըրիր:

— Կրնայի՞ գուշակել յայնժամ թէ դու հոգ-  
ւոյս իշխանը պիտի լինէիր օր մի, այդպիսի բա-  
ցառութիւն մ'ընելու համար:

Ներսէսի սիրտն ասպահովուելով Արաքսիայի  
անմեղութեան մասին, անփոյթ եղաւ այնու-  
հէտեւ այլոց գաղտնի խորհուրդներն իմանա-  
լու: Գործօրեց զիւր սիրելին ոչ եւս նեղուելու  
ինքզինքն արդարացնելու համար ու խնդալով  
յարեց:

— Երբ այսուհետեւ լռելու խոստումն ընես,  
մի՛ մոռնար յիշել թէ դու և ես մէկ հոգի կը  
կազմենք:

— Հարկ չկայ այդ յանձնարարութեան, պա-  
տասխանեց միւսն, զի սիրտս մէն մի վայրկեան  
կը յիշեցնէ ինձ զայդ արդէն:

Ի վերջոյ երկու նշանածները խաղաղութեամբ  
բաժնուեցան, Տիկին Արգարեանի ուշադրու-  
թիւնը իրենց վրայ հրաւիրելէ վախնալով:

---

### ԳԼՈՒԽ ԻԶ.

Օրերն օրերու կը յաջորդէին ու շարաթներն  
շարաթներուն, Արաքսիայի կենաց հորիզոնին  
վրայ մաքուր սիրոյ շողն արձակելով, Իսկ տան  
տիկինն իւր վրիժառու հոգւոյն սեւութիւնը

ծածկելով հանդարտ կերպարանքի ներքեւ , ամենայն անձկութեամբ կ'ապասէր այն յարմար առթին ուսկից կ'ուզէր օգտիլ վարժուհւոյն բազմին վճռողական հարուածը տալու համար :

Մայիսի գեղեցիկ առաւօտ մի մինչ վարժուհին պարտէզին մէջ կը շրջագայէր հանդերձ աշակերտներուֆն , տեսաւ որ Ներսէս դէպ' իրեն կը յառաջանար : Երկու երիտասարդաց կերպարանքն ու սիրտն այնչափ գոհ ու զուարթ էին որ կարծես անոնք եւս սիրոյ մայիսը կը տօնէին հանդէպ բնութեան որ իւր շքեղութիւնները կը հանդիսադրէր :

Նոյն վայրկենին վարդենիի մի մերձ կեցած էին որուն վրայ երկու կարմիր կոկոններ մէկ ճիւղի վրայ գեղանազ կը ծածանէին , Արաքսիա անոնց նայելով ըսաւ .

— Տե՛ս , Ներսէ՛ս , ահա մեր սէրն անձնաւորեալ իրարու կցորդ այս երկու կոկոններուն մէջ :

— Արդարեւ , պատասխանեց Արաքսիայի խօսնայրը , մին դուն առ պահէ ի յիշատակ այս հեշտագին վայրկեաններուն , իսկ միւսն ես կ'առնում՝ յառաջագրելով զայն պահել մինչեւ ցվերջ կենացս իբր առհաւատչեայ իմ սիրոյս :

Մինչ Ներսէս կը փորձէր երկու կոկոնները քաղել , մեծկակ փուշ մի մատին մէջ մտնելով արիւն հոսեց անկէ :

Արաքսիայի գէմքը տխրութեամբ վարագորեցաւ : Մեծ դժուարութեամբ կ'աշխատէր փուշըն հանել . մասամբ յաջողեցաւ միայն , որով զգացած վարանմունքը սաստկացաւ :

Ներսէս նկատելով աղջկան յուզմունքը՝ ժըպտելով ըսաւ .

— Զգիտե՛ս արդեօք որ առանց փշոյ վարդ չկայ :

Այդ կատակն հազիւ կարողացաւ փարատել այն անհանգստութիւնն որ յառաջ կուգար այն գաղափարէն թէ փուշին մէկ մասը մատին մէջ մնացած էր :

Ի զո՛ւր Ներսէս կը ջանար ապահովել զինքը թէ ոչ եւս կ'ըգար զայդ : Վարժուհւոյն դէմքը տրտում մնաց . կարծես թէ բնագդմամբ կ'իմանար թէ տառապանաց աշխարհ մի ընդ հուպ պիտի բացուէր իրեն համար : Այդ տրամադրութեամբ բաժնուեցաւ իւր նշանածէն՝ տղայոց հետ դասարան մտնելու համար : Հազիւ հազ ժամէ մ'ի վեր աշակերտուհիներովը կ'ըբարդէր նա , երբ ահա նամակ մի կը բերեն իրեն ուղղեալ : Ար բանայ զայն , կը կարգայ , և կը հաստատէ հոգւոյ մի յուսահատական ճիշն որ առ ինքն կը դիմէր անյայտազ օգնութիւն խնդրելով : Հոգւոյ այդ հասաչքն Վարդանուշէն կ'արձակուէին :

Արաքսիա՝ անհնարին ցաւով համակուած՝ փութաց իւր տիրուհիէն հրաման ուզելու օրն ի բուն գուցէ տունէն բացակայ լինելու համար , առանց բնաւ այդ բացակայութեան պատճառ մի վերագրելու :

Տիկին Արգարեան թոյլտուութիւն ըրաւ այդ մասին մտածելով թէ Սիսակի հետ չպիտի կարողանար տեսնուիլ եթէ նոյն իսկ այդ լինէր իւր նպատակը , զի երիտասարդն իրեն պիտի

նուիրէր օրուան մեծագոյն մասն : Իսկ եթէ նա խոստմնազանց գտնուէր՝ յայնժամ առիթ մ'էր երիտասարդէն բացատրութիւն խնդրելով իրեն դէմ եղած մեքենայութեանց տեղեկանալու :

Բայց օրիորդին մեկնելէն քիչ մի ետքը Սիւսակ ներկայանալով տիկնոջ սիրտն հանգստացաւ , որով բնաւ հարկ չեղաւ աղջկան բացակայութեան ակնարկութիւն ընելու , և ոչ իսկ խօսք մ'արտասանելու անոր վրայօք :

Իսկ Արաքսիա սիրտ ի թուեց և շնչասպառ ընթացաւ դէպ ի բնակարան իւր բարեկամուհւոյն : Հոն առաջին անձն որուն հանդիպեցաւ Տիկինն Երանեանն եղաւ . ողորմելի մօր վշտագին կերպարանքը շատ իսկ կը յայտարէր իւր ներքին մտայուզութիւնը :

Տիկինն առաջնորդեց օրիորդին , ու դստերը սենեակը տանելով զնա՝ ցոյց տուաւ արտասուալից աչօք զՎարդանոյշ որ անկողնոյ վրայ տարածուած էր այլակերպեալ դիմօք :

---

### ՔԼՈՒԽ ԻԿ.

Արաքսիան անկեղծ ու խորունկ վշտակցութեամբ մօտեցաւ հիւանդին , ու ձեռքն անհուն արգահատութեամբ սեղմելով՝ իւր շարժարանաց տեսակն հարցուց :

Տառապեալ աղջիկը շինծու սպարազայից վերագրեց իւր նեղութիւնն , անհամբերութեամբ

— Ե՞ս, պատասխանեց հէքն, գիտութեամբ  
յանցանք չի գործեցի անոր դէմ. եթէ սակայն  
յակամայս զինքը վիրաւորեցի, պատրաստ եմ  
յանցանքս քաւելու :

— Ես հեաքը կը խօսիմ, անփոյթ եղիր, սի-  
րելիս :

— Կը հայցեմ, մի՛ դատասպարտեր զիս եթէ  
հակառակ կամացդ յարուեցայ Սիսակի և արդ  
միջամտութիւնդ կը խնդրեմ :

— Ի՞նչպէս կուզես որ մեզադրեմ զքեզ երբ  
սէրն անգիմադրելի զօրութիւն մ'է որուն դէմ  
մրցելով հանդերձ կը յաղթուինք մեր տկարու-  
թիւնն երեւան հանելով :

— Ուրեմն կը ներե՞ս ինձ, Արաքսի՛աս, ե-  
թէ ես ըմբոստ լինելով բու խորհրդօցդ՝ այ-  
սօր քեզ պաղատիմ վերադարձնելու համար ինձ  
այն սիրտն զոր կ'ուզէիր հեռացնել ինձմէ :

— Ոչ միայն կ'արդարացնեմ զքեզ, այլ յօ-  
ժարամիտ եմ քեզ ծառայելու : Յորչափ կարելի  
է շարիքը մեզմէ հեռացնելու, պարտինք աշխա-  
տիլ յաջողելու : Բայց երբ անոր հպատակած ենք  
արդէն՝ դժուարին է հալածել զայն մէկէն ի  
մէկ. ամոքելով բուժելու ենք զօէր :

— Այսինքն կ'ուզես ըսել, Արաքսի՛ա, թէ  
տրամադիր ես բուժելու զիս սրտիս հիւանդու-  
թենէն :

— Եթէ կարող լինէի՝ անշուշտ առ այդ կ'աշ-  
խատէի : Թէեւ կը ճանաչեմ Սիսակի քանի մի  
բարեմասնութիւնները, բայց անկեղծօրէն խօ-  
սելու համար, նոյնչափ ալ ծանօթ են ինձ և  
իւր թերութիւնները :

— Ե՞ս, պատասխանեց հէքն, գիտութեամբ  
յանցանք շի գործեցի անոր դէմ. եթէ սակայն  
յակամայս զինքը վիրաւորեցի, պատրաստ եմ  
յանցանքս քաւելու :

— Ես հետը կը խօսիմ, անփոյթ եղիր, սի-  
րելիս :

— Կը հայցեմ, մի՛ դատաւարտեր զիս եթէ  
հակառակ կամացդ յարուեցայ Սիսակի և արդ  
միջամտութիւնդ կը խնդրեմ :

— Ի՞նչպէս կուզես որ մեղադրեմ զքեզ երբ  
սէրն անդիմադրելի զօրութիւն մ'է որուն դէմ  
մրցելով հանդերձ կը յաղթուինք մեր տկարու-  
թիւնն երեւան հանելով :

— Արեմն կը ներե՞ս ինձ, Արաքսի՛աս, ե-  
թէ ես ըմբոստ լինելով քու խորհրդոցդ՝ այ-  
սօր քեզ պաղատիմ վերադարձնելու համար ինձ  
այն սիրտն զոր կ'ուզէիր հեռացնել ինձմէ :

— Ոչ միայն կ'արդարացնեմ զքեզ, այլ յօ-  
ժարամիտ եմ քեզ ծառայելու : Յորչափ կարելի  
է չարիքը մեղմէ հեռացնելու, պարտինք աշխա-  
տիլ յաջողելու : Բայց երբ անոր հպատակած ենք  
արդէն՝ դժուարին է հալածել զայն մէկէն ի  
մէկ . ամոքելով բուժելու ենք զսէր :

— Այսինքն կ'ուզես ըսել, Արաքսի՛ա, թէ  
տրամադիր ես բուժելու զիս սրտիս հիւանդու-  
թենէն :

— Եթէ կարող լինէի՝ անշուշտ առ այդ կ'աշ-  
խատէի : Թէեւ կը ճանաչեմ Սիսակի քանի մի  
բարեմասնութիւնները, բայց անկեղծօրէն խօ-  
սելու համար, նոյնչափ ալ ծանօթ են ինձ և  
իւր թերութիւնները :

— Բայց ո՞վ արդեօք թերութիւն չունի, բարեկամուհիս :

— Անշուշտ ոչ որ կատարեալ է . բայց սա կէտն ի նկատի առնելու է որ բարեմասնութի՞ւնք թէ թերութիւնք առաւել ծանրակշիռ են անձի մի վրայ :

— Մի՛ դատապարտեր զիս, Արաքսի՛սս, բայց այնչափ պաշտելի է ինձ Սիսակ որ նոյն իսկ իւր թերութիւնքն շնորհալի կը թուին ինձ : Եթէ որ փորձէր այդ պակասութիւնները ձիրքերու վերածել՝ կ'ընդդիմանայի վախճալով թէ իրմէ մաս մի կը պակսէր, որով ոչ այնչափ սիրուն կը ներկայանար նա իմ աչաց :

— Համարելով որ թեթեւամտութենէ շարժեալ զքեզ լքանէր ուրիշ մի սիրելու համար, ա՞յդ եւս հաճելի պիտի թուէր քեզ արդեօք, Վարդանո՞՛յլ :

— Ո՛հ, այդ սոսկալի պարագայն բացառութիւն մ'է :

— Եթէ թուարկէի շատ մի մոլութիւններ որք զքեզ կրնան դժբաղդ ընել՝ պիտի յամառէ՞իր արդեօք զինքը դարձեալ համակրելի գտնելու :

— Սիրտը չի տրամաբաներ, այլ կը սիրէ կուրորէն . և կարծես որչափ զինքը շարշարեն՝ նոյն համեմատութեամբ կը պաշտէ զշարշարոյն :

— Եթէ չեմ սխալիր, կ'ուզես յայտնել որ երբէք այնչափ չէիր սիրած զՍիսակ որչափ արդ երբ նա զքեզ կը տանջէ :

— Ստոյգ է այդ, Արաքսի՛սս, զի կ'զգամ որ եթէ Սիսակ չի վերագարձնես ինձ անյապաղ, կեանքս շուտով կը կնքեմ :



Զայս ըսելով աղջիկն, սկսաւ արտասուել դառն յուսահատութեամբ, ու բազկատարած՝ օգնու-  
թիւն խնդրել իւր բարեկամուհիէն :

Մարդս լաւ կ'ըմբռնէ ինչ որ ինքը կը ճանա-  
չէ : Անշուշտ ոչ ոք այդչափ արգահատանք կըր-  
նար զգալ սիրոյ մասին որչափ Արաքսիան, ո-  
րուն սիրաը նոյնչափ անսահման կերպիւ ի սիրոյ  
գրաւուած էր :

Հետեւապէս զՎարդանոյշ բազկացը մէջ առ-  
նըլով, ու իւր արտասուքը անոր արտասուաց  
խառնելով, այնպիսի կարեկցութիւն մ'զգաց այդ  
ծայրայեղ ցաւոց պատկերին առջեւ, որ աղնիւ  
հոգւոյ բուռն խանդիւ խոստացաւ վշտացելոյն  
տեսնել ընդ փոյթ զՍիսակ և հետը խօսիլ :

Բայց անհամբերն Վարդանոյշ ուզեց զխո-  
նալ թէ ե՞րբ արգետք պիտի ունենար իւր պաշ-  
տելոյն պատասխանը :

— Կը խոստանամ ամեն ջանք ընել զնա ընդ  
փոյթ տեսնելու, պատասխանեց վարժուհին :

Վշտահար կոյսն իւր մտերմին երկու ձեռ-  
քերն կը համբուրէր եռանդագին, իբր ձեռքերն  
փրկչի մի որ իւր կորուսեալ գանձը իրեն պիտի  
վերագարձնէր : Եւ աչերն աղերսագին յառելով  
Արաքսիայի երեսին վրայ .

— Ո՛հ, գոչեց անձկութեամբ, խոստացի՛ր  
ինձ զինքն այսօր իսկ տեսնելու, զի չեմ կարող  
այլ եւս սպասել :

— Եթէ կարելի է, անտարակոյս : Բայց խոս-  
տացի՛ր և դու հանդարտ լինել, զի այդ արտա-  
սովոր այլայլութիւնդ վիճակիդ սաստկութիւնը  
կրնայ աւելցնել :

— Ես կը խոստանամ քեզ ինչ որ ուզես , բաւ է որ այսօր , գոնէ վաղը անպատճառ ինձ պատասխան մի բերելու յօժարիս :

— Պիտի ջանամ , սիրելի՛ս , զամեն ինչ գործել զքեզ գոհ ընելու համար :

— Ո՛հ , կարծես թէ պիտի մեռնիմ սրտա-յուզութենէս :

— Տե՛ս , ինչպէ՛ս այտերդ հրաբորբօք են . եթէ չհանդարտիս , հոգիս կը վիրաւորես :

— Ամեն կամացդ կը հպատակիմ , Արաք-սի՛ա , միայն թէ վերագարձնես ինձ զՍիսակ :

— Սակաւ ինչ համբերէ :

— Ուրեմն այսօր իսկ զինքն պիտի տեսնես :

— Պիտի աշխատիմ առ այդ :

— Անոր պատասխանը կրնա՞մ ընդ ունիլ այսօր :

— Այդ անհնար է , Վարդանո՛յշ :

— Իսկ վա՞ղն առաւօտ :

— Գուցէ :

— Կը հայցեմ քեզմէ , սպահովէ՛ գիս , խոստացի՛ր մանաւանդ կանուխ գալու , զի հիւժեւիս կ'զգամ :

— Ամեն ճիգ պիտի թափեմ վաղը առաւօտ գալու :

— Աւա՛ղ , գոչեց Վարդանոյշ , քանի՛ մաշեցուցիչ ժամեր , քանի՛ մահաբեր վայրկեաններ պիտի անցնին մինչեւ այն տենչալի՛ բոպէն որ զքեզ հոս պիտի բերէ վերստին . պիտի ապրի՞մ արդեօք մինչեւ վաղն առաւօտ :

— Տե՛ս , ըսաւ Արաքսիա , ո՞րչափ յոյսերուդ կատարման մերձենաս , նոյնչափ անհամբերութիւնդ կը սաստկանայ :

— Սիրող սրտի վիճակն է, պատասխանեց  
կոյան սիրակէզ :

— Սակայն ըսէ ինձ, Վարդանո՛յշ, ծնողքդ  
վերահասու չ'եղա՞ն արդեօք քու հիւանդ ու-  
թեանդ բուն պատճառին :

— Ամենեւին, սիրելիս :

— Չարմանալի՛ բան :

— Տե՛ս ինչ կայ մէջ տեղ : Հարուստ երի-  
տասարդ մի, զոր կը ճանաչեմ, կ'ուզէր զիս ի  
հարսնութիւն : Ես բնականապէս մերժեցի զին-  
քը, մայրս քանաց զիս համոզելու, յամուսնացաւ  
մանաւանդ յաջողելու համար : Ես մերժումնս  
մէջ հաստատ մնացի, ու այդ ամուսնութեան  
ստիպմանց վերագրելով հոգւոյս թախիժն ու  
ցաւը, ոչ եւս փոյթ ըրի ծածկել սրտիս յուսա-  
հատութիւնը : Վիճակս օր աւուր սոստկացաւ,  
որով ծնողքս իրենքզիրենք իմ տառապանացս  
պատճառն համարելով՝ դադարեցան գոնէ առ  
այժմ այդ երիտասարդին խօսքն ընելէ :

— Ո՛վ Վարդանոյշդ իմ, ո՛րչափ խիղճ կ'ընեմ  
ծնողացդ տեսութեանց հակառակ դորժելու, և  
այսպէս չար կերպիւ փոխարինելու այն վստա-  
հութիւնն զոր կը յայտնեն ինձ անոնք :

— Կը զղջա՞ս արդեօք ըրած խոստմանդ վը-  
րայ : Թո՛ղ ուրեմն զիս նսեհ բաղդիս . թո՛ղ որ  
մեռնիմ :

Չայս ըսելով հէք աղջիկը դէմքը ծածկեց  
վերմակովն ու լացաւ կողկողազին :

Արաքսիան անոր մօտենալով հեռացուց վեր-  
մակն, ու յուսահատ կուսին դէմքը փայփայե-  
լով խոստացաւ անհնարինը գործել հետեւեալ

առաւօտ առ ինքն վերադառնալու համար :

Տառապեալ էակը ժպտեցաւ այնպիսի բաղց-  
րութեամբ մի որ վարժուհւոյն հոգին կատարե-  
լապէս ճմլեց :

Որպիսի՛ երկնային սէր անարժան մարդու  
մի համար , կը մտածէր վարժուհին ափսոսա-  
լով :

Երկու բարեկամուհիք զիրար ողջագուրելով ,  
մեկնեցաւ Արաքսիան : Առաջինը սիրոյ յոյսե-  
րով և երկիւղներով էր համակեալ : Իսկ երկ-  
րորդը կը հեռանար մտացը մէջ որոճալով Սիսա-  
կի հետ տեսութիւն մ'ունենալու եղանակին վը-  
րայ : Հակառակ իւր տեսութեանց , ձկտմանց և  
զգացմանց պիտի գործէր , ստոյգ է այդ . բայց  
կրնա՞ր արդեօք ձեռնառու չլինել իւր ողորմելի  
բարեկամուհւոյն , և ավակցութիւնը մերժելովն  
անոր մահը պատճառել զուցէ : Մտածութեան-  
ցը մէջ խորասոյզ՝ Արաքսիա հասաւ վերջապէս  
Արդարեանց տան առջեւ , երբ նոյն միջոցին փո-  
ղոցի դուռը բացուելով հոնկէ դուրս ելաւ Սի-  
սակ :

---

### ԳԼՈՒԽ ԻԸ.

Վարժուհին տեսնելով զերիտասարդն ցնծաց  
այդ յարմար առթին համար զոր բազդը կը հայ-  
թայթէր իրեն :

Մարդս կ'ուրախանայ երբեմն երբ կը գոր-  
ծէ հակառակ իւր կամաց , որչափ որ պիտի ու-  
րախանար եթէ իւր անձին հաճելի եղած նպա-

տակի համար աշխատէր իսկ, այնչափ պարագայներն և զգացումները կը ներգործեն իւր վրայ անդիմադրելի կերպիւ :

Ուստի Արաքսիա թէեւ կը փափաքէր ի սըրտէ Զախջախել ամենայն յարաբերութիւն Վարդանոյշի և Սիսակի միջեւ, հանդերձ այսու կ'աշխատէր նոյն միջոցին անոնց յարաբերութեանց յօգերն ամրապնդել :

Տեսնելով ուրեմն զՍիսակ կանկ առաւ անոր առջեւ ու ըսաւ .

— Ես ալ կ'ուզէի բեզ հանդիպիլ հարցնելու համար թէ ե՞րբ արդեօք կրնամ հետդ խօսակցութիւն մ'ունեննալ :

— Տրամադրութեանդ ներքեւ եմ, պատասխանեց երիտասարդը, մարմինն և գլուխը ծըռեւելով, շինծու պաշտօնական վայելչութեամբ մի :

— Այդ հրապուրիչ ձեւերդ այլոց պահէ, ըսաւ Սիսակին այնպիսի եղանակաւ մի որ կասկած չէր թողուր իւր դժգոհ տրամադրութեանց վրայօք :

— Ինչո՞ւ այդպէս խոժոռադէմ ես այսօր, Արաքսի'ա :

— Վասն զի գլխաւոր պատճառներ ունիմ այդ պէս լինելու :

— Թոյլ կուտա՞ս ինձ հարցնելու թէ ուսկի՞ց յառաջ կուգան նեղութիւններդ :

— Նոյն իսկ քեզմէ, պարո՞ն :

— Ինձմէ՞, հարցուց Սիսակ անկեղծ զարմացմամբ :

— Այո՛, քեզմէ :

— Ի՞նչ կրնամ գործել քեզ նկատմամբ ա-  
կամայ յանցանքս քաւելու համար :

— Առանց յագաղման , և որչափ կարելի է  
չուտ հայթհայթել ինձ առանձին տեսութիւն մի :

— Նոյն իսկ այս վայրկենիս ուրեմն :

— Բայց ո՞ւր : Ար փափաքիմ որ մեր տեսու-  
թիւնը վկայ շունենայ և մանաւանդ գաղտնի  
մնայ :

— Խիստ իրաւացի է խնդրածդ :

— Ար խոստանա՞ս ուրեմն բնաւ մէկու մը  
չհաղորդել մեր ժամադրութիւնը :

— Պատուոյս վրայ կ'երդ նում :

— Ուրեմն վաղ առաւօտ խիստ կանուխ կը  
տեսնուինք :

— Անհնարին է ինձ կէս օրէն առաջ հրաւերդ  
ընդունիլ . և դարձեալ ապահովագէս չեմ կըր-  
նար խոստանալ զայդ :

— Բայց ստիպողական հարկ մի կայ , Սիտա՛կ :

Երիտասարդը շփոթած քիչ մի մտածելէն  
վերջը՝ փութաց ըսել .

— Եթէ կը հաճիս նոյն իսկ այս գիշեր տես-  
նուինք :

— Ի՞նչպէս , ա՞յս գիշեր : Հարցուց աղջիկը  
ժարանելով :

— Եղանակը շատ պարզ է : Երբ ամենքը տան  
մէջ կը քնանան , ևս կէս գիշերէն երկու ժամ  
վերջը պատուհաններուդ ներքեւէն անցնելով  
կ'երգեմ եղանակ մի որ ծանօթ է քեզ : Գու կը  
պատասխանես ինձ ըյս մի բերելով պատուհա-  
նիդ առջեւ : Ես կանկ կ'առնում փողոցի դրան  
առջեւ , դու վար կ'իջնես դուռը կը բանաս :

ներս կը մտնեմ ու սենեկի մի մէջ առանձնա-  
նալով ազատօրէն կը խօսինք : Եւ այսպէս հետդ  
սիրահարի դերը խաղացած կը լինիմ հակառակ  
քու կամացդ :

— Կատակի ժամանակ չէ արդ : Չգիտեմ ե-  
թէ առաջարկած եղանակդ վտանգի չ'ենթար-  
կեր զմեզ :

— Ի՞նչ վտանգ :

— Ի՞նչ գիտնամ :

— Բաւ է որ լրտեսուելու երկիւղ չի՞նի ,  
ըսաւ երիտասարդն , եղանակաւ մի որ կը յայտ-  
նէր թէ նոյնչափ և ինքն պատճառներ ունէր  
իւր կողմանէ անտես մնալու :

— Սովորական օրերն , ըսաւ աղջիկը , տունը  
կէս գիշերէն յառաջ քնոյ մէջ թաղուած է : Ար  
միշտ որ մէկ քանի անգամ տղայոց անհանգըս-  
տութեան պատճառաւ մինչեւ բակն իջայ , վե-  
րըստին վեր ելայ , մի քանի անգամ դնացի եկոյ  
առանց մէկու մի ուշադրութիւնը գրաւելու :

— Ուրեմն ի՞նչ կը վարանիս , ընդունէ՛ ա-  
ռաջարկս :

— Լաւ , քանի որ ուրիշ միջոց չկայ :

— Մի՛ մոռնար , ժամը երկուքին :

— Հանգիստ եղիր իմ մասիս : Գու միայն  
ջանադիր եղիր ժամագրութեանդ հաւատարիմ  
մնալու :

— Կրնաս ազահով լինել եւս այդ մասին :  
Եւ եթէ յաւկարծ Բերա հուր բոց դառնայ , նոյն  
իսկ հրակէզ պիտի ներկայանամ քեզ :

— Ամեն պարագայի մէջ կատակն ակործե-  
լի չէ , վտանգ եղիր : Եւ եթէ ներես ինձ՝ խոր-

հուրդ կուտամք եղ որ առաւել խնայողութեամբ խելք բանեցնելու ջանադիր ու բիշ մ'առաւել սիրող կրթելու տրամադիր լինիս :

— Պատրաստուիմ ուրեմն այս գիշեր բարոյականութեան վրայ դասախօսութիւն մի լսելու , ըսաւ Սիսակ քիթը բերանը ծամուտկելով :

Վարժուհին ընդհատելով իւր ազգականին խօսքերն ըսաւ .

— Ուրեմն այս գիշեր , ի տեսութիւն :

Եւ փողոցին դռնէն ընդ փոյթ ներս մտնելով տղայոց բով գնաց : Երկու հրեշտակներն զինքն ընդունեցին անհնարին ցնծութեամբ , ու անոնց գգուանքներն սիրփեցին մասամբ իւր հոգւոյն տագնապը :

Տղայք արշալոյսն են մարդկութեան : Բնութիւնն ուրախ լինի թէ տխուր՝ այն կը փայլի անկտակած նոյնչափ կենաց որչափ աւերակաց վրայ : Կեանքն ինչպէս աւերակը լուսոյ ազդեցութեան կ'ենթարկուին . առաջինն սատուել կը գեղեցկանայ կենսական հանդամանօքն , իսկ միւսն առաւել խորհրդաւոր վսեմութեամբ կը տարածուի իւր մահուան մէջ :

---

ԳԼՈՒԽ ԻԹ.

Սպասե՛լ , ի՛նչ անձկութիւն սպասելուն մէջ , կարծես թէ մարդս մեծ զզրդմամբ կը ցնցէ բոլոր զանգուկներն իւր սրտին և բանականութեան , և թէ յայնժամ արիւնը իւր շրջանը փութացնելով կ'սպառնայ խորատոյզ ընել յախուան



ընթացքին մէջ ամեն գործիք զգալու և մտածելու, այնչա՛փ սիրան ուժգին կը արտփէ, և այնչա՛փ զլուխը շփոթ մտածութեանց անընդհատ յաջորդութեամբը կը կարծէ ցնորիլ :

Սոյասե՛ւ : Ժամանակը կարծես խարխսն նետած տարածութեան մէջ կը հանգչի, մինչ անհամբեր հոգին ակնդէտ կը հիւժի, և կ'սպասէ որ ժամերն իրենց կասեցուցած ընթացքը շարունակեն, յառաջ քայլեն, ընթանան, մինչեւ որ հնչէ տենչալի վայրկեանն որ մեր երազոց իրականութիւնն հաստատէ :

Սպասող անձն հանգչեալ իրեն կը տեսնէ բարդուիլն ամեն խոչնդոտից, վտանգաց և ակընկալութեանց, որք իբր թումբ կը կանգնին ընդդէմ իւր տենչանաց : Ալետանջ հոգին կ'ընդհարկանի այդ թումբին դէմ, յետս կ'ընկրկի վերաւորեալ, վերստին յառաջ կը զիմէ յուսահատ դարձեալ նահանջելու համար արխնլուայ, մինչեւ որ այդ կենաց ու մահուան խնդրոյն մէջ՝ ոգեսպառու կենայ հոգին իւր անկարողութեան մէջ թաղուած :

Վարդանոյշ յիմարելով կ'սպասէր . թուէր իրեն թէ կեանքն յինքն կ'սպասէր, ա՛յնչափ արագորէն կ'ընթանար իւր շրջանին մէջ : Յորչափ Արաքսիա իւր քովէ էր, կը կարծէր թէ նա հաշտութեան ոգին է որ առ ինքն սլտի վերադառնար ձիթենեաց ճիւղն ի ձեռին : Թուէր իրեն թէ նա աւետարներ հրեշտակն էր որ սլտի գոչէր Վահաւասիկ քեզ կը վերադարձնեմ սիրահարդ :

Իայց երբ Արաքսիա հեռացաւ՝ կասկածն և

վհատութիւնն իրենց մահաբեր իրականութեամբ  
բըն եկան կանգնեցան հանդէպ Վարդանուշի :

Աղջկան արիւնն հուր բոց կը թաւալէր սոյն-  
թում սպառնալով, և յուսահատութեան մէջ կը  
մխիթարուէր այն դառն մտածութեամբ թէ մա-  
հը գոնէ կը մնար իրեն իբրեւ վճառչական դար-  
ման, եթէ Սիսակ լքանէր զինքն :

Կուգէր, կը ճգնէր ինքզինքն յանցաւոր հան-  
դիսացնելով իւր աչաց առջեւ՝ զՍիսակ արդա-  
բացնել անբացատրելի անտարբերութեանն հա-  
մար իւր նկատմամբ : Չանձն իւր կը քննէր, կը  
դորովէր, կը դատապարտէր, զիւր սիրելին ան-  
բասիր ընելու համար :

Անուրանալի է որ սիրահար մի կը մտնայ  
զիւր անձ՝ պաշտած էակին համար, բանի որ ոյ-  
ժըն ու կեանքն անկէ կը քաղէ :

Վարդանուշ սիրոյ ալեկոծութեան մէջ կը  
տարուբերէր ու կը կարծէր թէ իւր բարեկա-  
մուհւոյն բերնով կենաց վերջին հնչիւնը պիտի  
արձակուէր իրեն համար : Նոյն իսկ երբ կենսա-  
տու յոյսն անոր սրտին ու մտաց քասօսին մէջ  
վայրկեան մի լոյս կը տարածէր, այդ սփոփարար  
չողն անգամ կարծես զինքը պիտի շանթահա-  
րէր, այնչա՛փ իւր ներքին վիճակը յուսահատա-  
կան էր :

Երբ Տիկին Երանեան կը մերձենար աղջկա-  
նը, սա կրկին անհանգստութիւն կ'զգար, զի  
անհանգուրժելի էր իրեն ամեն ճիգ որ կը փոր-  
ձէր զիւր վարանմունք ծածկելու մայրենի թա-  
փանցող աչերէն :

Սիրահարն իւր տաղնապոց մէջ կ'որոնէ այ-

անձը միայն որուն իւր բուն կացութիւնը կըր-  
նայ յայտնել : Մօր մի ներկայութիւնն խակ ան-  
տանելի է երբ հոգւոյ հրատապ վիճակը քօղար-  
կելու հարկաւորութիւն կը լինի :

Տիկին Արանեան կը մաշէր աղջկանն անդար-  
մանելի վիճակը նկատելով . և դայդ բիշ ծամա-  
նակ առաջ ըրած ամուսնական առաջարկին վե-  
րագրելով՝ ամեն ջանք կ'ընէր համոզելու համար  
զիւր դուստր թէ երբէք իւր կամքը չպիտի բռ-  
նաբարէր :

Վարդանոյշ թէեւ կը պաշտէր զիւր ծնողք ,  
հանդերձ այսու տաժանելի էր իրեն՝ ներկայու-  
թիւնն մայրենի : Հետեւապէս աչերը կը գօցէր  
իրբ թէ ի բուն լինէր , և այդ եղանակաւ կը  
յաջողէր հեռացնել զվշտահար տիկինն , ու ա-  
ռանձնութեան մէջ ազատ կը մնար տառապա-  
նաց մէջ ընկղմելու լիովին : Բայց երբ գիշերն  
վրայ եկաւ , հէք աղջկան վիճակն առաւել եւս  
ծանրացաւ :

Արեգական լոյսը դառնալից և յուսահատ  
բուսէներու մէջ անգամ իւր բարերար ներգոր-  
ծութիւնը կ'ընէ մեր սրտին ներքին մութ խա-  
ւերուն վրայ խակ , իւր շողը մինչեւ հոն թա-  
փանցել տալով կարծես : Բայց երբ խաւարը կը  
տիրէ՝ սարսափահար աչքը սեւ գաղտնի թշնա-  
միներ կը կարծէ տեսնել շուրջն , ու սիրտը՝ մը-  
թութեան մէջ թաւալագլոր՝ թուի ընդհարկա-  
նել աննշմարելի խոչընդոտից , և երկիւղով հա-  
մակուելով՝ նոր յիմարեցուցիչ արագութիւն  
կ'ստանան վշտերը :

Խաւարն աներեւոյթ հրէշն է որ մեր կոկորտ ✓

դէն ուժգին բռնելով զմեզ խեղդամահ ընելու կ'սպառնայ : Ողորմելի Վարդանոյն մթութեան հետ դէմ առ դէմ մնալով՝ ծայրայեղ սաստիկութեամբ կասկածանաց ու վարանմանց մատնուեցաւ գիշերն ի բուն : Աւերբ առաւօտուն արեգակը փայլեցաւ պայծառ , կարծես թէ տառապանաց անդունդէն վեր բարձրանալով՝ անշերն ի լոյս ցաւոց բացաւ վերստին :

---

### ԳԼՈՒԽ Լ.

Յետ ժամադրութեան Արաքսիա ներքին անհանգստութիւն մի կ'զգար որուն ի զուր կը ջանար յաղթել : Նտոյգ է թէ կը խորհէր որ սրտի պարտաւորութիւն մ'էր կատարածը , թէ ներելի չէր անապաւէն թողուլ սիրելի բարեկամուհի մի , թէ նուիրական պարտք մ'էր օգնել իրեն . և թէ Ներսէս իսկ յօգնութիւն տառապելոյն պիտի մղէր զինքն անշուշտ եթէ ազատ լինէր խորհուրդ հարցնել անոր : Բայց այդ խորհրդածութիւններն ոչ միայն զվարժուհին չէին սփոփեր , այլ ընդհակառակն իւր անձկութիւնն անբացատրելի կերպիւ կը սաստկանար՝ որչափ ժամագրութեան վայրկեանը կը մերձենար : Այդ թաքուն գիշերային հիւրընկալութիւնը խիստ անախորժ տպաւորութիւն մի կ'ընէր իւր վրան , թէ եւ ապահով լինէր թէ ոչ որ տեղեակ պիտի լինէր այդ տեսութեան : Ինքը վտահ էր որ Արսակ ոչ միայն չա՛հ չ'ունէր մատնելու այդ գաղտնիքն , այլ նա մանաւանդ այնպիսի յարգալից

համակրութիւն մի յայտնած էր իրեն ամեն ժամանակ որ իրուումը կուտար իրեն վստահ լինել անոր բարեկամութեան մասին :

Խոր լուսեան ու գիշերային թանձր մթութեան մէջ Արաքսիա սարսուռ կ'զգար , երբ յանկարծ լսեց փողոցէն առաջին խաղերը իրեն հաճելի եղանակի մի , զոր Սիսակ բազմիցս երգած էր իրեն :

Տղայքն արդէն անմեղութեան քնով կը նընջէին , ամեն շարժում թէ՛ տան և թէ՛ փողոցին մէջ ժամերէ ի վեր դադրած էր : Իսկ վարժուհին նստարանի մի վրայ տարածուած , ճրագի մի լուսով , ի զուր քանք ըրած էր կարգալու՝ իւր շիտթած մտացը սակաւ ինչ սփոփում տալու համար : Գրքին առաջին էջին վրայ կեցած էր երկար ժամանակէ ի վեր առանց յաջողելու փոքրնեւ զայդ : Աչերը շարունակ ժամացոյցին կը դարձնէր . ու թէ՛ կը փափաքէր որ վերջապէս հասնի ժամագրութեան բոպէն , և թէ՛ կ'ուզէր խոյս տալ անկէ : Բայց երբ ժամացոյցը վճռողական և խորախորհուրդ ձայնիւ հնչեցուց իւր երկու վանկերը , քստմնեցաւ կոյսն իբր թէ իւր դատապարտութեան հնչիւնը լինէր այդ : Նոյն վայրկենին լսուեցաւ նաեւ Սիսակի երգն որ նոյնչափ աղետարեր թուեցաւ իրեն :

Աարսափելով տեղէն ցատկեց աղջիկն , մտեցուց ճրագը պատուհանին՝ որոշեալ նշանն ընելու համար , ու յետոյ ամենայն զգուշութեամբ սենեկէն դուրս ելաւ : Աէն մի քայլին կը թուէր իրեն թէ Ներսէս իւր առջեւ սլափ կանգնէր . կարծեց իսկ անոր դրան ճանչելը լը-

սել, և բուրովին զարհուրած ուզեց խոյս տալ, իւր սենեակը վերադառնալ, ու ազգականին հետ տեսնուելու դիտասորութենէն էն ետ կենալ: Յայց երբ վայրիկ մի ետքն հաստատուեցաւ թէ ոչ շարժում և ոչ ձայն կար իւր շուրջն՝ ոգեւորեցաւ, յուզեալ երեւակայութիւնն հանդարտելով, ու յիշելով խոստումն առ իւր տագնապեալ բարեկամուհին՝ արիարար վար իջաւ, բացաւ փողոցին դուռն, ու զլիսակ ներս առնելէն վերջը, ամենայն զգուշութեամբ փակեց զայն վերջտարին: Յամբարայլ մեր երկու երիտասարդները վեր ելան, և մէկ փոքրիկ սենեակ մի մտնելով հոն քովէ քով նստան դուռը կիսաբաց թողլով:

Արաքսիայի սիրտը թէեւ կը տրոփէր ուժգին՝ սակայն հանդարտեցաւ աստիճանաբար նրկատելով թէ իւր բարեկամուհւոյն դատը պիտի վարէր նոյն միջոցին: Ուստի բաջութեամբ զինեցաւ մարտ մղելու համար ընդդէմ յողորդ զգացմանց իւր ազգակցին:

Նրբ երիտասարդն ինքզինքն ապահով համարեց սենեկին մէջ, յաղթական եղանակաւ մի գոչեց՝ ժամացոյցը ցոյց տալով:

— Դիտէ՛, Արաքսի՛ա, թէ ո՛ր աստիճանի խօսքիս գերին եմ. նայէ՛ ժամը ճիշդ երկուքն է:

— Տայր երկինք որ ամեն պարագայի մէջ նոյն ճշդութիւնը պահէիր, պատասխանեց վարժուհին:

— Կասկածելովս հանդերձ որ կշտամբանացդ պիտի ենթարկուիմ, կը տեսնես որ խոյս չտուի քեզմէ:

— Ուրեմն կ'զգաս մեղապարտ լինելդ:

— Մեղապարտ :

— Այո մեղապարտ, մանաւանդ թէ ոճրագործ :

— Ո՛հ, ըսաւ Սիսակ խնդալով, բառերն հետը հէտէ զօրաւորագոյն բացատրութեամբ կը յաջորդեն իրարու : Նախ մեղապարտ էի, և բիշ մի վերջը ոճրագործ դարձայ :

— Ժամանակը սուղ է, ըսելիքս շուտ խօսիմ, և դու գործելիքդ փութով վճռէ :

— Մեղք որ դատաւոր չես, Արաքսի՛ւ, գործերը կայծակի արագութեամբ պիտի կատարուէին :

— Խնդրեմ, Սիսակ, վերջ տուր կատակներուդ : Ոչ այս գիշերային ժամն, ոչ իմ տըրամամադրութիւնքս, և ոչ խօսակցութեանս նիւթը կ'արդարացնեն ծաղրելու յօժարութիւնը :

— Ե՞ս, զքեզ ծաղրե՛մ, օրիո՛րդ, երբ յանչափս կը սիրեմ ու կը յարգեմ զքեզ :

— Լա՛ւ, լա՛ւ, բայց խօսքի սկսինք :

— Առանց և ոչ իսկ յառաջարանի. վստահեմ որ խնդիրը Վարդանուշի կը վերաբերի. օ՛ն ուրեմն, ի՞նչ է հրամանդ :

— Հրամանս այն է որ որոշապէ՛ս յայտնես թէ որո՞նք են տրամադրութիւնքդ այդ խեղճ ազնկան մասին, որ դժբաղդաբար քու թեթեւութեանցդ մարտիրոսն եղած է :

— Թեթեւութի՛ւն, մարտիրոսութի՛ւն, ի՞նչ բառեր են ադո՞ք :

— Խնդրեմ, Սիսակ, զգաստ կերպիւ մը տածէ ու պատասխանէ :

— Պատրաստ եմ ամեն հարցմանցդ պատասխանելու :

— Լաւ , բայց յուսամ որ անկեղծութեամբ կը պատասխանես :

— Ամենայն անկեղծութեամբ , այսինքն որչափ որ կարելի է ինձ :

— Կը գուշակեմ որ այս վայրկենիս եւս խարդախ պիտի լինիս :

— Շնորհակալ եմ , սիրուն ազգակիցս , ինձ չսայլած քաղաքավարութեանցդ համար . և ի նշան երախտագիտութեանս կը յառաջագրեմ անկեղծ լինել :

— Պատասխանէ՛ ուրեմն , քանի՞ օրէ ի վեր Վարդանուշի այցելութեան շէս գնացած :

— Կարծեմ տասն և հինգ օրէ ի վեր :

— Տասն և հինգ օր : Եւ ինչո՞ւ այդչափ ժամանակ զինքը լքեալ թողուցիր :

— Ես զինքը չթողուցի , ինքն ուզեց զիս հալածել :

— Ո՞վ , Վարդանու՞շ ուզեց հալածել զքեզ :

— Այո՞ :

— Խոստովանէ , Սիսակ , թէ այս վայրկենիս ճշմարտասօս չես :

— Ինչպէ՞ս կրնաս զայդ գիտնալ :

— Անշուշտ գիտեմ քանի որ ողորմելի ազջիկ կը զքեզ շարաշար կը սիրէ :

— Եթէ սիրէր զիս ստուգիւ առաջարկս կ'ընդունէր :

— Ո՞ր առաջարկդ :

— Պարզապէս զինքն առեւանգել :

— Սքանչելի խորհուրդ արդարեւ :



— Ինչո՞ւ խորհուրդս կը դատապարտես :  
Եթէ Վարդանոյշ զիս իրօք սիրէր , այդ առա-  
ջարկս խիստ գործադրելի պիտի թուէր իրեն :

— Գերագոյն մտածութիւն մ'ունենցեր ես  
իրօք : Կ'երեւայ թէ քեզ համար պատուոյ խըն-  
դիրը բառ մ'է պարզապէս :

— Ինչպէս և քեզ համար սէրը բառաբերի  
բառերէն մին է և ոչ այլ ինչ :

— Կը բաղձայիր ուրեմն որ Վարդանոյշ ան-  
ջընջելի արատով մի դրոշմէր թէ՛ ընտանիքն և  
թէ՛ բոլոր իւր կեանքը :

— Դու եւս նախապաշարմանց գերին ես կը  
տեսնեմ :

— Եմ այդ մասին , և կ'ուզեմ շինել միշտ :

— Ուրեմն քանի որ զիրար չենք հասկնար ,  
աւելորդ է մեր խօսակցութիւնն յառաջ մղել ,  
ըսաւ Սիսակ ճարպիկութեամբ :

Բայց Արաքսիա առանց այդ խօսքերուն ու-  
շադրութիւն ընել ձեւացնելու՝ երիտասարդին  
ըսաւ .

— Խոստովանէ՛ անկեղծաբար , ինչո՞ւ այդ-  
չափ ջանադիր ես փութացնել ամուսնութիւնդ  
օրիորդ Երանեանի հետ :

— Վասն զի կը սիրեմ զինքն , և կը փափա-  
քիմ որչափ հնարաւոր է կենացս բոլոր բովէնե-  
ներն անոր հետ անցնել :

— Սիսակ , մէկ կողմ թող այդ արուեստա-  
ւորեալ խօսքերն , և յիշէ թէ հոգւոյդ խորը կը  
կարգամ ես :

— Ինչո՞ւ ուրեմն կը նեղուիս հարց ու փոր-  
ձի ենթարկելով զիս :

— Ասան գի կը փափաքիմ քու վերջին որոշումդ ճանաչել :

— Քանի որ դու չես հաւատար իմ սիրոյս էութեան , ինչպէս կարելի է ինձ որ և է վրճիտ տալ :

— Մեծ պատճառներ ունիմ սիրոյդ չհաւատալու , ըսաւ աղջիկը , մասնաւոր կերպիւ նայելով անոր :

Երիտասարդն անմիջապէս հասկցաւ թէ Տիկին Արգարեանի կ'ակնարկէր , և անտարբեր ձեւ մ'առնելով ըսաւ .

— Ես երիտասարդ մ'եմ , և բնական է որ յուսով միայն չեմ կարող ապրիլ :

— Բայց յոյսերն իրականութեան վերածելու համար կը բաւէ որ նուազ հեշտասէր լինիս ու առաւել աշխատասէր : Իսկ դու կը փափաքիս տիրանալ հանգիստ վիճակի մի առանց աշխատութեան . և այս է պատճառն որ կ'ուզես ամուսնութիւնդ փութացնել օրիորդ Աարդանուշի հետ և ոչ այլ ինչ :

— Արեւմն ես չեմ սիրեր զԱարդանուշ , գոչեց Արսակ , իրր թէ սրտմտելով :

— Եթէ սիրէիր զինքը , չէիր դատապարտեր այդ խեղճ աղջիկն անկողնոյ մէջ տառապելու և կասկածով ու կարօտով մաշելու :

— Ստո՞յգ է ըսածդ արդեօք :

— Արնաս դու անձամբ երթալ և ըսածս հաստատել :

— Դու ազատ ես դատելու զիս ինչպէս որ կը կամիս . բայց սա ստոյգ է որ ճշմարիտ զգացում մ'ունիմ Աարդանուշի նկատմամբ . կը սի-

բեմ գինքն և կ'ուզեմ ստանալ գինքն ժամ յառաջ որ և է կերպիւ, հաւանութեամբ ծնողացըն կամ թէ առանց անոնց հաւանութեան : Եթէ այդ պայմանը կ'ընդունի օրիորդը, պատրաստ եմ նուիրել նմա բոլոր հոգիս :

— Յուսամ թէ առանց այլոց բաժին հանելու սակայն, զի այդ մասին խիստ առատաձեռն ես արդարեւ :

— Ես տակաւին ամուսնացած չեմ : Հետեւապէս արդարացի չէ կարծեմ հաւատարմութիւն ուխտել առ այն որ տակաւին կինս չէ :

— Եւ սակայն դու չես ներեր որ ամենափոքրիկ համակրութիւն մ'ունենայ Վարդանայշուարի համար կարծեմ :

— Անշուշտ :

— Կը տեսն<sup>օ</sup>ես ուրեմն որչափ անիրաւ լինելդ : Եթէ հարցնեմ քեզ թէ ի՞նչ բանի վրայ կը հիմնես քու առանձնաշնորհութիւններդ, ի՞նչ պիտի պատասխանես ինձ :

— Պիտի պատասխանեմ քեզ թէ կը վայելեմ պարզապէս սեռիս իրաւունքը :

— Եւ դու կը կարծես այդ անիրաւ խօսքերով արդարութեա՞ն դատը վարել պողեօք : Հարցուր խղճիդ և ըստ այնմ խօսէ : Եթէ դու սիրէիր զՎարդանայշ, նոյնչափ սրբանուէր պիտի լինէր քեզ նա որչափ օրինաւոր կինդ :

— Սիրոյ խնդիրը տարբեր եղանակաւ կ'ըմբռնեն երկու սեռերը : Կանայք կ'ուզեն որ արք իրենց համար զսփոխ և իրենք ոչինչ գործեն փոխադարձաբար :

— Արդարեւ խիստ իմաստալից են խօսքերդ :

ըսաւ Արաքսիա, ծաղրող եղանակաւ: Դու կը զուարճանաս, կեանքը կը վայելես, մինչդեռ քեզի համար Վարդանոյշ կը տառապի, կը հիւժի սենեկին մէջ առանձին: Եւ այդ չի բուեր, ու կ'սկսիս ամենայն յանգագնութեամբ գանգատիլ անկէ:

— Անշուշտ, քանի որ նա կը զոհէ զիս ընտանեկան կամ ընկերական սնոտի պատշաճութեանց:

— Գանձ բուն խնդրոյն, ըսաւ վարժուհին գոգոհ եղանակաւ:

— Ինչպէս կ'ուզես:

— Վարդանոյշ երբէք չ'ամուսնանար առանց ծնողացն հաւանութեան, զայդ լաւ գիտցիր:

— Եթէ այդպէս է, բնաւ կատարելիք բան չի մնար ինձ Վարդանուշի նկատմամբ. ուրեմն այս վայրկենէն օտար մ'եմ իրեն համար:

— Սակայն չէր այդ քու խոստումդ: Դու յառաջադրած էիր անձիդ պարկեշտ վիճակ մ'ապահովել. և մինչև այդ խորհրդոյդ գործադրութիւնը, Վարդանոյշ յանձնառու եղած էր սպասել համբերութեամբ:

— Լաւ, բայց եթէ այդ վիճակը ցկեանս ապահովելու չյաջողիմ, հարկ է ինձ ուրեմն սպասել մինչև վերջը վտանգի ենթարկելով իմ ապագաս:

— Իսկ ի՞նչ ընէ Վարդանոյշ որ ընտիր բախտեր կը մերժէ քեզ հաւատարիմ մնալու համար:

— Եթէ կ'ուզէ, զինքն արձակեմ ուրեմն իւր խոստմանէն:

— Խոստմանէն կ'արձակես, այո՛, բայց սըր-

տին յօդերէն ի՞նչպէս պիտի արձակես զինքն :

— Այդ իրեն զիտնալիքն է :

— Մեկուսի թո՛ղ աւելորդ վէճերը և լուր  
ինձ դու ու հնազանդէ :

— Խօսէ՛ տեսնենք :

— Քու ընելիքդ այդ աղջկան այցելութեան  
երթալ է, զի կրնաս հէգ սրարածին մահ պատ-  
ճառել խիստ միջոցներովդ :

— Պէտք է որ մտածեմ :

— Սաստիկ պիտի վիրաւորես զիս եթէ չխոս-  
տանաս բարեկամու հետոյս այցելութեան երթա-  
լու, զի նա ամենայն սրտայուզութեամբ քեզ  
կ'սպասէ, իւր լքման պատճառն իմանալու հա-  
մար :

— Ինքն է պատճառն իմ հեռանալուս և մին-  
չեւ որ չխոստանայ անմիջապէս ծնողացն հաւա-  
նութիւնն ստանալու չեմ վերադառնար առ ինքն :

— Ար տեսնեմ որ շահերդ լաւ գիտես պաշտ-  
պանել, Սիսա՛կ :

— Մէն մի մարդու սարս է իւր վիճակն  
ապահովել։ Հաւանական է որ Երանեանք յա-  
ջողին իրենց դուստրն հեռացնել ինձմէ, և ես  
հետըզհետէ սաստկագոյն սիրով համակուելով,  
դատապարտուիմ որ մի թշուառ լինելու :

— Սիսա՛կ, դու պարզապէս կ'ուզես սիրոյ  
վաշխառուն լինել, և երիտասարդուհին նեղի  
դնելով ծայրայեղ ու վերջնական միջոցներու դի-  
մելու հարկադրել զինքն։ Ըրածդ անօրէնու-  
թիւն է ու անարդ պատրուակ մի ապօրինա-  
ւոր սէրդ ծածկելու համար։ Եթէ այդ խիստ  
վարմունքովդ ողորմելի օրիորդն Երանեան ըս-

պաննեսս, վստահ եղիր որ ես դատախազ պիտի կանգնիմ՝ զքեզ իբր մարդասպան հանդիսացընելով ի լուր աշխարհի :

Արաքսիա այնչափ սրտմտած էր որ աչերէն հուր կը ցայտէր և բերնէն փրփուր :

Միսակ նկատելով որ պահանջողութեան չափն անցուցած էր՝ իւր ազգականին երեսին ժպտելով ըսաւ .

— Ես չեմ հաճիր որ իմ պատճառաւս այդպէս բարկանաս . հանդարտէ՛, ու կը խոստանամ երթալ Երանեանց : Միայն թէ ամիս մի պայմանաժամ կը թողուիմ Վարդանուշի որպէս զի յաջողի համոզելու զիւր ծնոյր մեր ամուսնութեան մասին : Յետ լրման տուած պայմանաժամիս եթէ վերջնական խոստումն չ'ընդունիմ, ես ապահովապէս կը հեռանամ օրիորդէն զի յօժարամիտ չեմ խաղալիք լինել երիտասարդուհեաց ձեռքը : Դու ուրիշները կը հոգաս, Արաքսիա՛, միայն ինձ նկատմամբ անտարբեր ես, կը դիտեմ :

— Դու ուրիշի պէտք չ'ունիս, աւելորդ է զքեզ հոգալ :

— Անշուշտ, եթէ օր մի սրտիս զոհը լինիմ՝ փոյթ չէ քեզ այդ :

— Այդ կողմանէ երկիւղ չեմ կրեր, վստահ եղիր, Սիսակ : Միայն թէ ըսէ ինձ եթէ սյցեւլութիւնդ կրնամ իմացնել օրիորդ Երանեանի :

— Եթէ կ'ուզես առաւօտուն իսկ կ'երթամ կամ կէս օրէն վերջը :

— Այդ անհնար է վասն զի ինքն անկողնոյ կը ծառայէ : Նախապատրաստելու է զնա, ո-

րով ես առաւօտուն կ'երթամ և վաղուան համար այցելու թիւնդ կ'իմացնեմ :

— Արեմն համաձայն ենք . ես վաղն անպատճառ կ'երթամ , բայց դու քու կողմանէդ պայմաններս մի՛ մոռնար :

— Լաւ , լաւ .

Եւ այս վերջին որոշման վրայ Արաքսիա ոտք ելնելով ըսաւ .

— Ժամանակ է որ մեկնիս արդ :

— Եւ վերստին ճրագն առնելով առաջնորդեց նա երիտասարդին մինչեւ փողոցի դրան առջեւ , և ամեն արարողութիւն դուռ բանալու և գոցելու լրացնելէն վերջը , իւր սենեակը վերադարձաւ սրտի անբացատրելի թեթեւութիւն մ'զգալով , զի կը մտածէր թէ առանց փտանգի յաջողած էր կատարելու իւր հաշտարար պաշտօնը :

Արաքսիա գոհունակութիւն կ'զգար աչացն առջեւ պատկերացնելով այն ուրախութիւնը զոր պիտի զգար իւր բարեկամուհին՝ իմանալով բանակցութեան յաջող ելքը : Բայց միւս կողմանէ ի սրտէ կը ցաւէր ճանաչելով Սիսակի յողդողդ բնաւորութիւնը ինչպէս և անոր շահախընդիր դիտաւորութիւնները : Սակայն ի՞նչ կրնանար գործել սիրայորդ և բռնաւոր սրտի մի դէմ որ ամեն զգօն խորհրդոց ականջ կը գոցէր : Ոգեսպառ եղած տընութենէ , ու եւս առաւել այլ և այլ յուզումներէ այդ գիշերուան , անկողին մտնելով քնացաւ անմիջապէս :

ԳԼՈՒԽ ԼԱ.

Վարժուհին չէր գիտեր սակայն թէ իւր գի-  
չերային տեսութիւնը վկայներ ունեցած էր :  
Երբ նա կ'երթար ընդունիլ զՍիսակ , ոտից քայ-  
լերն որչափ ալ թեթեւ լինէին աննշարելի չ'ան-  
ցան Տիկին Արգարեանէ :

Մինչդեռ երիտասարդուհին տան տիկնոջ  
սենեկին առջեւէն անցնելով կրկին զգուշութիւն  
կ'ընէր քայլիցը ձայնը եւս առաւել հեղձամղձուկ  
ընելու , հանդերձ այսու միջոց մի ճանչիւնը  
տախտակին որուն վրայ կը կոխէր , ուշադրու-  
թիւնը գրաւեց Տիկին Արգարեանի որ արթուն  
էր նոյն պահուն , ու անհանգստութեամբ կ'ու-  
սումնասիրէր վարժուհւոյն նախորդ օրուան բա-  
ցակայութեան պատճառը : Կը մտածէր թէ գու-  
ցէ դաւ մի պատրաստէր նա զիւր հոմանին իր-  
մէ հեռացնելու համար դարձեալ , ինչպէս որ  
ապացոյցն ունեցած էր մինչդեռ աղջիկը պար-  
տէզին մէջ առ այդ կ'աշխատէր Սիսակի հետ  
տեսնուած ժամանակը :

Տիկին Արգարեան հետաքրքիր լինելով ըս-  
տուղելու թէ ուսկից կուգար լսած ձայնը , տե-  
ղէն ցատկեց անմիջապէս , գուռը բացաւ ան-  
ձայն , ու տեսաւ վարժուհին որ ճրագ ի ձեռին  
վար կ'իջնէր : Սանդուղները բոլորածեւ լինելով  
Տիկինը կեցած տեղէն մինչեւ բակը կը տեսնէր :  
Հետեւապէս ականատես եղաւ օրիորդին գրե-  
թէ մէն մի քայլին , անոր վերադառնալուն Սի-  
սակի հետ , ու մասնաւոր խուցի մէջ առանձնա-  
նալուն :



Երբ Տիկին Արգարեան ճանչցաւ զիւր սիրահար, հոգին մոնչեց վայրենօրէն, և այնպիսի սրամտութիւն մ'զգաց ընդդէմ աղջկան որ եթէ հնար լինէր յօշ յօշ կ'ընէր զայն նոյն միջոցին: Անմիջական վրէժ երդուաւ, և խոստումն իրօք կատարեց:

Երբ տեսաւ թէ ո՞ր սենեկին մէջ մտան անոնք, մթութեան մէջ առ խարխափս քայլելով մօտեցաւ փոքրիկ սենեկին ուր երկու երիտասարդք կը խօսէին, ու դուռն կիտարաց լինելով լսեց անոնց բոլոր խօսակցութիւնն, ու անգամ մի եւս համոզուեցաւ թէ Արաքսիա կը ճգնէր վերջնական կերպիւ հեռացնել իրմէ զիւր հոմանին:

Ազածն իմանալէն ետքը, և նկատելով թէ անոնց խօսակցութիւնը վերջանալու վրայ էր, հոգւոյն բուռն վրէժէն առաջնորդեալ՝ գնաց զարկաւ սենեկի դրան Ներսէսի որ հեռու չէր ժամադիր երիտասարդաց գտնուած տեղէն:

Ներսէս իմանալով որ իւր դրան կը զարնեն՝ արթնցաւ երկիւզալից, ու հարցուց թէ ո՞վ էր զարնողը:

Տիկին Արգարեան պատասխանեց ցած ձայնիւ.

— Ես եմ, փութա՛ գալ շուտ առանց ժամանակ կորսնցնելու, և մանաւանդ առանց շրշուկ հանելու:

Ներսէս տեղէն ցատկեց անմիջապէս և հարցուց եթէ անմիջական վտանգ մի իւր օգնութիւնը կը պահանջէր:

— Գործելու պէտք չկայ, տեսնելու խնդիր

է, ըստ չարաթոյն կիներ . շուտ եկու կ'ըսեմ, մանաւանդ զգուշացիր լոյս վառելէ :

Ներսէս արագաբար ուսերուն վրայ նետելով վերարկուն որ մերձ էր անկողնոյն, բացաւ դուռը, սրտայոյզ հարցնելով .

— Ի՞նչ կայ, ի՞նչ եղաւ :

— Սպասէ՛ հոս առանց հեռանալու, և անձամբ կը դատես եղածն :

Յայտնի է որ վրէժխնդիր կիներ կը փափաքէր որ Ներսէս տեսնէ երկու երիտասարդներն առանց սակայն անոնց խօսակցութիւնը լսելու, զի յայնժամ Արաքսիա անբասիր կը հանդիսանար, մինչդեռ կ'ուզէր զայն արատաւորել :

Բայց Ներսէս անկարող լինելով սպասելու մըթութեան մէջ մանաւանդ այդ անորոշ գիրքին մէջ, ուզեց լոյս վառել ու յառաջ երթալ . բայց Տիկինը ձեռքէն բռնելով կասեցուց ըսելով .

— Ո՛ր կը փափաքիս երթալ :

— Իմացուր ինձ ի՞նչ կայ որ կը բռնադատես զիս հոս անգործ մնալու : Եթէ գողեր կան չեմ հանդուրժեր որ հոս մնամ առանց անոնց դէմ բայլելու :

— Իրօք գողեր եկած են ոչ թէ մեր ինչքը այլ մեր սպասիւը գողնալու :

Մինչ այս խօսակցութիւնը տեղի կ'ունենար մեր երկու անձանց միջեւ, ահա դուռ մի կը բացուի, ու Արաքսիա դուրս կ'ելնէ հոնկէ ճըրագը բռնած, և Միսակ կը հետեւէր անոր : Երկու լրտեսներուն կեցած հակառակ կողմանէն յառաջացան երկուրը միատեղ, ու անյայտ եղան բոլորովին :

Ներսէսի բոլոր արիւնը քամուեցաւ կարծես նոյն վայրկենին . առաւելն տեսնելու կամ հարցընելու հարկ չ'համարեց . իւր սիրտը կատարելապէս ջախջախուած էր , զի սեւ մատնութեան խաղալիք կը կարծէր զանձն իւր :

Կը ցնծար Տիկին Աբգարեանի հոգին որ օձերու բոյն մ'էր : Խաւարին մէջ շէր տեսներ զՆերսէս , բայց անոր արձակած հառաչանքէն շուտ ըմբռնեց թէ որպիսի' սլաքով ծակած էր երիտասարդին հոգին :

---

ԳԼՈՒԽ ԼԲ.

Տիկին Աբգարեան շէր ներած Ներսէսի իրեն դէմ ըրած բողոքն ի սլաշտպանութիւն վարժուհւոյն՝ Ծլօրիա եղած օրերնին . բայց լըռած էր միշտ առանց երբէք համարձակելու իւր սրտմտութիւնն յայտնել , զի երիտասարդն սլաշտպանք ու տեսակ մի երկիւղ ազդած էր իրեն ամեն ժամանակ : Ահա ուրեմն մէկ հարուածով թէ' թաքուն դժգոհութիւն մի կը գոհացընէր Ներսէսի մասին , և թէ' վրէժը կը լուծէր աղջկան մի նկատմամբ որ զիւր սիրահար կ'ուզէր յափշտակել իրմէ , և զիւր կրած անունը ստանալ :

Վրիժառութիւնը գազանային հեշտութիւն մ'ունի շար հոգւոյ մի համար . և զայդ հեշտութիւն լիաթոք կը վայելէր Ներսէսի մօրուն : Այդ վրիժառութեան զգացումը շանթի արագութեամբ ներգործելով իւր վրայ՝ առանց ժա-

մանակ կորսնցնելու ըսաւ կիսամեռ երիտասարդին .

— Ներսէ՛ս, ահա՛ աղջիկն զոր պաշտպանեցիր օր մի ի Յլօրիա : Դառա՛ց թէ որպիսի՞ լըրբութեամբ կը յանդգնի ժամադրութիւն ունենալ մեր տան մէջ իսկ : Կարելի է որ առաջինը չլինի այդ . բայց սա ստոյգ է որ երկրորդ ժամադրութիւն մի պատրաստուած է վաղն առաւօտեան համար, թո՛ղ թէ այսօր օրն ի բուն բացակայ էր այդ անամօթ վարժուհին :

Ձրսաւ սակայն թէ գրեթէ ամբողջ օրն Սիսակ իրեն մօտ էր :

— Ես լսեցի, յարեց Տիկինը, իրենց ամբողջ խօսակցութիւնը որ ոչ եւս երկբայութեան տեղի կուտայ իրենց մեղսակից յարաբերութեանց մասին : Հետեւապէս անհնար է ինձ այլ եւս որդւոցս քով պահել այդպիսի անբարոյական անձ մի : Սակայն ես ոչինչ գիտնալ կը ձեւացընեմ ի պատիւ տանս, ու ու ե է պատճառ առարկելով այդ աղջիկը քովէս կը փսնեմ :

Տիկին Արգարեան իբր թէ ոչինչ գիտէր Ներսէսի յարաբերութեանց վրայօք վարժուհւոյն հետ, և թէ կը գործէր պարզապէս նախանձախընդրութեամբ տանը պատուօյն :

Երիտասարդն այնպէս ապշած, կործանած, մեռած էր գոգցես, որ ոչինչ պատասխանեց, ու իւր սենեակը մտնելով և դուռը գոցելով, անկաւ գետինն, ու հոն մնաց իբր մարդ յորմէ խլած էին զգալու և մտածելու կարողութիւնքն :

Ապագայն որ այնչափ վարդազոյն ներկուած էր իրեն համար՝ յանկարծ սեւ վարագուրով

ծածկուեցաւ : Քառսը կը տիրէր սրտին մէջ ,  
բառսը մտացը մէջ : Բայց հետզհետէ խառնաշը-  
փոթութիւնը տեղի տուաւ լուրջ մտածութեանց .  
տեսաւ աշացն առջեւ պատկերացած սեւ մատ-  
նութիւն մի յանձին Արաքսիայի , զգաց զայդ  
մատնութիւն բոլոր դասնութեամբն հոգւոյ մի  
որ ամիսներէ ի վեր վարժ էր ծայրայեղ երջան-  
կութիւն վայելելու , և որ երանութեան բար-  
ձունքէն կը գահավիժէր դժբաղդութեան վհին  
մէջ : Ոտք ելաւ , գտաւ սեղանն որուն վրայ ճը-  
րագ մի կ'որ , վառեց զայն իբր թէ լոյսի ազ-  
դեցութեամբ կարողանար չար երազի մի ներ-  
դործութենէն ազատիլ : Բայց լոյսը ոչ միայն ու-  
շինչ ցրուեց , այլ մատնութեան երեւոյթն աս-  
տիճանաբար հսկայացաւ :

Սկսաւ անցելոյն նայիլ , ու հոն փնտաւ և  
գտնել դատապարտութեան կէտեր ընդդէմ  
աղջկան : Յիշեց օրն այն ուր Արաքսիա կը խօ-  
սակցէր Սիսակի հետ պարտէզին մէջ . յիշեց ա-  
նոր շփոթութիւնն երբ զինքն տեսաւ , ինչպէս  
անոր յամառութիւնը գազանի պահելու իրենց  
խօսակցութեան նիւթը : Մտածեց թէ նախըն-  
թաց իրիկունն իսկ վարժուհին անհանգստու-  
թեան մի մատնեալ էր զոր ի զուր կը ջանար  
բողարկելու . և կը հետեւեցնէր թէ այդ ան-  
հանգստութեան պատճառն ոչ այլ ինչ էր եթէ  
ոչ անձկութիւնը զիւր սիրահարն ընդունելու  
նոյն գիշեր :

Նրիտասարդն ընելիքն անմիջապէս վճուեց ,  
այն էր ի սպառ արտաքսել հոգիէն և կեանքէն  
զԱրաքսիան : Որչափ ծանր էր հարուածն որով

իւր սիրտը պիտի մեռնէր, նոյնչափ ալ ուզեց որ արագ լինի եւս գործադրութեան միջոցը: Բոլոր գիշերն յուսահատութեան բուռն տառապանօրն անցուց: Ի վերջոյ սիրոյ հեշտագին յիշատակներուն վերջին մնաս բարեաւը տալով, մօտեցաւ փոքրիկ տուփի մի, հանկէ դուրս հանեց շորարեկ վարդ մի, և զայն թուղթի մի մէջ բոլորեց որուն վրայ գծած էր հետհեւալ տողերը:

« Նոյն օրն, Արաքսիա՛, որ այս վարդն գեղով ու թարմութեամբ կը փայլէր, պահեցի զայն ի յիշատակ մեր սիրոյն: Նոյն օրն և զքեզ իրր այդ վարդն թարմ, և գեղեցիկ առաքինութեամբ օժտուած կը կարծէի: Իսկ այսօր գիտեմ որ իրր այս վարդն թարչամեալ ես տգեղութեամբ ու սեւ մատնութեամբ ընդդէմ խոտացեալ սիրոյդ: Այսուհետեւ ազատ ես, մնաս բարեաւ: »

Պահարանի մէջ դրաւ այդ թուղթը, Արաքսիայի հասցէն գրեց, ու դրաւ զայն գրասեղանին վրայ: Ամեն ինչ լմնցած էր յաւէտ ուրեմն:

Բայց ծանր էր սիրոյ մարտիրոսին բնակիլ յայդ վայր որ վկայ եղած էր իւր երջանկութեան: Աւստի միտքը դրաւ յաջորդ առաւօտուն իսկ մեկնիլ տունէն Անգլիա երթալու համար իւր գործողութիւններն պատճառ բանելով: Թեթեւ պատրաստութիւններ ըրաւ ճամբորդելու համար, ու առաւօտուն ամեն ինչ պատրաստ էր ուղեւորութեանն համար:

Իջաւ պարտէզ ուր իւր երկու բոյրերն կը խաղային ընդ հովանաւորութեամբ ազախնոյ, և օ-

բիորդին բացակայութիւնը նկատելով հաստատուեցաւ Տիկին Աբգարեանի տուած տեղեկութեանց ճշդութեան վրայօր՝ այսինքն թէ վարժուհին երկրորդ ժամադրութիւն մի պիտի ունենար նոյն առաւօտուն Սիւակի հետ :

Մտեցաւ տղայոց, համբուրեց զանոնք կրկին և կրկին անգամ անսովոր գորովանօք, ու իմացուց անոնց իւր ուղեւորելու դիտաւորութիւնը : Տղայք զայդ իմանալով յանչափս յուզուեցան և սկսան լսել դառնապէս : Բայց երիտասարդն զանոնք մխիթարելու դիտաւորութեամբ խոստացաւ վերադառնալ չուտով : Մինչ Ներսէս կը պատրաստուէր հրաժեշտի ողջոյնը տալու, Աղաւնին ըսաւ .

— Եղբայր, մեր օրիորդը հոս չէ, զու չե՞՞ս սպասեր անոր վերադարձին գինքն բարեւելու համար :

— Այ, քո՛յրս, ժամանակ չունիմ. միայն թէ իւր ձեռքը հասցնես այս նամակս, ըսաւ Ներսէս, որուն պարունակութիւնը ծանօթ է մեզ :

Արմինէն յափշտակելով եղբօրը ձեռքէն թուղթը, խնդրեց անկէ որ ինքը կատարէ այդ պատօնը, խոստանալով գործել ամենայն ճշդութեամբ ու ապահովութեամբ :

Մինչդեռ երիտասարդն կը վարանէր իւր հաճութիւնը տալու, բարեսիրտ Աղաւնին երաշխաւոր կանգնեցաւ քրօջն համար, իբր թէ բընազգմամբ զգար թէ ինքն սահմանեալ էր իւր սիրելի վարժուհւոյն միայն բարիք ու գոհունակութիւն ազդելու, և ոչ թէ տխրութիւն ու աղէտք :

Աւստի փոքրիկն Արմինէն նամակը ձեռքը պահելով, ըսաւ .

— Եղբայր, փոտահ եղիր կ'ըսեմ որ զայս մեր օրիորդին անվտանգ կը յանձնեմ :

— Լաւ ուրեմն, պատասխանեց երիտասարդն :

Մինչ գողտրիկ էակը կտրեւորութեան ձեւ մի կուտար անձին՝ նկատելով իրեն տրուած փոտահութեան նշանը, Ներսէս վերստին համարելով աղայքը անբացատրելի յուզմամբ, հազիւ կարողացաւ հնչել այս քանի մի բառերը . « Զիտ մի մտանաք, այլ ամեն օր յիշեցէ՛ք : »

Ընդ փոյթ կը հեռանար Ներսէս այն տունէն որ երբեմն երջանկութեան բոյն եղած էր իրեն համար, և որ նոյն վայրկենին վայր աղետից դարձած էր, կարծես թէ անհամբերութեան տենդն զինքն գրաւած էր, և թէ կ'ուզէր ահագին անջրպետ մի դնել ընդ մէջ իրեն և Արաքսիայի :

Գնաց Պոլիս ի գրասենեակն Պ. Արգարեանի՝ որ ըստ իւր սովորականին խիստ կանուխ գիտած էր հոն : Այդ աշխատասէր հայրն առաջիններէն մին էր գործի երթալու, և յետինը իւր գրասենեակը թողլու : Պ. Արգարեանի համար կենաց գլխաւ որ պայմաններէն մին էր գրադիլ, յառաջագիմել, հարստանալ : Արշափ իւր հարստութիւնը կը գորգանար, նոյնչափ ալ իւր արժանաւորութեան վրայ կը հաստատուէր, ու օրինաւոր գոհունակութիւն կ'զգար անդուլջանիցն յաջողութիւնը նկատելով : Աշխատութիւնն իւր մեծագոյն զրօսանքն էր, անով կը բաւա-



կանանար, ու այլոց կը թողուր կենաց այլ և այլ վայելքը :

Պ. Արգարեանի որդին պատճառելով նախընթաց օրուան հեռագրալուրի մի գալուստը, իմացուց հօրը թէ իւր ներկայութիւնն անհրաժեշտ էր ի Մանչէսթըր . և խոյս տալու համար գործի վերաբերեալ մանրամասնութեանց վրայօք հաշիւ տալու հարկէն, ու կասկածելի երեւալու վտանգէն, փութաց հեռանալ ծնողքէն առարկելով ուղեւորութեանն համար կատարելիք քանի մի հարկաւոր արարողութիւնները :

Պ. Արգարեան զարմացաւ իւր որդւոյն յանկարծական ճամբորդութեան վրայ . բայց կատարեալ վստահութիւն ունենալով անոր թէ՛ լըրջամիտ խորհրդոց և թէ՛ խոհեմութեան վրայ, մակարերեց թէ այդ անյուպաղ շուն անհրաժեշտ էր անշուշտ : Աւ թէեւ սաստիկ ցաւեցաւ երկտասարդին հեռանալուն համար, մխրթարուեցաւ սակայն մտածելով թէ գործերն ամեն բանէ յառաջ էին :

---

### ՔԼՈՒԽ ԼԳ.

Մինչդեռ Ներսէս ամեն սիրոյ յօդ ջախջախելով՝ Արաքսիայի սիրտը պիտի յօշոտէր, ողորմելի աղջիկն անգիտանալով իրեն հասած աղէտքը, կանուխ գնացած էր Վարդանուշին հօգին կենդանացնելու, Սիսակի մօտակայ այցելութեան լուրն հաղորդելով անոր :

Թէեւ վարժ ունին ոչ նպաստաւոր և ոչ ալ

խիտ աննպաստ կերպիւ ներկայեց երիտասարդին հեռանալու պատճառն , օրիորդ Արանեան յաջողեցաւ զՊիտակ կատարելապէս արդարացընելու սիրահարաց յատուկ ճարտարութեամբն , ու մինչև անգամ ամուսնութիւնը փութացնելու պահանջողութեան մէջ գորովանաց ապացոյց մի տեսաւ : Ստոյգ է որ ոչինչ գիտէր երիտասարդին ստէպ այցելութեանց մասին առ Տիկին Արգարեան ու անոնց ունեցած յարաբերութեանց վրայօք բնաւ կասկած չ'ունէր :

Վարդանոյշ իւր ծայրայեղ վհատութենէն և տկարութենէն մէկէն ի մէկ առ կեանս վերադարձաւ : Մտայալ թէ հիւանդ եղած էր , այնչա՛փ մեծ էր յինքն աշխոյժը : Անկողնէն ելաւ , ու անհամբեր սկսաւ սպասել յաջորդ օրուան որ յատկացեալ էր իւր սիրելւոյն գալտեան :

Իսկ Արաքսիա ուրախ էր ոչ թէ յակամայօ կատարած գործին վրայօք , այլ վասն զի կը նըկատէր իւր բարեկամուհւոյն շօրագանց երջանկութիւնն : Եւստի հրաժեշտի ողջոյնը տալէն՝ ու մտերմին խառն երախտագիտական խօսքերն ընդունելէն վերջը , մաքուր խղճի գոհունակութեամբ փութաց վերադառնալ տուն , յուսադիր լինելով հասնելու հոն յառաջ քան զգարթումն Ներսէսի , որով իւր բացակայութիւնն արդարացնելու չէր հարկադրուեր , նա մանաւանդ նոր կասկածներ յարուցանելու առթէ մ'ալ կ'ազատէր , զի լաւ կը ճանաչէր երիտասարդին կասկածոտ բնաւորութիւնը և մեծ զգուշութեամբ կը վարուէր միշտ անոր նկատմամբ :

Կասկածոտութիւնն ու նախանձը յատուկ ✓

ախտերն են բոլոր սիրահարաց : Ամենէն դրական մարդը բանաստեղծ կը դառնայ երբ սիրահարեալ է , այնչափ զարմանալի իմն յաջողակութեամբ կասկածանաց ծնունդ կուտայ , և գուրգուրալով ու նախանձախնդրութեամբ զանոնք կը սնուցանէ , այլ և այլ գոյներով կը զարդարէ , և ոչնչէն ահագին շէնք մի կը կառուցանէ :

Երբ վարժուհին աշակերտուհեացը սենեակը մտաւ , երկուքը միատեղ դէպ անոր ընթացան , և անհամբերն Արմինէ գոչեց .

— Օրիորդ , գիտէ՞ք մեր եղբայրը մեկնեցաւ :

Արաքսիան այլայլեցաւ շարաշար . ի՛նչպէս , մտածեց , արդէ՛ն Ներսէս արթնցած և տունէն դուրս ելած է :

Բայց Արմինէն առանց անոր ժամանակ թողլու որ և է հարցում մ'ընելու , ու տղայոց մասնաւոր նախանձախնդրութեամբ շուտով կատարելու իրենց յանձնուած պաշտօնը , փութաց գրպանէն հանել եղբորը նամակն , և իւր վարժուհւոյն յանձնելով զայն՝ իմացուց միանգամայն Ներսէսի Մանչէսթըր երթալը :

Երիտասարդուհին առաւ թուղթը ամբողջ մարմնովը գողալով , բացաւ , կարդաց , ու անկաւ գետնը նուազեալ :

Երկու տղայք սարսափահար եղած այդ տեսարանէն՝ ս'լսան բարձր ճիչեր արձակել օգնութիւն խնդրելով :

Ղազեցիին աղախնայք , Տիկին Արգարեանն իսկ մանկանց յարուցած աղմուկէն արթննալով սենեկէն դուրս ցոտիեց , և փութաց այդ արտասովոր այլայլութեան պատճառն իմանալու :

Ի տես ողորմելի վիճակին վարժուհւոյն՝ վագրակերպ սիրան այդ շար կնոջ արոփեց բերկրութեամբ, զի շուտ հասկցաւ թէ կարեւոր գէպք մի տեղի ունեցած էր Ներսէսի և անոր միջեւ : Այդ կարծիքը շուտով հաստատութիւն գտաւ երբ գեանէն քաղելով երիտասարդին նամակը որ նուազեալ աղջկան ձեռքէն գլորած էր, կարգաց անոր պարունակութիւնն, և իւր տղոցմէն իմացաւ իրենց եղբօրը մօտալուտ ուղեւորութիւնն :

Այդ կնոջ ուրախութիւնն չափ չ'ունէր . նախ կ'ապատէր ամուսնոյն որդիէն, զի կը նկատէր զայդ երիտասարդ իրը տհաճոյ և վտանգաւոր վկայ մի իւր մեղադրելի կենաց, որ լուսութեամբը կը դատաւարտէր խստիւ իւր հանապազօրեայ վարմունքը : Յետոյ երկու սիրահարաց ամուսնութիւնը կ'արգիլէր որ մահու չափ ատելի էր իրեն : Հասած էր ուրեմն վերջապէս ժամն ուր պիտի վանէր զաղջիկն այն՝ որ իւր սիրային խորհրդոց գէ՛մ դաւակցած էր :

Երբ վարժուհին ինքզինքը գտաւ, իւր մօտ տեսաւ երկու քոյրերն որք անմեղ հոգւոյ ամենայն անկեղծութեամբ իրենց մանկական խնամքը կը հայթհայթէին իրեն, ինչպէ՛ս և աղօթին մի որ դժգոհ կերտարանօք կ'աշխատէր զինքն սթափելու, ժամ յառաջ հեռանալու տրամադրութեամբ :

Աղախնայք կ'ատեն վարժուհիներն, և անոնց չեն ներեր բացարձակ առաւելութիւնն որ ունին իրենց վրայ բարձրագոյն դիրք մի գրաւելով տանց մէջ : Կը խորհին թէ վարժուհիք ինչպէ՛ս իրենք՝ թոշակաւոր անձինք են, ու չեն ու-

գեր ըմբռնել մշակեալ մտաց հայթհայթած ա-  
ռաւելութիւնները :

Արաքսիա թէեւ բաղաքալարութեամբ կը  
վարուէր սպասաւորաց հետ, ասոնք իրեն ղէմ  
հակառակութեան ոգւով լի էին, և ամեն առ-  
թի մէջ այդ հակառակութիւնը կը յայտնէին :

Աստի անմիջապէս որ օրիորդն սթափեցաւ,  
աղախինը փութաց սենեկէն մեկնիլ մրմուռով,  
ե՞մ գիտէ ինչ ունի : Բայց հէզ աղջկան առա-  
ջին մտածութիւնն եղաւ փնտռել այն նամակն  
որ զինքը շանթահարած էր :

Տիկին Արգարեան առանց ումեք ուշադրու-  
թիւնը գրաւելու կարդացած էր զայն և վերըս-  
տին նոյն տեղը թողած, իբր թէ ոչինչ տեսած  
լինէր :

Աստի տղայք թուզթը գետնէն վերցնելով  
մատուցին վարժուհւոյն : Գողգոթուն ձեռամբ ա-  
ռաւ զայն թշուառ արարածը և պահեց երկիւ-  
ղածութեամբ : Իմանալով տան տիկնոջ ներկա-  
յութիւնն սենեկին մէջ մինչդեռ ինքն նուազ-  
եալ էր, մեծ անձկութեամբ տեղեկացաւ եթէ  
կարդացած էր նա իւր նամակը : Տղայք ոչինչ  
տեսած էին, որով հաստատեցին թէ իրենց մայ-  
րն ոչինչ տեսած էր :

Արաքսիան այնչա՛փ տկարութիւն կ'զգար որ  
անկարող էր տեղէն շարժելու : Թշուառ աղջկան  
կենսական գործիքը փչրուած էր կարծես : Ար-  
կու քոյրերը՝ երկու մաքուր սիրոյ աղբիւրները,  
իրենց գթովն և խնամքովը կը ջանային վերա-  
կենդանացնել զվարժուհին : Աղաւնի կը հարցնէր  
թէ մի գուցէ եզրօրը նամակն այդչափ յուզ-

մունք պատճառած էր իրեն, և կը զարմանար որ նա երբ այնչափ բարի էր, կրնա՞ր այդչափ վիշապատճառել իրենց սիրեցեալ օրիորդին:

Բայց վարժուհին կը ջանար հաւտացնել անոր թէ չէր Ներսէս պատճառ իւր անհանդուատութեան, և թէ առաւօտուն մեծ սրտայուզութիւն մ'ունեցած էր մինչդեռ բացակայ էր, և որուն հետեւանքն էր իւր նուազումն: Տղայք կը հաւատային այդ զրոյցին, անիծելով իրենց օրհնեալ բերնով նոյն իսկ եղբայրն այն զոր կը պաշտէին:

Բայց Արարսիա կ'արգիլէր այդ անէծքը վախնալով կարծես թէ անմեղութեան անէծքը չար ներգործութիւն մ'ունենար իրեն այնչափ պաշտելի եղած անձին վրայ:

Ննջելու և լռութեան պէտքն օտարկելով՝ վարժուհին խնդրեց աշակերտուհիներէն որ անցնին իւր գտնուած խուցին կից սենեակն որուն հետ հազորդակցութեան դուռ մի կար: Ար փափաքէր առանձին մնալ առանց տղաքներէ բռնորովին հեռանալու: Կրնա՞ր ննջել երբ սրտին մէջ ահագին արեկոծութիւն կար: Աուզէր միայն յինքն ամփոփուիլ մտածելու, խորհելու և Ներսէսին իրմէ հրաժարելուն պատճառն ուսումնասիրելու համար: Գոցեց աչերն իբր թէ ի բուն լինէր, և խոր լռութեան մէջ աչացն առջեւ բարաւ ամեն դէպք, ամեն պարագայ որ նախընթաց գիշերէն ի վեր տեղի ունեցած էր:

Գրեթէ վստահ էր թէ ոչ ոք իւր ժամագրութիւնն իմացած էր: Բայց համարելով իսկ, կը մտածէր կոյսն, թէ Ներսէս լրտեսած լինէր զի-

րենք, յայնժամ անցած գնացածը պիտի գիտնար, իրենց խօսակցութեան տեղեակ պիտի լինէր, որով իւր անմեղ վարմունքը բոլորովին կ'արդարանար :

Բայց ընդ հակառակն եթէ լրտես մի իրենց գիշերային տեսութիւնը մատնած էր երիտասարդին, անհնարին էր որ նա կուրօրէն հաւատք ընծայէր այդ գրոյցին առանց իրմէ տեղեկութիւն խնդրելու և գործն ստուգելու : ուսկից կը հետեւցնէր թէ գիշերային դէպքը բնաւ շարժառիթ չէ եղած Ներսէսի վարմունքին :

Կը մնար նոյն առաւօտուն տունէն կանուխ և անսովոր ժամանակի դուրս ելնելու խնդիրը : Գուցէ կասկածելի թուէր երիտասարդին այնպիսի յանկարծական կերպիւ տունէն հեռանալու պարագայն առանց ոչ ումեք բան մի յայտնելու : Բայց պարզ կասկած մի կը բաւէր արդեօք այդպիսի խիստ միջոցի դիմել զինքը մատնիչ անուանելով, և ջախջախել անգթաբար սիրոյ ամբաստինդ յօդերը՝ դրժելով հաւատարմութեան նուիրական ուխտը :

Ստոյգ է թէ Արաքսիա զգուշացած էր իւր առաւօտեան բացակայութեան վրայ խօսելու Ներսէսի, քանի որ պատճառն անկարող էր հաղորդել անոր : նա մանաւանդ կը յուսար որ ժամանակին տուն վերադառնալով՝ դուրս ելած լինելն աննշմարելի կ'անցնէր :

Խիստ անախորժ էր Արաքսիայի գաղտնիք մ'ունենալը յայտնել շարունակ Ներսէսի, առանց կարողանալու եղածն խոստովանելու : Արդէն պարտէզին պատահարը չէր մոռցած կոյսը, և

կ'զգուշանար, ինչպէս ըսինք, ամեն առթէ որ նորանոր կասկածներ կրնար յարուցանել: Եթէ այդ բացակայութեան պարագայէն զրդեալ ներշնչուած էր Ներսէս, զնա զատապարտելի կը նկատէր Արաքսիա: Հանդերձ այսու սիրահարաց սովորական ներողամտութեամբ՝ նախանձը շարժառիթ համարեց իւր խօսնայրին անիրաւ ընթացքին, առանց վայրկեան մ'իսկ համարձակելու փոփոխամտութեան վերագրելու զայդ:

Ուստի յուսաց նա որ երբ նախանձու առաջին բուռն ազդեցութիւնն անցնէր, նոյն իսկ Ներսէս՝ պիտի համոզուէր կասկածանացն անհիմն լինելուն վրայ, և զղջալով առ ինքն պիտի վերագառնար: Այդ յոյսը՝ իրր նաւարեկեալին դիւրարեկ տախտակն ընդ մէջ պեկոծութեան, կ'արդիւնէր զԱրաքսիան յուսահատութեան անդունդին մէջ կորսունելու անդարձ: Աւերջապէս զղջացեալ սիրահարի մ'ականկալութիւնը սակաւ ինչ ոգեւորեց տառապեալ կոյսն, և թոյլ տուաւ իրեն յոտս կանգնիլ իրր թէ բունէն զարթնելով, ի մեծ գոհունակութիւն երկու մանկանց որք շարժելու անգամ չէին համարձակած վախնալով որ Թորիորդին անգորրը կը վրդովէր:

---

### ՓԼՈՒԽ ԼԴ.

Տիկին Արգարեան մակարերելով որ եթէ իւր սիրահարին յայտնէր գիտաւորութիւնը արտաքսելու զգարժուհին՝ նա ամեն միջոց պիտի գործածէր արգիլելու համար զայդ, փութաց ար-



ձակեւ զԱրաքսիան յառաջ բան զգալուստն Սի-  
սակի : Աղախնոյ մի միջոցաւ իմաց տուաւ օրի-  
որդին որ երթայ ծնողացը տունը հանգչի բանի  
որ անհանգիստ էր : Բայց օրիորդն յայտնելով թէ  
վայրկենական նուազում մ'ունեցած էր տխուր  
պարագայի մի ներգործութեամբ, և թէ բոլո-  
րովին առողջ համարելով զանձն իւր աւելորդ էր  
հանգստեան գիմելու տղայքն առանձին մնալու  
ենթարկելով : Տիրուհին պնդեց ըսածին վրայ,  
ու վարժուհին պարտաւորեցաւ անոր հրամանին  
հնազանդելու, ոչ սակայն առանց փորրիկ կաս-  
կած մ'զգալու տի'նոջ յամառութեան ինչպէս և  
անոր ներքին դիտաւորութեանց վրայօք :

Արկին և կրկին անգամներ համբուրելէն վեր-  
ջը երկու քոյրերն և ընդ փոյթ վերադառնալու  
խոստումս, Արաքսիա կառք մի բերել տուաւ  
ու մեկնեցաւ՝ ծնողացը տունը վերադառնալու  
համար :

Այն ինչ տեսաւ Տիկին Վարսամեան իւր  
զստեր նուազեալ վիճակն այլայլեցաւ ուժգին :  
Բայց Արաքսիա իւր քաղցր ժպտովը մխիթարեց  
զնա հաստատելով թէ զգացածը ծանր բան չէր,  
ու պարզապէս հետեւանք էր անխորժ գէպքի  
մի, կ'ըսէր, որ տան մէջ տեղի ունեցած էր և  
իրեն յուզմունք պատճառած :

Հաւատացին ծնողքն այդ գրոյցին : Եւ մինչ  
գրեթէ ժամէ մ'ի վեր մօրը գուրգուրանաց ա-  
ռարկայ էր Արաքսիա, ահա Տիկին Արգարեանի  
սպասաւորը նամակ մի կը բերէ, և թողլով զայն  
կը մեկնի անմիջապէս :

Այլագ ունեցաւ կոյսն, գուշակեց դժբաղ-

դուժիւնն որ իրեն կ'ապտանար, ու անհամբերութեամբ բանալով թուզթը կարգաց հետեւեալ տողերը .

« Տիկին Արգարեան կ'իմացնէ Արաքսիա վարժուհւոյն՝ թէ իւր անվայել վարմունքին պատճառաւ ոչ եւս կրնայ պահել զնա տանը մէջ, և թէ սոյն վայրկեանէն ազստ է նա ուրիշ տեղ փնտռելու : »

Յանցաւոր կ'ինը կ'ապտակէր զանմեղ ազգիկն, երբ սա ամենայն իրաւամբ կրնար հարուածել զնա պարսուելի վարուցն համար : Ինչպէս ամեն թեթեւ կին որ յանդուգն յանձնապատասանութեամբ ուրիշները մեղադրելով զանձն իւր անբասիր ընել կը փորձէ, և պատուոյ ջերմ նախանձախնդիր ներկայանալ կ'աշխատի, նոյնպէս կը հանդիսանար և Տիկին Արգարեան : Արչափ մարդիկ խտապահանջ լինին այլոց նկատմամբ, նոյնչափ ներողամիտ են իրենց համար, և որչափ խորամանկ լիջմտութեամբ հասարակաց գործոց դատաւոր կանգնին՝ նոյնչափ կը կարծեն թէ այլք բթամիտ են ու անկարող գիրենք հասկնալու և դատելու համար :

Թէեւ Արաքսիա իւր տիրուհւոյն հետ չէր անցըներ ժամանակը, ակայն տեսածներէն կը մակարբերէր թէ բարոյականութեան տիպար մի լինելու չէ անշուշտ նա : Բայց քանի որ ինքն տիկնոջ հետ գրեթէ վերաբերութիւն չ'ունէր, ու տղայոց նուիրած էր իւր սէրն և Ներսէսի մօտ կ'ապրէր, փոյթ չէր ըներ տան տիկնոջ վարմունքը մանրամասնաբար ուսումնասիրելու, և ոչ ալ խղճմտութիւն կ'ընէր անոր տան մէջ ապրե-

լու՛ք քանի որ ընդ հովանաւորութեամբ իւր խօս-  
նայրին կը գտնուէր :

Ոչ միայն վարժուհին երբէք ակնարկութիւն  
չէր ըրած Ներսէսի իւր մօրուին թեթեւսօլիկու-  
թեանց վերաբերմամբ , այլ ծնողացն իսկ ան-  
նըպատ խոստովանութիւն մ'ըրած չէր բնաւ :  
Չար լեզուի պաշտօնն անշուշտ Արաքսիայի նը-  
ման բարի հոգի մ'ունեցող անձի մի գերը չէր  
կրնար լինել :

✓ Երբ ազգիկն նամակն կարգաց՝ արձանացաւ :  
Զինքը կ'արձակէին ուրեմն անարգանօք իբր նը-  
ւասա և խայտառակ արարած մի , երբ ինքն նը-  
պատակ ունեցած է իւր արժանապատուութիւ-  
նը ի վեր քան զամենայն նկատելու : Բայց նոյն  
միջոցին մտքէն անցաւ թէ իւր գիշերային հիւ-  
րընկալութիւնը վկայ մ'ունեցած էր գուցէ , և  
թէ այդ կրնար լինել Ներսէսի գժգոհութեան  
պատճառը ինչպէս և Տիկին Արգարեանի նախա-  
տալից ակնարկութեան : Գանկը կարծես ջախ-  
ջասուեցաւ այդ մտածութեամբ , ու քիչ մնաց  
որ երկրորդ նուազում մ'ունենար :

Տիկին Վարսամեան նկատելով դստերն ան-  
հանգստութիւնը սուրաց առ նա , ու պէտք ե-  
ղած հոգն հայթհայթեց անոր , մինչ անդամա-  
լոյծ հայրն անկարողութեամբ կը գալարէր : Երբ  
կոյսն սակաւ ինչ ոգեւորելով կարողացաւ խօ-  
սիլ , այլայլեալ մայրն ուղեց այդ նամակին պա-  
րունակութիւնը ճանաչել , քանի որ ինքն իւր  
տգիտութեան պատճառաւ անկարող էր ըն-  
թեանուլ զայն :

Ի՞նչ կրնար յայտնել սրտաբեկ Արաքսիան .

ի՞նչպէս կարելի էր իրեն կատարեալ խոստովանութիւն մ'ընել առանց դժեւելու իւր խոստումն առ Վարդանոյշ, նա մանաւանդ երբ մայրն անիրաւ հակառակութիւն մ'ունէր ընդդէմ այն ընտանեաց: Հետեւապէս յայտնեց պարզապէս թէ իւր տիրուհին զինքն կ'արձակէր օգուտ քաղելով Ներսէսի ուղեւորութենէն. զի կը յարէր կոյսն, ենթացարեւի է թէ տիկինը վերահասու եղած էր իրենց սիրային յարաբերութեանց, և ջանադիր էր իրենց ամուսնութիւնն արգիլել:

Արդէն Ներսէսի յանկարծական ուղեւորութիւնն իմացուցած էր Արաքսիա իւր ծնողացն առանց անոր դժգոհութեան վրայօք բան մի խօսելու, մանաւանդ որ կ'զգուշանար անոնց կասկածը վարժուցանելու, յուսադիր լինելով երիտասարդին սիրտը վերստին շահիլ ամէն թիւրիմացութեան հետք ջնջելով, և այսու եղանակաւ աւելորդ սրտայուզութիւն խնայել ընտանեացը:

Վարժուհւոյ ծնողքն ոչ միայն չցաւեցան Տիկին Արգարեանի կարգադրութեան վրայօք այլ չափազանց ուրախացան իրենց դուստրը բովերնին պահելու յուսով: Ապահով էին որ իրենց փեսայացուն հրաման պիտի չ'տար Արաքսիայի ուրիշ ընտանեաց բով իբր վարժուհի երթալու, որով իրենց զաւակը պիտի պարտաւորէր ընդունելու այն նիւթական նպաստը զոր միշտ յամառած էր մերժել ընտանեացը համար:

Բայց այդ գոհունակութեան ցոյցերուն շուտով վերջ դրաւ Արաքսիա՝ յայտնելով թէ ինքն ոչ երբէք նպաստ կ'ընդունէր մարդէ մի որ իւր ամուսինը չէր տակաւին:

— Մեծ ենք, կ'ըսէր աղջիկն, ցորչափ մեր աշխատութեամբ կ'ապրինք. զի այնու եղանակաւ անկախ դիրք մի կ'ոտանայ մարդն ընկերութեան մէջ ու բարձրայօն կը քայլէ : Ընդունող ձեռքը կորագլուխ քայլելու դատապարտուած է, և ես, մայր, կ'զգամ որ նոյն օրն որ արժանապատուութեանս վրայ կոխեմ, նոյն օրէն ե'ս ինքս լինելէ կը դադրիմ : Նթէ անձս չյարգեմ նախապատիւ կը դասեմ մեռնիլ : Երբ մարդս իւր ընթացքէն գոհ է, ամեն դժուարութեանց կը դիմադրէ և ամեն տղէտից կը հանդուրժէ :

Արաքսիայի խօսելու եղանակը շատ իսկ կը յայտարարէր թէ իրեն դէմ հակառակիլն աւելորդ էր այս մասին : Հասցեաց Պ. Վարսամեան, իսկ լուռ կեցաւ արկիւնը, զգուշանալով իւր ատելութիւնն յայտնելու վարժապետութեան պաշտօնէն դէմ որուն շնորհիւ չքեղ փեսայացու մի կ'ակնկալէր :

Տառապեալ բայց արի աղջկան առաջին մտածութիւնն եղաւ Ներսէսի անմիջապէս նամակ գրել իւր վարժուներն արդարացնելու համար և գայդ խորհուրդ գործադրեց իսկոյն : Ուստի առանց բնաւ յայտնութիւն մ'ընելու Արսակի ու Վարդանուշի վերաբերող յարաբերութեանց վրայօք, երդում ըրաւ առաջի երկնից որ իւր վարժուները՝ թէեւ գատապարտելի կրնար թուիլ զանազան պարագայներու մէջ, պատուաւոր էր սակայն և գնահատելի ըստ ամենայնի, և թէ զայդ գուցէ բիշ ժամանակէն ինքն անձամբ կարողանար հաստատել : Բնաւ դիչերային

ժամադրութեան ակնարկութիւն չէր ըներ նա , մտածելով թէ այդ պարագային գուցէ տեղեակ չ'լինէր երիտասարդն : Գրեց բուն սիրոյ արտայայտութեամբ , ու մեծ հոգւոյ արժանաւայել մեծանձնութեամբ խնդրեց որ շքեկանէ երկու անկեղծ սրտերու սուրբ և նուիրական յօդերն , և մանաւանդ անյապաղ պատասխանէ՝ մտատանջութեան տագնապներէ զինքն ազատելու համար :

Յետ աւարտելու նամակն , ինքն անձամբ թըղթատունը տարաւ , Մանչէսթըրը զրկուելու համար : Առաւօտուն՝ կառքով եկած էր հայրենի բնակարանն , իսկ նոյն պահուն այնպէս ոգեւորած էր որ ամենայն քաջութեամբ մինչեւ թըղթատուն քայլեց :

### ԳԼՈՒԽ ԼԵ.

Յետ քանի մի ժամերու Արաքսիայի մեկնելէն վերջը Արգարեանց տունէն՝ ահա Սիսակ որ կը ներկայանայ Տիկին Արգարեանի իբր բուրոյզին անտեղեակ թէ՛ Ներսէսի և թէ՛ իւր ազգականին վերաբերեալ անցից :

Տան տիկինը դժգոհ կերպարանք մ'առած էր գրգռելու համար զերիտասարդը պատճառն հարցընելու : Եւ իրօք սա զխողովութիւն ըրաւ տիկնոջ իւր դժգոհ կերպարանքին վրայ :

— Կը ցաւիմ խոստովանելու , պատասխանեց խորամանկ կինը , թէ ազգականդ անպա-

տուութիւն մտցուց տանս մէջ, իբր թէ ոչինչ գիտնար անցած գացածին վրայ :

— Ո՞ր ազգականս, Տիկի՛ն :

— Չգիտեմ եթէ ձեր տոհմային ճիւղագրութիւնը մեծ է, բայց սա ստոյգ է որ շատ գոհ լինելու իրաւունք չունիք Արաքսիայէն :

— Ինչո՞ւ, ի՞նչ է պատճառը :

— Առանց երկար խօսք ընելու սա չափս յայտնեմ ձեզ թէ այս գիշեր այդ անտաօթ աղջիկը մարդ մի հիւրընկալեր է գաղտադողի : Սպասաւ որաց մին տեսեր է մարդն մինչ կը մեկնի եղեր, առանց սակայն ո՞վ լինելը գիտնալ յաջողելու : Մտածեցէք ի՞նչ անպատուութիւն տանս համար :

— Սովորական բաներ են ադոնք, ըսաւ երիտասարդն, յատուկ նշանակութիւն մի տալով բառերուն :

Բայց տիկինը իբր թէ վերահասու չլինէր այդ ակնարկութեան որ ուղղակի իրեն կը վերաբերէր, ու իւր դառնութիւնը ծածկելով յարեց .

— Բնականապէս այդ պիտի գայթակղական դէպքէ մի վերջը ոչ այլ ինչ կը մնար ինձ ընել եթէ ոչ վանել այդ վարժուհին իմ տունէս :

— Վանե՛լ :

— Անշուշտ :

— Արաքսիան ո՞չ եւս հոս է :

— Ոչ եւս :

— Եւ դուք քաջութիւնն ունեցաք անմեղ մի իբր յանցաւոր դատապարտելու և արտաքսելու, գոչեց Ախակ բարկութեամբ, նա մանա-

ւանդ երբ ինքն էր պատճառն այդ ցաւալի ե-  
ղելութեանց :

— Ո՞վ կ'ապահովէ զձեզ թէ անմեղ մ'էր այդ  
ազջիկը :

— Ե՛ս :

— Անմեղութիւնը խաւարին շնորհիւ չգոր-  
ծեր :

— Շատ անգամ, Տիկի՛ն, խաւարն անմե-  
ղութեան վրայ կը տարածուի, մինչ լոյսն յան-  
ցանքը կը լուսաւորէ :

— Պարո՛ն, պատասխանեց կի՛նն ի մեծ դայ-  
րոյթ, եթէ ինձ կ'ակնարկէք, ես ազատ եմ իմ  
բնակարանիս մէջ գործել ինչպէս որ յարմար  
թուի ինձ. սակայն պատճառ մի չէ որ վարձ-  
կաններ նոյն ազատութիւնն ուզեն վայելել հոս :

— Եթէ կը մտածէք թէ օտարական մի ձեր  
տան պատիւը պահելու պարտքն ունի, ձեր  
վրայ առաւել եւս կը ծանրանայ ձեր ամուսնոյն  
պատիւը պահպանելու նուիրական պարտակա-  
նութիւնն :

— Ինչպէ՞ս կը համարձակիք, գո՛ւք, պարո՛ն,  
բարոյական կարգալու, երբ զիս մուրեկեցնելու  
ամեն ջանք ըրիք, ըսաւ կի՛նն, ինքզինքէն դուրս  
ելնելով :

— Խղճիս վրայ ոչինչ կայ, զի զձեզ մուրեկ-  
ցընելու համար բնաւ ճիգ չըրի :

— Ի՞նչպէս կը համարձակիք այսպէս խօսե-  
լու :

— Ճշմարտութիւնը միշտ համարձակապէս կը  
բարբառի, և եթէ ներէք, Տիկի՛ն, ձեզ առա-  
ւելն ալ պիտի խոստովանիմ :



— Ոչինչ կ'ուզեմ լսել ձեր բերնէն :

— Եւ սակայն պէտք է որ խօսիմ իմացնելու համար ձեզ թէ օրիորդ Արաքսիայի և ձեր մէջ ահագին անջրպետ մի կայ . կ'ակնարկեմ այն անջրրպետին որ կայ ընդ մէջ անմեղութեան ու յանցաւորութեան :

— Կուզէ՞ք ուրեմն պնդել թէ այդ ազջիկն իւր սիրահարը չ'ընդուննց գիշերուան մէջ . ի՞նչ փաստ ունիք զայդ ուրանալու համար, ըսաւ կինը խօսքերուն տարբեր դարձուածք մի տալով :

— Սիրահար մ'ընդունած չ'ինելուն, այո՛, վկայ մ'ունիմ :

— Ո՞վ է այդ վկայն :

— Ե՛ս, Տիկին, ըսաւ Սիսակ, երբ հասկցաւ թէ ինքզինքը ծածկելն անհնարին էր :

— Դո՞ւք, հարցուց տան տիկինը, շինծու զարմացմամբ :

— Ես, այո՛, ես :

— Եւ կը յանդգնի՞ք խոստովանելու զայդ :

— Արդարեւ չեմ ըսեր որ լաւ գործ մ'ըրի ձեր տան մէջ սպրդելովս մթութեան շնորհիւ, բայց պէտք էր որ տեսնուէի օրիորդ Արաքսիայի հետ, և այդ միջոցը կը մնար ինձ միայն :

— Խոստովանեցէ՛ք ուրեմն թէ այդ ազջկան սիրահարն էք :

— Ե՛ս, սիրահարը, երբէք :

— Ուրեմն ի՞նչ գործ ունէիք հոս գիշեր ժամանակ, միթէ լոյսի լուսով անոր հետ չէի՞ք կրնար տեսնուիլ :

— Նախ ժամանակը սուղ էր, ստիպողական հարկ մի կար . երկրորդ ի՞նչպէս կրնայի ազգա-

կանիս հետ բանակցիլ առանց ձեր կատկածանաց տեղի տալու :

— Ուրեմն, պատճառներ՞ որ ունէիք իմ կատկածներէս վախնալու :

— Տիկի՛ն, յայտնած եմ ձեզ արդէն թէ Արաքսիայի հայրն իբր ազգականս, ինձ բարեբարութիւն բրած է իւր յաջող ժամանակին. թո՛ղ թէ երախտագիտութեան բնական զգացումը կը կրեմ սրտիս մէջ, այլ զիտնալու էք նաեւ թէ զԱրաքսիան միշտ իբր քոյրս նկատած ու սիրած եմ, զինքն յարգելով և արգահատելով :

— Մի՞թէ պատճառ մ'է այդ որ ձեր անվայել ընթացից հանդուրժեմ :

— Կ'երգնում ձեզ պատուոյս վրայ, Տիկի՛ն, որ Արաքսիա տեսնուեցաւ հետս գործոյ մի համար որ բնաւ վերաբերութիւն չ'ունի իրեն հետ :

— Որո՞ւ ուրեմն կը վերաբերի :

— Զայդ չգիտեմ :

— Անշուշտ եթէ իրեն համար չէ, ուրիշ ազըրկան մի համար կը գործէ :

— Գուցէ :

— Օրիորդ ազգականդ գիշեր ժամանակ այնչափ ետանդեամբ միջամտելու համար, ո՞ գիտէ ինչ ազնուական շահեր ունի :

— Տիկի՛ն, եթէ կ'ուզէք որ հոս կենամ, դադրեցէք պախարակելէ ազգականս, զի կը կրկնեմ ձեզ պատուոյս վրայ, որ օրիորդ Արաքսիա պատուակիր անձ մ'է և ամեն մեծարանաց արժանի :

— Ուրեմն յայտնեցէք ինձ թէ ո՞րն է աղջկըն որուն համար այնչափ երկնային անձնուի-

բութեամբ կը գործէ ձեր պաշտելի ազգականն ,  
ըսաւ կինը հեզնութեամբ :

— Այդ անունն անկարող եմ յայտնելու ,  
պատասխանեց Սիսակ , նախ պատուակիր անձի  
գիրքն առնելու համար և երկրորդ՝ կասկածե-  
լով թէ այդ կինն իւր ամուսնական առեւտուրը  
կրնար աւրել , զի բնաւ մտքէն չէր անցնէր թէ  
իւր գաղտնիքը անոր համար գաղտնիք մի  
չէր :

— Կը տեսնէ՞ք ուրեմն որ անկարող էք այդ  
անունը ինձ յայտնելու :

— Տիկին , մի՞թէ ձեր վստահութեան ար-  
ժանի կրնամ լինիլ եթէ թոյլ բերանութեան օրի-  
նակ մի տամ , ըսաւ երիտասարդն , չար տկնար-  
կութեամբ :

Տիկին Արգարեան շրթունքները շարշարեց  
ակռաներովն և ապա յարեց .

— Բայց գոնէ խոտտովանեցէք թէ այդ ա-  
նանուն աղջիկն ի՞նչ կը պահանջէ ձեզմէ :

— Հետո ամուսնանալ , պատասխանեց սնա-  
պարծ երիտասարդն հպարտութեամբ :

— Հետեւապէս կը սիրէ գձեղ :

— Կը զարմանա՞ք :

— Ամենեւի՛ն :

— Ուրե՛մն :

— Բայց դուք մտադի՞ր էք հետն ամուսնա-  
նալու :

— Չգիտեմ :

— Չարմանալի՛ պատասխան :

— Ի՞նչ կոյ զարմանալու :

— Գուցէ սակարկութեան խնդիր կայ , և

առ այդ անշուշտ կ'աշխատի ձեր առարինի ազգականը :

— Չգիտեմ. սակայն եթէ առ այդ իսկաշխատէր օրիորդ Արաքսիա, ոչ միայն պատարակելի գործ մի չէր կատարեր այլ ընդ հակառակն կը նպաստէր երիտասարդ ուհւոյ մի երջանկութիւնն ապահովելու :

— Այդ շա՞փ ստիպողական հարկ մի կար մինչեւ գիշերային ժամադրութեան կարօտելու :

— Այո՛, Տիկին՛ն, խիստ ստիպողական :

— Կը սիրէ՞ք դուք այդ աղջիկը :

— Եթէ սիրէի ուրիշի չէի կապուեր :

Տիկին Արգարեան այդ պատասխանէն գոհ եղաւ, սիրտ առաւ, ու վերստին իւր հրապուրիչ ձեւերուն զիմելով ըսաւ .

— Խոստացէ՛ք ուրեմն վարժուհւոյն յորդորանաց չ'անսալու, կամ լաւ եւս զինքն չ'տեսնելու, ու նոյնչափ խոստացէ՛ք ամուսնական խորհուրդէն հրաժեշտ տալու :

— Տիկին, անհնար է զօրիորդ Արաքսիա շտեմնել. չքաւեր որ թշուառ աղջիկը կը զրկեմ իւր ապրուստի միջոցէն, այլ կ'ուզէ՞ք որ իրմէ ու իմիններէս հրաժարիմ. ոչ :

— Կը մերժէ՞ք ուրեմն թախանձանքս :

— Այսինքն ինչ որ ազգականիս կը վերաբերի :

— Բայց չ'ամուսնանալ կը խոստանաք :

— Նոյնչափ այո՛, որչափ ո՛չ :

— Միթէ զիս կը ծաղրէ՞ք :

— Երբէք :

— Աւրեմն :

— Եթէ խոստանաք հետս ամուսնանալու ,  
ըսաւ չարածճի երիտասարդը , յայնժամ կը խոս-  
տանամ և ես ուրիշ ընկերակից չ'ընտրեւ անձիս :

— Կ'ուզէք որ կրկնամուսնութիւն մ'ընեմ :

— Գուք ուրիշ կին էք , ու չէ՞ք ուզեր որ  
ուրիշ մի իմ կինս լինի :

— Երբ զձեզ սիրեցի , ամուսնացած էի ար-  
դէն :

— Ո՛վ կ'ապահովէ զիս որ ընդ հուսկ յաջորդ  
մի շի սիրտի ունենամ :

— Կը նախառէ՞ք զիս :

— Բնաւ ամենեւին : Անձս այնքան անդի-  
մադրելի չեմ համարիր մինչեւ հաւատալու հա-  
մար թէ առաջին և վերջին տեղը գրաւած եմ  
ձեր սրտին մէջ :

— Իսկ եթէ հաւատայի՞ք :

— Ես ինքս լինելէ կը դադարէի , ուրացած  
կը լինէի բոլոր փորձառութիւնս կնոջ փոփոխա-  
մըտութեան մասին :

— Միթէ արք առաւել հաստատամիտ են :

— Աւրեմն եթէ երկու սեռերն հաւասարա-  
պէս փոփոխամիտ են , նրկուքն ալ իրարմէ կաս-  
կածելու իրաւունք ունին :

— Սակայն եթէ խոստանամ բոլոր կեանքս  
ձեզ նուիրելու՝ կը հրաժարի՞ք յայնժամ ամուս-  
նանալու դիտաւորութենէն :

— Գուցէ ես ձեր քմահաճութեանց առար-  
կայն եմ արդ . բայց ո՞վ կ'ապահովէ զիս անոր  
տեւողութեան վրայ :

— Ես :

— Դուք ուսկի՞ց կը քաղէք ձեր հաւատքը ,  
Տիկի՛ն :

— Որտէս :

— Ինչ որ սիրտ կ'անուանէք դուք , անոր օ-  
րինաց գերին էք , առանց անոր օրէնք կարենալ  
կարդալու : Նոյն դիւրութեամբ որ ինձ խոս-  
տում կ'ընէք՝ նոյն դիւրութեամբ ուրիշի եւս  
ըրած էք անշուշտ առանց զանոնք դրժելու խիղճ  
ընելու , ըսաւ երիտասարդն երկդ լմի եզանա-  
կաւ :

Տիկինն Արգարեան շուտ հասկցաւ թէ երի-  
տասարդն իւր նախորդ սիրային յարաբերու-  
թեանց վաղանցկութեանն ակնարկութիւն կ'ը-  
նէր , որով խնդիրը փոխելով յանկարծ , հար-  
ցուց .

— Ուրեմն խնդրածս չէ՞ք խոստանար :

— Ոչ :

— Եւ կ'ուզէք որ զձեզ սիրե՞մ :

— Կրնա՞ք դադրիլ արդեօք զիս սիրելէ :

— Ի՞նչ կայ անհնարին , պատասխանեց կի-  
նը վերջին աստիճանի դառնութեամբ :

— Ուրեմն ձեր սիրտը չէ այնքան գրաւուած  
որչափ կը յայտարարէիք . հետեւապէս մնացէք  
բարեաւ , Տիկինն , ըսաւ , ոտք ելնելով ու մեկնե-  
լու պատրաստուելով :

Տիկինն Արգարեան այդ սպառնալեաց առջեւ  
իւր սրտին տկարութիւնն հաստատելով՝ սիրա-  
հարին ձեռքը բռնեց փութով , ու քովը նստե-  
ցընելով զնա , ըսաւ .

— Ես ոչինչ կը խնդրեմ ձեզմէ , կը գոհա-  
նամ միայն զձեզ սիրելով :

— Լաւ ուրեմն , սրտասխանեց երիտասար-  
դըն յաղթական ձեւով :

Սիսակ նպատակին կը հասնէր վերջապէս : Ա-  
ռանց ոչինչ խոստանալու իւր յարաբերութիւնք  
անփոփոխ կը մնային տիկնոջ հետ ցորչափ հար-  
կաւոր դատէր : Իւր տրիփը կորուսած էր սաստ-  
կութիւնն , հետեւապէս ամենայն դիւրութեամբ  
կրնար ջախջախել իւր յօդերը սիրուհւոյն հետ ի  
սղահանջել հարկին՝ այսինքն եթէ ամուսնութեան  
խնդիրը կարգադրուէր : Իսկ եթէ այդ կողմէն  
յոյսերն ի դերեւ ելանէին՝ Տիկնոջ հետ իւր յա-  
րաբերութիւնները շարունակելու արգելք չկար :

Երիտասարդն , իրր ճարտար ապղմագէտ , լաւ  
ըմբռնած էր թէ կանանց հետ բռնաւոր ու ար-  
համարհոտ ձեւերով շատ առաւել յաջողելու յոյս  
կայ , քան թէ հոլատակութեամբ ու արտասովոր  
սրտայուզութեամբ :

Ուստի Սիսակի խիստ եղանակը Տիկին Ար-  
գարեանի նկատմամբ փոխանակ զայն իրմէ հե-  
ռացնելու՝ եւս առաւել ամրապնդեց անոր սրը-  
տին շղթաները :

---

### ԳԼՈՒԽ ԼԶ.

Ներսէս թողուց ուրեմն Վասիորի ամուսնքն  
ի տար երկիր ուղեւորելու համար , ու այդ հե-  
ռաւորութեամբ ուղեց արտաքսել ամեն յիշա-  
տակ սիրոյ , օտարանալ իւր անցելոյն հետ , ին-  
քըն լինելէ դադրիլ և ապա վերածնիլ :

Բայց խորհուրդ ընելը շատ առաւել դիւրին

է քան թէ անոր գործադրութիւնը կատարել ,  
և զայդ շատ իսկ հաստատեց Ներսէս . զի հա-  
կառակ իւր անգուլ ճգանցն՝ Արաքսիայի պատ-  
կերը սրտէն ջնջելու , այդ պատկերն ամրա-  
պինդ կը կենար գրաւած տեղին մէջ : Ի զուր  
Ներսէս տեսած նորանոր տեսարաններէն , ծո-  
վուն անհունութենէն , ճամբորդութեան բազ-  
մազբազ գէղքերէն օգտելով՝ կ'աշխատէր ան-  
պատճառ մտացն ու զգացմանցը տարբեր ուղ-  
ղութիւն մի տալ . ի զուր կը մտածէր թէ խաբ-  
ուած էր և մատնուած . կարծես թէ ներքին  
ձայն մի կը բողբէր իրեն դէմ՝ անպարտ ազգկան  
դատը վարելով :

Աերջապէս Ներսէս հասաւ Մանչէսթըր : Գրժ-  
բողղութեանն առաջին օրէն իսկ կ'որոճար վա-  
ճառականութեան ձեռնարկին մասնաւոր ուղ-  
ղութիւն մի տալ , ընդլայնել ըստ կարելոյն  
գործողութեանցն ասպարէզը , յոգնեցնել միտ-  
քը , մաշեցնել զգացումները , միով բանիւ թա-  
ղել լիովին իւր անցեալն : Առանձին էր սենեկին  
մէջ , առանձին էր յիշատակացն հետ , և որչափ  
ջանք կ'ընէր մտքէն հեռացնել իւր անցեալ եր-  
ջանիկ օրերուն զազափարը , նոյնչափ յանգէտս  
հոն կը վերադառնար , և անիծելով իւր դառ-  
նութեանց հեղինակը՝ կը սլաշաէր զայն սակայն :

✕ Այն ինչ տեղաւորուած էր վարձած սենե-  
կին մէջ քանի մի ժամերէ ի վեր և ահա կը հաս-  
նի իրեն նամակ մի որ իրեն հետ ճամբորդած  
էր նոյն շոգեմաւով : Ար նայի գրին , կը ճանա-  
չէ զայն , կը հասկնայ Արաքսիայէն լինելը , կը  
զարմանայ , դողդոջուն ձեռամբ կը բանայ պա-



հարանը , կ'ընթեանու նամակը , սիրտը կը տը-  
րոսիէ , կը տկարանայ , պատրաստ է հռչակել  
զիւր սէր , երբ յանկարծ աչացն առջեւ կը պատ-  
կերանայ Արաքսիա որ կ'առաջնորդէր Սիսակի  
գիշերուան մթութեան մէջ :

« Մատնութիւն , սե՛ւ մատնութիւն » կը գո-  
չէ , թուզթը կտոր կտոր ընելով : Ար տեսնէ  
նաեւ թէ աղջիկը թող թէ չէր ուղած լուսա-  
բանել իւր գիշերային ժամադրութեան խնդի-  
րըն , այլ ամենախոքր ակնարկութիւն մ'ան-  
գամ չէր ըրած այդ մասին : Ասակածներն եւս  
առաւել կը զօրանան , դառնութիւնը կը հակա-  
յանայ :

Երիտասարդին հաշտարար վայրկենական տը-  
րամադրութիւնքը տխուր անդրադարձութիւն  
մ'ունեցան , զի դառնութիւնը սեւ առեւութեան  
գոյներ առաւ , և վիրաւորեալ սիրահարն իւր  
արհամարհանքն ուղեց յայտնել աղջկան նամակն  
անպատասխանի թողլով :

---

### ԳԼՈՒԽ ԼԷ.

Մինչ Արաքսիայի երանութեան չէնքը կը կոր-  
ծանէր , ընդ հակառակն Վարդանոյշ սիրոյ ազ-  
գեցութեամբ կը վերածնէր :

Սիսակ , ըստ իւր խոստման , գնացած էր յայ-  
ցելութիւն օրիորդին օրոշեալ օրն , ու ջանա-  
ցած էր սրտագրաւ ձեւերովը ջնջել հետքերն  
այն դառն վայրկեաններուն զորս պատճառած  
էր իւր անտարբերութեամբ :

Վարդանոյշ պատկառելի սիրով սիրած էր միշտ գիւր մայր, առանց զայն հաղորդ ընելու երբէք իւր սրտին գաղտնեաց, Բայց ստիսողական հարկի մ'առջեւ, այսինքն իւր պաշտելոյն պայմանաժամին առջեւ մինչեւ մէկ ամիս ամուսնութեան խնդիրը լուծելու, ոչ այլ ինչ կը մընար եթէ ոչ քաջութեամբ զինուիլ ու բանալ լիովին սիրտն առ իւր մայր:

Սէրը հրաշք կը գործէ. անով տկարը բաջ կը դառնայ, և երկչոտը՝ յանդուզն. և զայդ շուտ իսկ հաստատեց մեր սիրահարեալ կոյսը:

Կան շատ մայրեր որք կը կարծեն արթնցընել ու զայրացնել իրենց որդւոց զգացումները սրտի բնական պահանջմանց վրայ խօսելով, և մանաւանդ այդ մտերմութեամբ կը վախնան իրենց մայրական ազդեցութիւնը մտանգի մատնել: Յամառ որոշմամբ խոյս կուտան սիրոյ վերաբերող ամեն խնդիրներէ՝ հարկադրելով իրենց լուկները գաղտագողի գործելու. և մայրենի աչքէն ծածկելու նուիրական զգացում մի երբ իրենց սիրտը կ'սկսի խօսիլ: Այսու եղանակաւ մայրն որ որդւոյն խորհրդակիցը պէտք էր լինել, նմա առաջնորդ կանգնիլ, ուղղել նորա զգացումներն ու քայլերը կենաց մէջ, ընդհակառակն կատարելապէս օտար կը մնայ իւր որդւոյն մտածութեանց ու զգացմանց:

Օր մի Տիկին Երանեան զարմացմամբ գիտեց թէ իւր դուստրն որ միշտ ազատ ու բնական ձեւով առ ինքն կ'երթար, ընդհակառակն կը մօտենար կարմրելով և շփոթելով առանց գիտնա-

լու թէ ինչպիսի՞ սկզբն սւորութիւն տայ իւր խօսքերուն : Արչափ Վարդանուշի մայրն իւր զարմացումը կը յայտնէր այդ անորոշ դիրքի մասին , նոյնչափ կոյսը բառերը կը ծամծամէր : Բայց ի վերջոյ սէրն յաղթելով երկչոտութեան՝ օրիորդըն սկսաւ տակաւ առ տակաւ իւր խոստովանութիւնն ընել , յայտնել իւր սրտին վիճակն , հիւանդութեանը պատճառը , Սիսակի գրած պայմանները . և վերջապէս իմացնել որ եթէ մերժեն իրենց հաւանութիւնն իւր ամուսնութեան մասին Սիսակի հետ , ինքն պիտի համակերպէր այդ խիստ վճռոյն , բայց երբէք ուրիշի հետ չի պիտի ամուսնանար , և թէ իւր երիտասարդութիւնն արտասուաց պիտի նուիրէր . կը հաստատէր թէ այդ էր իւր անխախտ որոշումը :

Տիկին Արանեան գայթակղեալ դիրք մ'առաւ նկատելով թէ իւր աղջիկն այնպիսի համարձակութեամբ սիրոյ անմտաչելի խնդրոյն վրայ կը խօսէր : Բայց նկատելով որդւոյն յուզեալ վիճակըն որ ամենայն անձկութեամբ կարծես մահու թէ կենաց վճռոյն կ'սպասէր , ի գութ շարժեցաւ , և յաղթելով իւր առաջին բուռն զգացման՝ մեղմ կերպիւ յայտնեց դատերն իւր դրժգոհութիւնը հաստատած գաղտագողի յօդերուն նկատմամբ , դատասպարտեց այդ ընտրութիւնն , առարկելով թէ այդ տեսակ երիտասարդներն ոչ միայն անկարող էին կին մի պահելու և զայն երջանիկ ընելու , այլ թէ իրենք իսկ այլոց խնամոց պէտք ունէին կարենալ ապրելու համար :

Մինչեւ նոյն պահուն կոյսն ամենայն համբե-

բութեամբ մտիկ ըրաւ : Բայց երբ Տիկինը ակնարկելով երիտասարդ ուհեաց սիրային ցնորաց և անոնցմէ հետեւած թշուառութեանց՝ սոսկալի պատկեր մի ներկայեց աչացն Վարդանուշի, յորդորելով զնա հրաժեշտ տալու իւր սիրային խորհրդոց գործադրութենէն, յայնժամ աղջիկն այնպիսի յուսահատ պերճախօսութեամբ և զարմանալի կորովով իմն ու վճռողական կերպիւ յայտարարեց թէ զինքն Սիսակէ հեռացնել փորձելն կը ծառայէ միայն իւր կեանքը փշրելու՝ որ սարսափած մայրն ոչ եւս հակառակեցաւ այլ խոտացաւ ամուսնոյն ծանօթացնել իրաց վիճակը :

### ԳԼՈՒԽ ԼԸ.

Օրերը, շաբաթները կ'անցնէին ու Արաքսիա ի զուր կ'ուպասէր ակնկալած պատասխանին . նամական ապահովագրած էր որով անպատճառ ձեռքն անցած էր այն : Վշտահար կոյսը կը հետեւեցնէր թէ ինքը մոռցուած էր Ներսէսէն, քանի որ և ոչ տող մի կ'ուզդէր իրեն . ապշած էր, տարակուսած էր, և չգիտէր ինչ միջոց գործածել երիտասարդին դժգոհութեան պատճառն իմանալու համար :

Վերստին գրե՛լ անոր . ոչ, զայդ կը մերժէր իւր արժանապատուութիւնը . զի ինքն անմեղ լինելովն հանդերձ՝ խոնարհած էր մինչեւ յանցաւորի դիրք առնելու, և աշխատած էր իւր անձն արդարացնել նախկին նամակաւն, և ամեն ապահովութիւն տալ իւր անմեղութեան

նկատմամբ . իսկ ի փոխարէն և ոչ մէկ տող կ'ընօրուներ :

Մտածեց , խորհուրդ խորհուրդի վրայ բարդեց , և ի վերջոյ տապալեց մաքին կանգնած շէնքը , զի անկարող էր հաշտեցնել ի միասին թէ՛ սրտին և թէ՛ արժանապատուութեան պահանջմունքը : Աւրեմն մտադիր եղաւ համբերութեամբ սպասելու որ ժամանակը զիւր անմեղութիւն երեւան հանէ , եթէ սակայն Ներսէս՝ զինքն անարժան համարելով իւր սիրոյն , ուրիշի չ'ձօնէր զիւր զիրա :

Սիրել , սիրուիլ և հալածուիլ առանց հալածանաց պատճառն գիտնալու , մարդուս վիճակուած գրից ծանրագոյններէն մին է : Անորոշութիւն , կասկած և երկիւղ , ասոնք են յարակից պայմանքն սոյն անտանելի դիրքին , և այդ տանջանքներէ կը կրժուէր մարտիրոս կոյսը :

Արաքսիա չ'ուներ խորհրդակից մի զինքն առաջնորդելու իւր շփոթ արամադրութեանց մէջ , և ոչ մէկը կար սրտին բեռը թեթեւեցնելու համար : Կը լուէր , կը տազնապէր առանց ծնողացն ոչինչ յայտնելու իւր դառն կացութեան վրայօք :

Բայց սրտի մարտիրոսութիւնը չէր բաւեր թշուառ ազջկան , հարկ էր նաեւ հայթհայթել ծնողացը միջոց ապրուստի : Աշխատութեան գաղափարը , ընտանեացը օգտակար լինելու յոյսը կարծես փրկութեան խարխալ մ'էր այն յուսահատութեան օվկէանին մէջ ուր ինքը կը ծփայր իբր խաղալիք բաղդի :

Վարդանայշ ահամայ պատճառն եղած էր աղէտիցն Արաքսիայի , և սակայն սա սքանչելի մե-

ծանձնութեամբ ոչ միայն երբէք կատկած չէր  
տուած իւր բարեկամութիւնն այդ մասին, այլ  
կ'ուզէր տակաւին անոր պաշտպան կանգնիլ Ար-  
սակի գործած անհաւատարմութեանց զէմ բո-  
ղոքելով անգուլ:

ԳԼՈՒԽ ԼԹ.

Սիսակ եկած էր զԱրարսիան տեսնելու յետ  
իւր խոստացեալ այցելութեան: Յաւակցութիւն  
յայտնեց իւր ազգականին անակնկալ արձակմա-  
նքն համար, առանց որ և է ուղղակի կամ ա-  
նուղղակի բաժին մ'ունենալուն ակնարկութիւն  
ընելու տիկնոջ այդ որոշման մէջ: Ընդհակառա-  
կըն զանձն իւր անտեղեակ ձեւացուց Տիկին Ար-  
գարեանի գրած նամակին ինչպէս և իւր ար-  
տաքսման պարտքայից, իւր թէ համոզուած լի-  
նէր թէ տիկինն ոչ եւս պէտք ունէր հայ վար-  
ժութիւն, և թէ եւրոպացի կնոջ մի մտադիր էր  
յանձնել որդւոցը դաստիարակութեան պաշտո-  
նը:

Սիսակ անձնատէր էր կատարելապէս, թէեւ  
չար սիրա չ'ունենար: Եթէ կարենար որ և է  
ծառայութիւն մատուցանել խօսքով կամ աննշան  
աշխատութեամբ՝ զայդ կը կատարէր: Բայց ե-  
թէ հարկ լինէր գործել սակաւ ինչ յողնու-  
թեամբ՝ շեղոք և կամ կատարեալ անտարբեր  
գիրք մի կ'աւնուր:

Ինքն պաշտպանած էր զԱրարսիա՝ ընդզէմ  
Տիկին Արգարեանի, և զայդ բաւական հատու-

ցում կը համարէր յանդէտս հասուցած շարեաց  
համար աղգականին :

Սիսակ զիւր անձ մինչեւ մէկ աստիճան պատ-  
ճառ ճանաչելով վարժուհւոյն արձակման խընդ-  
րոյն մէջ , կերպով մի պարտուց ներքեւ կը մնար  
անոր նկատմամբ , և կը հարկադրուէր շափով մի  
փոխարինութիւն մ'ընել նոր ապրուստի միջոց  
մի փնտռելու աշխատելով : Այդպիսի նեղու-  
թիւններ ստանձնելու համար ծնած չէր մեր ե-  
րիտասարդը :

Իսկ Ներսէսի սիրային յարաբերութեանց վը-  
րայօր ոչինչ գիտէր Սիսակ , զի բնականապէս  
Տիկին Արգարեանի շահուցն ընդդէմ էր այդ  
խոստովանութիւնը , նկատելով Արաքսիայի ցա-  
ւած կերպարանքը՝ զայդ տխրութիւն ազջկան  
նա՞ վերագրեց առանց պաշտօնի գտնուելու պա-  
րագային , և այդ նիւթին վրայ շուտով սահե-  
լով անցաւ , և ուրախ եղաւ երբ առանձին մը-  
նալով անձնուէր կոյսն հարցուց իրեն եթէ խօս-  
քին հաւատարիմ եղա՞ծ էր և գնացա՞ծ յայցե-  
լութիւն Արդանուշի :

Արաքսիա անոնց ուրախաւիթ տեսութեան  
մանրամասնութիւններն իմանալով , գոհունակու-  
թեան զգացում մ'ունեցաւ իւր դժբաղդութեան  
մէջ . զի ազնիւ հոգիներն ոչ այնչափ ինքզինք-  
նուն համար կ'ապրին որչափ այլոց :

Բայց աղջիկը պահանջեց Սիսակէն որ իւր տե-  
սութիւնները դադրեցնէ Տիկին Արգարեանի հետ  
մինչեւ որ Երանեանց վերջնական որոշումն ի-  
մանար :

— Ես , կ'ըսէր նա , խիղճ կ'ընեմ բողարկել

Վարդանուշէն բու մտերմական յարաբերութիւն-  
թիւններդ այնպիսի ժամանակի մէջ ուր անոր  
ապագայն պիտի վճուի : Հետեւապէս իմ լու-  
թիւնս արդարացնելու համար պէտք է որ վերջ  
տաս այցելութեանցդ առ Տիկին Արգարեան , և  
մանաւանդ կը պահանջեմ , յարեց , որ երգումն  
ընես բնաւ այդ տիկնոջ հետ շտեմնուելու եթէ  
երբէք բաղդակից լինիս Արանեանց դասեր :

Սիտակ խոտտացաւ կատարել այդ օրինաւոր  
պահանջումն եթէ երբէք իւր ամուսնութիւնը  
կատարուէր : Իսկ մինչեւ ի լրումն Վարդանու-  
շի տրուած մէկ ամսուան պայմանաժամին , իւր  
բացակայութիւնն արդարացնելու համար յաջս  
Տիկին Արգարեանի՝ օգուտ բաղեց առթէ մի որ  
շահարեք լինելու կը խոստանար , ու մեկնեցաւ  
փութով Պոլսէն ամսէ մի վերջը վերադանալու  
դիտաւորութեամբ : Աւ ստիպողական հարկ  
մ'առարկելով՝ հրաժեշտի նամակ մ'ուղղեց առ  
Տիկին Արգարեան , որուն մէջ իւր հաւատար-  
մութիւնն առ նա կը յայտնէր , իւր վաղ վերա-  
դարձը , և իւր ցաւն առանց զինքը տեսնելու՝  
մեկնելու պարտաւորեալ լինելուն :

Այս ձեւով եթէ Սիտակ յաջողէր ամուսնանա-  
լու օրիորդ Արանեանի հետ , բաժանման սկզբ-  
նաւորութիւնն ըրած կը լինէր . իսկ եթէ չ'յա-  
ջողէր՝ խիտ բնական կերպիւ կը շարունակէր  
իւր այցելութիւններն տիկնոջ՝ առանց անոր որ  
և է կասկած մ'ազդելու իւր ունեցած խորհրդոց  
վրայօք :



ԳԼՈՒԽ Խ.

Երբ Տիկին Արգարեան իւր սիրահարին հրա-  
ժեշտի նամակն ընդունեցաւ, մանչեց վայրենա-  
բար. և շուտ վերահասու լինելով թէ ուսկի՞ց  
կուգար իրեն այդ հարուածն, անձին խոստա-  
ցաւ Արաքսիայի ջանքերն ապարդիւն թողլու  
Սիսակի և Վարդանուշի ամուսնութիւնն արգի-  
լելով անպատճառ :

Չար մտքերն և անխիղճ սրտերը շատ նա-  
խանձախնդրութիւն չեն յայտներ իրենց վրի-  
ժառու խորհրդոց կատարման մասին. բաւական  
է որ յաջողին իրենց նպատակին հասնելու, ա-  
մեն միջոց լաւ է և պատուաւոր :

Տիկին Արգարեան ոչ զոք սիրած էր այն յա-  
րատել եռանդեամբ որով համակուած էր Սի-  
սակին համար : Ար պաշտէր գերիտասարդն, և  
զայն շնորանցնելու համար պատրաստ էր ամեն  
ինչ ի գործ դնել : Երեք շաբաթներ անցած է-  
ին և Սիսակէն տակաւին լուր չէր ընդունած,  
և ոչ իսկ գիտէր անոր ուր գտնուիլը : Հասկը-  
ցաւ թէ երիտասարդն իրմէ կը հեռանար : Մը-  
տածեց ուրեմն թէ առանց յաղաղման պարտա-  
կան էր գործել եթէ կ'ուզէր անձին պահել զիւր  
սիրահար :

Տարիներէ ի վեր Տիկին Արգարեան տրամա-  
դրութեանը ներքեւ ունէր կին մի՝ որ թէեւ տա-  
նը մէջ չէր բնակեր այլ գրեթէ միշտ հոն կը գըտ-  
նուէր, ու տիկնոջ թէ՛ առ տնին և թէ՛ արտա-  
քին յանձնարարութիւնները կը կատարէր :

Այդ կինը ժամանակաւ Վարդանուշի դայ-

եակն եղած էր նախ , և յետոյ զայն տարինե-  
րով խնամած էր , որով միշտ գորովանօք կը խօ-  
սէր իւր մեծցուցած սիրելի մանկան վրայ որ  
գեղեցիկ երիտասարդուհի մ'եղած էր : Փափա-  
քանօք և անհուն երջանկութեամբ կ'երթար միշտ  
այցելութեան Երամեան ընտանեաց՝ ուր թուէր  
իրեն տեսնել յանձին Վարդանուշի՝ մանուկն զոր  
խնամած էր երբեմն : Այդ Իսկուհին անուանեալ  
կինն անկեղծարար կը բաղձար իւր խնամած էա-  
կին բազդաւոր լինելը , և աղօթիցը մէջ շէր մու-  
նար երբէք զինքն յիշել :

Տիկին Արգարեանի խիստ ծանօթ էր 'ի լրոյ  
Երանեան ընտանիքը քանի որ Իսկուհին խօ-  
սակցութեան մշտատեւ նիւթն էր այն . ուստի  
այդ Տիկինը զԻսկուհին որոշեց իբր գործիք իւր  
մեքենայութեանց :

Օր մի Տիկին Արգարեան խորհրդաւոր ձեւ  
մ'առնելով իմացուց այդ կնոջ թէ իւր Վարդա-  
նոյշը մեծ վտանգի ենթարկուած էր շարաշար  
սիրելով երիտասարդ մի որ կը խաբէր զինքն ,  
և որ ուրիշ աղջիկ մի սիրելովն հանդերձ մտա-  
դիր էր Վարդանուշի հետ ամուսնանալ մի մի-  
այն հարուստ լինելուն պատճառաւ :

Իսկուհին զայդ գրոյց լսելուն պէս սարսա-  
փեցաւ , և իւր առաջին մտածութիւնն եղաւ  
փրկել իւր գիւեցուցած արարածն այդպիսի մեծ  
փորձանքէ :

Բայց վայրկեան մի ետքը անդրադառնալով  
հարցուց .

— Տիկին , վստահ էք արդեօք ձեր ըսածին  
վրայօք :

— Վստա՛հ, ի՞նչ կ'ըսես, Իսկո՛ւհի :

— Ո՞վ տուաւ այդ լուրը ձեզի, հաւատարմութեան արժանի՞ է տուողը :

— Երբ ես եմ հաստատողք քեզ ոչինչ կը մնայ խօսելու :

— Տիկի՛նս, պէտք է ամեն բան գիտնամ, ես ալ ընելիքս ունիմ :

— Ի՞նչ է ընելիքդ :

— Խօսիլ Վարդանուշիս, եղածն իմացնել, բայց պէտք ունիմ . . . , ըսաւ կի՛նն ու կանկ առաւ, վախնալով որ տիկինը կրնայ նեղանալ :

— Ստոյգ տեղեկութեանց հարկ ունիս, կ'իմանամ, ըսաւ Տիրուհին, իբր թէ զկին նեղանալի վիճակէ մ'ազատելու բաղձանօք, մինչդեռ ինքն անհամբեր էր յառաջ վարել իւր խոստովանութիւնը :

— Այո՛, Տիկի՛նս, միտքս աղէկ հասկցար :

— Ուստի կ'իմացնեմ քեզ թէ ես անձամբ տեղեկացայ ամեն բանի :

— Դո՞ւք, Տիկին,

— Այո՛ ես :

— Շնորհք կ'ընէ՞ք պատմելու, Տիկի՛ն :

— Ես անձամբ քաղցի ամեն տեղեկութիւն, ես աղանջովս լսեցի զամեն ինչ, դեռ կը տարակուսի՞ս դու :

— Երբ դուք գործին մէջ էք, ամեն բանի կը հաւատամ :

— Մտիկ ըրէ ուրեմն, քեզ ամեն ինչ սրտմտի :

— Խօսեցէ՛ք, խօսեցէ՛ք, Տիկի՛ն : Ըսաւ Խուհուհին անձկութեամբ :

— Ես բնաւ շահ չ'ունիմ միջամտելու ինձ  
անձանօթ եղած ազգիան մի գործոց մէջ : Բայց  
նախ մարդկութեան նուիրական պարտք մի կը  
համարիմ որ և է շարիք կամ դժբաղգութիւն խա-  
փանելն , երկրորդ զքեզ կը սիրեմ և շեմ ուզեր  
որ սիրտդ ցուի զաւկի նման մեծցուցած արա-  
բածդ թշուառ տեսնելով , յարեց խորամանկ կի-  
նը :

— Աստուած վարձատրէ ձեր բարի սիրտը ,  
Տիկինն :

— Ես իմ վարձատրութիւնս կատարելիք բա-  
րի գործիս մէջ կը փնտռեմ միայն :

— Բայց ըսէք , Տիկինն , ի՞նչ է անուհն այն  
երիտասարդին որ կ'ուզէ խաբել Վարդանոցը :

— Պատմեմ քեզ զամեն ինչ ուրեմն , Իս-  
կուհի :

— Ահազէն , Տիկինն :

— Բազմիցս հանդիպեցար հոս երիտասարդի  
մի Պ. Սիսակ անուանեալ :

— Այո՛ , Տիկինն , գիտեմ որ անոր շատ պա-  
տիւ կ'ընէք :

— Իրօք այդ երիտասարդը կը մեծարէի վա-  
սըն զի ամեն պատուոյ արժանի կը համարէի , և  
զինքը կ'ընդունէի վասն զի ազգիկ տալու դիտա-  
ւորութիւն չ'ունէի :

— Մեր երկու օրիորդները տղայ են . անոնց  
կարգուելու ատենը չէ :

— Եթէ տղայ ալ շիկնէին անոնք՝ չէի տար  
դարձեալ : Վասն զի Պ. Սիսակ լաւ ամուսին լի-  
նելու համար ամեն սէտք եղած յատկութիւն-  
ներէն զուրկ է : Իրաւ է որ ընկերութեան մէջ

չատ վայելուչ կերպիւ կը վարուի , ու ինքն ուս-  
եալ և խելացի անձ մ'է , և այդ էր պատճառն  
որ մասնաւոր պատուով կ'ընդունէի գինքը :

— Տէ՛ր Աստուած , հասկցա՞ծս է :

— Ի՞նչ հասկցար , Իսկո՛ւհի :

— Պ . Սիսակն է վարդանուշիս հաւնածը :

— Ստուգապէս այն է :

— Վա՛յ ինձ , քանի որ կ'ըսէք , Տիկի՛ն , թէ  
աղէկ ամուսին չի կրնար ըլլալ :

— Իրօք աղէտք մ'է աղջկան մի համար սի-  
րահարուիլ երիտասարդի մի որ ոչ այլ ինչ գի-  
տէ բայց իւր հաճոյքը : Պ . Սիսակ՝ ամուսնու-  
թեան երկրորդ օրն ապահովապէս իւր նորապը-  
սակ հարսը պիտի թողու նորանոր ապօրինի  
զուարճութիւններ փնտռելու համար , թող թէ  
արդէն սիրահարութիւն մ'ալ ունի անբարոյա-  
կան աղջկան մի հետ :

— Տիկի՛նս , ո՞վ է այդ չխպնած աղջիկը :

— Երբէք չես կրնար գուշակել անոր ով լի-  
նելը :

— Մտքէս բան մի չ'անցնիր , ո՞վ է ըսէք  
կ'ազաշեմ :

— Նոյն իսկ վարժուհին որուն յանձնած էի  
երկու որդւոցս դաստիարակութիւնը :

— Օրիորդ Արաքսիա՞ն :

— Ինքն իսկ :

— Խելքս տեղէն թռաւ : Արաքսիան իմ վար-  
դանուշիս ընկերուհին է :

— Այդ պատճառ մ'աւելի է վերահասու լի-  
նելու համար այդ էակին շարութեան աստիճա-  
նին : Զի բաւեր որ անսպասուութիւնը տանս մէջ

կը մտցնէ, այլ և հրէշային մատնութիւն մ'ալ  
կ'ընէ բարեկամուհւոյ մի նկատմամբ :

— Որո՞ւն մտքէն կ'անցնէր որ այդ պարկեշտ  
աղջիկն այսչափ անամօթ է եղեր :

— Չգիտե՞ս արդեօք որ այդչափ համեստ  
երեւցողներն ամենէն մեծ կեղծաւորներն են :

— Իրաւ այնպէս է : Բայց դուք, Տիկի՛ն,  
ի՞նչպէս եղածը շեղածը խմացաք :

— Մանրամասնաբար պատմեմ քեզ զամեն  
ինչ :

— Ա՛հ, Տիկի՛նս, պատմեցէ՛ք, պատմեցէ՛ք :

— Գիշեր մի, ուշ մամանակ, մինչ ամենքը  
կը քնանային, ես արթուն էի : Ոտքի ձայներ լը-  
սեցի յանկարծ . կասկածելով թէ գողեր մտած  
էին մեր տունը՝ քաջութեամբ զինեալ տե-  
ղէս ելայ, և ամենայն զգուշութեամբ դուռս  
բանալով տեսայ զԱրաքսիան որ ճրագ մի բըռ-  
նած սանդուղներէն վար կ'իջնար, ու բիշ մի  
ետքը վեր կ'ելնէր Պ. Սիսակին առաջնորդ կանգ-  
նելով :

— Վա՛յ անամօթ աղջիկ :

— Տեսայ մտած սենեակնին, և ես զնացի  
ստուգելու թէ ի՞նչ կ'ընէին : Լսածներէս ու  
տեսածներէս զզուած՝ ետ քաշուեցայ բուն  
սրտմտութեամբ : Թէեւ մտադիր եղայ նախնե-  
րկայութեամբս շանթահարել զանոնք, բայց սպա-  
խորհեցայ թէ ինձ նման տիկնոջ մի համար սն-  
ճահ էր այդպիսի անվայել պատահարաց մէջ  
խառնուիլ . ու գայթակղութիւն չյարուցանելու  
համար լսեցի և սենեակս վերադարձայ առանց  
աղմկի :

— Վայլածն ալ այդ էր, Տիկին . անճուռները :

— Բայց անհնար էր ինձ աշերս գոցել ցորչափ կ'զգայի որ այդ անպատիւ աղջիկը սիրահարին հետն էր : Եթէ Պ. Սիսակ յանցանք կը գործէր տանս մէջ անպատուութիւն մտցնելով՝ միայն սա տեսակէտով կ'արդարանար որ ինքն երիտասարդ մ'է, և այր մարդը բուական է որ զուարճանալու յոյս մ'ունենայ որպէս զի ամեն միջոց յարմար գատէ :

— Տիկինս, Պ. Սիսակ թո՛ղ ուրիշ տեղ փընտըռէր զուարճութիւնները . կը վայլէ՞ր որ ասանկ բան մ'ընէր ձեր տանը մէջ :

— Եւ կը տեսնես, Իսկո՛ւհի, որ զնա պատժելու համար իմացուցի իրեն թէ ոչ եւս կըրնամ հիւրընկալել զինքն :

— Ըսել է որ իմացուցիք Պ. Սիսակին որ եղածը գացածը գիտէք :

— Կրնայի՞ լսել արդեօք երբ խնդիրը տանս պատուոյն կը վերաբերէր, ըսաւ Տիկին Աբգարեան եղանակաւ մի որ կարծես թէ ինքն տպար մ'էր առաքինութեան :

— Բայց, Տիկին, չըսիք որ ի՞նչպէս լինցաւ ադոնց տեսութիւնն :

— Ինչպէս պատմեցի թեղ արդէն, սենեակս վերադարձայ . բայց կասկածելով որ տունն հըրոյ ճարակ կրնայ լինել և մենք մէջը կ'այրինք անոնց գործելիք մէկ անխոհեմութենէն, գնացի վերտին այն սենեկին առջեւ ուր կը գտնուէին երկուքն, և անոնց ձայնը լսելով կանկ առի դրան առջեւ և լսեցի ամբողջ խօսակցութիւնը

զգուանօք, զի վախցայ որ դաւադրութիւն մ'ալ չի պատրաստեն ընդդէմ մեզ, քանի որ այսպիսի անձինք ամեն բանի կարող են :

— Անանկ է, Տիկի'ն, ամեն բան կ'ընեն ասանկ անօրէնները :

Բայց ի՞նչ կ'ըսէին իրարու, Տիկի'նս :

— Կ'ուխտէին զիրար միշտ սիրել հաւատարմութեամբ. սակայն քանի որ երկուքն եւս աղքատ էին, անխղճմտաբար կը դաւակնէին ընդդէմ Վարդանուշիդ :

— Աստուած պատժէ երկուքն ալ :

— Արաքսիա պիտի միջամտէր համոզելու համար զՎարդանայչ փութացնելու զիւր ամուսնութիւն Պ. Սիսակին հետ, նա մանաւանդ միայն ամիս մի միջոց պիտի տար անոր որպէս զի համոզէ զիւր ծնողք : Յետ աւարտման այդ սայմանատամին՝ յանուն Սիսակի պիտի սպառնար Արաքսիա թէ երիտասարդը պիտի լուծէր ամեն հաւատարմութեան խոստում :

— Խեղճ Վարդանայչս. գիտէի որ այդ օձ Արաքսիան անոր բարիքը կ'ուզէր :

— Ըսելիք չկայ, ըստ ամենայնի հազուադիւր բարեկամուհի մ'է, ըսաւ տան տիկինն հեզնութեամբ : Երեւակայէ՛, Իսկո՛ւհի, Պ. Սիսակ Երանեանց աղջիկն պիտի տանու ի կնութիւն՝ անոր դրամովը զԱրաքսիան խնամելու համար :

— Աստուծ մէ՛ գտնան :

— Արաքսիա իւր կողմանէ կը խոստանար երբէք ուրիշի հետ չ'ամուսնանալու :

— Մա՛հը վերցնէ այդ անճոռնի աղջիկը :



— Տես թէ ինչո՞ւ այդպէս փութով ճանրեցի զվարժութիւն :

— Տիկի՛նս , քիչ մի հիւանդ ըլլալուս համար երկու շաբաթ է տունէս դուրս չելայ . խմացայ որ ձեր վարժութիւն ճանրու դրած էք , բայց պատճառը չգիտէի :

— Իրօք բաւական օրերէ ի վեր զքեզ չեմ տեսած :

— Բայց , ապրի՛ս , Տիկի՛նս , զիս շի մոռցաք ամենեւեւի :

— Հաւատարմութիւնդ ճանաչելով կը ջանամ միշտ վարձատրել զքեզ :

— Աստուած օրեր տայ ձեզի :

— Բայց լ՛ւր ինձ , Իսկո՞ւհի : Աւրեմն անմիջապէս որ առաւօտն յաջորդեց այդ ամբօթալից գիշերուան՝ Արաքսիա մեկնեցաւ Վարդանուշին երթալու և յանուն Պ. Սիսակի անոր այցելութիւնը խոստանալու համար : Լսածներէս հետեւցուցի թէ աղջիկը նեղը դնելու մտօք է որ երիտասարդը դադրեցուցած է այցելութիւնները տան Երանեանց , և իրօք առ այդ յաջողած է : Աստի Արաքսիա իբր միջնորդ պիտի ներկայանար՝ զՊ. Սիսակ Վարդանուշիդ վերագործընելու համար :

— Այա ի՛նչ սատանայական խաղեր են :

— Բայց չգիտեմ թէ ի՛նչ դարձաւ երբ Արաքսիա Երանեանց գնաց յաջորդ օրը . սա շափս գիտեմ որ երբ վարժութիւն տունս եկաւ , նուազելով անկաւ :

— Աստուած պատիժը կուտար այդ անիծուած աղջկան :

— Ես երբ առաւօտուն սենեկէս դուրս ելայ, վարժուհին նուազումէն սթափած էր, որով զինքն անմիջապէս տունէս վանեցի :

— Տիկի՛նս, այս ի՞նչ բաներ են . խելքս զըլխէս գնաց : Թողուցէք որ երթամ շուտ Երանեանց տունն ու ամեն բան իմացնեմ անոնց :

— Ես ընդհակառակն կը կարծեմ որ ծնողաց ոչինչ ըսելու ես, զի անոնք անտեղեակ են իրենց ազջկան սիրոյն, և գուցէ շարաշար վարուին անոր հետ և իւր անտաների վիճակն առաւել եւս ծանրացնեն :

— Իրաւ ատանկ է, Տիկի՛ն :

— Գիտցածներդ միայն Վարդանուշին հաղորդէ : Ազջիկը վերահասու լինելով սիրահարին ու բարեկամուհւոյն խարէութեան, հրաժեշտ կուտայ անշուշտ Պ. Սիսակին հետ ամուսնանալու խորհրդէն, և առանց տարածայնութեան շարիքը կը խափանի :

Հաւանեցաւ Իսկուհին, նա մանաւանդ խիստ խոհեմ գտաւ գործելու այդ եղանակը :

Տիկին Արգարեան շէր ուզեր սակայն քացարձակ դեր խաղալով իւր անունը թշնամեացք բերանը մատնել . ուստի պահանջեց վարձկան կնոջմէն որ Երանեանց դուտեր միայն յայտնէ իւր անունն, այնու պայմանաւ որ երիտապարդուհին իւր կողմանէ նոյն խորհրդապահութիւնը խոստանայ : Մանաւանդ հասկցուց կնոջ որ եթէ ազջիկը թոյլբերանութիւն մ'ընէր իւր մասին, ինքն՝ Իսկուհին, պիտի տուժէր զայդ, տանը մէջ ոչ եւս մուտք գտնելով :

Այդ սոսկալի սպառնալիք մ'էր ազբատ կը-

նոջ համար, զի մեծաւ մասամբ Տիկին Արգարեանի շնորհիւ կ'ապրէր նա. բայց Աւարդանուշի արգահատական և աղնիւ զգացմանց վրայ կատարելապէս վստահ լինելով՝ ասահովեց զՏիկին՝ երկտասարդ ուհւոյն խորհրդապահութեան մասին, և ասոյս փութաց երթալ առ Աւարդանուշ, զայն բացարձակ աղէտքէ մի ազատելու դիտաւորութեամբ, ինչպէս որ անկեղծ օրէն կը հաւատար նա:

ԳԼՈՒԽ ԽԱ.

Երեք շաբաթներ անցած էին ու տակաւին Արաքսիա լուր չէր առած Ներսէսէն. յայտնի էր որ նա պատասխանելու դիտաւորութիւն չունէր: Երկտասարդ ուհին կը հալէր, կը մաշէր ինքնիրեն. և իւր դժնդակ վիճակն առաւելեւս կը ծանրանար մօտակայ չքաւորութեան տեսարանով, քանի որ փոքրիկ գումարն այն որ իւր խնայողութեան արդիւնքն էր, սպառելու մօտ էր: Ի՞նչպէս կրնար յանձն առնուլ ականատես լինելու վերստին իւր ծնողաց զրկման ենթարկուելուն. մանաւանդ որ խեղճ հայրը հանգիստ գրտած էր նոյն օրէն որ Տիկին Աւարսամեան զՆերսէս փեսայ ունենալու յոյսն ունենալով՝ զնա խայթելէ դադրած էր: Մերունին բազում հաճոյքներ վայելած էր եւս իւր փեսայացուին զըրկած ու տեստի այլ և այլ նուէրներով՝ որոնց նըկատմամբ Արաքսիա հակառակութիւն չէր ըրած, թէեւ ուժգին ընդդիմացած էր ա և է դրա-

մական օգնութիւն ընդունելու ծնողացը տան մատակարարութեան համար, իւր խօսնայրին կողմանէ :

Իսկ նոյն պահուն ոչ միայն զրկուած էին Վարսամեանք այդ նուէրներէն որք ծերոց համար կենաց գլխաւոր հաճոյքներէն մին են, այլ գուցէ հարկաւորն իսկ չունենային ընդ հուպ :

Սրտահար կոյսը կը պարտաւորէր՝ գոնէ որչափ ժամանակ որ կարելի էր, ծածկել ծնողքէն իրենց երազած գեղեցիկ ասպագային ոչընչանալը : Բայց եթէ այդ մասին առժամանակեայ դարման մի կը գտնէր, ոչ այնպէս էր նիւթական պիտոյից նկատմամբ :

Երբէք այնքան սիրելի և սիրտիչ շէր երեւցած Արաքսիայի աշխատութեան գաղափարն անով մասամբ կը վերականգնէր և ոյժ կ'զգե. նոյր կենաց դժուարին դաշտին մէջ մարտընչելու՝ իբրև ձախորդութեան քաջ գինուոր : Ար մտածէր թէ ո՞ր եղանակաւ հնարաւոր էր նոր աշխատութեան դուռ մի բանալ անձին, կը մտածէր, և նոյն պահուն ոչինչ կը ներկայանար աշացն առջև իբրև խարխիս փրկութեան :

Որչափ յոյս, ո՞րչափ սէր փշրուած էին մէկ վայրկենի մէջ : Ներսէս յանկարծ լքած էր զինքըն և ակնթարթի մէջ կորզած էին իրմէ երկու հրեշտակները զորս ա՛յնքան սիրած էր : Ինքըն ըստ ամենայնի անմեղ էր, և անշուշտ իբր յանցաւոր կը հանդիսանար թէ՛ Ներսէսի և թէ՛ փոքրիկ քոյրերուն առջև :

Ո՛հ, կը ձայնէր կոյսն դառնագին, հա՞րկ էր

ուրեմն երբեակ յօդեր սիրոյ կազմել, զանոնք մէկ օրուան մէջ կորսնցնելու համար :

Աղաւնին մանաւանդ մասնաւոր հրապոյր մ'ունէր իրեն համար, զի սիրոյ այլ և այլ յիշատակներ կը դարձուցանէր իւր յիշողութեան մէջ : Միթէ անոր մարտիւր ճակտին վրայ իւր ձեռքը չէր՞ միայուցած Ներսէսինին հետ : Միթէ երիտասարդը չէ՞ր պատուիրած անոր սիրել զիւր վարժուհին բոլոր հոգւովը : Չտեսնե՞լ իսկ տըղայքն որոնց այնքան համակրած էր : Սիրոյ քայքայումն հոգւոյ զօրութեան քայքայումն նաեւ չի՞ նշանակեր արդեօք երբեմն :

Թո՛ւած երջանիկ օրերն իւր առջեւ կը ներկայանային, ու կոյսին հոգին կեղեքելով կը կենդանացնէին : Անցեալն առաւել հեշտալի կը սահէր իւր առջեւէն, իսկ ներկայն սպառնալից և սեւադէմ կ'արձանանար հանդէպ իրեն :

Երբէք մարդս չէ վայելած իւր բարեբաւտիկ ներկայն զգալու ամբողջ կարողութեամբը . զի կարծես երջանկութեամբ արբշիւ՝ սիրան ու միտքը զննելու, քննելու և ուսումնասիրելու հանգամանքը կը կորսնցնէ : Բայց երբ սուգն յաջորդէ ուրախութեան, յայնժամ խուզարկու միտքը կ'սկսի զննել բոլոր մանրամասնութեամբը մէն մի երանաւէտ զգացում որ սրտին խլրտում և բարախում պատճառած էր, և գիւտեր ընել այնպիսի դէպքերու վրայ որք անզգալի անցած էին երջանկութեան արագ ընթաց շրջանին մէջ :

Շուտրած, վշտահար բայց ոչ վհատեալ, Արաքսիան երեւածուփ էր կենաց ալեկոծութեան մէջ, երբ անձ մի որ մասնաւոր կերպիւ կը գը-

նահատէր զօրիորդն, կուգայ իմացնել անոր թէ պատուաւոր հայապգի տիկին մի՝ իւր խանգարեալ առողջութեան պատճառաւ՝ առ առաւելն երեք ամիս ճանրորդելու դիտաւորութիւն ունէր, և թէ խիստ գոհացուցիչ պայմաններ խոստանալով, վայելուչ ընկերուհի մի կը փնտռէր իւր ուղեւորութեան համար:

Արաքսիա մասնաւոր շնորհք մի բաղդին տեսաւ այդ անակնկալ պարագային մէջ, ու անմիջապէս հաճեցաւ ուղեկցելու սոյն տիկնոջ՝ զոր ի համբաւոյ կը ճանաչէր խիստ նպաստաւոր կերպիւ:

Տիկին Վարսամեան ոչ միայն նոյն յօժարութիւնը չէր յայտներ, այլ ընդհակառակն կը ջանար խափանել ուղեւորելու խորհուրդն, առարկելով իւր աղջկան թէ զուցէ տհաճոյ ինչ գործէր Ներքէսի նկատմամբ:

Բայց Արաքսիայի կամքն ամեն արգելից կը յաղթէր, և մանաւանդ բանի որ յաջողած էր Արգարեանի որդւոյն նման նշանած մի ձեռք ձգել՝ կրկին յարգ ստացած էր իւր մօր առջեւ, որով Տիկին Վարսամեանի ընդդիմութեան ոգին չուտով կը նահանջէր աղջկանը տրամադրութեանց առջեւ:

Այդ առաջարկն լինելէ ութ օր վերջն՝ Արաքսիա մեկնեցաւ հայրենի տունէն Տիկին Հարթմանեանի հետ ճանրորդութիւնն սկսելու համար Եւրոպայի այլ և այլ կողմերը:

Տիկին Արանեան մօր մի ճարտար պերճախօսութեամբ յայտնած էր ամուսնոյն իրենց դըստեր սիրահարութիւնը Սիսակի համար, և հարկն զնա պատկելու անոր հետ :

Պ. Արանեան ընդգիծացած էր ուժգին, նեղացած, զայրացած, առաջարկի մ'առջեւ որ բոլոր իւր տեսութիւններն ի հիմանց կը քանգէր. զի ինքն մտադիր էր տալ զիւր դուստր ի հարսնութիւն այն հարուստ երիտասարդին որ արդէն ներկայացած էր իբր փեսայացու : Զոհել աղջիկն անձի մի որ ոչ դրամ ունէր և ոչ իսկ որոշ պաշտօն մի, զայդ յիմարութեան մեծագոյնը կը համարէր :

Եթէ խզճալի մայրը մէկ կողմանէ կը հաստատէր ամուսնոյն դիտողութեանց իրաւացի լինելն, միւս կողմանէ կը նշմարէր սոսկալի վատանգն իրենց միակ որդին կորսնցնելու՝ նորա սիրոյն դէմ արգելք յարուցանելով :

Պ. Արանեան, յետ երկար ընդգիծութեան, ուրեմն համոզուեցաւ վերջապէս, և հաւանութիւնը տալով աղջկան ամուսնութեան, որոշեց օգնել Սիսակի, յառաջացնել զայն, և ըստ կարելոյն անոր ապագայն հաստատել :

Մնողաց հաճութիւնն ստանալով կարծես վարդանոյշ պիտի յիմարէր, եթէ երբէք երջանկութիւնը կարենար յիմարեցնել : Ինչ գեղեցիկ երազներ կ'ընէր. ամեն ինչ վարդագոյն և լոյս էր իրեն համար : Արաքսիայի հետ կը խօսէր ապագային վրայ այն անձանձիր և անձնասէր ա-

աատախօսութեամբ որ յատուկ է երջանիկ ան-  
ձանց, առանց ի նկատ առնելու թէ աղջկան ճա-  
կատը տխրութեամբ կը վարագորութի մէն մի  
անգամ որ իւր մօտալուտ ամուսնութեան վրայ  
կը խօսէր :

Ոչ թէ Արաքսիա կարող էր որ և է նուաաստ  
զգացում մ'ունենալ ի տես երանութեան իւր  
բարեկամուհւոյն, այլ կը յիշէր թէ ինքն եւս  
նոյն երազներն ըրած էր թիչ ժամանակ յառաջ,  
և թէ անհետացած էին անոնք իրականանալէ  
յառ ոջ :

Վարդանոյշ նշմարած էր արդարեւ Արաք-  
սիայի տխրութիւնն որ անյայտ շէր կրնար անց-  
նիլ իւր շախազանցութեան պատճառաւ իսկ :  
Եւ երբ նա պատճառն ուզած էր հասկնալ՝ աղ-  
ջիկը վերագրած էր զիւր ցաւ անգործութեանն,  
և զայդ հաւատացած էր Վարդանոյշ, թէ եւ  
տարօրինակ թուէր իրեն այդպիսի ծայրայեղ  
միշտ մի : Բայց այնչափ մեծ էր վստահութիւնն  
իւր մտերմին վրայ որ բնաւ մտքէն չէր անցած  
ուրիշ պատճառ մ'ալ փնտռել :

Ուստի երբ մեկնեցաւ Արաքսիա՝ կոյսն երջա-  
նիկ թէ՛ սերախացաւ և թէ՛ ցաւեցաւ : Պո՛հ ե-  
զաւ, վասն զի իւր բարեկամուհին մտաաանջու-  
թենէ կ'ազատէր նիւթական վիճակն ապահովե-  
լով . տրտմեցաւ՝ որովհետեւ կը բաժնուէր այն  
միակ էակէն որուն առջեւ սանձարձակ ազա-  
տութեամբ իւր սիրտը կրնար բանալ : Բայց մը-  
խիթարուելու համար ժպտուն յոյսն ունէր իրր  
ընկեր, և մօտակայ ակնկալութիւնն իմացնելու  
իւր Սիսակին թէ ոչ եւս արդելք կար իրենց մի-



այսին, թէ ապագայն իրենցն էր, թէ երանու-  
թեան աշխարհ մի կը պարզուէր իրենց առջեւ :

Շարաթ մի եւս, կը մտածէր գոհ կոյսն, և  
ահա իւր սիրելին կը վերադառնար անշուշտ,  
զի յայնժամ կը րանար անոր դրած ուսմանա-  
ժամը : Բայց այդ շարաթն ս'ըջափ երկարատեւ  
պիտի թուէր իրեն, մանաւանդ երբ ոչ եւս ու-  
նէր զիւր բարեկամուհին ակնկալութեան ժամը,  
րու անձկալից երկարութիւնն համառօտելու հա-  
մար :

Ըսինք արդէն որ Վարդանոյշ մօրն հետ ըն-  
տանութեամբ չէր խօսեր սրտի խնդիրներու վը-  
րայ : ու բաց ի այս պարագայէն կոյսն թէ եւ  
ծնողացը հաւանութիւնն ստացած էր իւր սի-  
րային վէպին յաջողութեանն համար, այսու հան-  
դերձ անհանգիստ կացութեան մէջ կը գտնուէր  
զի լաւ գիտէր թէ այդ հաւանութիւնը բռնազ-  
բօսիկ էր :

Մինչ Վարդանոյշ սենեկին մէջ առանձին էր՝  
ու մտացը մէջ կը յեղյեղէր հաճելի տեսարաններ  
և պատրաստութիւններ, ահա Իսկուհին որ ներս  
կը մտնէ : Կոյսն ցնծութեամբ կ'ողջագուրէ զնա,  
զի անոր գորովագութ սիրտը մաս մի գիտէր  
յատկացնել անոնց որք իւր վրայ անկեղծօրէն կը  
գորգուրային :

Ազնիւ հոգիներու հաճոյքն սիրել է, և պատ-  
րանքն անոնց համար մահու շափ դժնդակ է :

ԳԼՈՒԽ ԽԳ.

Պատշաճողական բանի մի խօսքերէ յետոյ  
Վարդանոյշ յատկապէս խորհրդաւոր ձեւով մ'ի-  
մացուց իւր գայեակին թէ իրեն ուրախաօրիթ  
լուր մ'ունէր տալու :

Իսկուհի շուտ վերահասու եղաւ այդ լուրին  
տեսակին վրայ . և նկատելով այն մեծ զուար-  
թութիւնն որ աղջկան դէմքին վրայ ծաւալած  
էր՝ ցաւեցաւ ստուգապէս զայն ջնջելու հարկին  
առջեւ : Այլ հասկնար կինն որ սոսկալի հարուած  
մի պիտի տար իւր պաշտած աղջկան , ու իւր  
սիրտը կը ճնկէր : Բայց ներելի՞ էր իրեն դեղե-  
ւիլ արդեօք ծանր պարագայի մ'առջեւ ուր  
Վարդանուշի բաղդը վտանգի մատնուած էր .  
և առժամանակեայ ցաւ մի չզատնառելու հա-  
մար , կրնա՞ր զաղջիկը թշուառութեան մատնել  
ցկեանս : Յիշեց թէ եկած էր զիւր սիրեցեալ  
էակ վտանգէ փրկելու համար , և պիտի խօսէր  
սպահովապէս :

Այս խորհրդածութիւնք շանթի արագու-  
թեամբ տեղի ունեցան կեով մտացը մէջ , որով  
Վարդանուշի գառնալով ըսաւ .

— Խօսէ՛ տեսնեմ , գաղտնիքդ ըսէ՛ , աղջի-  
կըս :

— Զքեզ առանց տանջելու երանութեանս  
մասնակից ընեմ ուրեմն . զի գիտեմ , սիրելի՛  
Իսկուհիս , որ իբր մայր վրաս կը գորդուրաս :

— Այդ բանը աղէկ գիտես :

— Գուցէ մեղադրես զիս ընդ երկար պա-  
հած լինելուս համար գաղտնիքս բեզմէ . բայց

չուզեցի գրեզ մասնակից ընել անորոշ վիճակի մի, դառնութեամբ լի :

— Իհետեւ, աղւո՛ր աղջիկս, որ ես աղէկ ու գէշ օրերդ կը սիրեմ, ու քեզի հետ ինչ ըլլամ թող ըլլամ :

— Միշտ բարի ես, Իսկուհի՛ս : Քու զգայուն սիրտդ լաւ ճանչցած լինելուս համար աւելորդ յուզումներէն ուզեցի խնայել գրեզ :

— Ա՛հ, աղջի՛կս, ինձի գէշ շքնելու համար ինքզինքիդ գէշ ըրիք վախնամ :

— Ընդհակառակն, ամեն ինչ ի կատար հասուցի, յուսամ :

— Բացէն խօսէ նայիմ, աղջի՛կս :

— Ինչպէս մօրմէս նոյնպէս քեզմէ ծածկած էի, Իսկուհի՛ս, սիրոյ զգացում մի՞ որ կը տածեմ գրեթէ մէկ ու կէս տարիէ ի վեր ազնիւ և պատուական երիտասարդի մի՞ համար՝ որուն միակ յանցանքն՝ յաչս աշխարհի գուցէ, հարուստ չլինելն էր :

— Աստուած տար որ մինակ այդ ըլլար յանցանքը :

— Կը տարակուսի՞ս :

— Աղջիկներու համար ամեն երիտասարդ չի գտնուած է :

— Բայց դու ի՞նչպէս կրնաս դատապարտել անձ մի որ չէս ճանչնար, նա մանաւանդ երբ ոչ իսկ գիտեա անոր ով լինելը : Միայն իմ Արաքսիաս տեղեակ էր դադտնեացս, և երեք շաբաթէ ի վեր ծնողքս տեղեկութիւն ունեցան այդ մասին : Մի՞ գուցէ տեսար մայրս, և եղածն իմացար անկէ :

— Ա՛ջ , աղջիկս , շիտակ քու քովդ եկայ :

— Աւրեմն բնաւ իրաւունք չունիս խոտուա-  
դէմ հանդիսանալու երբ սլաշտելի ընտրելոյս  
վրայ կը խօսիմ :

— Ա՛հ , աղջիկս , չդիտես որ Սիսակդ ինչ  
կ'ածենէ այնչափ ալ Արաքսիաց կ'ածէ :

— Ի՞նչպէս գիտես դու թէ Սիսակն է սըր-  
տիս տէրը , և ինչո՞ւ աննպաստ կերայիւ կը խօ-  
սիս անոր և Արաքսիայիս վրայ :

— Ես ալ գիտցածս գիտեմ :

— Ի՞նչ է գիտցածդ տեսնենք : Հաւատա՛ ,  
Իսկուհի՛ , որ եթէ դու չլինէիր՝ երբէք չպիտի  
ներէի որ շարախօսիս իմ երկու ընտրելագոյն  
սիրելեացս վրայ :

— Իրաւունք ունենա՞մ ալ՝ պիտի գէշ գան  
խօսքերս քեզի :

— Բայց անհնար է որ իրաւացի լինին : Հա-  
մարելով որ Սիսակի մասին սխալած լինիմ , բայց  
բարեկամուհւոյս նկատմամբ յուղայութիւն կը  
համարիմ ամենախորրիկ կասկած մ'անգամ ու-  
նենալը :

— Եկու նայէ որ այդ երկու երեսով աղջի-  
կը քեզ կը խաբէ , խեղճ զաւակս :

— Ի՞նչ փաստ ունիս Արաքսիան մեղադրելու  
համար :

— Ի՞նչպէս ըսեմ քեզի :

— Շուտ խօսէ , կը պահանջեմ զայդ քեզ-  
մէ :

— Խօսք տուր , զաւակս , որ սիրտդ թունդ  
չի պիտի ելնէ :

— Կը խոստանամ :

— Երդում՝ ըրէ որ տիկնոջս տալու անունը ամենեւին բերնէդ չի պիտի հանես :

— Կ'երդնում առաջի երկնից : Սակայն եթէ հարկը պահանջէ ի՞նչ ընեմ յայնժամ :

— Բերանդ գոց պահես : Մտածէ՛ որ եթէ իս մատնե՛ս, տղաներուս հօցը բերներնուն կը կտրես :

— Լաւ ուրեմն, կը խոստանամ լռելու :

— Երդում ըրէ :

— Կ'երդնում :

— Անանկ է նէ մտիկ ըրէ հիմա : Քու սիրած Արաքսիադ սիրուհին է քու Սիսակիդ :

— Ո՛հ, ի՛նչ սոսկալի ամբաստանութիւն է այդ :

— Եկու տես որ եղածն ալ այս է :

— Ի՞նչ կ'ըսես, Իսկուհի՛, Արաքսիան ջանաց ամեն ինչ կարգադրել երբ Սիսակ թուէր ինձմէ հեռանալ, և կ'ուզե՞ս որ նա ինձ դէմ դաւակցի :

— Այո՛, գործդ կարգի դնելով իրեն գործը կը շտկէր, կ'իմանա՞ս :

— Ոչինչ կը հասկնամ, բացարձակապէս խօսէ :

— Արաքսիա դիչերով Սիսակը ներս տաւ Արգարեաններուն ասնը մէջ :

— Այո՛, տեղեակ եմ : Այդ ժամադրութեան շարժում իթն էր իմ վրդովեալ սրալիս ապահովութիւն տալու անչա՛հախնդիր բաղձանքը :

— Դուն այդպէս գիտցիր, խեղճ աղջիկ : Այդ երկուքը չ'առնալով դիչերուան մէջ Կէֆ կ'ընէին : Այդ խայտառակ Արաքսիան քու հաւնած աղջիկդ է, տե՛ս :

— Կը հայհոյես, Իսկուհի՛, լռէ՛ :

— Չեմ կրնար լռել, սէտք է որ ամեն բան գիտնաս :

— Խեղճ բարեկամուհիս ամուսնութիւնս հաստատելու կ'աշխատի, և դու զայն իբր նենգաւոր կ'ուզես ներկայել :

— Եւ է :

— Ո՛վ կը վկայէ :

× — Տիկին Արգարեանը, աւելի՞ն կ'ուզես :

— Տիկին Արգարեան՞ը :

— Հիմա հաւատացի՞ր : Թէ կ'ուզես եկուքեզ այդ Տիկինին տանիմ, ու ամեն բան անոր բերնէն իմանաս :

— Այդ շի բաւեր ինձ տակաւին, մանրամասնաբար պատմէ գիտցածդ, զի կ'ըմբռնես անշուշտ որ Տիկին Արգարեանի տունը ես չեմ կրնար երթալ :

Յայնժամ Իսկուհին պատմեց բոլոր մանրամասնութեամբը զոր ինչ իմացած էր Տիկին Արգարեանէն : Թէ Սիսակ կ'ուզէր իւր հետն ամուսնանալ մի միայն հարստութենէն օգտելու և Արաքսիայի հետ յարաբերութիւնները շարունակելու համար. թէ Տիկին Արգարեան ունկնդիր եղած էր բոլոր իրենց խօսակցութեան, և ապահատես իրենց անվայել վարմունքին . որով նոյն իսկ հետեւեալ օրն՝ որ կը յաջորդէր այդ ամօթալից գիշերուան, Տիկինը վանած էր զիւր վարժուհին և պատուիրած էր Սիսակի ոչ եւս իւր տան մէջ ոտք կոխելու :

Վարդանոյշ բառ չ'ունէր օրտասանելու այդպիսի փճոռական տեղեկութիւններէ վերջը :

Մանաւանդ որ յիշեց այն տարտամ և բռնազ-  
բօսիկ պատճառարանութիւնքն որոնցմով կը պա-  
տասխանէր Արաքսիա մէն մի անգամ որ հար-  
ցուցած էր անոր իւր յանկարծական մեկնելուն  
պատճառն Արգարեանց տունէն :

Երանեանց վշտահար աղջիկը կը կարծէր ճշը-  
դիւ ըմբռնել Արաքսիայի արարութեան պատճա-  
ռը, նա մանաւանդ երբ ազգազայ երջանկու-  
թեանը վրայ կը խօսէր : Աը մտածէր կոյսն թէ  
տարակուսելու իրաւունք ոչ եւս ունէր երբ Տի-  
կին Արգարեանի նման վկայ մի կար մէջ տեղ :

Վարդանոյշ ամեն կարեկցութեան արժանի  
էր . զի որչափ մօտ կարծեց ինքզինքն երջան-  
կութեան, նոյնքան այդ հեռացաւ իրմէ : Մէկ  
հարուածով երկու սէր կը ջատկախուէին, հա-  
ւատքը, յոյսը կը փոշուէին, և կը մնար գէմ  
յանդիման հրէշային մատնութեան մի հանգէտ :

Ի պահանջել հարկին Վարդանոյշ կրնար բմ-  
բռնել անհուատարմութեան օրինակ մ' Սիսակի  
կողմանէ, զի այդ անկարելի ինչ շէր երիտա-  
սարգի մի հատար : Բայց խաբուի՛լ բարեկամու-  
հիէ մի զօր իրր քոյր նկատած էր միշտ, զայդ  
շէր ըմբռներ նա :

Վարդանոյշ ոչ լացաւ և ոչ ալ յուսահատու-  
տութեան ցոյցեր տուաւ ի ներկայութեան այդ  
կնոջ . միայն թէ յայտնեց մտադիր լինելն խը-  
զելու ամեն յօդ սիրոյ և բարեկամութեան եթէ  
իւր կասկածները ցրուելու շի յաջողէր : Սակայն  
որոշեց ոչինչ յայտնել ծնողացն թէ՛ Սիսակի և  
թէ՛ Արաքսիայի նկատմամբ, քանի որ երկուքն  
ալ բացակայ էին, և մանաւանդ երբ Սիսակ զին-

բըն չէր խնդրած ի կնութիւն տակաւին : Նոյն լռութիւնը սրահանջեց Իսկուհիէն եւս այդ ցաւալի դէպքին վրայօք :

Երբ կոյսն առանձին մնաց սկսաւ լսլ դառնագին իւր կործած կրկին մատնութեան վրայ : Յուսահատութիւնը չափ չ'ունէր նախ , բայց ապա սկսաւ մտածել թէ գուցէ Իսկուհին սխալ հասկնալով կերպարանափոխ ընէր Տիկին Աբգարեանի խօսքերը , զի կասկածիլ սոյն Տիկինէն մտքէն անգամ չէր անցներ , քանի որ դայն ամեն յարդանաց արժանի կը համարէր , երբ մանաւանդ Արաքսիա երբէք չէր շարախօսած անոր վրայ :

Սակայն կասկածոտ անձանց յատուկ բերմամբ ուզեց այցելել ծնողաց Արաքսիայի , մտածելով թէ գուցէ անոնց խօսքերէն յաջողէր աղօտ լոյս մ'ստանալու պատահած մութ խնդրոյն վրայ : Եւ իրօք անմիջապէս գնաց յայցելութիւն Վարսամեան ընտանեաց :

Տենդը զինքը գրաւած էր , բայլեց արագօրէն , հասաւ տան դրան առջեւ , ուժգին ցնցեց դանգակը , շուան մի բաշուեցաւ ներքնապէս , դուռը բացուեցաւ , ներս մտաւ ազդիկը փութով , դուռը դոցեց , վեր ելաւ , և տեսաւ որ Պ. Վարսամեան առանձին էր , զի կինը դուրս ելած էր :

Վարդանոյշ ուրախացաւ այդ դէպքէն յուսալով օգտիլ ծեր մարդուն պարզմտութենէն : Բայց ի զուր հարց ու փորձ ըրաւ , ի զուր մանրամասնութեանց մէջ մտաւ , ոչինչ իմացաւ , ոչինչ հասկցաւ , եթէ ոչ Արաքսիայի իւր անկեղծ բարեկամուհին լինելը :



Վարդանոյշ կարծես սիրտ առաւ ծերունւոյն  
անկեղծ խօսակցութենէն, և ոտք ելնելով հը-  
րաժեշտի ողջոյնը տուաւ նմա և մինչ կ'անց-  
նէր Արաքսիայի սենեկին առջեւէն՝ դոցէ նա-  
խանձու գաղտնի դրդամամբ, ներս մտաւ ա-  
ռանց ինչ որոնելը գիտնալու . գնաց մերձ խո-  
նարհ գրասեղանին, նշմարեց անդ այլ և այլ  
գրեանք, ու անոնց մէջ տեղէն գիտեց թէ նա-  
մա'լի մի ծայրը դուրս կ'ելնէր : Սիրտ ի թունդ  
մօտեցուց դողդոջուն ձեռքերն անոր, բացաւ,  
կարդաց, և քիչ մնաց որ նուաղէր :

Այդ թուղթն Տիկին Արգարեանի առ Արաք-  
սիս գրած նամակն էր : Կասկածանաց տեղի այլ  
եւս չէր մնար ուրեմն, մտածեց հէգ աղջիկն,  
իւր դժբաղդութիւնը լիուլի հաստատուած էր :  
Առաւ զայդ նամակ, գրոյանը գրաւ, և դար-  
ձաւ ի տուն մահը հոգւոյն մէջ կրելով :

---

### ԳԼՈՒԽ ԽԴ.

Երբ Իսկուհի հաղորդեց Տիկին Արգարեանի  
իւր յաջողութիւնը Վարդանուշի բով՝ դրուժան  
կիներ ցնծաց ի սրտէ : Եթէ ուրիշներն իրեն վը-  
նասեւրու գրապեալ էին՝ գոնէ ինքն անոնց ֆանքն  
ասպարդ իւն կ'ընէր իրապէս կործանելով զանոնք :  
Ուրիշներն իրմէ կը հեռացնէին իւր սիրահարն,  
և ինքն ուրիշներու սիրահարները կը հալածէր  
փոխադարձաբար : Ինքը լքեալ էր, է՞ր ուրեմն  
ուրիշներն եւս չքուէին, կը մտածէր :

Չար հոգիները կը մխիթարուին այլոց թըլ-

ուսումնասիրեամբ ու ազէտքներ բարդելով կը հըրճուին : Աւստի Տիկին Արգարեան վայրենի գոհունակութիւն մի կ'ըզար ցորչափ սիրոյ աւերներ կը դիզէր շուրջը :

Բայց էնչ որ դիներն անհունապէս կը բերկրեցընէր, մանաւանդ սպահնութիւնն էր Սիսակի շահասնդիր խորհուրդները կործանած լինելը : Երիտասարդը զոհած էր գինքն իւր շահուց, բռնական էր ուրեմն որ ինքն եւս զոհէր զնա իւր վրէժխնդրութեան :

Վրիժառութեան գործադրութիւնն այնպիսի սոսկալի և գազանային վայելք մի յինքն կը սարունակէ, որ այդ վայելքն գծաարաւ կրնայ գերազանցուիլ որ և է ուրիշ բերկրալից զգացումէ : Աւստի Տիկին Արգարեան կը յագենար վրիժառութեան պատճառած հաճութեամբն, և զինքը մաշեցնող տառապանաց մէջ դառն մտխոյտութիւն մի կը վայելէր :

Այդ դժոխային սիրտանքէ իսկ զուրկ էր Վարդանոյշ, զի առանց վրէժխնդիր խորհուրդներ կազմելու, ընկղմեցաւ յուսահատութեան անյատակ վհին մէջ :

Որ և է խորհուրդ որոճալը մտաց և սրտի զրազում մ'է դարձեալ : Բայց կատարեալ և լուսահամակերպութիւնը բազդին անողորքելի հարուածոց առջեւ՝ կը նշանակէ յանձն առնուլ ճաշակելու մինչ ցիրուր և ամենայն խղճմտութեամբ ցաւոց բաժակին մէն մի դառնալից կաթիլը : Թուէր Վարդանուշի թէ բնաւ փոյթ չէր իրեն նոյն վայրկենէն եթէ Արարտիա կ'ամուսնանար կամ թէ չէր ամուսնանար Սիսակի հետ, քանի

որ կը կարծէր թէ երկուքն ալ իրենն համար ոչ եւս էին :

Թէեւ կոյսն հաստատ որոշում մի տուաւ՝ մի անգամ ընդ միշտ հալածել երիտասարդին յիշատակն իւր սրտէն , սակայն վաղ ընդ փոյթ գրաց թէ այդ որոշման դործադրութիւնը չէր ինչ այնքան գիւրին : Ի դուր կը ձգնէր քնջել զայդ պատկեր ի սպառ իւր հոգիէն , բայց նա կենդանի և չքնաղ կը հանդիսանար իւր անջեւ որովչս միշտ :

Սրտի բռնութեան հաւասարող ուրիշ բռնութիւն մի կա՞յ արդեօք : Անձն այն որ հոգւոյ արտաստփոր արիութեամբն ի վեր բան զայդ զօրութիւն կը բարձրանայ՝ մարդկութեան մեծագոյն դիւցազուններէն մին է անշուշտ :

Սակայն չորրորդ շարաթն՝ այսինքն Սիւսակի յատկացուցած պոյմանաժամը լրացու , և նա տակաւին չէր վերագարձած ի Պոլիս : Զգիտէր կոյսն թէ ուրախանար կամ ցաւէր անոր չերեւալուն վրայօք : Եթէ երիտասարդը վերադառնար՝ անշուշտ Երանեանց դուտորը մերժողական պատասխանաւն ամեն յարաբերութեանց վերջ պիտի տար իրեն և սիրահարին միջեւ , ու այդ մահու շափ ծանր կը թուէր իրեն , թէեւ ամբայլինդ էր որոշմանը մէջ երբէք չներելու երիտասարդին :

Սիրտը զարմանալի հակասութիւններ ունի որոնց անկարելի է թափանցել :

Բայց եթէ յանգէտս կ'ուրախանար Վարդանոյշ երիտասարդին վերադարձին յապաղման վերայ՝ միւս կողմանէ դժոխմբեր կասկած մի կուգար զինքը շարշարել . կը խորհէր թէ գուցէ Սի-

սակ յաջողած էր Արաքսիայի ուղեկից լինելու : Այդ մտածութիւնը զինքը մահու շափ կը շար-  
 չարէր երբ ոչորմելի կոյսը կը կարծէր անտար-  
 բեր լինել երիտասարդի մասին :

Ո՞վ արդեօք կարողացած է մինչ իւր սրտին  
 յատակն իջնել և թափանցել անոր իրական վի-  
 ճակին :

ԳԼՈՒԽ ԽԵ.

Ներսէս Մանչէսթըր կը գտնուէր միշտ, հոն  
 բազմադրազ կեանք մի կ'անցունէր, և անդու  
 աշխատութեանց մէջ կը ճգնէր Արաքսիայի յիշա-  
 տակը թաղել : Գործողութիւններէ դուրս սլա-  
 բապոյ ժամերն ուսման կը նուիրէր. գիտու-  
 թեանց անսահման դաշտին մէջ կը կորսուէր,  
 կը հետախուզէր, կ'ուսումնասիրէր, կ'ուսանէր,  
 և միտքը շարաշար յոգնեցնելով կը կարծէր սիր-  
 տըն հիւծել, և մի անգամ ընդ միշտ անշար-  
 ժութեան դատապարտել զայն :

Երիտասարդը կ'զգուշանար սակայն սրտին  
 վիճակին վրայ որոշ գաղափար մ'ատանալէ : Գա-  
 տապարտած էր զայն առանց անոր դատը լը-  
 սելու արամադրութեան. ինք մահուան են-  
 թարկած էր զիւր սիրտ իրօք : Բայց պատճառ  
 մ'էր արդեօք որ իւր սիրտը չբողոքէր ու մեռնէր :

Ներսէս կը խաբուէր ինքզինքն ի սիրոյ բու-  
 ժած համարելով. նոյն իսկ ճգունքն զօր կ'ընէր  
 մտացն անընդհատ ճարակ մատուցանելու հա-  
 մար՝ ասպացոյց մ'էր այն երկիւղին որով համակ-

ուած էր սրտին իշխանութեանն հարստակելու :

Արգարեանի որդին կը թղթակցէր իւր երկու փոքրիկ քոյրերուն հետ . այդ թղթակցութիւնը թէեւ հաճոյալից էր իրեն , վասն զի անկեղծ և սիրայորդ զգացմանց արտայայտութիւնը կը տեսնէր հոն , միւս կողմանէ իւր աննպաստ կողմն եւս ունէր . զի աղայք՝ որոնց սրտին մէջ վառ մնացած էր իրենց վարժուհւոյն դաղափարն , ամեն անգամ անոր վրայ կը խօսէին անմեղ հոգւոյ մի մասնաւոր գորովանօքն և խանդիւր :

Ջրիշատակ անցեալ օրերու կը զարթուցանէին Ներսէսի մտաց մէջ , յիշատակելով այն բարեբաստ ժամանակն ուր իրենք երջանիկ կ'ապրէին երկու սիրելեաց ընկերութեամբ :

Նրիտասարդ Արգարեանը կը յուզուէր ընթեանելով զայդ սողեր , և այդ յուզումն առաւել արգահատական զգացում մի կը համարէր քոյրերուն նկատմամբ քան թէ վաղնմի համակրութեան մի հետքը : Եւ այց սա ստոյգ է որ աղայոց նամակները միշտ ակրախառն գոհունակութիւն մի կ'ապրէին իրեն , որում կը յաջորդէր զգալի մեղամաղձոտութիւն մի :

Ներսէս խոյս կուտար ընկերութենէ և ամեն երիտասարդական հեշտութիւններէ : Ջինքն իբր վայրենի անձ մի կը նկատէին ի Մանչէսթըր , թէեւ ամենուրեք իւր դորձունէութիւնը կը գոզէին և իւր յաջողակութիւնը՝ խորհրդոցն ու անոնց դորձագրութեան մէջ :

Նրիտասարդը կը յառաջադիմէր , ապաղայն զգալի կերպիւ կը բարւոքէր , իւր անձնասիրութիւնը գոհ կը լինէր նկատելով զարդիւնքն աչ-

խատու թեան, բայց իւր սիրան օտար կը մնար այդ գոհունակութեան: Քանի մ'ամիս առաջ փափարող էր Առջիլտի հարստութեան, բայց նոյն պահուն սիրտը նպատակ չ'ունենալով՝ բաղդին խորթ զաւակը կը համարէր ինքզինքը:

Աեանքը կը նկատէր իբր բանաւոր տէր մի որում ծառայելու պարտաւորած էր դասալիբ չ'լինելու համար: Թուէր իրեն թէ պիտի սկսէր ապրիլ նոյն վայրկեանն որ մահուան զանգակն հնչէր ականջին: Դառնութեամբ կը նայէր կենաց, սրտին դատարկութեանն կը դանգատէր, երբ ընդհակառակն սիրայորդ էր այն. և երբ զիւր անձ մեռած կը համարէր սիրոյ համար, չ'գիտէր թէ կենդանութեամբ լի էր տակաւին:

Արաքսիա իւր կողմանէ կը տառապէր, զի կ'իմանար թէ ինքն թիւրիմացութեան խղճալի զոհն էր եղած: Աը յուսար տակաւին, զի վտահ էր իւր սիրեցեալ անձին ազնիւ զգացմանց վրայ. բայց սոսկալի կասկած մի կը նեղէր զինքն. այն էր թէ զուցէ Ներսէս նուիրէր վերջապէս զիւր սէր ուրիշի, իւր անմեղութեան վրայ անտեղեակ մնալով: Ա՛՛՛մ է այդ գէտքը պատահէր, մըտաղիր էր նա ծնողացը նուիրել ամբողջ իւր կեանքն, առանց որ և է ուրիշ ամուսնութեան խորհուրդ ընելու:

---

### ԳԼՈՒԽ ԽԶ.

Տիկին Հարթմանեան՝ որում կ'ուզեկցէր Արաքսիա, վայելչագեղ անձ մ'էր, ազնիւ հոգի մի, պատուակիր և զգայուն արարած մի: Աը սիրէր

հոգւով չափ ամուսին մի որ պարտադանցութիւնը բողոքիկելու բնու վայթ չէր ընկեր : ~~Ենոր~~ Հայի մանկամարդը չէր գանգատեր , այլ սիրտը կ'արիւնէր լսին և մարմինը կը վատթարանար զգալի կերպիւ . բժիշկներն յորդորած էին զսրտաբեկ տիկինը ճանրորդութիւն մ'ընելու . նա հեռացած էր ամուսինէն՝ սէրն ու վիշտն հետը տանելով :

Տիկին Հարթմանեան և Արաքսիա կապուեցան իրարու այն համակրանք որ տեղի կ'ունենայ երկու վշտահար հոգիներու միջեւ : Երկուքն ալ իրենց տառապանաց վրայօք խօսելէ կ'զգուշանային , բայց երկուքն ալ փոփոխակի իմացան թէ բախտին հալածեալի մի ընկերացած էին :

Յուր լուս պերճախօսութիւն մ'ունի զոր շուտ կ'ըմբռնէ սգահար սիրտ մի : Աւստի երկու կանանց մէջ կարծես սգոյ համերաշխութիւնն հաստատուեցաւ , իրարու համար արգահատութիւն ունեցան , թէեւ իրենց գաղտնիքն իրարմէ սրահեցին :

Աւրովոյ զլիսաւոր մայրաքաղաքաց կ'այցելէին մեր երկու երիտասարդուհիք , այլ և այլ առարկայներ կը տեսնէին , կը ղննէին , կը զարմանային , բայց ամեն ինչ ամենց համար սեւով նկարուած էր կարծես :

Հասան Լոնտոն ու հո՛ն Արաքսիա մասնաւոր յուզմամբ գրաւուեցաւ գիտնալով իւր մերձաւորութիւնը Ներսէսի : Ար խորհէր թէ բազղը գուցէ զերիտասարդն իւր ճանրուն վրայ կը դընէր , և թէ ինքն ուղղակի առ այն երթալով կը յաջողէր ինքզինքն արդարացնելու : Բայց ի զուր

չուրջը կը նայէր, ի զուր հոգին կը տրտիէր երբ հեռուէն իւր պաշտած անձին նմանող մէկը կը նշմարէր. Ներսէս ոչ ուրեք էր, պատրանք:

Բուռն անձկութենէ մղեալ՝ Արաքսիա վայրկեան մի յօժարութիւն ունեցաւ յայտնել Տիկինն Հարթմանեանի իւր հոգւոյն գաղտնիքն, և խնդրել անկէ որ մինչեւ Մանչէսթըր ուղեւորին: Վստահ էր որ իւր արնուամիտ արուհին կը կատարէր իւր բաղձանքն, յենչով այն համերաշխութեան վրայ որ վշտակիր քոյր հոգիներու միջև կը տիրէ. բայց մտածեց թէ գուցէ Ներսէս ոչ եւս կը գտնուէր ի Մանչէսթըր. և եթէ էր տակաւին, երկիւղ զգաց հաշտութեան փորձն ապարդիւն մնալուն վրայօք, որով իւր արժանապատուութիւնը մեծ հարուած մի կ'ընդունէր տիկնոջ առջև:

Արժանապատուութեան վերաբերող փափուկ խնդիրներ կան, զորս մարդ ոչ միայն այլոց կը դժկամակի յայտնել, այլ եթէ կարելի լինէր անձէն իսկ կը ծածկէր:

Մինչ կը տատանէր Արաքսիա այդ աւաջարկն ընելուն կամ չընելուն վրայ, ահա Տիկինն Հարթմանեան որ հազիւ շարթուան մի այցելութենէ վերջը, Լոնտոնի հրաժեշտ տալու դիտաւորութիւնն յայտնեց, առարկելով սոյն մայրաքաղաքին չար ներգործութիւնն իւր աւուղջութեանը վրայ:

Ամեն յոյս մեռած էր ուրեմն Արաքսիայի համար. ու վայրկեան մի Ներսէսի հետ հաշտութեան յոյսն աչացը փայլելէն վերջը մթաղնեցաւ վերստին:

Անդրիոյ մայրաքաղաքին մէջ ամեն ինչ ահա-



գին դըրդում և կենդանութիւն էր . բայց Արար-  
սիայի թուէր ընդ հակառակն թէ բոլորովին ա-  
մայութիւն էր իւր շուքը : Հետի էր իրմէ իւր  
պաշտած անձն , որով զուրկ էր կենսական տար-  
րէն :

ԳԼՈՒԽ ԽԵ .

Յետ արձակման Արարսիայի՝ աւելորդ համա-  
րեց Տիկին Արգարեան հայ լեզուին ուսմունքն  
յառաջ վարել իւր որդւոց համար , քանի որ  
կը համարէր հայերէնն իբր մեռեալ բարբառ մի ,  
որ օգտակար կրնար լինել միայն վարժապետի  
պաշտօնը վարելու սահմանուած անձանց , և ոչ  
թէ ընկերութեան մէջ փայլելու վիճակուած մե-  
ծատոհմ օրիորդաց . զի ըստ Տիկին Արգարեանի  
կը բաւէր հարուստ լինիլ տոհմային ցեղի մի բո-  
լոր յաւակնութիւններն ունենալու համար : Ուս-  
տի գաղղիացի դասատուի յանձնեց իւր երկու  
աղջկանց գաղղիերէն սորվեցնելու հօգն , ինչ-  
պէս գերման վարժուհւոյ մ' զանոնք կրթելու և  
անոնց մօտ աւրելու պաշտօնն :

Գերմանուհին հասակաւ որ աղջիկ մ'էր , անա-  
խորժ ու ցուրտ արարած մի , որ ոչ այլ ինչ գի-  
տէր բայց մեքենայի ճշդութեամբ յառաջ վարել  
կեանքն , իբր թէ պարզ նիւթական գործիք մի  
լինէր այն : Հագուելու , քայլելու , խօսելու և  
գործելու եղանակն , ամեն ինչ մէկ խօսքով ,  
կարծես կարկինով չափած էր : Երբէք չէր յայտ-  
ներ յանկարծական բաղձանք մի , պէտք մի ,

խնդութիւն մի, տխրութիւն մի: Իւր կիրքերն այնպէս կարգադրած թուէր լինել որ միշտ շախարհերական ճշգրտութեամբ կը շարժէին առանց իրենց ընթացից մէջ անկանոն շարժում մ'ընելու: Բայ ի դասախօսութեան ժամանակէն, բառերը խիստ սակաւ թիւ էին, և բերանը կը բանար միայն երբ հարկը պահանջէր, դիտողութիւն մ'ընելու և կամ պատուէր մի տալու համար:

Այդ հասակաւոր ազնիկն երբէք զորոշոյ բառ մի չունէր տղայոց համար. կարծես զինուորական մ'էր որ զօրացն հպատակութեան և ճշգրտութեան ակնդէտ էր միայն:

Տարիքոտ ազնիկները դողցես շեն ներք ուրիշ կանանց իրենց ամուսնական և մայրական երանութիւնն, ու ինքզինքնին արհամարհած համարելով ոչ մէկու մ'ուշադրութիւնն ու սէրը գրաւած չ'լինելուն համար, իրենց դատնութիւնն ընկերութեան վրայ կը ժայթքեն, ու այնու եղանակաւ իրենց վրէժը կը լուծեն:

Յետ սրտագրու վարմունքին Արաքսիայի՝ դժուար էր տղայոց հաշտ աչօք նայիլ և առանց զգածուելու իրենց նոր վարժուհւոյն խիստ ձեւերուն: Բայց խեղճ արարածները բնաւ համարձակութիւն չ'ունէին իրենց մօր գանգատ մ'ընելու գերման վարժուհւոյն խստութեան վրայօք, քանի որ մէն մի անգամ որ Տիկին Արգարեան իւր դժգոհութիւնն ուղէր յայտնել մանկանց, կ'ըսէր. « Անշուշտ Արաքսիայի նման բնաւորութեամբ թոյլ վարժուհի մ'ունենալնուդ համար է որ անկիրթ եղաք: »

Թող թէ Տիկին Աբգարեան անտարբեր էր  
գիտնալու թէ ո՞ր եղանակաւ կը վարուէր վար-  
ժուհին իւր զաւակացը հետ, այլ եթէ նոյն խնի  
ճանաչէր խստութիւնն գերմանուհւոյն, գոհ կը  
լինէր մանաւանդ, զի այնպէս կը մտածէր թէ  
տղայք խարազանաւ կը կրթուին և ոչ թէ քաղ-  
ցրութեամբ: Մանաւանդ որ մանաւոր գոհու-  
նակութիւն մ'ալ ունէր նոր վարժուհւոյն նը-  
կատմամբ, այն էր անոր տղեղ և հասակաւոր  
լինելն, որով ի նա դարձեալ նախանձորդ մի  
դաննելու երկիւղէն ազատ էր:

Բայց Աղանի՝ իբր փափուկ տունկ որ սէտք  
ունի արեգական ջերմութեան, կը գունատէր ու  
թարմութիւնը կը կորսնցնէր այդ կնոջ սառած  
չունչին ներգործութեամբ: Արաքսիայի սիրալիր  
և ջերմ մթնոլորտին շնորհիւ աղջիկն աճած էր  
և բարգաւաճած. այդ կենսատու մթնոլորտէն  
զրկուելով՝ գլուխը ծածակնկոր կը բայլէր կե-  
նաց մէջ:

Արմինէ թէեւ ցաւ կ'զգար Արաքսիայէն հե-  
ռանալովն՝ այսու հանգերձ ոչ իւր զուարթու-  
թիւնը կը կորսնցնէր, և ոչ ալ իւր սուղջու-  
թեան վնաս կը հասցնէր: Փոքրիկը կը համակեր-  
պէր ամեն վիճակի, կ'երգէր, կը խայտար, կը  
ցատքատէր, որչափ որ կարելի էր խիտ հրամա-  
նատարութեան ներքեւ:

Զգայուն բնութիւնները քան զսովորական  
կաղնութիւններն աւելի կ'զգան զամեն ինչ, և  
մանաւանդ վիշտը: Յաւը վայրենի ու դառն հա-  
ճոյքներ ունի որ զհոգին պեղելով կը հրճուե-  
ցընէ: Տառապանքն ունի իւր բանաստեղծու-

Թիւնն ինչպէս և ուրախութիւնը : Մին աշնանային մութ գիշերուան եղերերդն է . միւսը դարնանային լուսաղարդ և գեղեցկարոյր առաւօտեան զուարթ երգն է : Խաւարն ունի իւր խորախորհուրդ և մութ հեշտութիւնն , ինչպէս լոյսն ունի իւր սրտագրաւ և ուրախալից վայելքն : Առաջինն առաւել դժուարըմբունելի է , զի փափուկ և զգայուն հոգիներու աւանձնաշնորհութիւնն է . մինչ միւսը ամենուն զիւրամատչելի է :

Աղաւնին կը մաշէր իւր նախկին վարժուհւոյն կարօտիւ . բայց ասպահով էր թէ անհրնար էր տեսնել զնա , բանի որ մայրը բացարձակ հակառակութեամբ կը խօսէր անոր դէմ : Գո՞նէ եթէ եղբայրն ունենար . բայց անկէ եւս զուրկ էր : Աւտի այդ կանխահաս մանուկն յինքըն ամփոփուելով՝ տառապանաց դպրոցին կ'աշակերտէր առանց ոչինչ յայտնելու քրոջն , որ իւր տարիքին սեպհական անտարբերութեամբը կ'ապրէր :

Աղաւնին հասուն աղջիկն էր որ կը մտածէր , կը խորհէր , կը ցաւէր ու կը համակրէր : Արմինէն տղայութիւնն էր իւր անհոգութեամբն և աշխուժիւր . տղան չափահաս մտաց բարձրութեան չի հասնիր երբէք : Հետեւապէս Աղաւնին կը թողուր իւր քրոջ խինդն , աղմուկն և գոհունակութիւնն , անձին վերապահելով կարօտն ու սուգը :

Մեղամաղձստութիւնը դրաւեց զԱղաւնին և հետզհետէ զօրանալով , տկարութիւնն յաջորդեց մեղամաղձային այդ վիճակին , բայց վարժուհին

իւր խառութեանը մէջ ամփոփուելով աղուն կացութիւնը բնաւ չէր նշմարեր : Իսկ Տիկիին Աբղարեանի գալով ուշադրութիւն անգամ չէր ըններ : Եւ երբ իւր ամուսինը, ճշմարիտ հօր մի անձկութեամբ, ահով կը յայտնէր գուկին վրտափլը, Տիկիինը կը պատասխանէր թէ Աղաւնի ոչինչ ունէր, և թէ տղայք աշնան ժամանակ ենթարկուած են այլ և այլ թեթեւ անհանդստութեանց :

Աղաւնի եղբօրն ոչինչ գրած էր իւր վիճակին վրայօք, մտածելով թէ նա դառն կասկածանաց կրնար մատնուիլ : Եւ սակայն Ներսէս միակ անձն էր որ զինքը կրնար հասկնալ ու իւր պէտքը լրացնել : Այսպէս ուրեմն կը ցանուէին սերմունքն հիւժող հիւանդութեան մի որ աղիտարեր պիտի լինէր շնորհալի մանկան :

---

ԳԼՈՒԽ ԽԸ.

Գրեթէ երեք ամիսներ յաջորդած էին Սիսակէն յատկացեալ պայմանաժամին, և երիտասարդը տակաւին վերադարձած չէր ի Պլոխս : Ի՞նչ հանդիպած էր նմա :

Փորը Ասիոյ կողմերը գաւառացի մը դատ մ'ուներ, ու այդ դատ գնացած էր շահիլ Միսակ :

Գաւառացի Պ. Գրիգորը զիւր փաստարան ընդունեց մասնաւոր մեծարանօք ու հիւրընկալեց զնա իւր տան մէջ, հաշուելով թէ մեծարանաց սաստիւթիւնը կրնար նպաստել դրամ հատուցանելու մասին նուազ առատածեռն լինելու :

Պ. Գրիգոր հասակաւոր այրի մարդ մ'էր որ իւր երրորդ կնոջմէն միայն զուակ մ'ունեցած էր . բայց տղուն ծնունդը մօրը մահը պատճառած էր :

Պ. Գրիգոր իրեն հասակակից այրի քրոջը յանձնած էր որդւոյն խնամատարութեան պաշտօնն իւր տան մէջ . ու մանուկն անեցաւ այնպիսի գեղով, որ շնորհաց իբր հրաշալիք կը ներկայանար երբ տանն և հինգ տարեկան էր՝ այսինքն նոյն ժամանակին ուր Սիսակ զինքը տեսաւ առաջին անգամ, գաւառացւոյն հիւրը լինելով :

Բազում փեսայացուներ խնդրած էին զօրիորդըն ի կնութիւն, բայց Պ. Գրիգոր մերժած էր զամենքն ալ, մասնաւոր նպատակ ունենալով իւր դուստրը բազդակից ընելու այնպիսի մարդու մի որուն փայլուն վիճակէն ինքը կարենար մեծ շահեր ակնկալել : Այդ մարդը միակ գլխաւոր նպատակ մ'ունէր երկրիս վրայ՝ այն էր ուկի գիղել . փառք, պատիւ, արժանապատուութիւն, զամեն ինչ կը զոհէր իւր արժաթապաշտ ճաշակին : Միշտ այլոց դէմ դատ բանալու առիթ կը փնտռէր, ու չկար որ և է միջոց զոր արհամարհէր իրաւունք ստանալու համար :

Ահա բաւական մեծ գումար մի վտանգի ենթարկած էր նոյն պահուն, ու մեր գաւառացւոյն հակառակօրդն ազդեցութեամբ զօրաւոր մարդ մի լինելով, Պ. Գրիգոր խոհեմութիւն համարեց յանձնել զիւր դատ սղոյսեցի փաստաբանի մը ճարտարութեան, ու այդ նպատակաւ Պոլսոյ ծանօթներէն խնդրեց մի մասնագէտ՝ այնու

պայմանաւ սակայն որ պահանջումները չափաւոր լինէին :

Միսակ յանձնարարուեցաւ ուրեմն Պ. Գրիգորի, ու ներկայացաւ նմա իբր օրինաւոր փաստաբան, ձեւերն առնլով անձի մի որ վստահ էր ըրածին վրայ, ու տեղեակ արուեստին ամենայն նրբութեանց :

Մեր փաստաբանն այն ինչ տեսաւ զերիտասարդուհին, շլացաւ անոր գեղեցկութենէն ու մըտադիր եղաւ գրաւելու զայն : Գծուարին փորձ մի չէր անոր համար երբ գեղեցիկ սեռն որսալու արուեստին մէջ նշանաւոր հանգիստացած էր, նա մանաւանդ որ անմեղ ազնիւ մի : զլիւ է հանելու վրայ էր խնդիրը :

Իրօք հազիւ երկու շաբաթներ անցած էին, ու անփորձ գեղանին սիրահարութեան ալեկոծութեան մէջ անկամ էր արդէն : Միսակ խոստացաւ անոր հետն ամուսնանալ, ու յայտնեց թէ մասնաւոր պատճառներու համար հարկադրած էր նշանաւորութիւնն յետաձգելու : Առանց դժուարութեան հաւատացուց աղջկան թէ ամեն ջանք պիտի ընէր փութացնելու իրենց ամուսնութիւնն, և թէ ընդ փոյթ յաջողելու համար իւր գաղտնապահութեան կը կարօտէր :

Անփորձ արարածն ոչ միայն խոստացաւ իրմէ պահանջուածն, այլ անխիղճ երիտասարդին սիրոյ թակարդին մէջ անկաւ ամբողջապէս :

Իսկ Միսակ մոռցաւ թէ իւր պայմանաժամը լրացած էր ի Պոլիս : մոռցաւ իւր շահերն, ու այն բուռն եռանդեամբ և ծայրայեղութեամբ որ յատուկ էր իւր անսանձ բնաւորութեան,

սիրոյ աղմկալից կենաց մէջ թաւալեցաւ գլխիկոր :  
Բայց ինչպէս ամէն կիրք որ չափազանց է՝ Սի-  
սակի տրտմանքը շատ շուտ սպառեցաւ : Եւ երբ  
զգաց թէ իւր բաղձանքներն յագեցած էին, եր-  
կարածգած դատը փութաց յաջողութեամբ ա-  
ւարտել, և իրեն խոստացուած չափաւոր դուժա-  
րը ստանալէն վերջը նոյն իսկ անոր ձեռքէն ո-  
րուն ի փոխարէն աղջկանն անպատուութիւնը  
կը թողուր, ընդ փոյթ վերագարձի խոստմամբ  
ու յարատեւ սէր խոստանալով գեղանւոյն, մեկ-  
նեցաւ Սիսակ արտասուր և սուգ թողլով իւր  
քմահաճութեանց դիւրոսաբ գոհին :

Անխիղճ ճարդիկ կան որք սրտերու հետ կը  
խաղան ինչպէս տղայք իրենց խաղալիկներուն  
հետ, զորս քիչ ժամանակ վայելելէն վերջը, կը  
ջախջախեն մէկ կողմ նետելով, զնորանորս ստա-  
նալու ակնկալութեամբ :

Սիսակ այդ կարգի մարդկանց տխուր պատ-  
կերն էր . միայն իւր շահն և հաճոյքը կը ճանա-  
չէր, անփոյթ այն աղետից զորս իւր քմահաճ և  
փաղանցուկ կիրքերը կրնային յարուցանել : Իւր  
մէկ փայրկենական հեշտութեանն համար մշտա-  
տեւ սրտասուաց աղբիւր մի բանալու բնաւ խիզճ  
չ'էր ըներ :

---

### ԳԼՈՒԽ ԽԹ.

Առաւել քան երեք ամիսներ սահած էին երբ  
Արարքիս վերագարձաւ ի Պոլիս յետ իւր ուղե-  
ւորութեանն յԵւրոպա, առանց իւր բարոյա-



կան վիճակը փոփոխութիւն կրած և առանց մասնաւոր ուշադրութեան զէպք մի պատահած լինելու :

Արաքսիայի համար սմեն կարեւորութեան արժանի նիւթ յանձին Ներսէսի բովանդակուած էր . քանի որ անոր չ'էր հանդիպած , իւր ճան- բորդութիւնն ոչ այլ ինչ նպատակ ունեցած կը լինէր եթէ ոչ ծնողացը նիւթական պիտոյքն հայթհայթած լինելու գոհունակութիւնն , և բարեկամուհի մի շահած լինելու գիտակցութիւնն յանձին անուասիրտ Տիկին Հարթմանեանի :

Արաքսիայի վերադարձին օրն իսկ Սրտակ պատահմամբ ի մայրաքաղաքս կուգար , քաջայոյս լինելով ծածկել սուտով մի յաշաց Աարդանուչի իւր երկար բացակայութեան պատճառը :

Մարդիկ կան որ ոչ միայն խաբէութեան մէջ ամօթ չ'են տեսներ , այլ ընդհակառակն ճարպիկութիւն կը համարին այդ անարգ միջոցաւ յաջողիլ :

Իսկ Աարդանուչի գալով , վշտահար աղջիկն որ վիրաւորեալ էր իւր արժանապատուութեան մէջ , յուսաց դիւրաւ բուժիլ անարժան սիրոյ մարտիրոսութենէն : Բայց նկատելով իւր անկարողութիւնը՝ ջնջելու՝ զիւր հոգին գրաւող յիշատակը , սկսաւ վհատիլ , հիւժիլ , տկարանալ , և վերջապէս այնպիսի յուսահատ կացութեան մէջ անկանիլ մինչև ամէն բժշկական ֆանքերն ապարդիւն թողլու :

Պարոն և Տիկին Երանեան անհուն մտատանջութեան մատնուած էին , ու զօրովագութ ծընողաց յատուկ սրտայուզութեամբ կը տանջուէ-

ին : Իրենց դասեր հիւանդութիւնը Սիսակի բացակայութեան վերադրելով, մեծ անհամբերութեամբ անոր վերադարձին կը սպասէին : Մանաւանդ որ ոչինչ գիտէին ո՛չ Սիսակի ուր գլտնուելուն վրայ, ո՛չ իրենց դասեր դժգոհութեան մասին երիտասարդին նկատմամբ, և ո՛չ անոր հետ չամուսնանալու խորհրդոյն վրայ :

Վարդանոյշ ամեն ինչ ծածկած էր ծնողքէն հարկ եղած ժամանակն իմացունելու համար անոնց թէ ոչ եւս յօժարամիտ էր իւր փոփաքած ամուսնութիւնն ի կատար հասցնելու, առանց սակայն յայտնելու անոնց այն մատնութիւնն որում զոհ եղած լինել կը կարծէր, զի կ'ամչնար խոտոտվանելու թէ խաղալիկ եղած էր այն բարեկամուհւոյն իսկ զոր ոգւով չափ պ սշտած էր, ինչպէս և այն սիրահարին որում ամէն ինչ զոհելու պատրաստ էր :

Սիրտն ունի իւր արժանապատուութիւնն, և պարտեալ կը թուի երբ պատրանաց կ'ենթարկուի :

Բայց Վարդանուշին վիճակն որ աւուր այնպէս ծանրացաւ որ աղետալի վերջի մի սպասել կուտար : Թէեւ անկողնոյ չ'էր ծառայեր, սակայն գրեթէ անկարող էր նստարանէն վար իջնել առանձինն, ու նիհարութեան սոսկալի աստիճանի հասած էր :

Արաքսիա իւր կողմանէ կը շարունակէր ծածկել ծնողքէն ամուսնութեան յոյսերուն տասպալումը, խնայելով անոնց ծերութեան : մանաւանդ լուս գիտնալով թէ հօրը մարտիրոսութիւնն անմիջապէս պիտի սկսէր, իւր կնոջը դառնութեան

նշաւակ լինելով, այդպիսի դժբախտ սրտահա-  
րի մ'առթիւ :

Արաքսիա հարց ու փորձ ըրաւ Արանեան ըն-  
տանեաց ինչպէս և Սիւսակի վրայօք : Այս վերջ-  
նոյն բացակայութեանն եր'լարաձգուելու մասին  
զարմանք յայտնեց, ինչպէս և ցաւ՝ Վարդա-  
նուչի կացութեանը վրայ : Իւր վերադարձին հե-  
տեւեալ առաւօտուն գնաց փութով այցելելու  
զհիւանդ բարեկամուհին զոր կատարելապէս կը  
սիրէր միշտ, թէեւ պատճառ էր իւր աղէտից,  
իրբ մայր որ ներելով իրեն տաղնապ հասցնող  
զուկին, ներքնապէս կը ցաւ ի այլ իրովին կը պաշ-  
տէ զայն :

---

### ԳԼՈՒԽ Ծ.

Երբ Արաքսիա մտաւ Վարդանուչի սենեակն  
ուր նա առանձին էր նոյն միջոցին, սաստիկ  
սարսափեցաւ անոր դիմական փոփոխութենէն,  
և առ այն ընթանալով թեւատարած փորձեց  
գրկացը մէջ առնուլ զայն, երբ հիւանդ աղջկան  
խիստ շարժումն ու խոժոռ նայուածքը կասե-  
ցուց զինքը կեցած տեղին վրայ :

— Ի՞նչ է այդ դժգոհ ձեւը, Վարդանո՛յշ,  
ըսաւ Արաքսիա կատակի եղանակաւ, դուրս եր-  
թալովս մոռցուեցա՞յ արդեօք :

Աւ երբ կրկին անգամ Արաքսիա մերձեցաւ  
հիւանդին զինքն ողջագործելու համար, դառ-  
նացած աղջիկը նոյն դժգոհ կերպարանօք գլու-  
խըն ետ քաշեց առանց բնաւ կարենալ բառ

մ'արտասանելու, այնչափ յուզեալ էր ի տես  
արարածին զոր կը կարծէր իւր երջանկութեան  
աւերիչը :

Բայց Արաքսիա նկատելով որ հիւանդն ոչ  
միայն կատակ չէր ըներ այլ ընդհակառակն խիստ  
զգածուած կը թուէր, հարցուց պատճառն այդ  
ցուրտ ընդունելութեան, ըսելով .

— Վարդանոյշ, զքեզ ոչ եւս կը ճանաչեմ  
սառնապատ ձեւերուդ ներքեւ :

Ազդկան կուրծքին խիստ գշալի ելեւէջներն  
ու լուսութիւնը շատ իսկ կը յայտարարէին իւր  
ներքին վիճակին անձկութիւնը :

— Կը թախանձեմ քեզ, սիրելի՛ս, յարեց  
Արաքսիա աղերսագին, հանդարտէ՛ և պատմէ  
ինձ շուտ դժգոհութեանդ պատճառը :

Հիւանդը դառն ժպիտով մը միայն պատաս-  
խանեց .

— Վարդանոյշս, ըսաւ Արաքսիա, ի՞նչ ու-  
նիս, ի՞նչ եղար, ինչո՞ւ կը ծածկեա ինձմէ ու-  
նեցածդ. միթէ՞ ո՞չ եւս եմ քու բարեկամուհիդ :

Վարդանոյշ դառնալից նայուածք մ'ուզել-  
լով իւր ընկերուհւոյն և ձայնով մի որ սրամը-  
տութենէ կը դողար, դոչեց .

— Դո՞ւ, բարեկամուհի՞ս :

— Բայց ի՞նչ եմ եթէ ոչ մտերիմդ և բոյրդ :

— Դո՞ւ :

— Չ'եմ հասկնար, խօսէ՛ բացարձակապէս :

— Խօսի՞մ :

— Այո՛, խօսէ՛, կը խնդրեմ :

— Կը ներեմ քեզ, ահա խօստովանութիւնս :

— Կը ներե՞ս, դոչեց Արաքսիա բարկու-

Թեա հա կարմրելով, բայց դու ի՞նչ բանի կը ներես արդեօք :

— Երջանկու թեան բաժակիս կուլ տուած լինելուդ համար :

— Վարդանո՛յշ, խնդրեմ, որոշապէս խօսէ, ոչինչ կը հասկնամ :

— Հարցուր խղճիդ և այն կը պատասխանէքեզ :

— Խղճի՞ս :

— Այո՛, խղճիդ :

— Գուցէ ուրիշ մ'իրաւունք ունենայ խղճիս գիմելու, բայց ոչ դու, Վարդանո՛յշ :

— Ոչ երբէք ուրիշի մնասեցիր որչափ ինձ :

— Գուցէ կը մեղադրե՞ս զիս շատ խղճովինքեզ ծառայած լինելուս համար :

— Խղճովի՞ն :

— Բայց դու կը մեղադրես զիս առանց յանցանքս յայտնելու, ուստի ես ոչ եւս կը պատասխանեմ քեզ. յանցաւորի գիրք մի կուտաս ինձ երբ յանցանքս գուցէ գքեզ շատ սիրելիս է :

— Զարմանալի սէր որ մահս կը պատճառէ սակայն :

— Ե՛ս, քեզ մա՞հ կուտամ. Վարդանո՛յշ, խօսէ, զի ընդհակառակն դու մահ կուտաս ինձ այս վայրկենիս :

— Ա՛զգամ թէ կեանքը խոյս կուտայ ինձմէ և չ'եմ ուզեր մեռնիլ ատելութիւնս հետս տանելով :

— Ո՛հ, խնդրեմ, բարեկամուհիս, յայտնէ ինձ զամեն ինչ, ոչ եւս կրնամ համբերել այդ խօսելու եղանակիդ :

— Արաքսիա, երջանկութիւնս յափշտակեցիր, զիս խաբեցիր, բայց երջանիկ եղիր Սիսակիդ հետ:

— Ե՛ս երջանիկ լինիմ Սիսակին հետ. ի՞նչ կ'ուզես ըսել, ըսաւ Արաքսիա այլագունելով:

— Կ'ուզեմ ըսել որ մինչ դու ինձ համար աշխատիլ կը ձեռացնէիր, քու հաշտոյդ համար կը գործէիր:

— Ե՞ս:

— Այո՛, դու, զՍիսակ ինձ տալ կը ձեռացնէիր՝ զայն լաւ եւս քեզ պահելու դիտաւորութեամբ:

Արաքսիա ոչ եւս կարողանալով տակալ անիրաւ յանդիմանութեանց, գլուխն ձեռացը մէջ առաւ և սկսաւ լալ ողորմագին:

Նոյն միջոցին Տիկին Երանեան ներս մտնելով զարմացաւ այդ վիճակին մէջ տեսնելով զԱրաքսիա, և կատկածելով թէ Վարդանուշի վիճակն էր պատճառն այդ յուզման, ըսաւ այլայլութեամբ իմն զոր ի զուր կը ջանար ծածկել:

— Ինչո՞ւ կուլաս, Արաքսիա՛ս, Վարդանուշին՝ փա՛նք երկնից, կարծածիդ շարի հիւանդ չէ, ու զայն բազկացը մէջ առնելով՝ բարի դալուստ մազթեց անոր: Եւ հիւանդին յուզեալ ձեւը նկատելով՝ ջանաց հանդարտեցնել զայն, և տալա ամենայն զգուշութեամբ իմացուց թէ Սիսակ եկած էր իրմէ լուր առնելու:

Վարդանուշ կարծես սխալի նուազէր այդ լուրըն իմանալով, բայց Արաքսիա որ ոչինչ գիտէր երիտասարդի մասին, զայդ իբր երկնային շնորհք

համարեց, և արտաքոյ կարգի այլայլութեամբ ըսաւ :

— Տիկին, հաճեցէք իմացնել Պ. Սիսակի որ անմիջապէս հոս գայ :

Վարդանոյշ անկարող էր դէմ դնել այդ հըրաւէրին, մանաւանդ որ կը փախաբէր անհունապէս զերիտասարդը տեսնել կասկածներն հաստատելու կամ ցրուելու մտօր :

Բայց դուռչաւ որ մայրը վախճալով որ Սիսակի ներկայութիւնը կրնար նոր յուզում պատճառել աղջկանը, տեղացը չէր շարժեր, այլ անձկանօր հիւանդին մօտ կեցած անոր երեսը կը նայէր :

Չայս դիտելով Վարդանոյշ իւր մօրն անհամբերութեամբ ըսաւ :

— Մայր իմ, հաճէ Պ. Սիսակի իմացնել որ Արաքսիա զինքը կը խնդրէ :

Վաղեմի վարժուհին լիովին զգաց այդ ակնարկութեան խստութիւնը, բայց ոչինչ պատասխանեց :

Հեռացաւ Տիկին Երանեան և յայնժամ Վարդանոյշ հարցուց :

— Խոստովանէ՛, Արաքսիա, միատե՞ղ ճամբորդ եցիր :

— Ա՛հ, գոչեց դատապարտեալ կոյսն, որչա՛փ անիրաւ ես դու : Աստի մեկնելէս ի վեր չեմ տեսած զինքն, և իւր վերադարձն անգամ կ'անդիտանայի :

— Լա՛ւ, Լա՛ւ :

— Բայց ըսէ, Վարդանոյշ, ո՞ր սատանն աղդեց բեզ այդ դժօխային կասկածներն, ի՞նչ է անուանը :

— Այդ իմ գաղտնիքս է, պատասխանեց հիւանդը, մինչ ակնդէտ դրան՝ անհամբուր թեամբ Սիսակին կը սպասէր, և յանկարծ Արաքսիայի դառնալով, ըսաւ նախանձու զգացմամբ :

— Գուցէ եկաւ զքեզ տեսնելու :

Եւ մինչ Արաքսիա՝ բուռն դառնութեամբ համակուած, իրր արհամարհեալ արժանապատուութեան պատիւնը կը հանդիսանար, դուռը բացուելով՝ Սիսակ ներս մտաւ :

---

### ԳԼՈՒԽ ԾԱ.

Երիտասարդն ոչ նուազ քան զԱրաքսիա զարհուրեցաւ հիւանդ ազջկան այլակերպութիւնը նշմարելով, և խղճի խայթ մ'զգաց կասկածելով թէ իւր բացակայութիւնն եղած էր պատճառ այդ աղիտից : Մտեցաւ Սիսակ ձեռք տալու համար Վարդանուշի, բայց սա փոխանակ զիւր ձեռք կարկանդակէ՞ դէմքը գոյեց և ս'իսաւ լալ հեծկլտանօք :

— Սիսակ, գոչեց Արաքսիա, ուրախ եմ որ ժամանակին վերողարձար զիս սոսկալի գրգռատութենէ մը ազատելու համար :

— Ի՞նչ գրգռատութիւն :

— Պատմէ նախ ի՞նչպէս հանդիպեցաւ որ սյս առաւօտ դու եկար Երանեան ընտանեաց այցելելու :

— Ի՞նչ քանական դրդմամբ, պատասխանեց երիտասարդն : Երէկ իրի՛նուն Պոլիս հասայ յետ բացակայութեան մի որ դժբաղդարար շատ



երկարեցաւ կնճռոտ դատի մի սլատճառաւ :

Անշուշտ Սիսակ կ'զգուշանար իւր վերադարձին յապաղման բուն սլատճառը խոստովանել :

— Շարունակէ, ըսաւ Արաքսիա, անհուն վրդովմամբ, մինչ Վարդանոյշ կարծես Սիսակին շրթունքներէն վար կախուած՝ կը փափաքէր ի սրտէ որ նա իւր գոթո՛ւրմներ կասկածները կարենար ցրուել վերջնական կերպիւ :

— Այս առաւօտ, շարունակեց Սիսակ, Արաքսիայի ուղղելով խօսքերը, ձեզ տեսութեան գնացի, և մայրդ տուաւ ինձ վերադարձիդ որախառիթ լուրն և օրիորդ Վարդանուշի հիււանդութեան գոյժը : Բնականաբար մեծ անձկութիւն մ'զգացի, և անհամբերութեամբ համակուած փութացի անմիջապէս գալ՝ ևս անձամբ տեղեկանալ օրիորդին կայութեան վերայօք :

— Եւ ի՞նչպէս եղաւ որ վեր ելար :

— Տիկին Երանեան տեսաւ զիս մինչ դրան առջեւ էի և հրաւիրեց զիս ներս մտնելու :

Արաքսիա նշանակութեամբ լի նայուածք մ'ուղղեց Վարդանուշի, նայուածք՝ որ թուէր կշտամբել զինքը կասկածանացն անիրաւութեան համար,

— Չեմ հասկնար, ըսաւ Սիսակ, ինչո՞ւ այս հարցուփորձը :

— Ո՛հ, Սիսակ, գոչեց Արաքսիա, գիտես դու թէ որպիսի սիրով լցուած է սիրտս Վարդանուշի համար, և ձայնը նուաղեցաւ յուզմանը սաստկութեանէն :

— Եւ միթէ տարակոյս ունի օրիորդ Վար-

դանոյչ այդ անուրանալի ճշմարտութեան վրայ ,  
ըսաւ Սիւսակ , հիւանդին նայելով :

Վարդանուշի բերանը կը լռէր , բայց իւր  
սիրտն ահագին բարախամամբ կը խօսէր :

— Սիւսակ , ըսաւ Արաքսիա , բարբառելու  
կարողութիւնը վերստանալով , ո՛չ միայն կը տա-  
րակուսի այլ զիս կը նախատէ մինչեւ իսկ զիւր  
թշնամին , զիւր նախանձորդն համարելով :

-- Թշնամին , նախանձորդը , ի՞նչ կ'ըսես ,  
Արաքսիա՛ , հարցուց Սիւսակ զարմացմամբ :

— Այո՛ , հաւտացուցած են իրեն թէ ես  
դքեզ կը սիրեմ :

— Ո՞վ անօրէնութիւն :

— Թէ ես զինքը կը խօսեմ , և թէ իրեն  
համար աշխատել ձեռ սցնելովս՝ իմ անձիս շահը  
ի նկատի կ'առնում միայն :

— Օրիորդ Վարդանոյչ , այդ պիտի սոսկալի  
ենթադրութիւն մ'ընելու կարողացած անձի մի  
համար որ ձեզ կատարելապէս անձնուէր է , ըսաւ  
Սիւսակ :

Վարդանոյչ կը լռէր , կը լռէր , կ'սպասէր ,  
մինչ սիրտը կարծես պիտի դուրս ժայթքէր : Բայց  
տակաւին իւր կատկոծանաց անհիմն լինելուն վը-  
րայ փաստ մի չ'ունենալով , կարծիք մի չ'էր  
յայտներ ամենեւին :

— Ես , յարեց Արաքսիան , անունը կը խնդ-  
րեմ այն անօրէնին որ զիս թշնամանեց , և Վար-  
դանոյչ կը յամառի ծածկել յինչն զայդ անուն :

— Ես իմացնեմ քեզ այդ անունն , ըսաւ Սի-  
սակ , փստահ կերպիւ :

— Աւրեմն քանի որ գիտէք ո՛վ լինելն , ըսաւ

Վարդանոյշ, որ առաջին անգամ կը խօսէր, կը հաստատէր թէ անհիմն չ'են իմ կասկածներս:

— Ձեր կասկածները բոլորովին անտեղի են, օրիորդ, և զանոնք ձեզ ազդողը Տիկին Արգարեանն է:

Արաքսիա զարհուրմամբ կը հաստատէր թէ այդ կինն էր իւր գաղտնի թշնամին, քանի որ Վարդանոյշ հակառակը չէր ըսեր, և կը կասկածէր թէ նոյն անձն էր անշուշտ որ զՆերսէս հեռացուց իրմէն. իսկ Վարդանոյշ անհուն անձկութեամբ հարցուց:

— Տիկին Արգարեան ի՞նչ շահ ունէր արատաւորելու զԱրաքսիան, և եթէ հիմնաւոր պատճառներ չ'ունենար, ի՞նչպէս կրնար ուզել իւր վարժուհւոյն այս արհամարհոտ նամակն ըսու, անկողնոյն մերձ տուփէ մը թուղթ մը հանելով և զայն ներկայելով երկուքին:

Անմիջապէս որ տեսաւ զայդ և պարունակաթիւնը կարդաց, Արաքսիա հարցուց զարմացմամբ Վարդանուշի թէ ի՞նչպէս զայդ ձեռք ձեռքու յաջողած էր:

— Եղանակաւ իմն որ պատուաւոր չ'է, դիտե՛մ, ըսաւ Վարդանոյշ, բայց կասկածով մաշող հոգւոյ համար ամեն միջոց լաւ է, ուստի սենեակդ մանելով տեսայ զայն և առի:

— Բնաւ զքեզ չե՛մ մեղսողներ, պատասխանեց վարժուհին:

— Այդքանը չի բաւեր ինձ, բացատրէ՛, ի՞նչ կը նշանակէ նամակս այս:

Նոյն պահուն Սիւսակ փութաց պատասխանելու փոխանակ Արաքսիայի և ըսաւ.

— Օրիորդ , այդ նամակին մեկնութիւնը տալու հոգը ինձ կը պատկանի :

— Ինչո՞ւ ձեզ , պարոն , և ոչ օրիորդին :

— Ասան զի գժուարին խոստովանութիւն մ'ընել հարկ է ինձ ի սէր արդարութեան , խոստովանութիւն զոր վստահ եմ թէ օրիորդ Արաքսիա ոչ երբէք յանձն կ'առնու մատնութիւն մի չկատարելու համար :

— Պատրաստ եմ ամեն ինչ լսելու , ըսաւ հիւանդը :

— Տիկին Արդարեան զիս կը սիրէր : Ես , թէև զհոգիս ձեզ նուիրած էի և եմ , օգուտ քաղեցի երիտասարդական անկախութենէս , քանի որ ձեզի հետ ամուսնացած չ'էի :

Արդղանոյշ եթէ ցաւեցաւ այդ անհաւատարմութեան մասին , միւս կողմանէ եւս սիրտն սիտիեցաւ :

— Սակայն , հարցուց նա , ի՞նչպէ՞ս Տիկին Արդարեան կրնար գիտնալ մեր յարարերութիւն , ներն և Արաքսիայի իմ խորհրդակիցս լինելն , եթէ դուք ձեր բոլոր գաղտնիքն յայտարարած չիք նէիք իրեն՝ իբր ձեզ սիրելի անձի :

— Ես ոչինչ յայտնած էի իրեն , վասն զի բնաւ համարում չ'ունէի անոր վրայ , և եթէ կը ներէք ինձ խօսիլ ազատօրէն , կը նկատէի զայն իբր անարգ խաղալիք մի և ոչ թէ իբր արժանաւոր բարեկամուհի :

— Արեմն ի՞նչպէ՞ս տեղեակ էր ձեր գաղտնեաց :

— Նոյն գիշերն որ Արաքսիա ընդունեցաւ զիս Արդարեան տան մէջ , մինչ կը կարծէինք

մեր խօսակցութեան վկայ չ'ունենալ, կ'երեւայ թէ Տիկին Արգարեան ունկնդիր եղած էր մեր ամեն բաւերուն, և նկատելով որ Արաքսիա ջանադիր կը լինէր անհուն եռանդեամբ ձեր դատը վարելու սիրայորդ սրտի մ'առջեւ որ անհամբեր էր իւր բազդը միացնելու ձերինին, Տիկին Արգարեան՝ ի վրէժխնդրութիւն Արաքսիայի ընթացից՝ անմիջապէս արձակեց զայն հետեւեալ օրն իսկ :

— Ո՞վ անխիղճ կին, գոչեց Արաքսիա, եւս բան զեւս հաստատուելով թէ նա հեղինակն էր բոլոր իւր ազիտից :

— Ես շիտակը խօսելով, յարեց Սիւակ, որ բախացայ Արաքսիայի հեռանալուն վրայօր այնպիսի կնոջմէ, թէ եւ ես իրեն բնաւ բան չխօսեցայ, և ոչ իսկ գիտցածս իմացուցի պարսապ տեղը գինքը չ'վշտացնելու համար :

Վարդանոյշ իւր յանցանքը կը հասկնար, ու թէ՛ կը ցաւէր իւր բարեկամուհւոյն անիրաւած լինելուն, և թէ կ'արիւնէր հաստատելով Սիւակի անհաւատարմութիւնը, բայց ի՞նչ կրնար ըսել երբ արք ամեն ազատութիւն կը շնորհեն իրենց անծին, մանաւանդ երբ տակաւին ամուսնացած չ'են :

— Սակայն, հարցուց Վարդանոյշ հետաքրքրութեամբ, ի՞նչ պէտք ունի Տիկին Արգարեան զԱրաքսիա արատուօրելու երբ կրնար ուրիշ նախանձօրդ մի յարուցանել իմ առջեւ :

— Տիկին Արգարեան ուզեց որ ես հրաժարիմ ձեզմէ անպատճառ, և զայդ մերժեցի կատարելապէս, զի զձեզ հաստատապէս կը սիրէի

և կը սիրեմ, ըսաւ խորամանկ երիտասարդը ձե-  
ւով մի որ կասկածանաց տեղի չէր տար: Խոս-  
տացայ Արաքսիայի ոչ եւս յաճախել սոյն կնոջ,  
քանի որ ակնկալու էի պայմանաւոր ժամանակի  
մէջ ձեր վճիռն ընդունելու, և զայդ իմացաւ  
Տիկին Արգարեան:

Ժպտեցաւ Վարդանոյչ ժպտով մի որ ցուտ-  
ցումն էր հոգւոյն բոլոր երջանկութեան, և զըղջ-  
մամբ ու խոր երախտագիտութեամբ խօսեցաւ  
բարեկամուհւոյն՝ և հաստատեց թէ մայրական  
գորովով մի գործած էր իւր նկատմամբ:

— Ես չ'ուզելով վերստին վերագտնաւ ի  
տուն Տիկին Արգարեանի, ըսաւ Սիսակ, ուխ-  
տեցի հաւատարիմ մնալ ձեզ և մեկնեցայ ա-  
ռանց հրաժեշտ առնելու անկէ: Ա'երեւոյ թէ  
այդ չար կիներն որոշած էր իմ երջանկութեանս  
չէնքը քանդել, և վախնալով թէ Արաքսիա կը  
վերաչինէ զայն՝ ձգներ է ամեն փրկարար միջոց  
խափանել զայն հեռացնելով ձեզմէ:

— Խեղճ, խեղճ Արաքսիաս, կրկնեց Վար-  
դանոյչ, և թեւերն բանալով, եկո՛ւ, եկո՛ւ, շը-  
նորհէ ինձ իմ ներումս, ըսաւ:

Զիրար գրկեցին երկու կոյսերն իրենց ար-  
տասուքը միացնելով, իսկ Սիսակ ոտք ելնելով և  
խնդրելով Վարդանուչի ձեռքը, ըսաւ:

— Քիչ մի յառաջ մերժեցիք զայն, իսկ արդ  
վերստին կը խնդրեմ երիտասարդական յանցան-  
քիս թողութիւնը խնդրելով:

Վարդանոյչ երկնցուց իւր ձեռքը, մինչ բոլոր  
անձը կը դողար անհնարին յուզմամբ:

Եւ զայն առնելով ձեռացը մէջ, Սիսակ սի-

բայորդ նայուածքով և սրտաուռ ինքնակու մի  
հարցուց .

— Օրհնորդ, կրնամ՞ ձեր ձեռքն ընդ միշտ  
պահել իմ ձեռացս մէջ :

Աղջիկն շիտթած ու կարմրած մինչ ըսելիքն  
կորուսած էր, ահա դուռը բացուեցաւ և Տի-  
կին Երանեան որ դուրսէն ամբողջ խօսակցու .  
թեան ունկնդիր եղած էր, ներս մտնելով ըսաւ .

— Այո՛, այդ ձեռքը այսուհետեւ իբր քու  
սեպհական ստացուածքդ կրնաս համարել, իմ  
և ա.նուանոյս հաւանութեամբ, զուս'կս Սիսակ ✓

Վարդանոյշ գոհունակութեանն սաստկութե-  
նէն կարծես կը վերածնէր, մինչ Արաքսիա ու-  
րախութեան արտասուք կը հոսէր : Իսկ Սիսակ  
որ ամեն պարագայի համեմատ ձեւեր ունէր,  
արժանաւայել ինքնակաւ յայտնեց որ նոյն օրէն  
պիտի ապրէր օրիորդ Վարդանուշի երջանկու-  
թիւնն ապահովելու համար միայն՝ ձօնելով անոր  
ամբողջ իւր կեանքը :

Տիկին Երանեան երջանիկ էր աղջկանը դէմ-  
քին զարմանալի փոփոխութիւնը նշմարելով, և  
կը ցնծար մօր մի սրտով, վստահ լինելով թէ իւր  
սիրելի զաւակն ի կեանս պիտի վերադառնար :

---

### ԳԼՈՒԽ ԾԲ.

Եթէ Վարդանոյշ հուսկ ուրեմն իւր սիրոյ յոյ-  
սերուն մօտակայ պսակմանը չվրայ կը ցնծար,  
Արաքսիա սրտին ծանրութեան արտփանք կը  
գտնէր, մտածելով որ ազատօրէն կրնար իւր ան-

ձըն արդարացնել Ներսէսի առջեւ , վարդա-  
նուչի յարարերութեանց նկատմամբ ամեն պա-  
րագայները մանրամասնաբար իւր սիրահա-  
րին պատմելով , ինչպէս և հոն իւր խաղացած  
ամբողջ դերը , քանի որ երկու երիտասարդաց  
նշանտուութիւնն ամենուն յայտնուեցաւ : Ուս-  
տի փութաց երկրորդ նամակն յղել ի Մանչէս-  
թըր , բայց սա յետ սակաւաթիւ աւուրց ետե-  
կաւ պատճառուն բացակայութեան Ներսէսի՝  
առ որ ուղղեալ էր : Այդ անակնկալ դէպքն ի  
խոր խոցեց ՂԱրաքսիան , բայց համբերութեան  
և համակերպութեան խիտ դպրոցին իրր հաւա-  
տարիմ աշակերտուհի՝ իւր ցաւն յինքն ամփոփե-  
լով տառապեցաւ լռելեայն ինչպէս յանցելու  
մըն :

Տիկին Հարթմանեան որ գնահատած էր ամեն ձիրքերն Արաքսիայի և մտանաւ որ համակրու-  
թիւն մ'ունեցած էր նմա , առաջարկեց աղջկան  
իւր տան մէջ իրր կենսակից օրիորդ <sup>(1)</sup> հետն  
ապրելու : Երիտասարդուհին խիտ դո՛հ էր այդ-  
պիսի պաշտօն մի փարելու իրեն սիրելի եղած  
պատուակիր տիկնոջ մօտ , մանաւանդ երբ ըս-  
տանալու նիւթական վարձատրութեամբն իւր  
ընտանեաց զիւրակեցութիւնը սխալ ապահովէր :  
Ուստի փութաց իւր պաշտօնաւարութիւնը ժամ  
յառաջ սկսել Տիկին Հարթմանեանի տան մէջ  
հաստատուելով :

Տիկին Հարթմանեանի ընտանիքը կը բաղկա-  
նար իրմէ և ամուսինէն : Մինչ պատանուհի՝ կո-

(1) Dame de compagnie .



բուսած էր զիւր ծնողք , ժառանգելով անոնցմէ  
 գեղեցիկ հարստութիւն մի : Լաւ ուսում առած  
 էր նա , միտքն ու սիրտն նոյնչափ մշակուած է-  
 ին : Գեղեցիկ էր , ազնիւ , զգայուն և երիտա-  
 սարդ , կ'ապրէր ընդ հակողութեամբ ծեր մո-  
 թաքրոջ մի երբ որք մնաց : Անթիւ փեսաներ  
 ներկայացան , ոչ այնքան օրիորդին բարոյական  
 և մտաւորական ձրից համար , որչափ հարստու-  
 թեանն որ զլիսաւոր հրապոյրն էր անոր : Ամեն-  
 քը մերժուեցան , և Պ. Հարթմանեանի փինակ-  
 սուած էր օրիորդէն և մօրաքրոջմէն հաւնուելու  
 բաղդը , ու իրօք զամեն ինչ ունէր գրաւելու  
 համար . խելք , ուսում , ընկերական գիրք , հա-  
 ըստութիւն , զէմք համակրելի և վայելուչ ձե-  
 ւեր : Պ. Հարթմանեան սիրահարուեցաւ երիտա-  
 սարդուհւոյն և բաղձանացը կատարման հասա-  
 հեան ամուսնանալով :

Երկու նորապսակ ամուսնայ երջանիկ էին կատա-  
 րելապէս , և եթէ Տիկինն Հարթմանեանի մօրա-  
 քրոջ մահը տեղի չ'ունենար , մանկամարդ կինը  
 պիտի կարճէր զիւր անձ կատարեալ երջանկու-  
 թեան անձնաւորութիւնը :

Բայց ինչպէ՞ս կր պատահի բուրբ այն երիտա-  
 սարդաց որք նախ ազմկալից կենաց մէջ կը գլո-  
 րին յախուան կերպիւ , և յետոյ իրենց հեշտա-  
 սէր կրից կատարելապէս գոհացում տալով՝ կը  
 փորձեն ընտանեկան անդորրաւէտ կենաց մէջ  
 երջանկութիւն մի փնտռել որ խոյս կուտայ ի-  
 րենցմէ . այսպէս Պ. Հարթմանեան հազիւ վեց  
 ամսէ ի վեր ամուսնացած էր երբ ձանձրացաւ  
 ամուսնական կեանքէն , և բուռն եռանդեամբ

վերստին նետուեցաւ իւր նախկին մեղադրելի ընթացքին մէջ :

Մանկամարդ կիներն որ հազիւ հազ քսան տարեկան էր երբ ամուսնացաւ և ամուսինն քսան և եօթն , միայն վեց ամուսան ամուսնական երանութիւն վայելեց , ապա դատապարտուեցաւ լքման և առանձնութեան :

Կարելէր կիներն փոխանակ ընկերութեան աղմըկի մէջ մխիթարութիւն փնտռելու իւր ցաւոց՝ առանձնութեան մէջ ընդ հակառակն փակուեցաւ և զրոց մ'ջ որոնեց իւր տառապանաց սիրտիանք :

Հազիւ շորս տարիներ անցած էին և Տիկին Հարթմանեան յոգնած էր կեանքէն , վհատած , սիրոց պատրանքը հաշակած էր , բայց անկարող եղած փոխադարձ անտարբերութեամբ պատասխանել ամուսնոյն : Մեղամաղձային վիճակի մէջ անկաւ՝ յետ որոյ ճամբորդութիւն կատարեց ընկերութեամբ Արաքսիայի :

Երբ Պօլիս վերադառնալով արձակեց իւր ուղեւորութեան ընկերուհին՝ Տիկին Հարթմանեան սոսկալի դատարկութիւն մ'զգաց իւր շուրջը , զի պակսեցաւ հոգին այն որ քոյր էր իրենին՝ վշտին ազգականութեամբ : Իրենց անխօս դաշնադրութեան մէջ իւր ցաւոց սիրտիանք կը գըտնար Տիկինն , և կը տեսնէր Արաքսիայի աչաց մէջ արգահատութեան և համակրանաց արտայայտութիւն մի որ սպեղանի մ'էր իւր վշտահար սրտին :

Ուստի յայտնեց ամուսնոյն զայդ աղջիկ իրեն ընկերուհի ունենալու բաղձանքն , և նա ծա-

փահարեց մանաւանդ այդ խորհրդոյն, զի նուազ խիզճ կ'ընէր յայնժամ ամբողջ գիշերներն իւր երթասարգ կիներ թողլու տան մէջ առանձին, Ստոյգ է թէ ինչ որ դրամական խնդրոց կը վերաբերէր՝ Պ. Հարթմանեան խնայողութիւն չ'էր ընէր, այլ ընդհակառակն կը փոփոքէր կնոջը կեանքը հաճելի ընել, զի ըստ ինքեան բարի սիրտ մ'ունէր. միայն թէ իրեն անհնար էր հրաժարիլ իւր քմահաճ և փոթորկալից փայելքներէ խաղի և կնորութեան, երկու անտանելի մոլութիւնք՝ որոնց մին արդէն կը բաւէ մարդուս՝ և իրեն յարակից գտնուող անձանց թշուառութիւնն ընելու, երկու մոլութիւնք որ զմարդ օր բան զօր գերի կ'ընեն, և որչափ նա կարծէ խոյս տալ անոնցմէ, նոյնչափ աւելի իւր առջեւ բացուած վհին մէջ անսանձ կը գահավիժէ:

### ԳԼՈՒԽ ԾԳ.

Արաքսիա գոհ կացութեամբ պիտի ապրէր Տիկին Հարթմանեանի ընկերակցութեամբ անոր հետ մերթ ընթեռնելով, կարգացածին վրայ խորհելով և վիճելով, խօսակցելով մտերմութեամբ, շրջագայելով և տնական անշուկ կեանքը վայելելով, եթէ վիճակին անորոշութիւնն և դառնալից կասկածներ չ'պաշարէին զինքը:

Տիկին Հարթմանեան լաւ կ'զգար թէ աղջիկն մեծ գաղտնիք մ'ունէր սրտին վրայ, բայց փոփուկ զգացման ամեն ազնուականութեամբ զգուշացած էր որ և է ակնարկութիւն ընելէ այդ մասին:

Օր մի սակայն Արաքսիա ընտանեացն այցելութեան գնացած լինելով՝ ուզած էր իւր երջանիկ բարեկամութեան հետ եւս տեսակցիլ. Վարդանոյշ շրջագայութեան գնացած էր Տօրը հետ : Աւստի նոյն պահուն որ տան դռնէն ներս չմտած կը պատրաստուէր մեկնելու՝ նշմարեց զԻսկուհին բակին մէկ անկիւնը նստած : Թէեւ այդ կիներն իրեն դէմ դաւակցած էր զինքըն Սիսակի իբր սիրուհին ներկայելով Վարդանուշի, բայց անոր դէմ հակառակութիւն չունէր . զի Վարդանոյշ հաւատացուցած էր թէ նա ազիտութեամբն գործիք եղած էր Տիկին Արգարեանի, և թէ մինչեւ անգամ չէր ուզած նա հաւատալ թէ այդ տիկինը նենգութեան և նախանձու զգացմամբ հեղինակած էր Արաքսիայի մեղաւորութեան պատմութիւնն :

Աւստի անմիջապէս որ Արաքսիա նշմարեց զԻսկուհին՝ ներս մտաւ և մերձենալով այդ կնոջ, ամենայն անձկութեամբ հարցուց թէ ի՞նչպէս էր իւր սիրեցեալ Աղաւնին՝ որուն անձնական վիճակին վրայօք ցաւալի լուրեր կ'առնուր : Որչա՛մ կը փափաքէր երիտասարդուհին հսկել այն գողտրիկ հրեշտակին վրայ որուն նկատմամբ մայրական դուժ մի զգացած էր միշտ : Բայց Արգարեան դուռն իրեն համար անմատչելի էր, զի ապահով էր թէ Տիկինը զինքը կը վանէր եթէ նոյն իսկ զո՛հն ընէր առ իւր Աղաւնին սուրալու : Աւստի Իսկուհին ձեւով մի որ բոլոր իւր հակակրութիւնը կը յայտնէր, քթին տակէն պատասխանեց թէ Աղաւնիի վիճակը ծանր էր :

— Խեղճ հրեշտակս , գոչեց Արաքսիա արտասուելով :

Բայց խնդրեմ , յարեց զգայուն աղջիկը , ըսէ ինձ , կը քայլէ՞ թէ անկողնոյ կը ծառայէ նա :

— Անկողնոյ մէջ է , պատասխանեց Իսկուհի , իրոխտ կերպարանօք :

— Ի՞նչ կ'ընէ , կը խօսի՞ , կը ճանաչէ՞ իւր վիճակը , խնդրեմ , յայտնէ՛ ինձ լայդ ճշմարտօրէն :

Կինը սրամտելով ըսաւ .

— Ինչո՞ւ կ'ուզես որ քեզմէ պահեմ , երբ դու վերջապէս օտարական մ'ես :

— Այո՛ , օտարական եմ արեամբ բայց ոչ սրբաւ : Կ'աղաչեմ ըսէ ինձ , ի՞նչ կ'ընէ , զիս կը հարցնէ՞ արդեօք երբեմն :

— Քեզ ինչո՞ւ պիտի հարցնէ , պատասխանեց կինն արհամարհանօք : Ձիւր եղբայր՝ զՊ. Ներսէս կը փնտաւ շարունակ , և նա չի կրնար դաւ շուտով , զի կ'ըսեն թէ անգլուհւոյ մի հետ ամուսնացեր է մօտերս :

Արաքսիա այս վերջին յայտնութիւնը Ներսէսի նկատմամբ լսելով շանթահար եղաւ , խօսքը բերնին մէջ խեղդուեցաւ , և իբր յիմար անմիջապէս բակը թողլով դռնէն դուրս ելաւ ու մեկնեցաւ :

Իսկուհին աղջկան ապուշ կտրիլը նկատելով յիշեց որ Տիկին Արգարեան ըսած էր իրեն թէ Արաքսիան իւր աչերը մինչեւ ցՆերսէս բարձրացընելու յանդգնած էր անգամ , և հաստատուեցաւ տիկնոջ յայտնութեան ստուգութեան վրայ , ինչպէս համոզուած էր Սիսակին վերաբերող խոստովանութեան նկատմամբ :

Ողորմելի Արաքսիա վերադարձաւ ուրեմն Տի-  
կին Հարթմանեանի տունն, և հոն իւր խուցը  
մտնելով յուսահատութեամբ իւր սրտին կորուս-  
տը լացաւ :

Տիկին Հարթմանեան լսելով ընկերուհւոյն  
հեծկտանքն իւր սենեկէն իսկ, փութաց յօդ-  
նութիւն աղջկան, և խնդրեց անկէ որ ոչ եւս  
ծածկէ իրմէ այն գաղտնիքն որուն գոյութեան  
վրայ շատոնց ի վեր աներկբայ էր :

Ժամանակ կայ որ եթէ սիրտը խոստովանու-  
թեամբ չյորդէ ցաւոյ լի բաժակէն, անհնար է  
իրեն առանց ծանր վնասու տակալ այդչափ բե-  
ռի : Ուստի Արաքսիա պատմեց բոլոր իւր թըշ-  
ուառ անցքերը մի ըստ միօջէ, իւր սէրը Ներ-  
սէսի համար, Վարդանուշի դէպքերն, իւր մա-  
տուցած ծառայութիւնը բարեկամուհւոյն տա-  
ռապանաց մէջ, իւր կրած ահրաստանութիւնը  
Տիկին Արդարեանի շարութեան պատճառաւ, և  
վերջապէս Ներսէսի ամուսնութիւնն որով ինքը  
կը մեռնէր ապագայ երանութեան համար :

---

ԳԼՈՒԽ ԾԴ.

Սիտակի նշանտուութեան լուրն հասած էր  
ականջին աղջկան Պ. Գրիգորի՝ իբր ձայն բօ-  
թարեր : Նրիտասարգուհին խմանալով վերջա-  
պէս թէ իւր սիրահարը զինքն կատարելապէս  
խաբած էր, խոստովանեցաւ զամեն ինչ իւր հօ-  
րաբրօջն և սա սարսափահար եղած զամեն ինչ  
պատմեց իւր եղբօրը :

Հայրը ստակալի հարուած մ'ընդունեցաւ նը-  
կատելով թէ տանը պատիւն աղարտուած էր :  
բայց իւր ցուոց վերջ տալով՝ մտածեց ընդ փոյթ  
գործելով ստանալ զաւկին պատիւը , բռնաբա-  
րողէն խնդրելով որ և է հատուցում բարոյապէս  
թէ նիւթապէս ուստի անմիջապէս թողուց հայ-  
րենիքը և արտօրնօք ուղեւորեցաւ ի Պոլիս :

Պ. Գրիգոր վաղեմի բարեկամն լինելով Պ.  
Արզարեանի՝ այս վերջնոյն տունն օթեւանեցաւ  
ու յայտնեց անոր ինչպէս և տիկնոջն՝ իւր ճամ-  
բորդութեան շարժասիթը : Արմացնէր որոշա-  
պէս մտազիր լինելն կամ զՍիսակ պարտաւորե-  
լու իւր դասեր հետ ամուսնանալու կամ 300  
ոսկի տուժելու , և կամ անոր դէմ դատ բանա-  
լու :

Տիկին Արզարեան այս յայտնութեան առջեւ  
ցնծաց բոլոր հոգւովն : Իմացած էր արդէն Իս-  
կուհիէն իւր շար մեքենայութեանց ի գերեւ  
ելնելը , բայց երդուած էր նորանոր զժուարու-  
թիւնք յարուցանելով արգիլել անպատճառ ա-  
մուսնութիւնը Սիսակի : Ար խորհէր շարունակ թէ  
որպիսի՝ եղանակաւ կրնար հասնիլ նպատակին ,  
ու սաստիկ կը նեղանար յարմար եղանակ մի գը-  
տած չլինելուն համար իւր զէնքերը շարժելու  
ընդդէմ երիտասարդին : Բայց ահա բազդը ի-  
րեն նպատաւոր առիթ մի կը հայթհայթէր .  
ուսկից փութաց օգտիլ անմիջապէս :

Տիկին Արզարեան լաւ գիտէր թէ Սիսակ դը-  
րամ չ'ունէր . նոյնչափ եւս համոզուած էր որ  
նա գաւառացի աղջկան մի հետ ամուսնանալու  
բնաւ հակամէտ չէր կրնար լինել բանի որ շահ

մի չ'ունէր հոն : Լաւ կ'ըմբռնէր նաեւ թէ Սիսակ օգնութիւն չէր կրնար խնդրել իւր նշանածին ընտանիքէն եղելութեան մի համար որ իրեն համար թշուարովին աննպաստ էր : Ուստի երիտասարդին ուրիշ միջոց չէր մնացած այց եթէ կամ զգաւառացի աղջիկին առնուել ի կնութիւն, և կա'մ գատաստանական խիստ պատժոց ենթարկուիլ : Տիկինը ճանաչելով մեծամտութիւնը իւր նախկին սիրահարին՝ շատ վերահասու կը լինէր թէ Սիսակ անել վիճակի մէջ կը գտնուէր եթէ յանձնառու չ'լինէր գաւառացւոյն հետ ամուսնանալու : Այդ սիրահալ կինը կ'ուզէր որ և է ամուսնութիւն արգիլել, և զերիտասարդը փրկելով կաշկանդել զայն վերստին իւր անձին :

---

### ԳԼՈՒԽ ԾԵ.

Պ. Գրիգոր կանգնեցաւ Սիսակի առջեւ իրր վրիժառու սգի մի որ նախանձախնդիր պատուոյ մասին, համար կը պահանջէր այն անպատուութեան համար զոր մտցուցած էր իւր տան մէջ ընդունած հիւրընկալութեան փոխարէն :

Նախ մեղապարտ երիտասարդն այլազունեցաւ և ջանաց ուրանալ իրեն վերագրուած յանցանքը : Բայց երբ ամեն մանրամասնութիւն անոր յիշեցուց վիրաւորեալ հայրն, անկարող եղաւ Սիսակ իւր պախարակելի ընթացքն այլ եւս ծածկելու : Ուստի Պ. Գրիգոր հարկադրեց զնա անմիջապէս որոշելու երեք պայմանաց մէջէն՝ այն՝ որ հաճելի կը թուէր իրեն : այսինքն կամ իւր



դասեր հետ ամուսնանալ, կա՛մ երեք հարիւր  
սկի հատուցանել և կա՛մ ի դատ կոչուիլ :

Սիսակ յուսահատական վիճակի մէջ կը գըտ-  
նուէր : Եթէ այդ գայթակղական եղելութիւնն  
երեւան ելնէր, իւր ամուսնական խորհրդոց վերջ  
տալու էր Վարդանուշի հետ : Ար մտկոտերէր որ  
Երանեանի դուտարն իրեն շարտի ներէր իւր  
երկրորդ անհատատարութիւնն, երբ ինքն մա-  
նաւանդ բերնովը խոստովանած էր թէ Տիկին  
Արգարեանէն հեռանալը պատշաճ դատած էր  
նոյն վայրկեանէն որ իրեն մէկ ամուսնան պայ-  
մանաժամ գրած էր . և ահա ոչ միայն իւր պար-  
տուցը դէմ գործած էր առաւել ծանր կերպիւ  
նոր սիրահարութիւն մ'ունենալովն, այլ և յայտ-  
նի էր թէ իւր վերագործն յապաղեցուցած էր  
հեշտութեանց մէջ լողալու համար :

Աստի այդ գայթակղալից դէպքը խեղդելու  
էր անպատճառ . բայց ի՞նչ եղանակաւ, քանի որ  
գրամ չ'ունէր, և ո՞ւսկից կրնար փոխառութիւն  
մ'ընել երբ վճարման մասին ապահովութիւն  
տալու միջոց չ'ունէր :

Փառառացի՞ն առնուլ . այդ մտքէն իսկ չէր  
անցնէր : Ինքը զամենքը կը ծագրէր, և նշաւա-  
կեւի՞ սլտի լինէր գաւառացի աղջկան մի թա-  
կարդին մէջ իյնալով : Իսկ դատին գալով կը  
խորհէր թէ այդ հաւանականութիւնն իսկ հե-  
ռացնելու էր, քանի որ իւր խայտառակութիւնը  
հռչակ պիտի գտնէր :

Սիսակ կատարեալ խորհրդապահութիւն խընդ-  
րած էր Պ. Գրիգորէն և խոստացած՝ մինչեւ մէկ  
շաբաթ իւր վերջնական որոշումն յայտնելու :

Անհնարին տագնապաւ կը տատանէր մեր երիտասարդն . ի՞նչ որոշում ընել, ի՞նչ եղանակաւ խարել նախատեալ հայր մի և ի կատար հասցնել իւր նրազած ամուսնութիւնը Վարդանուշի հետ, ամուսնութիւն որով հանգիստ և ապահով ապագայ մի պիտի ունենար : Կ'անիծէր նոյն միջոցին իւր կնորսութեան ձգտումներն, ինչպէս և կ'անիծէր իւր յաղթանակները կանացի աշխարհին մէջ : Այս խոստանար անձին ազագային մէջ կանոնաւոր կեանք մը վարել, եթէ սակայն խոյս տար նոյն անգամ իւր վրայ ծանրացած ահեղ վտանգէն :

ԳԼՈՒԹ ԾԶ.

Այս մտատանջութեան մէջ կ'ալեկոծէր մեր կնասէր երիտասարդն, երբ ահա նամակ մի կ'ընդունի որուն պարունակութեանը տեղեկանալով գիւրին է հասկնալ թէ ո՞վ էր անոր հեղինակն առանց ստորագրութիւնը կարգալու :

«Սիրեցեալ Սխակա .

«Տեղեակ եմ ամբողջ սիրային պատմութեանդ ընդ դատեր Պ. Գրիգորի, որ իմ հիւրս է : Գիտեմ նաեւ անոր առաջարկած երեք պայմաններըն որոնց և ոչ մին նպաստաւոր է քեզ համար :

«Վստահ եմ որ նոր Բրեյ-Էն-Ֆրեյդ որոց համար զիս ուրացար, ոչ երբէք պիտի հաճին քեզմէ պահանջուած գումարը մատուցանելու, երբ իրենց աղջկան դէմ բացարձակ անհաւատարմութիւն ըրիր : Ուստի հին Բրեյ-Էն-Ֆրեյդ պատրաստ

է՛ ուղած վայրկենիդ խակ, երեք հարիւր ոսկի տրամադրութեանդ ներքեւ դնել, բայց այն սրայմանաւ որ ամեն ամուսնական խորհրդոցդ վերջ պիտի տաս : Այդ փոքրիկ գումարն իբր բարեկամական նուէր մի կրնաս համարել իմ կողմանէս :

« Եշանտուութիւնդ ոչնչացու Վարդանուշի հետ, խոստացիր Պ. Գրիգորի իւր խնդրած գումարն, և յետոյ եկուր ընդունիլ ինձմէ քու վարձատրութիւնդ : »

« Միշտ քու անկեղծ և հաւատարիմ սիրուհիդ  
« Տ. Ա. »

Տիկին Արգարեանի խոստացած նպաստն եթէ մէկ կողմէն զՍիսակ կ'աղաատէր տհաճոյ գիրքէ մի գաւթաացւոյն նկատմամբ, միւս կողմէն կ'ոչնչացնէր Սիսակի երազած ապագայն Պ. Երանեանի փեսայն լինելու :

Այնչա՛մի խոռոված էր մեր անառակ երիտասարդն, այնչա՛մի մտացը խորհուրդք զիրար ջրնջելով անկարող կ'ընէին՝ զինքն որ և է որոշում մի տալու՝ որ վերջապէս յիշեց թէ բարեկամուհի մ'ունէր որուն թէ՛ զգաստութեան վրայ վստահութիւն ունէր, և թէ՛ անոր աջակցութեանն՝ ի պահանջել հարկին իւր յոռի դատը վարելու Վարդանուշի առջեւ : Այդ բարեկամուհին Արաքսիան էր :

Եւ իբր մարդ որ ալեւտանջ տարութեանով անորոշութեան օվկիանին մէջ, վերջապէս յուսադրող տախտակի հանդիպելով անոր կը սլուլուի իբր փրկութեան միջոց, նոյնպէս և Սիսակ

Արաքսիայի գաղափարին առջեւ շունչ առաւ ու  
անով արիացաւ սակաւ ինչ :

Մտածեց երիտասարդը թէ երբ ուզէր Տիկ-  
նոջ կրնար դիմել օժանդակութիւնը խնդրելու  
համար, և այդ իբր վերջին միջոց վերապահելով  
իւր անձին, զգուշացաւ որ և է սրատասխան մի  
տալէ ընդունած նամակին, յառաջ բան Արաք-  
սիայի հետ տեսակցելու և անոր հետ խորհրդ-  
դածելու : Ուստի երիտասարդը փութաց եր-  
թաւ յայցելութիւն Արաքսիայի ի տան Տիկին  
Հարթմանեանի :

---

### ԳԼՈՒԽ ԾԷ.

Աղաւնիի վրձակն օր բան զօր կը սաստկա-  
նար. խեղճ աղջիկը կ'զգար թէ մերձ էր ի մահ, և  
իւր ցաւը կը զօրանար այն գաղափարուն թէ  
պիտի մեռնէր առանց իւր երկու սիրելիները  
տեսնելու, այսինքն զԱրաքսիան և զՆերսէս :

Տիկին Արգարեան, որ մայր էր անուամբ այլ  
ոչ զգացմամբ, գերազոյն անձնուիրութեան օրի-  
նակ մ'եղած կը կարծէր օրը բանի մ'անգամ  
այցնելելով իւր զաւկին, և ճարտար բժշկի մի  
հանապօզորեայ խնամոց յանձնելով զայն : Մա-  
նաւանդ որ ձիրքերն եւս կը չափազանցէր գեր-  
ման վարժուհւոյն, որուն խնամոց յանձնած էր  
գիւր դուտը :

Պ. Արգարեան կը հալէր կը մաշէր զաւկին  
վճատեցուցիչ վրձակը նկատելով. կը մաշէր այո՛,  
ոչինչ կը խնայէր նորա համար, բայց ի՛նչ օգուտ,  
զաւկին վրձակն օր աւուր կը վատթարանար :

Արմինէ քրոջն հիւանդութեան պատճառաւ վայրիկ մի կը տխրէր, ապա իւր աշխոյժ բընաւորութիւնը կը յաղթանակէր, և փոքրիկ հիւանդը զուարթացնելու համար հազարումէկ խաղեր կ'ընէր՝ հակառակ գերման վարժուհւոյն խիստ ակնարկներուն որք կը հրաւիրէին զինքն հանդարտելու : Արմինէի մարէն երբէք չ'էր անցներ թէ իւր սիրեցեալ քոյրը կրնար մեռնիլ :

Տղայք կը կործեն թէ մահն օտարաց համար է, և երբէք չ'են կրնար ըմբռնել թէ մահն իրենց մերձակայներուն եւս կրնայ մօտենալ : Գեղեցիկ ցնորք մանկութեան :

Աղաւնի կը նայէր քրոջն ունեցած ապահովութեան վրայ իւր մասին և կ'ուրախանար, առանց բնաւ այս աշխարհէս իւր մեկնելուն վերայօք ակնարկութիւն մ'ընելու : Այդ քնքոյշ արարածն երբէք տղայութիւն չ'էր ունեցած, զի մատաղ տիօցը մէջ՝ յարբունս հասած էր : Նա խաղալու և զբօսնելու համար ծնած չ'էր, ինչպէս ամեն մանուկ, այլ խորհելու, սիրելու, զգալու և տառապելու :

Օր մի երբ Աղաւնի զգաց թէ վիճակն յոռի էր .

— Ո՛հ, ըսաւ քրոջն, կը փափաքիմ եղբայրս տեսնել, և անոր ներկայութեամբը դռնէ քիչ մի ժամանակ մխիթարուիլ :

Արմինէ չ'ըմբռնելով անոր խօսքերուն ներքին իմաստն՝ այսինքն թէ կ'ուզէր հրաժեշտի վերջին ուղոյնը տալ Ներսէսի, ըսաւ .

— Քո՛յր, գրէ՛ մեր եղբոր, և վստահ եմ որ նա կուգայ :

— Գիտե՛մ որ կուգայ, զի այնչա՛փի զմեզ կը սիրէ :

— Աւրեմն գրէ՛ շուտ և կոչէ զայն քու քովդ, որչա՛փ ուրախ պիտի լինի՛մ զինքը տեսնելով :

— Այս փափաքէի ես եւս շատ խիկ, բայց ի՞նչ պէս զինքն անհանգիստ ընեմ :

— Աստա՛հ եղիբ, Աղաւնի՛, որ մեր եղբայրը չպիտի ներէ ինձ եթէ քու անզուսպ բաղձանքը չ'հաղորդեմ իրեն :

— Աւրեմն կը յորդորե՞ս զիս իմ բաղձանքս յայտնելու իրեն :

— Այ միայն կը յորդորեմ այլ կ'ապահովեմ քեզ որ եթէ դու չգրես, ես քարտուղարութիւն պիտի ընեմ՝ քու անուամբդ զինքն հոս հրաւիրելով :

— Եւ սակայն գիտնայիբ որչա՛փ մեծ է կարօտըս :

— Հապա ի՞մս. ես ալ քու սրտաճառուդ կ'օգտիմ :

Արմինէ գրիչն ու թուղթը քրոջն անկողնին վրայ դնելով, մղեց զնա անյապաղ գրելու :

Հիւանդը գողգոջուն ձեռամբ գրիչն առաւ, և ամենայն դժուարութեամբ յաջողեցաւ այս միակ առդերը գրելու :

« Իրեւիդ իմ եղբայր :

« Եկո՛ւ շուտ, կ'ուզեմ անգամ մի եւս զքեզ տեսնել, զի կ'զգամ թէ ժամանակս սուղ է ։ »

Տկար արարածն ողեսուտս եղած՝ յանձնեց թուղթն իւր քրոջ, որ անոր պարունակութեան վերահասու չ'լինելով՝ յանչափս ուրախա-

ցաւ զիւր եղբայր ընդ հուպ տեսներու յուսով :

Արմինէ պահարանի մէջ դնելով նամակն յանձնեց սպասաւորին որ զայն թղթատարին յանձնէ ինչպէս սովոր էր գործելու . զի Տիկին Աբգարեան բնաւ փոյթ չ'էր ընէր թէ իւր դաստերք իրենց եղբօրն հետ կը թղթակցին , և մանաւանդ անտարբեր էր գիտնալու անոնց գրութեանց իմաստն : Հետեւապէս անհոգ մայրն անգիտացաւ հրաւերն իւր ազնկան առ Ներսէս :

---

ԳԼՈՒԽ ԾԸ .

Միտակ գնաց ուրեմն Տիկին Հարթմանեանի տունն և հարցնել տուաւ Արաքսիայի եթէ ազա՞ն էր զինքն ընդունելու :

Ազնիկը կասկածեցաւ անմիջապէս թէ իւր ազգականը գուցէ կարեւոր խօսք մ'ընելու համար իրեն եկած էր ի տեսութիւն , քանի որ առաջին անգամ էր որ կ'այցելէր իրեն . փութաց ուրեմն ինքն անձամբ պատասխանել հարցման երիտասարդին , և անոր զէմքին նայելով շուտ հասկցաւ թէ մասնաւոր մտատանջութեան պատճառ մ'ունէր :

Արաքսիա տարաւ զինքն առանձին սենեակ մի , և մեծ անձկութեամբ հարցուց թէ ի՞նչ էր պատճառն իւր այլայեալ կերպարանքին :

— Գիտեմ , Արաքսիա , ըսաւ երիտասարդն , որ բնաւ համարմանդ և արգահատութեանդ սրժանի չ'եմ , և եթէ արդարանալու կէտ մ'ունիմ ի՞՞մ երիտասարդական հասակս է , ինչպէս և ե-

Տրու համակրանացդ իրաւունք մ'ունենալս  
կրնամ կարծել՝ Վարդանուշի համար ունեցած  
անձնու իրութիւնդ է :

— Այդ յառաջարանդ կատարելագէտ տւե-  
լորդ է , պատասխանեց Արաքսիա , բուն եղե-  
լութեան դանք :

Յայնժամ Սրտակ սլատեց իւր յարաբերու-  
թիւնները դաւառացի աղջկան հետ և իւր յան-  
ցանքը թեթեւեցնելու համար՝ երիտասարդուհւոյն  
գործածած հրապուրանաց վերագրեց իւր գը-  
րաւուրին և անկէ հետեւած ծանր սարագոյ-  
ները :

— Ի՞նչ պարագայ , հարցուց Արաքսիա , դող  
եղնելով :

Յայնժամ Սրտակ յայտնեց իւր վրայ ծանրա-  
ցող պայմաններն , ինչպէս և Տիկին Արգարեանի  
նամակն :

— Ի՞նչ պատասխանեցիր , ըսաւ աղջիկն եր-  
կիւղիւ :

— Ոչինչ տակաւին :

— Լ'ուր ինձ , Սրտակ , ոչ միայն իմ արգա-  
հատութեանս արժանի չ'ես , այլ և ամենեւին  
արժանի չ'ես Վարդանուշի նման աղջիկ մի ըն-  
կերակից ունենալու :

— Արաքսի'ա , խնայէ ինձ , յանցանքս կը ճա-  
նաչեմ , բայց այս վերջինն է , կրնաս վստահիլ ինձ :

— Արդեօք քանի՞ անգամ նոյն ապօրինաւոր  
ընթացքին մէջ պիտի անկանիս դարձեալ :

— Երբէք , պատասխանեց Սրտակ , վստա-  
հութեամբ մի որով կ'ուզէր նոյն ապահովու-  
թիւնն ազգել Արաքսիայի :



— Երանի թէ այդ սէս լինէր :

— Եւ պիտի լինի, կը խոստանամ քեզ : Երիտասարդ մի մինչեւ որ մի բանի անգամ մտորձանաց չ'հանդիպի, չ'զգատանար :

— Դու կը կարծես զգատացած լինել :

— Մանր եղաւ ինձ այս վերջին դասը :

— Լո՛ւր ինձ, ըսաւ աղջիկը, մի կարծեր որ հաւատք ունիմ ի քեզ, և ապացոյցն այն է որ երբէք նպատաւոր չ'եղայ Վարդանուշի ամուսնութեանն ընդ քեզ :

— Զայդ գիտեմ արդէն :

— Հանգերձ այսու պիտի աշխատիմ՝ որչափ որ հնարաւոր է ինձ, օգնելու քեզ :

— Բիւր շնորհակալիք, սիրո՛ւն քոյրս :

— Շնորհակալ մի լինիր ինձ ի դուր, զի քեզ ծառայելու համար չ'եմ դործեր՝ այլ միայն այն հէք աղջկան որ դժբախտութիւնն ունեցաւ զքեզ յիմարարար սիրելու :

— Ինչ որ ըսես կ'ընդունիմ, զի իրաւունքդ է զիս խոտիւ կշտամբել. սակայն պիտի յայտնեմ քեզ որ անարժան չ'եմ ո՛չ քու բարութեանցըդ, և ո՛չ ալ Վարդանուշի ամուսնոյ անունը կրելու :

— Տայր երկինք :

— Երկինք վկայ քեզ թէ պատուակիր ամուսին մի պիտի լինիմ՝ կնոջս երջանկութիւնը միայն նպատակ ունենալով :

Արաքսիա թէ՛ եւ մեծ արժէք չ'էր ընծայեր երգման Սիւսակի, բայց սա նոյն միջոցին այնպէս անկեղծ կ'երեւար՝ որ Արաքսիա նորս տրամուզութեանց վրայ շտարակուսեցաւ բոլորովին :

Ասոյդ է որ Սիսակ նոյն պահուն խիստ անկեղծօրէն կը խօսէր, բայց վտանգի մատնուած մարդու մի ո՛չ տրամադրութիւնքն և ո՛չ ալ խոստումները մեծ բան կ'արժեն :

Հանդերձ այսու Արաքսիա ք/չ մի լուս մընալէ և մտածելէ վերջն ըսաւ .

— Մտադիր եմ վիճակդ Տիկին Հարթմանեանի յայտնել և անկէ խնդրել երեք հարիւր ոսկին :

— Կը յուսամ որ յօժարի վճարելու այդ գումարը :

— Կը յուսամ :

— Ո՞վ փրկիչս դու, ինչպէ՞ս պիտի հատուցանեմ ընելու բարիքդ :

— Լաւ ամուսին մի լինելու խոստմամբ :

— Երդում ըրի քեզ արդէն պատուոյս վրայ :

— Ապա պէտք է պարտամուրհակ մի տալ Տիկին Հարթմանեանի՝ պահանջած գումարիդ ի փոխարէն :

— Պատրաստ եմ կատարելու ամեն պայման :

— Եւ եթէ կարելի լինի՝ առ առաւելն պիտի ջանամ ստանալ Տիկին Չմէն երկու տարուան միջոց մի, թէ եւ այդ պայմանած ամէն շատ յառաջ կրնաս պարտքդ վճարել, քանի որ Պ. Երանեան զքեզ իւր գործողութեանց ընկեր ընելու մտադիր է :

— Ամեն ջանք պիտի ընեմ, վստահ եղիր :

— Աստի կը յուսամ թէ Տիկին Հարթմանեանէ այդ գումարը կ'ստանաս իմ երաշխատութեամբս :

— Ո՞վ անզոյդ աղջիկ, ըսաւ Սիսակ, անոր

ձեռքն համբուրելու փորձ փորձելով ի նշան երախտագիտութեան :

Բայց Արաքսիա ձեռքը բաշխելով, ըսաւ .

— Այդ պիտի արտաքին ցոյցերու թշնամի եմ, գիտես արդէն :

— Բայց այդ երախտագարտ սրտիս բերմունքըն էր, ըսաւ Սիւսակ, աչերուն մէջ արտօսը մի փայլեցնելով :

Երբ մարդս կը հանդիպի մէկու մի որ զինքն անխուսափելի վտանգէ կ'ազատէ՝ նոյն պահուն զոհունակութեան սաստկութենէն իւր անձնասիրութիւնն զգայնութեան կը փոխուի, մինչեւ ամենէն փափուկ սրտերու երախտագիտութիւնըն զգալու չափ :

— Սա եւս ակեցնեմ բեզ, Սիւսակ, ըսաւ Արաքսիա, որ եթէ երբէք անփոյթ լինիս յետ ամուսնութեանդ և անվճար թողուս պարտքատու Տիկինն Հարթմանեան, եթէ սակայն ինչպէս կը յուսամ հաճի զայդ գումար վճարելու, ե՛ս մինչեւ ցվերջ կենացս պիտի աշխատիմ հատուցանելու համար քու ստանձնած պարտքդ :

— Արաքսիա, եթէ յանցաւոր եմ իրր երկտասարդ, սակայն զիս այդ չափ անպատիւ կարծելու իրաւունք տուած չեմ քեզ իրր մարդ, որպէս զի դու նախատինքն երեսիս նեաես :

Արաքսիա չպատասխանեց, այլ ըսաւ միայն .

— Երբէք չ'եմ ներեր քեզ եթէ իմանամ թէ Տիկինն Արգարեանի պատասխանած ես, կամ մտտէն ու հեռուէն որ և է յարարերութիւն ունեցած ես հետը :

Սիւսակ զայդ եւս պատուոյն վրայ խոստա-

ցաւ և կատարելապէս խոստումը պահեց :

— Արեմն վաղն առաւօտ եկո՛ւ հոս , ըսաւ աղջիկը , վերջնական պատասխանն ընդունելու համար :

Սրտակ հրաժեշտ առնլով իւր աղգականէն մեկնեցաւ , մինչ աղնուատիրտ աղջիկն՝ իւր սրբտին սուգը մէկ կողմ թողլով՝ գնաց Տիկին Հարթմանեանի փոխառութեան առաջարկն ընելու :

---

### ԳԼՈՒԽ ԾԹ.

Ներսէս Վիէննա գնացած էր գործով երբ Արաքսիա իւր երկրորդ նամակն ուղղեց առ նա , և այդ պատճառաւ էր որ թուղթն առ ինք վերադարձաւ :

Տակաւին ի մայրաքաղաքն Աւստրիոյ էր և կը պատրաստուէր ի Մանչէսթըր վերադառնալ երբ ձեռքն հասաւ Աղաւնիի երկտողը :

Ներսէս , որ մինչև նոյն ժամանակ կ'անգիտանար քրոջն ախտին ծանրութեան աստիճանը , սարսափեցաւ , մահու շտի ցաւեցաւ , և մտադիր եղաւ անմիջապէս ճամբայ ելնել թէեւ ուխտած էր ոչ եւս ռաք կոխել ի Պարիս , մահաւանդ այցելել այն տան ուր անհուն երջանկութիւն վայելած էր , և ուր թողած էր իւր վաղամեակի բարեբաւտութիւնը :

Ուստի նամակն ընդունելով երկրորդ օրն իսկ ճամբայ ելաւ , և չորս օր վերջը կարողացաւ իւր փոքրիկ սիրեցեալ հիւանդը բազլայք մէջ սեղ-

մել, զարհուրմամբ նկատելով սակայն տղուն աւերակացեալ դէմքն :

Աղաւնի չէր կրնար յագնեալ ի տես իւր եղբոր : կը նայէր անոր անհուն գորովանօք, կը սեղմէր սրտին վրայ անոր ձեռքերն և կ'ըսէր շարունակ .

— Եղբայրս, չգիտես որչափ երախտագէտ եմ քեզ որ բաղձանացս մին կատարեցիր :

— Եւ որո՞նք են միւս բաղձանքներդ, բուրի՛կս :

— Պիտի խմանաս զոյդ վաղն առաւօտ :

— Ինչո՞ւ ոչ այսօր :

— Վաս զի այսօր քու գաղտնաբարձք և քեզմով միայն կ'ուզեմ զբաղիլ :

— Լաւ :

— Բայց դու շուտով երթալու գիտաւորութիւն ունի՞ս գարձեալ :

— Աղաւնի՛ս, կը կենամ ցորչափ պէտք ունենաս ինձ :

— Երկար ժամանակ քեզ չոյիտի կարօտիմ, ըսաւ մանուկը գաղտնի հառաչանօք մի զոր նըշմարեց Ներսէս առանց սակայն դիտած լինելն յայտնելու :

Երիտասարդին սիրտը կ'արիւնէր, ու այդ սրուն արարածն ազատելու համար չկար զո՞ր որ յանձն չ'առնուր կատարելու : Եւ արդէն սկսած էր իւր առաջին զօհն՝ բնակելով վայրերուն մէջ որք իւր անցեալ երջանիկ օրերու յիշատակը կը զարթուցանէին իրեն, և մինչ թմրած կը կարծէր Արարօրիայի գաղտնաբարձն՝ ահա կը զարթնուր զօրութեամբ մի որ զինքը ցաւցնելով կը զարմացընէր :

Տղուն յիշատակը յարակից էր իւր վարժուհւոյն յիշատակին, զի Աղունի և Արաքսիա երկու էակներն էին զորս՝ յետ իւր մօր, քան զամեն ոք աւելի սիրած էր։ Գառնութեամբ կը մտածէր թէ ինքն դատաւարաւուած էր կորսընցնելու ինչ որ պաշտած էր։ Աւերակաց ոգի՛ն էր ուրեմն որ նախասահմանուած էր ողբալու փլատակաց վրայ։

Արմինէ Ներսէսի շուրջը կ'ստանուր իբր թըռչուն դայլայլելով, յայտնելու համար իւր ուրախութիւնն եղբօրը վերադարձին համար։ Բայց զուարթութեան ճիչերն անտանելի են ցաւով բեռնաւորած հոգւոյն համար։ ու թէեւ սրտովին կը դուրգուրար Ներսէս փոքրիկ Արմինէի վրայ, սակայն լուազոյն պիտի համարէր եթէ առանձին լինէր՝ այդ նուիրական հիւանդին մէն մի շունչը, մէն մի բառն և մէն մի բազմանքը կատարելու։

Ասոյդ է որ գերեան վարժուհին կը հեռանար երբ Ներսէս հիւանդին սենեակը կու գար, անոր և քրոջը մտերմական տեսութեան արգելք չլինելու համար։ Բայց նոյն իսկ Արմինէ կարծես ուելորդ կ'երեւար այն երկու հոգեմաշ էակաց ընդ մէջ որուն մին իւր վազածամ վերջին վրայ կը թուէր ողբալ, և միւսն՝ իւր անցեալ ինչպէս և ներկայ աղիտից վրայ։

Յաւն զցաւ կ'որոնէ, զի ուրախութիւնը թուի թշնամալից նենգութիւն խաւարապատ վիճակի մի։

ԳԼՈՒԽ Կ.

Ներսէսի յանկարծական գալուստն իբր բօթ  
 հնչեց Տիկին Արգարեանի ականջին : Այդ հրէ :  
 մայրն՝ անտարբեր տղուն ծանր վիճակին , իւր  
 վատ մեքենայութեանց ու սիրահարական խոր-  
 հըրդոցն էր հետամուտ :

Յաջողած էր հաւատացնելու Խակուհիին Ներ-  
 սէսի ամուսնութիւնն՝ որպէս զի նա Արանեանց  
 հաղորդելով զայդ լուր , մինչեւ Արաքսիայի հաս-  
 նէր , վերջնական հարուածը տալով անոր յոյսե-  
 բուն : Բայց փոխանակ անուղղակի կերպիւ՝ Խ-  
 կուհին ուղղակի դուժած էր խեղճ Արաքսիայի  
 ականջին՝ Ներսէսի անտեղի ամուսնութիւնն :

Արիտասարդին վերագարձն ի դերեւ կը հա-  
 նէր բոլոր հաշիւները Տիկին Արգարեանի , և այդ  
 տեղի կ'ունենար անմեղ արարածի մի միջոցա-  
 որ կարծես վրէժխնդիր կը կանգնէր անմեղու-  
 թեան արդար գատին :

Տիկին Արգարեան ոչինչ գիտէր թէ հրաւի-  
 բանօր իւր դասերն եկած էր Ներսէս ի Պոլիս ,  
 և կ'անիծէր իւր շար հոգւովն այդ ուղեւորու-  
 թեան շարժառիթը :

Մանաւանդ որ տիկինը շարաշար կը տան-  
 ջուէր նկատելով որ իւր առաջարկն առ Սիտակ  
 երկու օրէ ի վեր անպատասխանի կը մնար : Եթէ  
 Սիտակ յաջողէր , կը մտածէր նա , Պ. Գրիգորի  
 դրամական պահանջումն առանց իւր միջամտու-  
 թեան գոհացնելու , անշուշտ անոր ամուսնու-  
 թիւնը կը կատարուէր վարդանուշի հետ , զի  
 կարող չէր արգիլելու զայն՝ Սիտակի և օրի-

որդ Գրիգորի միջեւ տեղի ունեցած զայժմակա-  
կան զէպքն երեւան հանելով, քանի որ փաստ մի  
չ'ունէր: Միակ օր'նաւոյ վրայն որ իր'նն կրնար  
օժանդակել Պ. Գրիգորն էր. և նա իւր տան  
պատուոյն համար պարտաւորեալ էր անշուշտ ը-  
ռելու՝ եթէ խնդիրը վերջանար առանց որ և է  
աղմուկ յարուցանելու:

Եւ եթէ Միսակի պատկազրութիւնը կատար-  
ուէր՝ հետեւաբար ենթադրելու էր թէ Արաք-  
սիայինն եւս տեղի պիտի ունենար Ներսէսի հետ,  
զի այս վերջինն ամեն իրաւունք պիտի ունենար  
կասկածելու թէ Արաքսիա գուցէ ի նպատակ իւր  
բարեկամութեան զործած էր. կասկած'ն մինչեւ  
ստուգութիւն քայլ մի կար միայն, և եթէ այդ  
քայլն առնոյր, բոլոր իւր լարած թակարդներն  
ապարդիւն կը մնային, և իւր հոգւով շափա-  
տած աղջիկն իրեն կրած անուէնը կ'ստանար:

ԶՆերսէս շփոթելու համար միակ միջոց մի  
կար, այն էր օրիորդ Գրիգորի սիրահարութիւնն  
Միսակի հետ՝ երեւան հանելով հաստատել տալ  
զայն կերպով մի Պ. Գրիգորէն, քանի որ տա-  
կաին զործը վերջացած չ'էր և մարդը Պոլիս կը  
գտնուէր: Բայց այդ մատնութիւնն անկարող էր  
ընելու ցորչափ չ'ընդունէր Միսակի բացարձակ  
մերժումն իւր առաջարկած դրամին վերաբե-  
րութեամբ. ուստի սոժախանակեայ կերպիւ ան-  
գործութեան դատապարտուած էր Տիկին Ար-  
գարեան և այդ վիճակը մահառիթ էր կարծես  
իրեն համար, երբ ամեն վոյրկեան իրաց վիճակը  
կրնար փոփոխել ի վնաս իրեն:

Նոյն իրիկունն զալտեան օրուան Ներսէսի



ի տան հայրենի, երիտասարդը գնաց ընդունելու հիւրերն որք եկած էին իրեն բարի գալուստ մաղթելու. նոյն սենեկին մէջ կային Պ. և Տիկին Արդարեան: Այլ և այլ խօսակցութեան նիւթեր իրարու յաջորդելով, խնդիրն ինկաւ Սիւսակի մօտուլուտ ամուսնութեան վրայ, Վարդանուշի յարատեւութեան վրայ իւր սիրոյ զգացմանց մէջ, որով և պարտաւորութեանն անոր ծնողաց այդ ամուսնութեան համար վերջապէս իրենց հաւանութիւնը տալու:

Պ. Փրիգոր ներկայ էր այդ խօսակցութեան և բոլորովին լուռ կեցաւ: Բնականապէս նոյնն ըրաւ Պ. Արդարեան. իսկ Տիկինն անկարող եղաւ որ և է աննպաստ ակնարկութիւն մ'ընել նոյն ինչ հետուէն հետու ի մասին օրիորդ Վրիգորի, որով կարենար ենթադրել տալ Ներսէսի թէ ինչպէս գաւառացի օրիորդին՝ նոյնպէս և Արաքսիայի հետ սիրահարական յարաբերութիւններ ունենալէ վերջը՝ Սիսակ օրիորդ Երանեանի հետ կ'ամուսնանար վերջապէս:

Բայց Ներսէս Վարդանուշի վերաբերեալ տեղեկութիւններն խմանալով, և լուռ ճանաչելով սերտ բարեկամութիւնն Արաքսիայի անոր համար, քանի որ զայդ բազմիցս յայտնած էր իրեն իւր սիրուհին, յուսադրող ուրախութեամբ համակուեցաւ, մտածելով թէ ինքը գուցէ թիրիմացութեան զոհ եղած էր, և թէ Արաքսիա կորուսեալ չ'էր իրեն համար:

Յուսահատ հոգի մի որ ի յոյս կը վերադառնայ կը կարծէ սակեզօժ երազի ներգործութեան ներքեւ լինել, և իրաց ստոյգ վիճակին վրայ ա-

պացոյց մի ստանալէն կը վախնայ իբր գառն  
զարթումէ մի :

Ներսէս կը վայելէր այդ յայտնութեամբ ներ-  
քին ցնծութիւն մի՝ որուն սաստկութենէն իսկ  
կը կասկածէր թէ վազանցուկ պիտի լինէր :

Վիրաւոր հոգիները կասկածոտ են, և նոյն  
խակ իրենց նպատակներ հանդիսացած իրողու-  
թեանց մէջ բազմին դաւադրութիւնը կը տեսնեն,

Ներսէս անհամբեր էր առանձնանալու խոր-  
հելու համար և աւարկելով իւր ճամբորդու-  
թեան ազդած յոգնութիւններն՝ հրաման խնդ-  
րեց իւր հիւրերէն սենեակը քաշուելու :

Տիկին Արզարեան որ ամեն ինչ գիտած էր՝  
նշմարեց նախ գոհունակութեան շողն որով ներ-  
սէսի դէմքը վայրկեան մի փայլած էր և ապա  
այդ գոհունակութեան սեւ անդրադարձութիւն  
մ'ունենալն : Իւր հոգին կը մոնչէր, կ'ուզէր հը-  
նարել ուրիշ չար միջոցներ միանգամ ընդ միշտ  
վերջնական կերպիւ հարուածը տալով Արաք-  
սիայի բազդին, և այդ նպատակին հասնելու հա-  
մար մտադիր էր հետեւեալ օրն իսկ գրել Սիւս-  
կի անոր որոշումն իմանալու համար :

---

ԳԼՈՒԽ ԿԱ.

Ներսէս յառաջ քան իւր սենեակը քաշուելու  
գնաց այցելելու իւր սիրելի հիւանդին : Աղաւնի  
արթուն էր, ըստ իւր սովորականին, զի շատ ան-  
գամ տքնութիւններ օւնէր, և գիշերուան լռու-  
թեան և առանձնութեան մէջ միայնակ անքուն

կը հսկէր . յայնժամ կը մտածէր շատ նիւթերու վրայ և մանաւանդ ի մայրենի սիրոյ զուրկ լինելուն վրայ , և այդ գրկումը խիստ ծանր էր իւր զգայուն հոգւոյն :

Փոխարինութիւն մ'ունէր իւր քրոջը գորովոյն մէջ , բայց այն որոտող աղայական զգացումը բաւական չ'էր յագեցնէր յինքն այն մեծ պէտքն զոր կ'զգար սիրելու և սիրուելու : Կը փնտռէր ինչ որ ծանր և խորունկ էր , և զայդ կերպով մի գտած էր Ներսէսի և Արաքսիայի սիրոյն մէջ : Բայց մին ինչպէս և միւսն հեռացած էին իրմէ , և ինքը մատնուած էր ի ձեռս օտարոց , անհոգ անձանց անտարբերութեան հանդիպած էր , այնպէս որ չ'էր համարձակեր արժնցնելու գիշերուան մէջ իւր քով հսկող աղախինն , եթէ խիստ տագնապեցուցիչ վիճակ մի գինքն շնորհէր առ այդ :

Նոյն գիշեր Աղաւնի զեղբայրն իւր քով ունենալու գիտակցութեամբ օւրախ էր , գոհ անհունապէս . և այդ գոհունակութեան սաստկութեանէն իսկ իւր ջղերը գրգռուած էին , որով անկարող էր ննջելու :

Ներսէս Աղաւնիին սենեակը մտաւ առանց ձայն հանելու և ամենայն զգուշութեամբ անոր անկողնին մօտեցաւ : Մանուկը զեղբայր իւր տեսնելով՝ ըսաւ ցնծութեամբ .

— Ա՛հ , գո՛ւ ես , եղբայրս :

— Չես քնանար , քուրի՛կս :

— Այնչափ երջանիկ եմ գալստեանդ պատճառաւ որ անհնար է ինձ աչերս գոցել :

Ներսէս յուղուելով այդ արտայայտութենէն

ծոնեցաւ արուն մահճին վրայ և համարյր մի ար-  
ւաւ փոքրիկ հիւանդին :

— Արշա՛րի ուրախ եմ, Եղբա՛յրս, մտածելով  
թէ ի՛մ հետս պիտի բնակիս ցորչափ պէտք ու-  
նենամ քեզի :

— Ապահով եղիր և գիտցիր թէ ամեն կամ-  
քերդ կատարելու պատրաստ եմ :

— Ամե՛նքը, հարցուց մանուկն, աղերսագին  
անոր նայելով :

— Ամենքն, Աղունի, և ինչ որ խնդ-  
րես :

-- Լաւ ուրեմն. խոստացիր զԱրաքսիա տես-  
նելու առիթ մի հայթհայթելու ինձ, ըսաւ Եղ-  
բօրն, անոր ահանջէն վար ցած ձայնիւ խօսե-  
լով, զի կը կոսկած էր որ ալախինը կամ իւր  
քայրն արթննալով առաջորկը կը լսէին : Ոչ թէ  
Արմինէին վրայ վստահութիւն չ'ունէր, այլ կը  
վախնար որ շափազանց աշխուժին մէջ թեթե-  
ւութեամբ կը մտանէր իւր գաղտնիքն և յայն-  
ժամ գիտէր որ իւր մայրն ամեն անողորմ պա-  
տերազմ յարուցանելու կարող էր, քանի որ նա  
արգիլած էր որ Արաքսիայի խօսքն անգամ ընեն  
տան մէջ :

Ներսէսի թուեցաւ նոյն միջոցին որ Աղունի  
երջնառաք հրէշտակ մ'էր, զի ինքն եւս կը մը-  
տածէր թէ ի՛նչպէս կրնար Արաքսիայի հետ տե-  
սութիւն մ'ունենալ կասկածելի թուած խնդիր  
մի լուսաբանելու համար : Ուստի ամենայն ե-  
ռանդեամբ պատասխանեց .

— Պատրաստ եմ կամքդ կատարելու :

— Եղբա՛յրս, օրհնեալ լինիս :

— Սակայն ո՞ւր կրնաս տեսակցիլ հետք , Աղաւնի՛ս :

— Այս տան մէջ անհնար է :

— Տարակոյս չկայ : Ուրեմն ի՞նչպէս յաջողինք :

— Պատուիրած է բժիշկը կառքով երթալ շրջագայութեան . եւ յօժարամիտ չ'էի այդ պատուէրը գործադրելու , զի աշխարհ իւր բոլոր աղմուկներով , սիրախօսութեան ցոյցերով ու կեանքովն առաւել եւս արտութիւնս կ'աւելցնէ . և քանի որ մայրս բնաւ հոգ չ'էր տաներ գուրս ելնէլուս կամ չ'եղնելուս , նախապատիւ կը համարէի տան մէջ փակուած մնալ :

— Հասկցայ , սիրո՛ւն հրեշտակս , կ'ուզես որ տեղ մի ժամադրութիւն ունենամ օրիորդ Արաքսիայի հետ :

Աւաջին անգամն էր որ Ներսէս այդ անունը կը հնչէր , և սիրաբը զօրաւոր բարախօսմ մ'ունեցաւ :

— Ճիշդ այդ է խնդրածս քեզմէ , եղբայրս : Միայն թէ գուն ու ես տեղեակ լինինք այդ խորհրդին գործադրութեանը : Կը փափաքէի որ քոյրս եւս տեսնէր մեր սիրելի օրիորդը , բայց կը վախնամ որ չ'կարողանայ լուել :

— Իրաւունք ունիս , Աղաւնի՛ս : Արմինէ տըղայ մ'է տակաւին , իսկ դու կարծես ծերացած ես աղայ լինելէ յառաջ :

— Արով և կեանքս վերջանալու վրայ է , ըսաւ աղջիկը , դառն ժպիտով մի :

— Եթէ չ'ես ուզեր զիս վիրաւորել , հաւածէ այդ սոսկալի գաղափարներն . ես եւս զայդ

կը խնդրե՛մ բեզմէ իմ ընկելու ծառայութեանս  
փոխարէն :

— Պիտի ջանամ, եղբայրս :

— Կուզե՛մ որ յաջողիս մանաւանդ, կ'իմա-  
նա՞ս, եթէ չես ուզեր սիրտս ցուցնել :

— Ես ընդհակառակն զբեզ կըջանիկ տես-  
նելու կը փափարիմ, եղբայրս :

— Եթէ դու գո՛հ և ուրախ լինիս, ևս աշ-  
նոյնը կը լինիմ :

— Սահայն, եղբայրս, կը փափարիմ որ վաղն  
առաւօտ իսկ երթաս ի տեսութիւն մեր վար-  
ժուհւոյն, իմացնես իրեն թէ միշտ զինքը սիրած  
եմ, և թէ կը փափարիմ զինքը տեսնել ժամ յա-  
ռաջ :

Խեղճ ազջիկը կը վախնար որ դուցէ ժամանակ  
չ'ունենար այդ տեսութիւնն ընկելու եթէ գործն  
երկարաձգուէր : Եւ հիւանդաց յատուկ անհամ-  
բերութեամբ խնդրեց Ներսէսէն որ առաւօտուն  
գոյ զինքն ողջունելու Արաքսիայի այցելութեան  
երթալէն վերջն, որով և անոր պատասխանն հա-  
ղորդէ իրեն :

Աղաւնիի անհամբերութիւնը կը համապատաս-  
խանէր Ներսէսի սրտին անձկութեան. եթէ կա-  
րելի լինէր երիտասարդին՝ գիշերուան մէջ իսկ  
սխալ գիմէր Արաքսիայի, անկէ ճշմարտութիւ-  
նըն իմանալու համար :

Ուստի Ներսէս իմացու Աղաւնիէն թէ երի-  
տասարդ ուհին Տիկինն Հարթմանեանի տան մէջ  
կը բնակէր :

— Արդեօք կրնա՞ս դրուցնել ինձ հասցէն Տի-  
կինն Հարթմանեանի, հարցուց Ներսէս :

— Այո, եղբայր :

— Բայց դու ամեն ինչ կ'իմանաս ուրեմն, հետաքրքիր բուրիկ, գոչեց երիտասարդն ուրախութեամբ :

— Հետաքրքիր եմ ինձ սիրելի անձանց նըկատմամբ :

Ներսէս ուզածն իմանալէն վերջը քիչ մի եւս հիւանդին բով կեցաւ, խօսակցեցաւ անոր հետ, և երբ աղջիկին աչերը գոցեց՝ հեռացաւ անձայն առանց երկու բնացողներուն քունը վրդօվելու, մտաւ իւր սենեակն, ու հազիւ հազ կարողացաւ ննջել մէկ երկու ժամ, այնչափ յուսադրող և կատկածալից՝ միմեանց ներհակ գաղափարներ մտքը կ'զբաղեցնէին :

---

### ԳԼՈՒԽ ԿԲ.

Առաւօտուն արշաղուսին հետ ելաւ Ներսէս, մտանաւ որ խնամօք զանձն իւր զարդարեց, և այլ և այլ բաներով աշխատեցաւ որպէս զի յաջողի երկու երեք ժամեր անցնելու՝ մինչեւ որ առաւօտեան վայելուչ ժամու մի կարենար ներկայանալ Տիկին Հարթմանեանի տունը : Նոյն առաւօտ Արաքսիա եւս քան զսովորականն կանուխ ելած էր ընդունելու համար զՍիսակ :

Մեր երիտասարդն անհամբերութեամբ իմն զոր գիւրին է երեւակայել, ներկայացաւ Արաքսիայի, իմանալու համար, թէ յաջողած էր զինքը փրկելու : Աղջիկն ամեն ինչ ի կատար հասուցած էր. ուստի Սիսակ ընդունեց անկէ

500 սոկին՝ յանձնելով նմա պարտամուրհակ մը  
զոր անսխալօքս գրեց և ստորագրեց : Ապտ  
Սիսակ նասալնիթաց օրուան խոստումներն և բու-  
ւըն շնորհակալիքն երկրորդելէ յետոյ , փութաց  
մեկնելու ժամ յսաաջ Պ Ք րիդորի հետ իւր գոր-  
ծը կարգադրելու համար , վերջնական կերպիւ  
մի անգամ ընդ միշտ խոստանալով անձին ոչ եւս  
կնճառտ պարագայներու մէջ գտնուիլ :

Մինչ Վարդանուշի նշանածը դուռը բացաւ  
դուրս ելնելու համար՝ երես տա երես գանուե-  
ցաւ Ներսէսի հետ : Սա խիստ անասորժ զգա-  
ցում մ'ունեցաւ նշարելով զայն որ իւր նա-  
խանձորդն համարած էր այնչափ ժամանակ , և  
նեղացաւ հաստատելով թէ նա այդքան կանուխ  
այցելած էր Արաքսիայի :

Սիսակ կ'անգիտանար Ներսէսի վերադարձն ,  
որով զարմանքն յայտնեց զինքը տեսնելուն վրայ :

Վ Արաքսիայ տեսնել ամենէն պարզ պարագայի մէջ  
անգամ . ուստի Ներսէս այդ զարմանքը դըժ-  
գոհութեան ծածուկ զգացման մի վերագրե-  
լով՝ իւր անհանգստութիւնն և դառնութիւնը  
սաստկացաւ , և խօսքը կարճ կատելով հարցուց  
եթէ այդ տունը Տիկին Հարթմանեանի՞նն էր .  
և Սիսակէն հաստատական պատասխան մ'ըն-  
դունելով ներս մտաւ զօրիորդ Արաքսիան խընդ-  
րելով սպասաւորէ մի որ ներկայացաւ իրեն :

— Աթէ չեմ սխալիր օրիորդը սա խուցն է ,  
ըսաւ , սենեակ մի մատնանիչ ընելով . բայց կը  
հաճի՞ք , պարո՞ն , ձեր անունն յայտնել որպէս  
զի ձեր այցելութիւնն իմացնեմ օրիորդին :



— Հարկ չկայ, ըսաւ Ներսէս, և արտասո-  
վոր սրտայուզութեամբ քայլեց դէպ այն կողմ  
ուր կը գտնուէր սրտին թագուհին :

Սենեակին դուռը բացաւ սպասաւորն ու կտ  
քաշուեցաւ անմիջապէս, մինչ Ներսէս ներս մտ-  
նելով դէմ առ դէմ գտնուեցաւ աղջկան հետ :

Արաքսիա սաքի վրայ էր, և քայլ մի կտ սա-  
նելով նստարանին վրայ անկաւ անխօս :

Ներսէս, ոչ նուազ յուզուած, կը նայէր ա-  
նոր զոր այնչա՛փ սիրած էր, և զոր կը սիրէր  
տակաւին հակառակ իւր կամաց : Կայց յաջողե-  
լով յաղթելու իւր յուզման, և չգիտնալով եթէ  
Արաքսիա յանցաւոր էր թէ անմեղ, պաշտօնա-  
կան ձեւով մի ըսաւ .

— Օրինորդ, կուգամ նուիրական սրտաք մը  
կատարելու :

— Պատրաստ եմ ունկնդիր լինելու ձեզ, պա-  
տասխանեց աղջիկն հանդարտութեամբ մի զոր  
կը սսէր իւր ազնկալից սիրտը :

— Ար մտտաբխմ հազորդ ել ձեզ դուցէ վեր-  
ջին կամքն ողբացեալ Աղաւնիի, ըսաւ երխտա-  
սարդն յուզմամբ :

— Ո՛վ իմ պաշտելի Աղաւնիս, մըմնջեց օրի-  
որդը, դու շմոցա՛ր զիս գոնէ : Բայց խնդրեմ  
այնչա՛փ անյոյս է ուրեմն այդ պաշտելի արա-  
քածին վիճա՛լը :

— Դժբաղդ արտար այնպէս կ'երեւի :

— Ո՛վ աղէսք : Խնդրեմ, ի՞նչ կը պահանջէ  
Աղաւնիս :

— Կուզէ զձեզ տեսնել վերջին անգամ մի,  
ըսաւ Ներսէս նուազեալ ձայնիւ :

Արաքսիա սկսաւ լալ յորդառատ : թէն սաւ,  
տիկ զգածուեցաւ Աշաւնիի յայտնած փափա-  
քէն, սակայն այդ չլաւ պատրուակ մ'էր առանց  
ամաչելու և խոնարհելու, իւր արտասուեաց հո-  
սելու ազատութիւն տալու համար :

Ներսէս դժուարաւ կը յաղթէր իւր արտաս-  
ուաց, և կը կարծէր զանել վերստին զիւր սըր-  
տինն հատորչ : Բայց Արաքսիա ընդհակառակն  
զայն ամուսնացած կարծելով զիւր կորուստը  
կուլար :

Օրիորդն սակաւ ինչ հարդարեալով, հարցուց-

— Ո՞ւր արդեօք հնարաւոր է ինձ տեսնել  
զԱշաւնին :

— Աչ տանը մէջ :

— Այդ անհնար է արդէն, գիտեմ, զի դըժ-  
բազդարար թշնամութիւն յարուցած եմ ինձ  
դէմ առանց սակայն մէկու մի մնաս հասցնելու,  
եթէ ոչ իմ անձիս :

Ներսէս այնպէս յուզուած էր ազնկան ա-  
նարուեստ և սրտառուչ ձեւերէն որ անդիմադ-  
րելի բազմանք մ'ունեցաւ անոր ստրն ի յնալու :

— Այսինքն, օրիորդ, հարցուց :

— Փոհ եմ որ այսօր առիթ կ'ունեննամ, թէն  
այսպի ի տխուր պարագայի մի շնորհիւ, արդա-  
րացնել զանձն իմ ձեր առջեւ, զի վստամ եմ որ  
թիւրիմացութեան առարկայ եղած եմ :

— Երանի՛ թէ այնպէս լինէր, օրիորդ, և ես  
յանցանքս, եթէ հարկ է, արեւմիս իսկ կը քա-  
ւեմ :

— Ի՞նչ հարկ, շատ ուշ է, պատասխանեց  
ազնիկն :

— Երբէք ուչ չ'է արդարութեան համար իւր փրկարար պաշտօնն ի գործ դնելու : Բայց կը խնդրեմ, օրիորդ, խօսեցէք շուտ, և յայտնեցէք թէ ո՞ր թշնամութեանց կ'ակնարկէք :

— Ո՛հ, պատասխանեց, Տիկին Արդարեանին կ'ակնարկեմ :

— Ի՞նչ ըրաւ նա ի մնաս ձեզի :

— Ի՞նչ ըրաւ, կ'ուզէ՞ք իմանալ, ուրեմն ունկընդիր եղէք :

— Անհամբեր եմ ամեն ինչ իմանալու :

— Ես երբէք չյայտնեցի ձեզ ի պատիւ ձեզ և ձեր հօր, թէ այդ տիկինը սիրահարեալ էր Պ. Միսակի :

— Սիրահարեալ, ի՞նչ կ'ըսէք :

— Այո՛, և այնպէս սիրահարեալ որ ամենէն անշուր անիրաւութիւնը գործելու փոյթ չ'ըրաւ :

— Ի՞նչ անիրաւութիւն, հարցուց երիտասարդն, ուրախութեան յուզմամբ մը զոր գիւրբին էր ըմբռնել, զի կը յուսար որ հասած էր վայրկեանն ամեն ինչ լուսարանելու : Բայց յանկարծ միտքն անկառ դարձեալ գիշերային ժամադրութիւնն, ու ճակատը մթնցաւ :

— Միսակի սիրահարուած էր նաեւ, յարեց աղջկից, Վարդանոյշ բարեկամուհիս, և այդ ամուսնութիւնն արգիլելու համար ձեր մօրուն օգուտ բաղեց իմ և Միսակի բացակայութենէն հաւատացնելու համար Վարդանուշի թէ ևս գաղտնի յարաբերութիւններ ունէի իմ ազգականիս հետ, և թէ գիւնքն անօրինարար կը խա-

բէի : Եւ ո՞ գիտէ եթէ նոյնը չ'ըրաւ և ձեզ նը-  
կատմամբ :

— Սա տարբերութեամբ որ փոխանակ խօս-  
քերու գործ ներկայացուց ինձ :

— Չեմ հասկնար :

— Գիշեր մի մինչ կը ննջէի, եկաւ զիս ար-  
թընցուց, տեղացս հանեց, և յորդորեց զիս ըս-  
պատելու և հայելու : Եւ երբ կ'ուզէի իմանալ  
թէ ի՞նչ կ'ուզէր ըսել, ահա տեսայ զձեզ որ գի-  
շերուան մէջ ճրագ ի ձեռին սենեկէ մի դուրս  
կ'ելնէիք Սիսակին հետ աւանձին :

— Աղիբատ կ'ինն :

— Այս մասին յանցաւոր չեմ գտներ զինքը :

— Յանցաւոր չէ՞ք գտներ : Ինչո՞ւ ուրեմն  
խօսակցութեանս ունկնդիր չ'ըրաւ զձեզ նաեւ,  
եթէ մասնաւոր նպատակ մի չ'ունէր զձեզ խօ-  
սելու :

— Այո՛, պատուիրեց ինձ գրանս առջեւէն  
չհեռանալու :

— Ես ձեզի պատճառն իմացնեմ. վասն զի  
եթէ ըսածներս դուք իմանայիք, մեղադրութեան  
տեղի չ'էր մնար, քանի որ պիտի լէիք թէ ի  
նպատակարարանուշի դատ կը վարէի, և առա-  
ւելըն կայ՝ պիտի իմանայիք նաեւ Տիկին Ար-  
գարեանի սիրահարութիւնը Սիսակի հետ :

— Այդ սոսկալի հրէշին խաղալի՞քն եղայ  
ուրեմն :

— Եւ ես անոր զոհը գծրախտաբար :

— Բայց խնդրեմ սա եւս յայտնեցէք ինձ թէ  
ի՞նչ պէտք ունէիք մութին զՍիսակի հիւրընկալե-  
լու :

— Վասն զի Վարդանայշ անհնարին կասկածներէ և տառապանքներէ տանջուելով՝ խնդրած էր ինձմէ որ անպատճառ հեռուեալ առաւօտն իրեն լուր մի տամ Սիտակի խորհրդոց վրայ, եթէ չ'էի ուզեր որ մեռնի: Աւրիչ մ'ընց չ'ունէի բայց ժամագրութեան մի դիմելու խաւարի ժամանակ, Տիգրին Արդարեանի կասկածները չ'զրգըռելու համար:

— Ո՛վ իմ Արաքսիաս, կը գտնե՞մ զքեզ ուրեմն վերստին, ըսաւ Ներսէս, անհուն խանդիւ, և մերձե՞նալով աղջկան ուզեց ձեռքերը համբուրել:

Վարժուհին ետ քաշուելով ըսաւ .

— Այդ իրաւունքն ոչ եւս ունիր:

— Ո՛հ, արդեօք ուրիշի՞ խոստացար սիրտդ, Արաքսի'ա:

— Ես ո՛չ, բայց դուք բանի որ ամուսնացած էք, պէտք է որ հաւատարիմ մնաք ձեր կնոջ:

— Ե՛ս, ամուսնացա՞ծ, ո՞վ ըսաւ քեզ այդ սուտը:

— Աստուա՛ծ իմ, գոչեց աղջիկն, սո՞ւա է ուրեմն:

— Կատարելապէս, Արաքսիաս, զի սիրտս՝ հակառակ բոլոր ջանիցս, բուկղ մնաց, բուկղ է և պիտի լինի միշտ:

— Արդեօք կ'երազե՞մ, դու ի՞նչ ես վերըստին, Ներսէ՛ս:

— Ո՛չ, երազ չ'է, այլ երկնային իրախանութիւն: Բայց յայտնէ ինձ, ո՞վ հաւատացուց քեզ թէ ես ամուսնացայ:

— Կ'իմանա՛մ, կ'իմանա՛մ:

— Ի՛նչ կայ :

— Գարձեալ Տիկին Արգարեանի նենգաւորութեան փաստ մի :

— Չեմ հասկնար :

— Իսկուհին կամաւոր թէ ակամայ գործիքն եղած է Տիկին Արգարեանի, նա ըսաւ ինձ թէ դու ամուսնացեր ես անգլուհւոյ մի հետ :

— Խեղճ հայրս, որպիսի՛ ճիւղի ձեռք ինկած է :

— Ի՛նչ զարհուրելի կին :

— Բայց ներէ ինձ վերջին հարցում մի, Արաքսիս :

— Խօսէ, Ներսէ՛ս :

— Ի՛նչ պատճառաւ այս առաւօտ կանուխ Սիւսակ այցելութեան եկած էր քեզ :

— Գարձեա՞լ կը կասկածիս :

— Ո՛չ, ո՛չ, բայց պարզ հետաքրքրութիւն մ'է :

Ի պատասխանի այդ հարցման՝ Արաքսիս գրպանէ ներկու թուղթեր հանելով զանոնք երիտասարդին մատոյց. մին՝ նամակն էր Տիկին Արգարեանի առ Սիւսակ՝ որով 500 տկի կ'առաջարկէր անոր, և միւսն պարտամուրհակն էր Սիւսակի :

Ասաւ զանոնք Ներսէս և հետզհետէ կարգաւով, առաջինը խնդրեց Արաքսիայէն, և երկրորդը վերադարձնելով բացատրութիւն ուզեց կարդացածին վրայ : Ազջիկը պատմեց օրիորդ Գրիգորի պարագայն, և իւր միջամտութիւնն զՍիւսակ պատելու համար անել վիճակէ մի :

Ներսէս եւս քան զիւս հիանալով ազջիկանք

վրայ, և սոսկալով այն անդառնալի կորստեան վրայ զոր պիտի ընէր նենդութեան խաղալիք լինելով, կ'օրհնէր զիւր Աղանին որ պատճառ եղած էր իւր կորուսեալ սիրելին իրեն վերագարձընելու :

Աղանի տնունը լսելով՝ Արաքսիա յիշեց երախտագիտութեամբ այն հրեշտակն զոր մտցած էր վոյրիկ մի իւր անձն արդարացնելու համար, և հարցուց անձկութեամբ թէ ե՞րբ և ո՞ւր տեղի պիտի ունենար իրենց տեսութիւնը :

— Ե՞րբ, չ'գիտեմ, պատասխանեց Ներսէս. սակայն կրնամ հաստատել թէ նոյն իսկ հօրս տան մէջ պիտի տեսնուիս քրոջս հետ :

— Հօրդ տան մէջ, հարցուց Արաքսիա դամանօք :

— Եթէ Տիկին Արգարեան չ'ուզէր որ իւր գաւերը, խայտառակութիւններն և նամակներն երեւան հանեմ, պարտական է բնաւ ամենափոքրիկ գժուարութիւն չ'յարուցանելու քու այցելութեանդ մասին, ըսաւ Ներսէս եղանակաւ մի, որ յայտնի էր թէ խօսքերը կատակ չ'էին :

Երկու երիտասարդներն իրարու երկրորդելով յորդ առատ և սիրալու սրտերնուն ուխտերը, բաժնուեցան, Արաքսիա ընդ փոյթ Տիկին Հարթմանեանի աւետելու համար իւր երանութիւնն, և Ներսէս տուն վերագառնալու մըտօք :

ԳԼՈՒԽ ԿԳ.

Անհամբերութեամբ կ'սպասէր Աղաւնի եղբորը վերադարձին, խմանալու համար եթէ հանդիպած էր Արաքսիոյի, և եթէ հանդիպած՝ ի՞նչ հետեւեանք ունեցած էր իւր առաջտրկը :

Բայց երբ Ներսէս սենեակէն ներս մտաւ, հիւանդն անմիջապէս խմացաւ որ նա աւետարեր մ'էր, ու քրոջն առջև ոչինչ յայտնելու համար աչերսօյն հարցուց ինչ որ կ'ուզէր հաստատապէս խմանալ : Ներսէս մտանալով մանկան և զայն գրկացը մէջ առնելով՝ հոգեբուզիս համբոյր մի տուաւ անոր, ըսելով .

— Կամքդ պիտի կատարուի, ո՛վ դու իմ երջանկութեանս պատճառը :

Աղաւնի այդ խօսքերէն սա միայն հասկցաւ թէ պիտի տեսնէր վերջապէս զօրիորդն որուն տեսութեան կարօտ էր :

Ներսէս սակաւ ինչ երկու քայրերուն հետ կենալէն վերջը, երբ օտք ելաւ ամոնցմէ հեռանալու համար, Արմինէ ուղեց խափանել ընթացքը հազար մանկական սատանութիւններով, մինչ Աղաւնի կշտամբայից ձեւով մ'ըսաւ .

— Եղբայրս, այսչա՛փ անհամբեր ես ուրեմն զիս թողու :

— Հրեշտակս, պատասխանեց նա, ցաւ է ինձ թողուլ զքեզ այսչա՛փ շուտ . բայց կարգադրելիք զորժ մ'ունիմ, և անմիջապէս որ կատարեմ զայն, կուգամ քեզ և Արմինէի խիտ ուրախառթիւ լուր մի տալու :

— Իմացուր զայդ այժմէն, զոչեց Արմինէ :



— Ո՛չ, անկարելի է :

— Կոպտակներ , եղբայրս , ըստ Ազաւելի ,  
համակերպութեամբ :

— Անցնե՛ս ուրեմն , իմ սիրուն զոքրիկս ,  
ըսելով , համարոյր մի եւս տուաւ հիւանդին , ու-  
րիշ մ'ալ Արմինէին , և փութաց սենեկէն դուրս  
ելնելու :

Ներսէս հարցուց ազախնոյն եթէ Տիկինն ար-  
թընցած էր , և խմանալով որ նա իւր սենեակին  
էր , և թէ իւր հայրն եկեղեցի դնացած էր՝ կի-  
րակի լինելով նոյն օրը , քայլեց դէպ ի խուց Տի-  
կին Արգարեանի , և հարցուց անոր եթէ նե-  
րելի էր ներս մանել :

Տիկինն հաճեցաւ , սակայն մեծ սրտայու-  
զութիւն մ'զգաց նկատելով թէ ամուսնոյն որ-  
դին ոչ երբէք այդ պիտի քայլ մ'առած էր մին-  
չեւ նոյն օրն , և թէ կարելոր պատճառ մ'ու-  
նէր անշուշտ իւր սենեկին մէջ հետը խօսելու  
արտօնութիւնը խնդրելով :

Ներսէս սենեկէն ներս մտաւ ու դուռը դո-  
ցելով խնացուց թէ առանձին խօսակցութիւն մի  
կը խնդրէր :

— Կրնոք փտահ լինել , ըստ արիկինը , թէ  
ոչ որ հոս կը մտնէ աւանց հրամանիս , եթէ ոչ  
ամուսինս :

— Լաւ ուրեմն , ըստ երիտասարդն , և  
փայրկեան մի կանկ առնլով՝ սկսաւ այսպէս իւր  
խօսակցութիւնը :

Չգիտեմ ի՛նչ պատճառ ունիք , Տիկին , օ-  
րիորդ Արաքսիայի դէմ ատելութիւն ունենա-  
լու համար :

— Խնդրեմ, պատասխանեց գոռոզ կրինն, երբէք զինքն ատելութեամբս չեմ պատուած, և դուք զարմանալու չէք այդ բանին վրայ:

— Դուք, Տիկին, ինչպէս և ես կ'երեւայ թէ թիրութեամբեան զոհ եղած ենք:

— Կ'երեւայ թէ այդ խարդախ ազգիկն յաջողած է զձեզ կրկին անգամ խաբելու:

— Ես անձս և ոչ անգամ մի սխալած կը համարիմ որպէս զի երկրորդ անգամ սխալելէ զգուշանամ:

— Ես, յօգուտ ձեր, յայտնեցի այդ վարժուհւոյն որպիսի՛ անբարոյական անձ լինելը, զի հասկցած էի որ թակարդ կը լարէր ձեզ, և ջանացի փրկել զձեզ: Ես խղճովին պարտքս կատարեցի, իսկ եթէ դուք կը յամառիք անպատուութեան գիրկն անկանիլ՝ ես անպարտ եմ:

— Տիկին, յամառութիւնս այնչափ հեռու կը մղեմ մինչեւ անգամ յայտնելու ձեզ, այս միջոցիս իսկ, թէ օրիորդ Արաքսիա Արքայանեան իմ նշանածս է:

Տիկին Արքարեան գեղնեցաւ իրրեւ զմահ, և պանութեան սաստիկութենէն զոչեց:

— Ես երբէք այդ անպիտան վարժուհին իրր Տիկին Արքարեան չ'եմ ճանաչեր:

— Ճանաչէք թէ ոչ, այդ փոյթ չ'է ինձ, միայն թէ կը պահանջեմ որ առաւել ակնածութեամբ խօսիք այսուհետեւ անձի մի վրայ որ քիչ ժամանակէն կրնս պիտի լինի, և որ ամենայն պատուոյ արժանի է իւր բարի վարքովը:

— Դուք չ'էր կրնար փոխել իմ աննպաստ

դաշափարս անոր վրայօք , և ոչ իսկ կրնաք արգիլել ո՞ր խօսի՛մ :

— Այո՛ , Տիկին , կրնամ արգիլել :

— Ի՞նչ եղանակաւ արգեօք , հարցւց կինն , արհամարհոտ ժպտով մը :

— Յայտնելով թէ ինչ որ գրուցեցիք օրիորդ Արաքսիայի վրայօք , պարզապէս գրպարտութիւն մ'էր :

— Ի՞նչ փաստերով արգեօք սխաի ապացուցանէք զայդ :

— Ի շնորհս այս նամակին , ըսաւ երիտասարդը գրպանէն հանելով Տիկինոջ նամակն առ Սիսակ , և զայն ցոյց տալով նմա :

Տիկին Արգարեան շանթահարելով լսեց առ ջի բերան , և ապա ուզեց ուրանալ թէ այդ գիրն ինքը գրած էր :

— Տիկին , ըսաւ երիտասարդն , ուրանալը բանի մի դոյութիւնը ջնջել է՛ք , ահա ձեր գիրըն , ամենքս եւս կը ճանաչենք , և եթէ յամօտիք ուրանալու դրութեան մէջ մնալու , սխաի պարտաւորիմ նոյն իսկ Պ. Սիսակի դիմել ճշմարտութիւնն յայտնել տալու համար անոր :

Կինն հասկցաւ թէ Սիսակ բացարձակ թըշնամի դարձած էր իրեն դէմ , քանի որ իւր նամակը թշնամեացը ձեռքը մտնած էր :

— Տիկին , ըսաւ Ներսէս , հայրս իրօք զձեզ պաշտած է մինչեւ ցարդ . բայց կուրօրէն հաւատալով ի ձեզ , իւր անունն ամեն տեսակ անպատուութեան մտներ է :

Լուս կը կենար սարսափած կինը :

— Սա սոյոք է , յարեց Ներսէս , որ զձեզ

պաշտելովն հանդերձ եթէ իմանար թէ որպիսի՛  
եղանակաւ գործածած էք ձեր վայելած ազա-  
տութիւնը , վայրկեան մ'իսկ զձեզ իւր յարկին  
ներքեւ չէր պահեր ազա՛ստագէտ . որով մէկ  
վայրկենի մէջ կը գրկուէիք բոլոր ձեր վայելած  
պատիւներէն իբր Տիկին Արգարեան , ու կենաց  
բոլոր մեծութիւններէն :

Տիկինն եւս քան զեւս կ'այլադուէր , և ան-  
ձը կը մաշէր նկատելով խոնարհ վիճակն որում  
ենթարկուած էր :

— Սակայն , տիկին , ըսաւ Ներսէս , ես հօրս  
ալեւորութեանը կ'ուզեմ խնայել , ինչպէս և տը-  
ղայոցն պատուոյն , վասն զի ընկերութեան մէջ  
չատ յանցանաց կը ներսի , բաւ է որ արտաքին  
ցոյցերն ըստ բաւականի լաւ պահպանուած լի-  
նին . բայց երբ այդ յանցանքն երեւան ելնելով  
մինչեւ գայթակցութեան կը հասնի յարուցած  
աղմկովն յայնժամ ընկերութիւնն անխիղճ կեր-  
պիւ զգատապարտեալը կը զեղչէ իւր ծոցէն :

Տիկին Արգարեան լաւ գիտէր թէ իւր ա-  
մուսնոյն անունն իբր պաշտպանող քօղ կը առ-  
բածուէր իւր վրայ :

— Աստի , Տիկին , ես կը ըլեմ ձեր մասին՝  
ինչպէս ըսի՝ հօրս և քոյրերուս խնայելու բաղ-  
ձանօր , զի ձեր յանցանաց մրուրը մինչեւ այն  
անմեղ էակաց վրայ կրնայ ժայթքել , բայց ե-  
թէ զօրիորդ Արաքսիան , այսինքն իմ նշանածս ,  
համարձակիք երբէք պախարակել և զրպարտել ,  
յայնժամ ես եւս ի սէր այն արդարութեան զոր  
կը պարտիմ Արաքսիայի , պէտք է որ զամեն ինչ  
հօրս յայտնեմ . զի ներքի չ'է որ անմեղն Արաք-

սիա աւելի երկար ժամանակ անիրաւուի իւր պատուոյ մասին :

Տիկին Արգարեան իմացաւ թէ ահագին սպառնալիք մի կը գոռար իւր գլխուն վերեւ , որուն գործադրութեան վրայօք բնաւ չ'էր տարակուսեր , զի լաւ կը ճանաչէր Ներսէսի բնաւորութիւնն : Ուստի խորամանկ եղանակաւ մի ըսաւ .

— Քանի որ դուք զօրիորդ Արաքսիան ընտրեցիք իրր ձեր սպառաջ կենսակիցն , ոչ այլ ինչ կը մնայ ինձ եթէ ոչ ճանաչել զինքն այժմէն իրր մեր ընտանեաց անդամ :

— Բայց այս եւս կ'աւելցնեմ որ ես կը պահանջեմ թէ այսուհետեւ մեր անունն առաւել արժանասպասուութեամբ կրէք , զի ես պիտի հըսկեմ ձեր վրայ , ըսաւ Ներսէս :

Տիկին Արգարեան կը լուէր թէեւ , բայց հոգին կը գոռար :

— Հօրս տակաւին ոչինչ խօսած էմ ամուսնական խորհրդոցս մասին , ըսաւ երիտասարդը , զի կը մտախաբէի նախ ընդ ձեզ խօսակցիլ այս նիւթին վրայ : Բայց անմիջապէս որ նա եկեղեցիէն վերադառնայ , պիտի խնդրեմ իւր օրհնութիւնը :

Նոյն միջոցին Պ. Արգարեանի ձայնը լսուելով՝ Ներսէս դուրս ելաւ Տիկինոջ խօսցէն , զնաց հօրն ընդ առաջ , և ընդունուեցաւ անկէ՝ ինչպէս միշտ , սիրալիր նշանակաւ :

ԳԼՈՒԽ ԿԳ.

Պ. Արգարեան այցելութեան կ'երթար իւր հիւանդ դասեր, ուստի առաջարկեց Ներսէսի հետըն կրթալու . բայց սա ըսաւ իւր ծնողին :

— Հայր իմ, նախ կը փափարթիմ ընդ քեզ առանձին խօսակցութիւն մ'ունենալ, և յետոյ միատեղ կ'երթանք Աղաւնին տեսնելու, եթէ կամիս :

— Լաւ, որդեա՛կս, պատասխանեց Պ. Արգարեան, և մտնելով անմիջապէս առաջին խօսցին մէջ՝ որդին հետեւեցաւ անոր՝ սենեկին դուռը գոցեց, ու հանդէպ ծնողին նստելով ըսաւ .

— Հայր իմ, գիտեմ որ դու իմ երջանկութեանս նախանձախնդիր ես :

— Այդ բանին տարակոյս կա՞յ միթէ :

— Ուստի գտած լինելով այն էակը զոր ինձ բազդակից ընելով կրնամ երջանկութիւնս ապահովել, կուգամ խնդրել ի քէն քու հաճութիւնդ ամուսնութեանս մասին :

— Ո՞վ է ընտրելիդ, տեսնենք, վստահ եմ որ անվայել ընտրութիւն մ'ըրած չ'ես :

— Օրիորդ Արաքսիան է :

— Գոհ եմ ընտրութենէդ, որդեա՛կ, դիւստ ամենայնի լաւ ազջիկ մ'է այն, ըսաւ հայրը ցնծութեամբ :

— Աւրեմն հաճէ տալ ինձ քու օրհնութիւնըդ :

— Որդեա՛կ, երջանիկ լեր բոլոր կենացդ մէջ, և հաստատուէ նոր ընտանեօրդ հանդերձ :

— Այսինքն, հայր, իմ սիրելեացս թուոյն վրայ ուրիշ սիրելի մ'ալ սխտի աւելցնեմ :

— Երթանք հաղորդել այդ լուրը Տիկին Արգարեանի նաև, ըսաւ Պ. Արգարեան, տեսակ մի անհանգստութեամբ, զի գիտէր արդէն որ իւր կիներ բնաւ նպաստաւոր չ'էր նմա :

— Աւելորդ է, հայր, զի երբ իմացայ բուրացակայութիւնդ՝ փութացի նմա հաղորդել այդ լուրն :

— Որդեակ, կ'երեւայ որ սրտդ անհամբուրութիւնը խիստ մեծ էր, ըսաւ բարի հայրը խնդալով : Բայց ի՞նչ ըսաւ կիներ, հարցուց ապա նա անձկութեամբ :

— Իւր գոհունակութիւնն յայտնեց :

Թէեւ Պ. Արգարեան զարմացաւ գոհունակութեան բառը լսելով, բայց շատ ուրախ եղաւ նկատելով թէ կիներ բնաւ իւր տհաճութիւնը չ'էր յայտնած :

Տիկին Արգարեան ծածկած էր ամեն ինչ որ Արաքսիայի վերաբերութիւն ունէր : այսու հանգերձ անոր հետ և անոր վրայօք խօսելու եղանակէն յայտնի էր որ ինք մասնաւոր հակալրութիւն մ'ունէր անոր գէմ :

Ներսէս յայնժամ հարցուց հօրը թէ ե՞րբ կըրնար նշանածն իրեն ներկայացնել ձեռքն համբուրելու համար :

Պ. Արգարեան խիստ ուրախ էր իրօք իւր որդւոյն մտաւում աւուսնութեան վրայ, հետեւապէս ըսաւ .

— Որդեակ, բեր զայն երբ կ'ուզես, և որչափ շուտ որ ուզես :

— Յուսամ, հա՛յր, որ պիտի ներես միանգամայն օրիորդին մօր ուղեկցիլ իրեն, իսկ հայրըն անկարող է շարժելու :

— Անտարակոյս, թող գայ :

— Արդ եթէ կամիս երթանք հա՛յր, քոյրերուս այցելելու :

— Եւ միանգամայն մասնակից ընել զանոնք մեր ուրախութեան, զի գիտեմ թէ որքա՛ն կը սիրէին զԱրաքսիան, և որչա՛փ իրենց դէմքը սգով վարագուրուած էր երբ մեկնեցաւ նա աստի : Երանի՛ թէ չմեկնէր, գուցէ Աղաւնիս չէր հիւանդանար :

Այս խօսքերն ըսելով զգածեալ հայրը խոր հառաչանք մ'արձակեց :

Մտան ազջկանց խուցը : Աղաւնի վերջին աստիճան տկար կը թուէր անկողնոյն մէջ :

— Արդեակը իմ, ըսաւ հայրը, կը բերեմ ձեզ լուր մ'որով խիստ գո՛հ պիտի լինիր, վասա՛հ եմ :

— Աղահովապէս, գոչեց Արմինէ, մեր եղբոր խոստացած լուրն է :

Իսկ Աղաւնի բերանարաց մայց անխօս կ'սպասէր որ եղելու թիւնն իմանայ :

— Կ'աւետեմ ձեզ ուրեմն թէ ձեր սիրեցեալ օրիորդ Արաքսիան մեր հարսը պիտի լինի :

— Ինչպէ՞ս, ըսաւ Աղաւնին ասոյճած, արդեօք մեր եղբօ՞ր հետ պիտի ամուսնանայ :

— Այո՛, զաւակս :

Արմինէ գոհունակութեան սաստկութենէն սկսաւ ոստնուլ և ձեռքերն իրարու բարախել : Իսկ Աղաւնի բիչ մնաց նուաղէր, ուրախութեան սաստկութենէն :



— Չըսի՞ք բե՛զ, Ներսէ՛ս, որ յանչափա պիտի ուրախանան զաւելներս :

Երիտասարդին սիրտն յուզուեցաւ այդ անկեղծ սիրոյ արտայայտութեան առջեւ, մինչեւ իսկ աչքերը խոնաւելու աստիճան :

Երբ Աղաւնին հանդարտեցաւ, յայնժամ հարցուց իւր եղբորը թէ ե՞րբ ուրեմն պիտի տ'ունէր զիւր սիրելի օրիորդը :

— Հոս և որչափ շուտ կարելի է, քուրի՛կս :

— Աշխատէ եղբայրս, որ այսօր իսկ գայ, զի թուի ինձ որ եթէ տեսնեմ զինքը սիրտի բըժըղուիմ :

— Արեմն, ըսաւ Պ. Արգարեան, զնա՛ Ներսէ՛ս և նշանածդ հոս բեր, թող Աղաւնիիս կամքը շուտ կատարուի :

Մեծ ստիպման հարկ շկար մղելու համար զՆերսէս այդ պիտի յանձնարարութեամբ մի վաղ գրառելու : Ուստի մեկնեցաւ որչափ կարելի էր ընդ փոյթ վերադառնալու խոստմամբ :

### ԳԼՈՒԽ ԿԵ.

Ներսէս ընթացաւ վերստին ի տուն Տիկին Հարթմանեանի, և փութաց զամեն ինչ մանրամասնաբար հազրոյցելու Արաքսիայի : Օրիորդին ուրախութեան շափը լի էր կարծես : Բայց յիշելով որ Տիկին Հարթմանեան չէր ճանաչեր զերիտասարդը, խնդրեց որ ներկայացնէ զինքն Տիկնոջ. և Ներսէս ոչ միայն ընդունեց այդ խիստ բնական առաջարկն, այլ մանաւանդ հարկաւոր համարեց զայն :

Տիկին Հարթմանեան գահունակութիւն յայտնեց զՆերսէս տեսնելով, և մեծ գովութեամբ խօսեցաւ Արաքսիայի վրայօք, ու բոլոր ուրախութիւնն յայտնեց յաջողութեամբ պսակուելուն վրայ օրիորդին «էբը, զի, կը յարէր, Արաքսիա թշուառագոյն անձն եղած էր ինքք զինքն լքեալ կարծելով :

Ներսէս իւր բոլոր շնորհակալիքը յայտնելէն վերջն այն համակրութեան համար զոր ցոյց տուած էր Արաքսիայի, հրաման խնդրեց Տիկինոջմէ ազատել զօրիորդն այն բարոյական երաշխաւորութենէն զոր ստանձնած էր Արսակի գործին մէջ, և 500 ոսկի հանելով գրպանէն մատոյց զանոք Տիկինոջ :

Ապա խնդրեց տան տիրուհիէն որ նոյն վայրկենէն արձակէ զԱրաքսիան, որպէս զի նա կարողանայ պարագլի մտաւրուտ ամուսնութեան պատրաստութեամբ :

Տիկինը զրկացը մէջ աննելով նշանած ազօրկը սրտին վրայ սեղմեց, ըսելով :

— Բարեկամուհի՛ս, քեզ կը պարտիմ շատ մի սիրտիչ վայրկեաններ : քու բացակայութիւնդ ինձ համար դառն կորուստ մի պիտի լինի, բայց ես սիրով կը համակրեպիմ այդ հարկին, բաւ է որ դու երջանիկ լինիս :

Արաքսիա՛ իւր կողմանէ եռանդագին շնորհակալութեամբ՝ յայտնեց երախտագիտութիւնն այն ամեն վայելած համակրանայ ցոյցերուն համար, յետ որոյ արտօրնօք պատրաստուելով կտոք մի նստաւ Ներսէսի հետ և հասաւ իւր ծնողաց տունը :

Երբ Վարսամեանք տեսան իրենց գուտորը Ներսէսին հետ, անբացատրելի ուրախութիւն մ'զգացին, զի թէեւ Արաքսիա ոչինչ ըսած էր, իրենք կասկած ունէին թէ գուցէ անախորժ գէպը մ' պատահած էր աղջկան և Ներսէսին միջեւ, և թէ Արաքսիա կը ծածկէր զայդ՝ խընայելով իրենց:

Երբ մանաւանդ իմացաւ Տիկինն Վարսամեան թէ ինքն հրաւիրեալ էր նոյն միջոցին իսկ ի տուն Պ. Արգարեանի, կարծես թէ պիտի յիմարէր կրնն ուրախութեան սասա՛յութեանէն. զիւր ամուսին կ'ողողէր իսկ նոյն միջոցին ամեն տեսակ հոգատարութեամբ և քաղցր բառերով:

Կը մտածէր Տիկինը թէ վերջապէ՛ս պիտի հըռչակէր ի լուր սշխարհի ստացած փեսայացուն: Եւ մինչ գնաց պատրաստուելու գոնէ քիչ մի վայելուչ զգեստաւք ներկայանալու համար Արգարեան ընտանեաց, կը խորհէր թէ Երանեանք որչա՞փ արդեօք պիտի նախանձէին հաստատելով տարբերութիւնն ընդ մէջ իրենց բոկոտն փեսացուին և իւր հարուստ Ներսէսին:

Իսկ Արաքսիա կը վայելէր իւր երջանկութիւնը լիաթօք, և վարանմամբ կը մտածէր թէ իւր սիրելի Վարդանոյշ իրեն չսփբարերաստիկ պիտի լինէ՞ր արդեօք:

Բնաւ ո՛ր չ'էր սնուցաներ սրտին մէջ Տիկինն Արգարեանի համար. ինքն երջանիկ էր և ամենուն կը ներէր:

Երեքը միատեղ կառք մտնելով հասան Արգարեանց տունը:

ԳԼՈՒԽ ԿԶ.

Երբ Տիկինն Վարսամեան տեսաւ ճոխութիւնը տան Արգարեանց, հիացաւ, սքանչացաւ, և կարծեալ գոհունակութենէն փրացաւ, մտածելով թէ իւր ազջիւկն այդպիսի փարթամ ընտանեաց պիտի վերաբերէր :

Պ. Արգարեանի ընդունելութիւնը Տիկինն Վարսամեանի մասին խիստ վայելուչ էր . իսկ զԱրաքսիան հայրական գորովով ընդունեց, զի այդ միջոցին իւր ամուսինը տակաւին ներկայ չէր սենեակին մէջ :

Բայց Տիկինն Արգարեանի հիւրընդունւածիւնը ցուրտ էր և անտարբեր : Իսկ Արաքսիա ամենայն արժանապատուութեամբ և պարզութեամբ վարուեցաւ այն կնոջ հետ :

Ներսէս թուէր երջանիկ, երջանիկ՝ բառին ընդարձակագոյն առմամբ : Մերթ ընդ մերթ գաղտագողի ակնարկ մի կ'արձակէր Տիկինն Արգարեանի, և վերահասու կը լինէր թէ այդ կիները զիւր հոգին կը կրծէր, և թէ շարաշար կը տանջուէր այն հարկին ասջաւ ճանաչելու զԱրաքսիան իբր ընտանեաց անդամ : Փոխանակ բացարձակ նախատալից ձեւերու՝ պորտական էր հանդուրժել անոր ներկայութեան իսկ զոր հոգւով կ'ատէր, և այդ պարտականութիւնը զինքը կը մահաչնէր :

Արաքսիա հանգիստ չէր իւր նստած տեղը . աչքերովն և շարժմամբը կը յայտնէր թէ անձկութիւն մ'ունէր, թէ բան մի կ'որոնէր :

Ներսէս որ կը հետամտէր անն շարժմանց

օրիորդին՝ հասկցաւ թէ նա անհամբեր էր այցելելու փոքրիկ հիւանդին :

Հետեւ ապէս քանի մի բառ փոխապէն վերջը հօրը ականջին՝ սա օրիորդին առաջարկեց որ երթայ աղայոց սենեակը :

Հայիւ հազ տեսաւ Աղաւնի զԱրաքսիան և իսկոյն հալած թեւերը բանալով ընդգրկեց զայն անհուն կարօտիւ :

Աղջիկն ուրախութեան սաստկութենէն սակաւ ինչ մնասուեցաւ , և շէր ուզեր թողուլ ձեռքն իւր վաղեմի վարժուհւոյն զոր շարունակ շրթանցը կը տանէր , մինչ միւս ձեռքն Արմինէ բռնած էր և իւր ուրախութիւնն արտապայից կերպիւ կը յայտնէր :

Արաքսիա կատարելապէս զգածուած հիւանդին անտանելի կերպարանափոխութենէն , անկարող էր ի սկզբանէ բառ մ'արտասանելու , և կը շատանար զաղջիկն սրտին վրայ սեղմելով . քայց ապա երբ յուզումն հանդարտեցաւ սակաւիկ մի , ըսաւ .

— Կը գտնեմ զքեզ ուրեմն վերստին , ո՛վ իմ Աղաւնիս , զո՛ւ որ պատճառ ես այս վայրկեանս վայելած երջանկութեանս :

Տղան չէր հասկնար թէ աղջիկը կ'ակնարկէր այն հրաւերին զոր ըրած էր եզրօրն Պօլիս գալու , և առանց ոչինչ հարցնելու կը վայելէր տեսութիւնն իւր սիրելի օրիորդին :

— Դու իմ հա՞րսս պիտի լինիր ուրեմն , ըսաւ Աղաւնի սրտադին եզանակաւ : Մեզք որ զքեզ վայելելու ժամանակ չ'պիտի ունենամ , մրմնջեց 'զգայուն աղջիկն , մինչդեռ

լսիկ արտասուք աչերէն վար կը գլորէին :

— Ո՛հ, մի՛ այգուէս խօսիր, ըսու Արարօխ, յուզմամբ մի զոր հազիւ կարող էր ծածկել . դու պիտի սպրիս երկարօրէն :

Ներսէս Արարօխայի ետեւը կեցած աչերը կը սրբէր առանց բնաւ բառ մ'արտասանելու . իսկ Արմինէ մտածելով թէ մտաւուտ հարսանիք մի պիտի ունենային, կ'ուրախանար իւր յարուցած ազմկին մէջ, ու չէր լսեր հոգեմաշ խօսքերն իւր քրոջ :

Պ. Արգարեան հիւանդին խուցը մտաւ առաջնորդելով Տիկին Վարսամեանի, մինչ Տիկին Արգարեան կը վերադառնար իւր սենեակը՝ կըրած գառնութիւնը մարտելու համար հոն առանձինն :

Աղաւնի ժպտեցաւ Տիկին Վարսամեանի, և ապա հօրը գառնալով ըսաւ .

— Հա՛յր իմ, որչա՛փ երջանիկ եմ տեսնելով իմ սիրեցեալ օրիորդս, կարծես թէ կը վերածընիմ :

— Աղջի՛լս, պատասխանեց հայրը, կը խնդրենք օրիորդէն որ ամեն օր գայ գրեզ տեսնէ : Յուսամ թէ Տիկին Վարսամեան ընդդիմութիւն չ'ընէր առ այդ :

— Ընդհակառակն, շատ ուրախ կը լինիմ, պատասխանեց Տիկինն որ չ'զխտէր ինչպէս վարուիլ այդպիսի մեծամարթամ անձի համակրութիւնը վայելելու համար :

— Աւստի պիտի գա՞ք, օրիորդ, հարցուց Աղաւնին, աղերսալից նայուածք մի արձակելով անոր :

— Այս տարակուսի՞ս արդեօք, հրեշտակս :

— Ո՛հ, շնորհակալ եմ, օրիորդ, ըսաւ հիւ-  
ւանդը նուազեալ ձայնիւ :

— Հայր, ձայնեց անուշ աղջիկին, խնդիրք մի  
եւս :

— Խօսէ՛, զաւա՛կս :

— Այս փափաքէի, որ մօտ օրերս կատարուի  
ամուսնութիւնն իմ եղբօրս, մի մերժեր ինձ զայդ :

— Լաւ, զաւա՛կս, պատասխանեց հայրը,  
մինչեւ հոգւոյն խորք վիշալ զգալով, զի կարծեց  
հասկնալ թէ աղջիկին կ'իմանար իւր մօտալուս  
վերջն :

— Ուրեմն, կը խոստանա՞ս, հարցուց :

— Քեզ ի՞նչ կրնամ մերժել :

— Շնորհակալ եմ, հայրիկս :

— Բայց, ըսաւ Պ. Արզարեան, չ'ըսուեր քեզ  
իմ հաւանութիւնս միայն : Պէտք է որ ստանաս  
նաեւ Տիկինն Արսամեանի, ինչպէս և երկու  
նշանածներուն հաւանութիւնը :

Եւ այս երկու վերջնօց նայելով՝ մասնաւոր  
ժպտով մի ժպտեցաւ : Տիկինն Արսամեան որ  
ամեն ժամանակ պատրաստ էր համակարծիք  
դա՛նուելու իւր ապագայ մեծատուն խնամուոյն  
հետ, այս պարագայիս մէջ մասնաւանդ փութաց  
իւր հաւանութիւնը կրկին եռանդեամբ տալու :

Ներսէսի հաճութիւնն ստանալը զժուար ինչ  
չ'էր, քանի որ իւր նիւթական վիճակը տարիէ  
մ'ի վեր խիստ զգալուպէս բարւոքած էր, մանա-  
ւանդ իւր մէկ մօրեղբօրը թողած հարստութիւնը  
ժառանգելով : ուստի այդ ամուսնութիւնն ան-  
միջապէս կատարելու բնաւ արդեւ չկար :

Իսկ Արաքսիայի հաւանութիւնն ստանալու ոչ որ փոյթ ըրաւ ւ Կոյսը կարծես սսկեզօ՛՛ երազ մի կը տեսնէր որ զիւր դէ՛մը կը սոյժառացնէր ։

Արոշուեցաւ հեռեւապէ՛ս որ երկու շարաթէ՛ն տեղի ունն՛այ անուսնութիւնը Ներսէ՛սի , թէեւ այդ կարճ սոյմանածամն իսկ երկար կը թուէր Աղաւնիի ։ Բայց Արաքսիայի մասին այլ և այլ սրատրաստութիւններ զլեւտուց վերարերեալ , ժամանակի կը կորոտէին , որով դժուար ինչ էր , առուել փութացնել հարսանիքը ։

Աւելորդ է ըսել թէ Ներսէս ունեցաւ մատակարարութեան հոգն օժտին իւր սիրեցեալ Արաքսիայի ։

Վերջապէ՛ս Տիկին Վարսամեան իւր աղջկոն հետ հրածեշտ առաւ Արգարեան ընտանիքէն ։ Եւ երբ մեկնելու վայրկենին ուզեց բարեւել զտան տիկինն՝ սա իւր սենեակը փակուած էր , և սպասասխան զրկեց՝ թէ զլիսու ցաւուն սպառճառաւ անկարող էր թողուլ զիւր խուց ։

Տիկին Արգարեան կը մխիթարուէր մինչև վերջին վայրիեանն իսկ իւր անտարբերութիւնն յայտնելով Արաքսիայի և իւր մօր՝ և շարաշար կը յուզուէր այն առ երեւոյթս քաղաքավարական ընդունելութեան համար զոր հարկադրեցաւ ի գործ դնել ։

---

### Գ Լ Ո Ւ Խ Կ Է .

Միտակ արձակած էր զՊ . Գրիգոր անոր դըրամական պահանջմանց գործադրութեամբն , որով ինքզինքն ազատ համարելով ամեն վտանգէ ,



ջանադիր էր անձնուիրութեամբն ջնջելու յանձինն Վարդանուշի ամեն հետք ցաւոց :

Սա եւս կը վայելէր իւր երջանկութիւնն , երիտասարդական սիրտիւր հոգւոյ մ' ընտրոյր սասակութեամբը :

Բայց երբ իմացաւ նշանախօսութիւնն իւր մտերմին ընդ Ներսէսի , ուրախութիւնը շփոշուեցաւ :

Արդէն փոքրիկ կասկած մ'ունեցած էր թէ Արաքսիա անտարբեր չ'էր երիտասարդ Արզարեանի նկատմամբ , բայց երբէք չ'էր ուզած կասկածն ստուգել որ և իցէ հարցմամբ , քանի որ իւր բարեկամուհին կատարեալ լուսութիւն պահած էր այդ մասին :

Արաքսիա ներկայացուց Վարդանուշի զիւր խօսնայր , որ շուտով հին բարեկամի մը կերպարանքն առաւ անոր առջեւ :

Օր մի երբ երեքը սենեկի մէջ առանձին նըստած էին , Երանեանի դուստրը կը պատմէր իւր ցաւագին արկածներն որք զինք մահուան դուռը տարած էին , առանց սակայն բնաւ Տիկին Արզարեանի անունը տալու ի պատիւ Ներսէսի հետ ունեցած ազգականութեան , և կը յարէր թէ ինք անօրէնութիւնն ունեցած էր կասկածելու նոյն իսկ Արաքսիայէն , երբ սա ժրջան կերպիւ աշխատած էր զիւր երջանկութիւնն ապահովելու Սրտակի հետ :

— Գուցէ պարագայ մի կայ որ կ'անգիտանաք , ըսաւ Ներսէս :

— Ո՞րն է , հարցուց Վարդանոյշ :

— Այն է իմ դժբախտութիւնս՝ ձեզ նը-

ման զոհ լինելով նուստ և անօրէն մեքենայութեանց :

— Ի՞նչ կերպիւ , հարցուց Վարդանոյշ :

— Ճիշդ , իբր ձեզ , այս առաքիւնի Արաքսիայէն կասկածելով :

— Ինդրեմ բացատրութիւն տուէք :

— Մինչ Արաքսիա ձեզ ի նպատակը գործէր՝ այն անձն իսկ որ ձեզ ուղեց թշնամանք հասցընել , յաջողեցաւ հաւատացնելու ինձ եւս թէ Արաքսիա դրուծան մ'էր , և թէ կը մատնէր մեր սէրը զՊ. Սիսակ սիրելով : Աւ ես յայնժամ յուսահատութեանս սաստկութենէն թողուցի Պոլիս և հեռացայ :

— Ո՞վ իմ պաշտելի Արաքսիա , գոչեց Վարդանոյշ , և սակայն երբէք գանդատ մի չ'ըրիր , ոչինչ իմացուցիր ինձ , և առանձին հանդուրժեցիր ցաւոցդ սաստկութեան :

— Ի՞նչ հարկ կար , Վարդանոյշ , զքեզ եւս տանջելու , ըսաւ Արաքսիա :

— Բայց ես էի հեղինակը տառաւորանացդ , որով և բնական էր որ մաս մ'ունենայի իմ յառաջ բերած դժբաղդութ'նէս :

— Աը տեսնե՞ս , Վարդանոյշ , որ ամեն ինչ յաջողութեամբ վերջացաւ :

— Ինչպէ՞ս արդեօք պիտի կարենամ փոխարինել բոլոր բարիքդ ինձ նկատմամբ :

— Պարզապէս զիս սիրելովդ :

— Արաքսիա՛ս , նոր բան ստացած չ'պիտի լինիս : Բայց ցաւօք կը նկատեմ որ զիս միշտ անարժան կը համարիս գաղանիքէդ բաժին մ'ունենալու :

- Ի՛նչ բանի կ'ակնարկես , բարեկամուհի՛ս :
- Պ. Ներսէսի խօսելու եղանակէն իմացայ որ ձեր սիրահարութիւնը նոր բան չ'է :
- Իրօք տարուան մի խնդիր է :
- Եւ սակայն զամեն ինչ ծածկեցիր ինձմէ :
- Յանցանքն իմս չ'է , ես խիղճ ըրի այդպէս գործելու , հաւատա՛ ինձ :
- Արե՛մն :
- Օրի՛որդ , յարեց Ներսէս , ե՛ս խնդրած էի զայդ Արաքսիայէն , և եթէ յանցաւոր մի կայ , ես եմ :
- Կ'ըմբռնեմ . զիս չ'ձանաչելով , ձեր վրատահութեան արժանի չգտնեցիր զիս :
- Նստլ իմ պատճառներս ունէի , օրի՛որդ , այդ լուծութիւնը խնդրելու համար :
- Սակայն նկատեցէք որ եթէ այնչափ խորհրդապահ չ'լինէիր , թէ՛ ձեզ և թէ՛ ինձ մեծ ազէաներ կը խնայէիր :
- Առաւելութիւնն ունեցանք , օրիորդ , վէպի նիւթ մը հայթհայթելու , ըսաւ Ներսէս ժպտելով :
- Սակայն հաւատացէք , սարս՛ն , թէ նախապատիւ կը համարէի որ արիւններ մատակարարէին վէպի նիւթը քան թէ մենք : Աւելի հեշտին է հանդիսական լինել քան թէ տխուր թատերախաղի մի հերոսները :
- Կենաց բնմին վրայ ոչ որ կրնայ գիտնալ թէ ո՞ր դերը խաղալու սահմանեալ է , օրի՛որդ :
- Ինչպէս , զոր օրինակ մենք՝ մինչ ողբերգակ էինք , յաջողեցանք այդ դերը լաւագունին հետ փոխելու , ըսաւ Վարդանոյշ :

— Մողթեւով սակայն, յարեց Արաքսիա  
խնդարով, որ կատակերգութեամբ չ'վերջանան  
մեր դերերը :

Մինչ այսպէս կէ խօսէին, սպասաւորը նա-  
մակ մի բերաւ տուաւ Վարդանուշի :

Կայսր բացաւ և երբ կը կարդար զայն, դէմ-  
քըն այլադունեցաւ :

— Ի՞նչ կայ, հարցուց Արաքսիա այլայլեւով :

— Ա՛ն և կարդա՛, ըսաւ յուզեալ աղջիկը :

Յետ կարդալուն՝ Արաքսիա գոչեց .

— Ճիշդ ահա կատակերգութիւնն որում  
կ'ակնարկէի :

— Ի՞նչ կը նշանակէ Սիսակի վերագրուած  
յանցանքը, հարցուց Վարդանուշ անձկութեամբ :

— Ձե՞ս հասկնար թէ վերջին ճիգն է թըշ-  
նամ: օյն զքեզ նպատակիդ չ'հասցնելու համար,  
բարեկամուհի՛ս :

— Եւ ես արդեօք չ'ե՞մ կարող իմանալ պա-  
րունակութիւնը նամակին, ըսաւ Ներսէս, կա-  
տակի եղանակաւ :

— Ահաւասիկ թուղթն, ա՛ն, կարդա՛, գո-  
չեց Արաքսիա իւր նշանածին, նշանակութեամբ  
ի նայուածք մ'ուղղելով :

Ներսէս աչքէ անցնելով զայն խնդաց, և  
արհամարհանօք նամակը մէկ կողմ նետելով,  
ըսաւ .

— Յայանի է որ ձեր թշնամին վերջին ճը-  
գամբ ուղած է ձեր ձեռքէն յափշտակել զՊ.  
Սիսակ, սպորինաւոր յարաբերութիւններ վե-  
րագրելով գաւառացի աղջկան մի հետ :

— Բայց այսպիսի գրաբարութիւն մի ի՞նչ-

պէս կրնայ լինել, հարցուց Վարդանոյշ, տագնապալից եղանակաւ :

— Շատ շուտ մոռցար, օրիորդ, թէ նոյնչափ ծանր մեղադրանաց ենթարկեցաւ նոյն իսկ Արաքսիան, որ առաքինութեան փոպար է :

— Այսինքն կ'ուզէք ըսել թէ Սիսակ օրինակելի անձ մի լինելէ հետու է :

— Գիտաւորութիւնս այդ ըսել չ'էր Պ. Սիսակի մասին : Սակայն պատասխանեմ ձեր խօսքերուն :

Ընկերութիւնը շի խնդրէր այդ մարդէն այն առաքինութիւնը զոր կը պահանջէ ձեր սեռէն, օրիորդ :

— Այսինքն, ըսաւ Արաքսիա, ընկերութիւնը կը պահանջէ մեզմէ անարատ սիրտ և անարատ կեանք, փոխադարձաբար ընդունելու համար ազարտեալ հոգի և բարք :

— Իրաւացի է ցասումդ, Արաքսիա, ըսաւ Ներսէս, այդ անհաւատարմութեան առջեւ :

— Եւ սակայն այդ խոստովանութեամբդ հանդերձ, դո՛ւ առաջինն ես նախանձախնդիր լինելու այրական իրաւանցդ, Ներսէ՛ս :

— Տե՛ս ինչ է : Գարաւոր նախապաշարմամբ լցուած են մեր սիրտն ու միտքը : Թէեւ բանականութիւնն և արդարութիւնը կը բողոքեն, հանդերձ այսու դժուարին է արմատախիլ ընել մէկէն ի մէկ այն դատաւարներն որով սնած ենք :

— Վասն զի անոնք նդաստաւոր են ձեզ :

— Գուցէ մարդս որչափ ալ արդարասէր լինի, միշտ անձնասէր կը մնայ :

— Ո՛ր է ուրեմն ձեր արդարասիրութիւնը ,  
քանի որ անձնասիրութիւնը զայն կը չեզոքացնէ :

Վարդանուշի միտքը թուէր այլուր լինել ,  
Զայդ դիտելով Արաքսիա ըսաւ .

— Վարդանո՛յշ , ապահով եմ որ միտքդ  
այդ անձոնի նամակաւ զբազեալ է :

— Չ'գիտեմ ինչո՛ւ , պատասխանեց նա , մա-  
կաբերելովս հանդերձ որ նոր դաւ մ'է ինձ դէմ ,  
յուզուեցայ առաւել քան զոր կ'ուզէի :

Արաքսիա թուղթն անոր ձեռքէն առնելով  
կտոր կտոր ըրաւ , ըսելով .

— Խոստացի՛ր ոչինչ ըսել Սիսակի այս նա-  
մակին վրայօք :

— Կը խոստանամ քանի որ կը խնդրես , բա-  
րեկամուհիս :

Յայնժամ Ներսէս այսպէս խօսեցաւ .

— Օրիորդ , շատ դիւրին էր ինձ ապահո-  
վապէս երեւան հանել թէ այս նամակն ուզեալ  
է ձեզ այն անօրէն անձէն որ հեղինակած է բո-  
լոր մեր անցեալ աշէտքը : Բայց ի՞նչ օգուտ որ  
այդ անարժան անձն հօրս անունը կը կրէ , և  
թէ ալեւոր հայրս ողջ ողջ սպաննել է եթէ ի-  
մացնեմ իրեն կնոջը բոլոր անպատիւ գործերը :

— Ո՛չ , ո՛չ , գոչեց Վարդանոյշ , ի՞նչ պէտք  
այլոց թշուառութիւն պատճառել մեր շահուց  
համար :

— Մանաւանդ ինչ որ կը վերաբերի Տիկին  
Արգարեանի գործոց՝ պէտք է որ գաղտնի մնայ՝  
Արգարեան անուան պատիւը պահելու համար ,  
յարեց Արաքսիա :

— Կը փափաքէի այդ կնոջ հատուցանել

ըրած շարիքը թի՛, ամուսնոյն անուան և թէ՛  
զուակացը պատուոյն . բայց անգործութեան  
դատապարտեալ եւ զօրաւոր նկատմանց առջեւ ,  
ըսաւ Ներսէս վշտանալով :

— Ներսէ՛ս , գոչեց Արաքսիա , թո՛ղ որ ի-  
րերն իրենց ընթացքը շարունակեն , վստահ ե-  
ղիր որ ամեն ոք իւր սերմանածը կը քաղէ :

Նոյն միջոցին Սիսակ սենեկէն ներս մտնելով  
ուրախ և զուարթ կերպարանօք՝ ցրուեց Վար-  
դանուշի տխրութեան յետին հետքերն . և եր-  
բէք երիտասարդուհին ապագային մէջ չ՛գիտցաւ  
թէ այդ գաւառական գայթակղական դէպքը  
տեղի ունեցած էր իրօք :

Տիկին Արգարեան՝ հեղինակն առ Վարդա-  
նոյչ ուղղեալ նամակին՝ փորձեց վերջին փորձով  
մի թունաւորել աղջկան երանութիւնը , եթէ  
նոյն իսկ չ՛յաջողէր անոր ամուսնութեան արդեւք  
կանգնելով ձերբակաւորել վերստին զիւր սիրա-  
հար :

---

### ԳԼՈՒԽ ԿԸ.

Աիրակի առաւօտ մ՛էր , Պ. Արգարեանի տան  
սպասաւորաց մէջ մեծ շարժում մի կար , զի ե-  
րեկոյեան ճաշի և պսակի պատրաստութիւն կը  
լինէր :

Տիկին Արգարեան իւր սենեկին մէջ փակ-  
ուած , դառնութեանը սաստկութենէն արտա-  
սուք կը թափէր : Ուրե՛մն այդ անպիտան վար-  
ժուհին Արգարեանց անունը պիտի կրէր հակա-

ուակ բոլոր ճգանցն , և մանաւանդ սլասկի հան-  
դէսը տանը մէջ պիտի կատարուէր , կը խորհէր  
նա :

Արգիլե՛լ այդ հանդէսը . բայց ի՞նչ կրնար  
առարկել երբ Ներսէս իւր ամուսնոյն զաւակն  
էր վերջապէս , և երբ յանձին երիտասարդին ա-  
հաւոր թշնամի մ'ունէր . մանաւանդ որ իւր գը-  
րած նամակն առ Սրսակ Ներսէսի ձեռաց մէջ էր :  
Ուրեմն եթէ բացարձակ ընդդիմութիւն մ'ընէր՝  
իւր ամուսնոյն որդին կրնար իրեն դէմ վրէժը  
լուծել զինքը թշնամանելով հօրն առջեւ վեր-  
ջապէս : Մինչեւ նոյն միջոցին լիակատար իշխա-  
նութիւն ունեցած էր ամուսնոյն վրայ : Բայց  
Պ . Արգարեան զինքն իբր կին առաքինի նկա-  
տած էր միշտ , և տիկինն լաւ համոզուած էր որ ե-  
թէ իւր անցեալ ամեն ընթացից տեղեկանար իւր  
այրն , ինքն ոչ միայն իւր բոլոր արգելոցութիւնը  
կը կորսնցնէր մէկ վայրկեանի մէջ , այլ ծանրա-  
գոյն հետեւանքներ եւս յառաջ կուգային : Ուս-  
տի հարկ էր տիկնոջ լաւ , և թոյլ տալ որ սը-  
սակի խորհուրդը տան մէջ իսկ տեղի ունենայ :

Որչա՛փ անտանելի է վրէժխնդիր և չար հոգ-  
ւոյ մի հաստատել զիւր զինաթափ լինելն : Վը-  
րէժխնդրութիւնը զհոգին վեր ի վայր կը տա-  
պալէ , կը յուզէ , կը փոթորկէ , կը մզէ գործե-  
լու . և երբ այդ բուռն արամադրութեան մէջ  
լինելով հոգին յանկարծ արգելը կը գտնէ սաս-  
տիկ կրիցը գործադրութեան մասին , կը խլրտի  
յայնժա՛մ ինքզինքը կրծելու համար միայն , և  
անկարողութեան առջեւ վհատելով կը յուսա-  
հատի :



Մտածեց Ներսէսի մօրուն որ հիւանդութիւն մ'առարկելով ներկայ չ'գտնուի ո՛չ հացկերոյ, թի և ո՛չ ալ պսակի արարողութեան : Բայց ապա իւր սրտ հոսութիւնն և նախանձը զՍրաքօիան ներկայեցին աչացն իրր գշխոյ նոյն գիշերուան : Թողո՛ւլ ուրեմն ամեն յաղթանակ իւր սոսիսին, ո՛չ, ո՛չ :

Ու զեց գոնէ իւր ներկայութեամբը թունաւորել հարսին ուրախութիւնը, զի այդ վատհոգի կիւնը կը կարծէր թէ երիտասարդուհին զինքը բուրր զօրութեամբն ատելու էր : Չէր կրնար ըմբռնել թէ ազնիւ սրտերու համար հաճոյք մի կայ անյիշաչարութեան մէջ, բանի որ ամեն ոք ուրիշներն ինքզինքէն կը դատէ և չ'կրնար հասկընալ ինչ որ ինքը չ'զգար :

Ուրեմն այս գաղափարէն ոգեւորեալ, ելաւ տեղէն Տիկին Արգարեան, և զարդարուեցաւ անբացատրելի շքեղութեամբ զարդուց և աղամանդից, ջանադիր լինելով նսեմացնել զիւր սոսիս բացարձակ առաւելութեամբ իւր սերճանաց :

Երեկոյեան դէմ հասաւ Արսամեան ընտանիքն Արգարեանց տունը : Հարսը շացուցիչ գեղեցկութեամբ կը փայլէր սոյխակ հարսանեաց զգեստուց և սլաքութեամբ մէջ : Ձայդ հաստատելով տան տիկինը՝ շրթունքները կրծեց, ու շորս կողմը նայեցաւ հարսին ըրած ապաւուրութիւնն իմանալու համար . կատրելով հաստատեց թէ ամենքն հիացման մէջ էին :

Հանդիսականաց թիւը խիստ սահմանաւոր էր Աղանիի հիւանդութեան պատճառաւ, զի որդեսէր հայրը կը փափաքէր որդւոյն միայն հան-

դէսը տօնել, առանց միւսին որ և է անհան-  
գըստութիւն պատճառելու :

Աղաւնի երկայն նստարանի մէջ տարածուած էր սպիտակ զգեստներով, և թուէր լինել մօտա-  
լուտ հարսնացուն մահուան իւր դալուկ և հալած  
այտերովն՝ որոնց վրայ տխուր զուարթութիւն մի  
կը տարածէին իւր գոհ բայց նուազուն աչերը :

Պ. Արսամեան անդամալոյժ վիճակին պատ-  
ճառաւ նոյնպէս հանգիստ բազմոցի վրայ նստած  
էր . խեղճ մարդն աչաց խօնաւիլը կ'զգար շա-  
րունակ՝ հաստատելով այդ շլացուցիչ բազդն ո-  
րուն հասած էր իւր դուստրը :

Տիկին Արգարեան իւր դրացի երիտասարդին  
դառնալով, ըսաւ .

— Կարծես թէ հիւանդանոցի մէջ ենք, ան-  
կողինները միայն պակաս են :

— Սակայն, ըսաւ երիտասարդը, ձեր շը-  
քեղութիւնն և հարսին սքանչելի շնորհքները կը  
բաւեն յիշեցնելու համար մեզ թէ գեղեցիկ ե-  
րեկոյթի մը հրաւիրեալ ենք :

Տան տիկինը դառնացաւ նկատելով թէ Արաք-  
սիա մեծ մաս մ'ունէր այդ ողորակից խօսքերէն,  
և վրէժն առաւ անոր մայրը ծաղրելով .

— Հարսին մօրը նայեցէք, ըսաւ, կարծես  
թէ պիտի սլայթի, այնչափ ուռեր է գոհունա-  
կութենէն . ծաղրելի՛ կին :

Երիտասարդը ժպտեցաւ առանց բան մ'ը-  
սելու :

— Բայց, յարեց տան տիկինն, հարկաւ այդ  
չտես և անշուք կնոջ համար երազ կը թուի մեր  
ընտանեաց հետ խնամութիւն ունենալը . մտա-

ծեցէք որ իւր դուստրը թռչակաւոր ազջիկ մ'էր տանս մէջ , վարժուհի մ'էր վերջապէս :

Նրիտասարգը շուտ հասկցաւ թէ տիկինը դառնութեան ներգործութեամբ կը խօսէր , և բանի որ Ներսէս իւր բարեկամն էր , զգուշացաւ Վարսամեան ընտանեաց նկատմամբ աննըստս դատողութիւն մ'ընելէ՝ տիկնոջ հաճելի լինելու նպատակաւ . ուստի հեռացաւ անկէ ամենայն վայելչութեամբ :

Առշուները տեղի ունեցաւ ոչ զարմանալի կենդանութեամբ : Աղաւնիի ցաւալի վիճակն ինչպէս և տան տիկնոջ դժգոհ կերպարանքն կարծես ամենուն վրայ խոր ներգործեցին : Բայց աչինչ կրնար խափանել հարօին ու փետին հանդարտ գոհունակութիւնը :

Յաւարտ սոսակին ամենքը ցրուեցան , և Ներսէս զիւր նորաստակ հարսը տարաւ առժամանակեայ կերպիւ պատրաստուած փոքրիկ վայելուչ յարկին մէջ , մինչեւ որ պատրաստուէր իրեն յատկացեալ գեղեցիկ տունն ուր պիտի փոխադրուէր կնոջը ծնողաց հետ , ինչպէս խոստացած էր արդէն ի սկզբան :

Նորաստակ Տիկին Ներսէսի լուսաւոր երանութիւնը ստուեր մ'ունեցաւ նոյն գիշեր , նախ Աղաւնիին անոյս հիւանդութեան պատճառաւ , յետոյ Վարդանուչի և Տիկին Հարթմանեանի բացակայութեան համար :

Վարդանոյց բնականապէս մուտք չ'էր կրնար ունենալ այդ տան մէջ : Իսկ Տիկին Հարթմանեան չ'էր ուզեր երբէք վերաբերութիւն ունենալ Տիկին Արգարեանի հետ , որուն անպատիւ գործոց

ու մերենայութեանց տեղեկացաւ երբ Արաքսիան ինքզինքը բոլորովին լքեալ Համարելով Ներսէսէն, պարտաւորեցաւ զամեն ինչ պատմել անոր, և կրկին առթով մնացածն իմացաւ փրկելու համար զՍիսակ գաւառացւոյն ձեռքէն, երբ իւր գործակցութիւնն հարկաւոր եղաւ :

Երկու շաբաթ վերջն յետ ամուսնութեան Ներսէսի, տեղի ունեցաւ Սիսակի սպակադրութեան հանգէսը :

Արաքսիայի և Վարդանուշի երջանկութիւնը շափ չ'էր ճանաչեր : Վերջապէս երկուքն եւս փոթորիկներու մէջէն անցնելէ յետոյ կը հասնէին սիրոյ նաւահանգիստը :

---

### ԳԼՈՒԽ ԿԹ.

Ինչպէս խոստացած էր հարսն Պ. Արգարեանի, ամեն օր կ'երթար այցելութեան Աղաւնիի՝ որուն վրճակն օր աւուր աւելի սպառնացող դիրք մի կ'առնէր :

Արաքսիա կը հսկէր անոր վրայ իբր ճշմարիտ մօր մի խանդաղատանօք, մինչ բուն մայրը կը շատանար օրուան մէջ քանի մ'այցելութիւններ ընելով :

Այն մ'անցած էր հարսանեաց օրէն ի վեր, երբ յանկարծ Աղաւնիի վրայ շարագուշակ վճռողական նշաններ երեւան ելան :

Օր մի մանաւանդ մօտալուտ վախճանի մի տարակոյս չ'էր մնար, Ներսէսի հարսը փոքրիկ տառապելոյն մահճին քով նստած էր ձեռքին մէջ

սենեակով մանկան ձեռքն , երբ զգաց թէ հիւանդը իւր ձեռքը կը սեղմէր տակաւին իրեն մնացած ուժովը :

Արաքսիա տեղէն ելնելով ծնեցաւ դէպի հիւանդն հարցնելու համար եթէ բանի մի կը կարօտէր :

— Ա՛յ , ըսաւ , բան չ'եմ ուզեր , միայն թէ երջանիկ եմ որ դու պիտի աչերս գոցես փոխանակ դերման վարժուհւոյն զոր՝ ցաւով կը խոստովանիմ , երբէք շկարողացայ սիրել , թէեւ քանացի իրեն համակրելու :

Նոյն միջոցին սենեկին մէկ անկիւնը նստած ձեռագործով մի կ'զբաղէր ծեր աղջիկն , Արմինէի վրայ հսկելով միշտ զօրավարի սովորական ճշգոթեամբ :

— Սիրեցեալ հարսս , միմիջեց հիւանդը , փափաքելի էր ինձ ազատ լինել ամեն օտար ներկայութենէ , և շրջապատուիլ միայն իմ սիրեցեակներէ :

— Լա՛ւ , սիրու՛ն Աղաւնիս , ըստ կամացդ ամեն ինչ կը տնօրինեմ :

Եւ զայս ըսելով Արաքսիա խնդրեց վարժուհիէն որ ուրիշ սենեկի մէջ վարէ իւր հըսկողութեան պաշտօնն Արմինէի վրայ , առարկելով թէ հիւանդն լուսթեան պէտք ունէր :

Մինչ Արմինէ սենեկէն դուրս ելնելու կը սպաստաստուէր գերմանուհւոյն հետ , Աղաւնի բովը կանչեց իւր քոյրն և ամենայն գորովով կրկին և կրկին անգամ համարուրելէն վերջն՝ արձակեց զայն արտասուալից աչօք :

Գիտեց զայդ նորադասակ կի՛նն և իւր աչքէն  
հոսած լեզի շիթը սրբեց :

Երբ առանձին մնաց հիւանդն իւր հարսին  
հետ , ըսաւ .

— Խօսէ՛ , որպէս զի ձայնդ լսեմ :

— Ի՞նչ կ'ուզես որ պատմեմ քեզ , Աղաւնի՛ս :

— Փոյթ չ'է ինձ այդ , բաւ է որ ձայնդ լը-  
սեմ :

Համբուրեց զնա մանկամարդ կի՛նն ի պա-  
տասխանի :

— Ահա վերջապէս մեռնելու ժամանակս ու-  
նեցայ մեծագոյն մխիթարութիւնը այն է զքեզ  
և եղբայրս տեսնել :

— Ինչո՞ւ , հրեշտակս , այդպիսի տխուր դա-  
ղափարներ ունիս :

— Ի՞նչ օգուտ ճշմարտութեան առջեւ կոյր  
ի՛նեւ :

Ձե՞ս մտածեր որ հոգիս կը յօշոտես :

— Լաւագոյն է ուրեմն որ նախապատրաս-  
տուիս մեր բաժանման :

— Ո՛չ երբէք , պիտի ասորիս որպէս զի վա-  
յելենք զքեզ :

— Կը փափաքէի ասորիւ , այո՛ , բայց ի՛նչ  
օգուտ : Եթէ ասորէի , ոչ եւս քեզմէ ու եղբոր-  
մէս բաժնուելու կը դատապարտուէի , և ոչ եւս  
զուրկ կը մնայի ի սիրոյ , զի հաւատա՛ ինձ որ  
հոգիս չի կրնար սնանիլ առանց դորովոյ :

— Վասն զի դու՛ իբր ամեն ազնիւ հոգի ,  
բարձր սնունդի կը կարօտէիր :

— Յաւալի է ինձ թողուլ իմ պատուական  
հայրս զի գիտեմ որ սաստիկ պիտի զգածուի :

Միրած է դիւ միշտ և ես երախտապարտ եմ ա-  
նոր , բայց հօր մի զգացումը շի բաւէր լեցնե-  
լու սիրատենչ սրտի մի պէտքը այն պատճառա-  
որ յարաբերութիւններն քիչ են ընդ մէջ հօր և  
իւր զաւկին , առաջնոյն հանապազօրեայ բացա-  
կայութեանց և գործոց պատճառաւ :

Վանկ առաւ փափուկ էակն խօսելէն յոգնե-  
լով , և ասկա շարունակեց նորէն՝ քիչ մ'ոյժ ըս-  
տանալով :

— Մայրս ջանացած է մեր ամեն պէտքերն  
հօգալ . շնորհակալ եմ իրմէ : Իսկ քուրիկս իմ  
սակաւամեայ սիրուն ընկերուհիս եղած է : Գի-  
տեմ որ ես իրեն դատարկութիւն մի պիտի թո-  
ղում , դոր կը խնդրեմ քեզմէ լեցնել քու սիրովդ  
ու խնամքովդ :

— Վստա՛հ լեր , պաշտելի Աղաւնիս , ըսաւ  
Արաքսիա հեծկլտանօք :

— Արդ , ըսաւ հիւանդն , թող տուր ինձ  
հախուրելի գքեզ , կրկին և կրկին անգամ յանձ-  
նելով քեզ՝ եղբորս երջանկութիւնն և հօրս ալե-  
ւորութիւնը :

Բացաւ թեւերն և Արաքսիա գլուխը անօր  
կուրծքին վրայ դնելով սկսաւ լալ յորդառատ :

— Կը փափաքէի տեսնել իմ հայրս , բայց  
ծանր պիտի թուէր անօր այս իմ վերջին վայր-  
կենիս տեսարանը : Մատո՛ նմա բոլոր իմ սէրս ,  
ինչպէս և քուրիկիս բոլոր սիրտս :

— Ո՛ւր է եղբայրս , հարցուց , նա բաւական  
ուժով է մահուանս վկայ լինելու համար :

Նոյն միջոցին Ներսէս սենեկէն ներս կը մըտ-  
նէր :

— Մօտեցի՛ր ինձ, եղբայրս սիրեցեալ: Քեզ կը յանձնեմ իմ հարսս երջանիկ ընելու պարտքը: սիրէ՛ զայն ինձ համար եւս, և յիշեցէ՛ք զիս երբեմն զի զձեզ շատ սիրած եմ:

Ներսէս գրկեց իւր փորրիկ քոյրն և համբուրեց զայն մեծ գորովանօք առանց կարենալ պատասխանելու:

— Եղբայրս, խոստացի՛ր խնդրածս:

— Կը խոստանամ, ըսաւ երիտասարդը, հազիւ իմանալի եղանակաւ՝ այնչափ մեծ էր իւր յուզումը:

Նոյն միջոցին ներս մտաւ նաեւ Տիկին Սբ. դարեան որ ի նշան սգոյ իւր սենեկին մէջ փակուած էր:

Օրհասական աղջիկին տեսնելով զմայրն, ըսաւ.

— Մայր, տուր ինձ համբուրել քու ձեռքդ, զի վերջին մնաս բարեաւն է այս:

Տիկինը մօտեցաւ իւր որդւոյն՝ համբուրեց ինքն եւս զնա, և պատճառելով իւր ջղաձգութիւնը՝ քաշուեցաւ դարձեալ իւր սենեկին մէջ իբր թէ անկարող ականատես լինելու որդւոյն մահուան, ուստի աղջկանը վերջին վայրկեաններուն վրայ հսկելու պաշտօնն անտարբերներու թողուց ըստ իւր բացատրութեան, որք կ'ըսէր, ոչինչ զգալով՝ կարող են այդպիսի արտուտուներ լաւ կատարել:

Յետին ճգամք մի հիւանդն իմացուց Արար. սիայի որ իրեն մօտենայ: Մանկամարդ կինը տրտուին զլուխը վերցնելով թեւին վրայ կոթընցուց. օրհասական էակն նայեցաւ իւր եղբոր նուազուն աչօք, յետին նայուածք մ'ալ ուզ-



զեց առ Արաքսիա և ապա շունչն աւանդեց :

Արաքսիա սրտին վրայ կը սեղմէր տակաւին  
էտին այն որ ոչ եւս էր , այնքան զայն կորուսած  
լինելու գաղափարն անհնարին կը թուէր իրեն :

Բայց Ներսէս հեռացնելով զայն այդ սրբազան  
նշխարէն ցոյց տուաւ ողորմելի հայրն որ կը մտե-  
նար և որ ամեն միտեմարութեան կը կարօտէր :

Երեքը միատեղ խառնեցին իրենց սուզը ,  
երեքը միատեղ լացին այն անշունչ մարմնոյն վը-  
րայ , երբ Արմինէ սենեկէն ներս վազելով տղու  
մի անզուսպ ցաւով եկաւ ողբալու իւր քրոջն ,  
իւր սնկերուհւոյն վրայ :

Սայրը միայն հեռու էր , զի կ'առարկէր իւր  
զգացման անշափութիւնն , և իւր անկարողու-  
թիւնը հանդիսական լինելու իւր զաւկին ան-  
շունչ մարմնոյն :

---

ԳԼՈՒԽ Ը.

Արաքսիա Բերայի ընտրելագոյն փողոցի գե-  
ղեցիկ տուներէն միոյն մէջ հաստատուած էր  
հետն ունենալով հայրն ու մայրը : Ար վայելէր  
ոչ միայն անբիծ և մշտատեւ սիրոյ ամուսնա-  
կան երանութիւնն , այլ այն անբացատրելի գո-  
հունակութիւնն ունէր նկատելով թէ իւր ծնո-  
ղաց կեանքը թշուառութենէ ի բարեբաստու-  
թիւն փոխարկած էր :

Վարդանոյշ եւս երջանիկ էր Սիսակին հետ .  
մեր երիտասարդն թէեւ ամեն ջանք կ'ընէր իր-  
բեւ զՆերսէս հաւատարիմ ամուսին լինելու ,  
այլ մերթ ընդ մերթ չեղելով անձին գծած ա-

աաքինութեան խիստ ընթացքէն՝ խիզճ ընելու  
առիթներ կ'ունենար :

Ստոյգ է որ անընդհատ յարաբերութիւններ  
ունենալէ կ'զգուչանար , բայց արանց շնորհուած  
թոյլտուութիւններէն զեղծանելով՝ իւր քմահաճ  
բնութեան նոր սնունդներ կը հայթհայթէր :

Սակայն իւր ի պատիւ խոստովանելու ենք որ  
լաւ աշխատաւոր մ'եղաւ որով կարողացաւ մէկ  
տարուան միջոցի մէջ 300 սակոյ պարտքը հա-  
տուցանել Ներսէսին :

Տիկին Արգարեան իւր սեւ զգեստուց շնոր-  
հիւ ջանաց վշտահար ձեւ մ'առնուլ  
վերստին զՍիսակ երբ առիթն զնա առ լոգ-  
բերէր . բայց Վարդանուշի ամուսինը քաջու-  
թիւն ունեցաւ հետու կենալու այդ կնոջմէն :

Տարի մի բոլորած էր ամուսնութեան օրէն  
ի վեր Ներսէսի , և եթէ մեր երիտասարդ փե-  
սին ամեն ինչ կը յաջողէր ոչ միայն բարոյական  
այլ և նիւթական կենաց մասին , նոյնպէս չ'էր  
Պ. Արգարեանի նկատմամբ :

Տիկին Արգարեանի շայլութիւնքը բուս-  
կան մեծ հարուած տուած էին ամուսնոյն հա-  
րըտութեան : Եթէ սա համարձակէր մերթ ընդ  
մերթ գիտողութիւն ընել կնոջն՝ շտիպողանցու-  
թեամբ մտած գրամոց մասին , կրնն անմիջա-  
պէս կատարի ձեւ մ'առնելով կը սրատասխանէր  
որ եթէ հասակաւոր մարդու մի հետ ամուսնա-  
նալու յանձնառու եղած էր՝ գոնէ ճոխութեամբ  
ապրելու փոխարինութիւնն ունենալու էր :

Մարդը կը լռէր հասաչելով և կը ջանար նոր  
միջոցներ գտնել կնոջը սրահանջմանց հասնելու

համար : Հետեւապէս իւր սովորական զգուշաւորութիւնը մէկ կողմ թողլով յանդուգն ձեռնարկներ ըրաւ , յառաջացաւ եւս քան զիս , այնպէս որ Փարիզու սեղանաւորաց աղետալի կորստեան առթիւ ինքն եւս եղաւ այդ անթիւ պահերուն մին , և մէկ աւուր մէջ կարոյս հարըստութիւնը , հարկադրուելով բոլոր իւր գոյքերն վաճառել կրած մնասնները գոցելու համար :

Ներսէս փութաց յօգնութիւն իւր հօր յայտնելով նմա թէ արամադրութեանը ներքեւ կը գնէր բոլոր իւր ունեցածն :

Արաքսիա ոչ միայն սրտովն կը ցաւէր աներօջը կրած անդարմանելի կորստեան վրայ , այլ հ'ողբար անկեղծապէս իւր ռոսխին վրայ՝ այսինքն Տիկին Արգարեանի , մտածելով թէ խիստ անտանելի վիճակ մ'էր մեծամիտ կնոջ մի համար ընկերական սանդուղէն վար գլորիլ :

Տիկին Արգարեան , որ վարժ էր խնկարկու և շողորորթ անձանց բանակ մի տեսնելու շուրջնու ամեն պատիւ և մեծարանք ընդունելու՝ ցորչափ հարուստ էր և ճօխ կեանք կը վարէր , տեսաւ յանկարծ այդ բանակին անյայտ լինելն իբր մոգական իմն զօրութեամբ :

Կանայք առ երեսս չէին դադրեր ներբողելէ նորս վարքը , մինչ ներքնապէս շատերը կը հառաչէին մինչեւ նոյն ժամանակ Տիկին Արգարեանի վարած կենաց և անոր ստացած պատիւներուն վրայ :

Արք բարձրագոյ հոշակեցին թէ նա շտայլութեամբը պատճառ եղած էր ամուսնոյն դժբախտութեան , և ամեն այր օգուտ բաղնց այդ

աթէն իւր կնոջ խնայողութեան և տնտեսագիտութեան դաս մի տալու համար :

Իսկ երիտասարդք որք պաշտողի դեր խաղացած էին՝ արհամարհանօք կը խօսէին անոր թեթեւ բարուց վրայօք և ոմանք կը պարծենային նաեւ անտեղի շնորհքներ գայելած լինելուն վրայ : Քանի մի խղճմտաւոր և պատասաւոր անձինք միայն ոչք իրօք յառաջացած էին Տիգնոջ մտերմութեան մէջ լուռ կեցան . և եթէ զինքը չ'պաշտպանեցին՝ զէթ լռելու բաջութիւնն ունեցան մեղադրանաց այդ ընդհանուր քասօին մէջ :

Տիգին Արգարեանի գոռողութիւնը թէ և սաստկապէս հարուածեցաւ , այսու հանդերձ ոչինչ յայանեց , և այդ պարսաւանաց աշխարհին մէջ մնաց միշտ սէգ և գոռոյ :

Պ. Արգարեան իւր ունեցած ձախորդութեանէն քանի մ'ամիս վերջը յանկարծամահ կը լինէր պարտքեր թողլով :

Ներքեւ ներկայանալով իւր մօրուին խնացուց անոր որ թէ՛ իրեն և թէ՛ կնոջը պարտքն էր ամենայն կերպիւ նպաստել հօրն այրւոյն և անոր զաւկին . ուստի խնդրեց այրի տիկնոջմէն որ յայանէ իրեն թէ ի՞նչ եղանակաւ պէտք էին վարուիլ իրենց նկատմամբ :

Պ. Արգարեանի այրին պատասխանեց թէ քանի որ իրենք յօժարամիտ էին օգնելու իւր դստեր՝ իրենց կը թողուր բոլորովին անոր հոգատարութիւնը , իւր ձախորդութիւնն յառաջ բերելով :

— Այսինքն , Տիգին , ըսաւ Ներքեւ , կատար ինձ հօր մի կատարեալ իրաւունքը քրոջս վրայ , մինչեւ վերջը :

— Կատարելապէս, բանի որ կը կամիք, և յօդուազակիս, ըսաւ կեղծաւոր եղանակաւ մի :

— Չայդ կ'ընդունիմ, զի վստահ եմ որ կինս մօր մի խնամք սխալի մատակարարէ նմա, ըսաւ Ներսէս :

— Ես եւս գիտնալով զայդ աղջիկս ձեզ կը թողում, ըսաւ կեղծաւոր հրէշ մայրը :

— Բայց ձեզի համար ի՞նչ կրնանք ընել, հարգուց երկտասարդն, եղանակաւ մի որ կը յայտնէր թէ կ'ուզէր անյիշաշար լինել հօրն այբույն համար :

— Ես, պատասխանեց, դոռող կինն, ոչինչ կրնամ ընդունիլ ձեզմէ երբ մտածեմ թէ ձեր կինն իմ բոլս վարժուհի էր :

— Եւ սակայն խորհեցէք միանգամայն թէ այն անձն որ չ'ամաչեց աշխատելու՝ գնահատուելու ինձմէ. հասաւ մինչեւ ձեր երբեմն վայելած ընկերային բարձրութեան աստիճանին, կը տեսնէք որբեմն թէ աշխատիլը կ'ազնուացընէ : Տիկինս, ըսւ համոզուեցէք այդ բանին վրայ :

— Եթէ աշխատութիւնը կ'ազնուացնէ ըստ ձեզ, զեղեցիկութիւնը թագաւորել կուտայ, և ես կ'ուզեմ թագաւորել :

— Սատարբերութեամբ, Տիկինն, որ աշխատութիւնը կը բարձրացնէ մինչեւ ցլերջ կենաց, մինչդեռ ձերխնին նման գահակալութիւնը նուաաստ և անթալից անկեամբ կը վերջանայ :

առթէն իւր կնոջ խնայողութեան և տնտեսագիտութեան դաս մի տալու համար :

Իսկ երիտասարդք որք պաշտօղի դեր խաղացած էին՝ արհամարհանօք կը խօսէին անոր թեթեւ բարուց վրայօք և ոմանք կը պարծենային նաեւ անտեղի շնորհքներ վայելած լինելուն վրայ : Քանի մի խղճմտաւոր և սրտաւառ անձինք միայն ուք իրօք յառաջացած էին Տիգնոջ մանրմութեան մէջ լուռ կեցան . և եթէ զինքը չ'պաշտպանեցին՝ զէթ լռելու քաջութիւնն ունեցան մեղադրանաց այդ ընդհանուր քառսին մէջ :

Տիկին Արգարեանի գոռողութիւնը թէ և սաստկապէս հարուածեցաւ , այսու հանդերձ ոչինչ յայտնեց , և այդ պարսաւանաց աշխարհին մէջ մնաց միշտ սէգ և գոռոզ :

Պ. Արգարեան իւր ունեցած ձախորդութենէն քանի մ'ամիս վերջը յանկարծ ամառ կը լինէր սրտաքեր թողալ :

Երբէս ներկայանալով իւր մօրուն իմացուց անոր որ թէ՛ իրեն և թէ՛ կնոջը պարտքն էր ամենայն կերպիւ նպաստել հօրն այրւոյն և անոր զաւկին . ուստի խնդրեց այրի տիկնոջմէն որ յայտնէ իրեն թէ ի՞նչ եղանակաւ սէտք էին վարուիլ իրենց նկատմամբ :

Պ. Արգարեանի այրին պատասխանեց թէ քանի որ իրենք յօժարամիտ էին օգնելու իւր դստեր՝ իրենց կը թողուր բոլորովին անոր հոգատարութիւնը , իւր ձախորդութիւնն յառաջ բերելով :

— Այսինքն , Տիկին , ըսաւ Ներսէս , կատար ինձ հօր մի կատարեալ իրաւունքը քրոջս վրայ , մինչեւ վերջը :

— Կատարելապէս, բանի որ կը կամիք, և յօդու ազակիս, ըսաւ կեղծաւոր եղանակաւ մի:

— Զայդ կ'ընդունիմ, զի վստահ եմ որ կինս մօր մի խնամք սխտի մատակարարէ նմա, ըսաւ Ներսէս:

— Ես եւս գիտնալով զայդ աղբիկս ձեզ կը թողում, ըսաւ կեղծաւոր հրէշ մայրը:

— Բայց ձեզի համար ի՞նչ կրնանք ընել, հարստաց երկտասարդն, եղանակաւ մի որ կը յայտնէր թէ կ'ուզէր անյիշաշար վինել հօրն այբւոյն համար:

— Ես, սրտասոխանեց, գոռոզ կրնն, ոչինչ կրնամ ընդունիլ ձեզմէ երբ մտածեմ թէ ձեր կրնն իմ բոլս վարժուհի էր:

— Եւ սակայն խորհեցէք միանգամայն թէ այն անձն որ չ'ամաչեց աշխատելու՝ գնահատուելու ինձմէ. հասաւ մինչեւ ձեր երբեմն վայելած ընկերային բարձրութեան աստիճանին: Կը տեսնէք արեւմտ թէ աշխատիլը կ'ազնուացընէ: Տիկի՛ն, լաւ համոզուեցէք այդ բանին վրայ:

— Եթէ աշխատութիւնը կ'ազնուացնէ ըստ ձեզ, զեղեցիկութիւնը թագաւորել կուտայ, և ես կ'ուզեմ թագաւորել:

— Սա տարբերութեամբ, Տիկի՛ն, որ աշխատութիւնը կը բարձրացնէ մինչեւ ցվերջ կենաց, մինչդեռ ձեր իննին նման գահակալութիւնը նուաաստ և ամօթալից անկրամբ կը վերջանայ:

can be shown to have  
the effect of being  
the same as







18578  
18579  
18580

« Ազգային գրադարան



NL0375254

« Ազգային գրադարան



NL0375253

« Ազգային գրադարան



NL0375252

